


741

B. 10. B












Digitized by the Internet Archive
in 2017 with funding from
Getty Research Institute





HELIOTROPIVM

ſeu

CONFORMATIO

humanæ voluntatis cum
divina;

*Libris quinque explicata
coram*

Ser.^{mo} vtriuſq; Bavarix Duce
S. R. I. Archidapifero,
Electore:

MAXIMILIANO

et Ser.^{ma} coniuge

ELIZABETHA:

Eiſdem Ser.^{mis} Principib;
inſcripta & dedicata,

AB

HIEREMIA DREXELIO
è Societate Ieſu.



COLONIX AGRIPP.
*Sumptibus Cornelii ab
Egmond et Sociorum.*
M DC XXX.



THE NEW YORK

LIBRARY

OF THE

ALBANY

ACADEMY

OF THE

LIBRARY

OF THE

LIBRARY

OF THE

LIBRARY

SERENISSIMIS
PRINCIPIBUS,
MAXIMILIANO,
S. R. I. Archidapifero,
Electori;

Et Serenissima ejus conjugi,

ELISABETHÆ,
Comitibus Palatinis Rheni,
Bojorum Ducibus;

Dominis meis Clementissimis.

MIrè variant, Ser.^{mi} Principes, humani affectus in virtutum studio. Sunt qui uni se dedant *Patientiæ*, virtuti ad omnia necessariæ. Bene, & sapienter. Alii *Obedientiam* in solium evehunt, eique plurimum juris esse dicunt, in omnem virtutis committatum. Non male & isti. Sunt qui sanctioris vitæ fundamentum vocent *Demissionem animi*. Et hi quoque bene. Multi principem virtutem salutant *Iustitiam*. Erudite. Alii reginam in omnes virtutes faciunt *Charitatem*: Quid

EPISTOLA

ni optime? Iam vero qua via virtutum illarum singulae sint adeunda, sensus iterum diversi, & paene innumeræ præceptiones. Mihi Demetrius philosophus, vir illo ævo magnus, etiamsi maximis compareretur, præclarissime dixisse visus est: *Plus prodesse, si pauca præcepta teneas, sed illa in promptu tibi, & in usu sint, quam si multa quidem didiceris, sed illa non habeas ad manum.* Ita prorsus est: ecquid opus multis præceptionibus, ubi una sufficit? si subilire in cœlum liceat ex angulo, quid opus tot gradibus?

Seneca
l. 7. de
bene-
fic. c. 1.

Hæc mihi causa fuit, Ser.^{mi} Duces, quare jam aliquot annis, Serenitatum vestrarum attentissimis ad sacra hæc auribus, nihil æque quam unum illud commendari, **VELLE QVOD VVLT DEVS.** Sciebam equidem à nemine hoc melius capi, quam ab iis qui jam pridem id fuissent experti.

Sed

AD PRINCIPES.

Sed quia non eadem omnium auditorum mens est, nec æque capax; videbatur è re fore, si dicta scriptis firmarentur. Hoc agit libellus iste, qui vel idèò etiam ad Serenitates Vestras properat, ut quod auditores ceteri non potuerunt nisi solum nosse & intelligere è meis verbis, insuper discerent & facere, è tantorum Principum exemplis, atque ita quæ verba erant, fierent facta.

Hoc spectat humanæ voluntatis ad divinam *Conformatio*, quæ suaviter docet, præstare se semper in utrumque facilem; omnia & velle cum volente Deo, & cum nolente nolle. In hoc uno præcepto, divini atque humani juris peritia omnis consistit. Hæc regula, vitæ opera distribuenda sunt: ad hanc legem & agat cuncta, & exigat, qui non perfunctoriam pietatem amat. Vbi hæc sanctissima humanæ divinæque voluntatis mixtura est, illic individuus

EPISTOLA

ille comitatus est omnium virtutum. Plato non uno loco felicitatem definit, *Dei Assimilationem*. Verba ipsa Platonis, auro digna, viliore hoc liquore scribantur: *Mortalem hanc naturam, & hunc inferum locum, malum circumstat necessario & adhæret. Ideo conandum quam celerrime hinc illuc fugere: fuga autem DEI ASSIMILATIO, quatenus potest. Quis autem Deo magis assimilatur, quam qui suam voluntatem in omnibus subjicit divinæ, jamque nihil minus vult quam quod maxime se velle sentit, in id unum intentissimus, ad divinæ voluntatis perpendiculum omnia facere. Quisquis hoc unum didicit, scientiam utilem ac necessariam omnem consuminavit. Hæc scientia instruit, quemadmodum se quisque, & in dubiis, & in adversis, & in lætis sapienter gerat: ut dubia prudenter, adversa fortiter, læta modera-*

*Plato
in Phi-
loto, &
alibi.*

te tractet. Cui cum voluntate Dei bene convenit, is fortuita omnia contemnit, supra omnem metum se attollit, animum virtuti consecrat: & quocunque vocat illa, planum putat; in solido ac sereno stat semper; quoties vult, cælo interest; nec unquam esse potest tam miser, quin suavissime in sinu Dei respiret. Et quemadmodum artifices, si ex alicujus rei subtilioris intentione oculos defatigent, in publicum prodeunt, & fessam aciem libera luce & aura delectant: sic animus in hoc tristi domicilio corporis clausus, quoties vult, apertum petit, & in divinæ voluntatis contemplatione requiescit, cum religiosissima voluptate. Hæc voluptas æqualis est, intrepida, nunquam sensura sui tædium. Hic solida securitas, inconcussa fiducia. Ad humani boni summam pervenit, qui totus in divinam voluntatem transiit.

Atque hoc unicum sapientiæ

Plin.
l. II.
hist. c.
45.
med.

præceptum traditur, his quinque
libris, quos ad vestra, Ser.^{mi} Prin-
cipes, genua velut ad Clementiæ
aram depono. Commisi ante-
hac serenissimis manibus, de Æ-
TERNITATE Consideratio-
nes. His addenda omnino fuit,
Humanarum actionum Amuf-
fis, RECTA INTENTIO.
Hanc ordine sequi debuit, Hu-
manæ voluntatis cum divina
CONFORMATIO. Huma-
næ vitæ terminus, est *Æternitas*.
Ad hunc terminum *Recta Intentio*
ducit At vero *Rectæ Intentionis*
exactissimum exemplar est, *Velle*
quod vult Deus, idque in re-
bus omnibus. Ita suo velut gene-
ris, suæ nectendæ erant species. Et
has scriptiunculas à verbis, fateor,
rudes & impolitas, sed à re, quam
velut digito monstrant, æstiman-
das, Vestris Serenitatibus omni
jure & nomine, libens meritissi-
mo consecro. Nam pæne hoc u-
num mihi superest, *Velle non in-*

AD PRINCIPES.

gratum mori. Hoc volo, & tota mente volo, beneficiis quotidianis provocatus. Ceterum tantæ in omnem nostrum Ordinem beneficentiæ hic panegyri ordiri, finis epistolæ recusat. Res in aperto est; Nostrum tot locis vivere, beneficiis vestris deberi, ô magni Principes, quibus nunquam est dandorum beneficiorum inopia, datorum pœnitentia; qui hanc unam videmini potentiam fortiti, P R O D E S S E.

Inter cetera beneficia recte numeravero, si Serenitates Vestræ dignentur & huic libello, serenissimi sui nominis radios non subtrahere. Serenitatibus Vestris Societatem nostram universam, meque una submississime commendo. Monachii, die Virginis Matris ab Angelo salutatæ. Anno à Virginis partu. 1627.

Serenitatum V V. infimus cliens,

Hieremias Drexelius, è Societate I E S V.

L E-

LECTORI.

EN tibi, mi optime Lector, virtutum (audacter dico) omnium fundamentum solidissimum. Heliotropium placuit appellare, nomine huic rei, arbitror, convenientissimo, & maxime proprio. Heliotropium pharmacopoliis notissima herba, ad omnem solis motum tam stricta religione caput suum circumfert, ut solem etiam nubibus obtectum nunquam non aspiciat; inde sponfam Solis nominarunt. Voluntas humana, si errare nolit, ad omne momentum, & ad universos nutus divina voluntatis ita se libret, uti se ad suum Solem Heliotropium. Et hac illa inexpugnabilis est sapientia; Hoc firmum, & in omnia adversa impenetrabile scutum, **VELLE QVOD VVLT DEVS.** Hanc doctrinam de hominis voluntate ad divinam conformanda, epitomen omnium sacrorum voluminum esse reor, & omnis sanctimoniam compendium. Quisquis didicit divinæ voluntati suam subjungere, jam tota callet Biblia.

Sed hoc mature monuerim: in re tam seria, oculis non inhaerendum. Conformitas humanæ voluntatis cum divina: Resignatio suimet in divinum beneplacitum: Unio voluntatum humanæ ac divinæ &c. re prorsus eadem, solo differunt nomine. Veniam da, Lector, & aude non indignari vocibus parum latinis: Animus est, cum multis hîc loqui, & divinæ voluntatis arcanum eruere in lucem, non tegere verborum

AD LECTOREM.

rum involucris: hac in remedium animi, non in exercitationem ingenii scripta sunt. Plura quidem è meis in tuas manus pervenisse credam. Præcesserunt

ÆTERNITATIS Considerationes.

ZODIACVS Christianus, seu, signa **X I I**
Prædestinationis.

HOROLOGIVM Tutelar*is Angeli.*

NICETAS, seu, *Triumphata Incontinentia.*

TRISMEGISTVS, de *Conscientia, Calitum,*
Corporis cultu.

RECTA INTENTIO, *omnium actionum*
Amusis. Sequitur jam

HELIOTROPIVM, seu, **CONFORMATIO**
humanae voluntatis ad divinam.

Hoc ultimum, priorum omnium, sed & virtutum universarum Summam & Compendium putem. Hoc autem is optime capiet, qui & priora jam viderit. RECTA INTENTIO ducit ad Deum; humanae voluntatis ad divinam CONFORMATIO (liceat dicere) introducit in cor Dei. Et vide, mi Lector, quam brevis ad beatam aeternitatem, & quam expedita te ducat via! His unis verbulis tota describitur: VELLE QVOD VVLT DEVS. Hoc totum iter est è terra in calum. Labet hinc eo ascendere? hac via pervenitur. Aliis viis ire poteris, nunquam pervenire. Et quæso te, ne tibi hac videantur æquo prolixius dicta. Hic fundamentum jacitur ad omnem virtutem: hic aditus obstruitur omnibus vitiis. Examina quæ legis, & caput sapientia in istis habebis.

Hoc

AD LECTOREM.

Hoc jam unum amice te monuerim, mi Lector, cum tibi agre est, nec multa lubet legere, id saltem a te impetres velim; Libri primi caput primum, & libri quinti seu ultimi caput ultimum inspice, dictorumque capitulum vel unam solummodo partem die uro perlege, & morbo tuo (pane polliceri ausim) melius erit. Omnia quæ ceteris videntur mala, & mansuescent tibi, & in bonum abibunt, si didiceris super illa eminere, divina voluntatis amplexu. Ita, mi Lector, Deum audi, audiendus.



Imaginis sequentis brevis explicatio.

AD divinam voluntatem nemo se bene conformabit, nisi eam prius bene cognoverit. Divina voluntatis cognitionem sic representamus. Saulus à Christo in terram dejectus, jamque divina voluntatis cognoscenda avidus: Domine, ait, quid me vis facere? At Christus illum ad Ananiam mittit, qui divinam ei voluntatem explicaturus sit. Ita nimirum Deus agere solet: sua voluntatis arcana homines docet, sed per homines.

Hic insuper geminum tam humana quam divina Voluntatis symbolum statuimus. 1. Cor aurea corona redimitum, lilio & gladio cinctum, **DEI VOLUNTATEM** significat, quæ & præmio & supplicio suos coercet. At Cor alterum alis instructum, & rosis coronatum, **HUMANÆ VOLUNTATIS** signum est. Ala, pia desideria; Rosa, desiderantis inconstantiam notant. 2. Sol, alterum symbolum est **DIVINÆ VOLUNTATIS**: Heliotropium vero, **HUMANÆ**, quæ quidem antequam divinam voluntatem probe cognoscat, veluti flos est nondum plene apertus, brevi tamen tota facie suum solem recepturus. Hoc unum jam restat, ut cum Dei voluntas humanam invitavit, illudque suavissimum, **VENI**, pronunciarit; mox hominis voluntas invitanti respondeat: **ECCE VENIO**. Domine quid me vis facere? Ad omnes nutus tuos vigilo.

AGNITIO DIVINÆ VOLVNTATIS



Domine, quid me vis facere? *Act. 8. V. 6.*

LIBER PRIMVS
DE
DIVINÆ
VOLUNTATIS
COGNITIONE.

CAPVT I.

*Hypotyposis omnium quinque librorum;
duplex etiam fundamentum ponitur, &
omnes omnino pœnas à Dei voluntate
provenire ostenditur.*

REx Macedo Alexander, cum Da- Cura
rius? l. 3
rium bello peteret, æstu & itineris c. 10.
fervore percalefactus, Cydno am- Arria-
nus l. 2
ni corpus suum immerfit, sed hebeta- Iust. l.
II.
tis subito torpore artubus, expiranti si- Valer.
l. 3. c. 8
milis in tabernaculum delatus est. Huc
amicis pariter & medicis admissis, me-
lias sibi fore Rex ajebat, mori strenue,
quam tarde convalescere: proinde si Seneca
l. 2. de
quid opis aut artis esset, scirent se non Ira, c.
tam mortis quam belli remedium quæ- 23.
rere. Itaque medici attentissimo confi-
lio salutis remedia circumspiciebant,
qui cum ad unam potionem sententiam
dixissent, Philippus medicus, Regi
puero fidus admodum comes & custos
salutis datus, non præceps sed strenuum
remedium afferre, potionemque illam
suis manibus temperaturum, & ea vim
morbi levaturum esse promisit. Inter
hæc à Parmenione fidissimo purpurato-
rum,

rum literæ supervenerunt, quibus Rex monebatur ne salutem suam Philippo committeret, mille talentis à Dario esse corruptum. Ingentē animo sollicitudinem literæ incusserant regi, & quicquid in utramque partem, aut metus aut spes subjecerat, secreta æstimatione pensabat. Bibere perseveraret? vitæ periculum terrebat. Damnaret fidem medici? antea actæ vitæ fidelitas dissuadebat. Diu animo in diversa versato, nulli quid scriptum esset enunciavit, epistolamque sigillo annuli sui impressam, pulvino, cui incumberebat, subjecit. Inter has cogitationes biduo absumpto, illuxit à medico destinatus dies. Et ille cum poculo, in quo medicamentum diluerat, intravit. Quo viso, Alexander, levato corpore in cubitum, epistolam à Parmenione missam sinistra manu tenens, accepit dextra poculum, & hausit interritus: tum epistolam Philip-pum legere jubet, nec à vultu legentis movit oculos, ratus aliquas conscientiaæ notas in ipso ore posse deprehendere. Ille epistola perlecta, plus indignationis quam pavoris ostendit, projectisque amiculo & literis ante lectum: Rex, inquit, semper quidem meus ex te spiritus pependit, sed nunc vero (arbitror) sacro & venerabili ore trahitur. Crimen quod mihi objectum est, tua salus diluet. Laxa paullisper animum, quem sollicitudine intempestiva

ami-

amici sane fideles, sed moleste seduli turbant. Non securum modo hæc vox, sed etiam lætum Regem ac plenum bonæ spei fecit. Itaque si tibi permissum esset Philippe, inquit, quo maxime modo animum velles experiri meum, alio profecto voluisses: sed certiolem quam expertus es, ne optasses quidem. Hæc epistola accepta, tamen quod dilueras bibi. Hæc locutus, dextram obtulit Philippo. Ut vero medicamentum se diffudit in venas, & sensim toto corpore salubritas percipi potuit, primo animus vigorem suum, deinde corpus quoque expectatione maturius recuperavit: quippe Rex post tertium diem, jam sospes in conspectum militum se dedit.

Hic mihi, Lector, quinque observabis sedulo.

Primum: Rex Alexander ante omnia nosse voluit quo pharmaci genere juvari posset. Deinde Philippi medici in se fidem non indiligenter expendit, & quem is animum erga se gereret, è vultu didicit.

Alterum: Vbi Alexander perspexit Philippum medicum tam intemerata fide pro salute sua sollicitum esse, omni suspitione posita, medicamentum Philippi manibus temperatum, sine ulla cunctatione intrepidus hausit.

Tertium: Pro tam constanti erga Philippum medicum iudicio, dignissimam

4 DE CONF. VOLUNT.

nam mercedem, integram valetudinem intra triduum recepit. Ideo Philippum servatorem suum una secum perduxit ad stativa militum, ubi pro se quisque dextram medici amplexus, grates habebat velut præsentì Deo.

Al. t. aris, ait Seneca. Quartum: Quo minus Rex revalesceret, ingens sese impedimentum objecit, nec unum duntaxat: Literæ fidissimi Parmenionis suspicionem veneni pluribus indiciis ingerebant, & amicorum sedula quidem sed vitiosa sollicitudo plurimum turbabat.

Quintum: Hoc unice Regem Alexandrum juvit, quod sui medici cum solertem ac eruditam providentiam, tum sanctam & incorruptam in se fidem agnoscere non recusavit, & inde maximam conceperit fiduciam valetudinis recuperandæ, quam etiam recuperavit felicissime.

En, mi Lector, totius scriptionis & quinque librorum qui sequuntur, hypotyposin ac summam. Nimirum hoc ordine progrediemur, quo Macedonum regem consanatum diximus. Itaque humanam voluntatem in divina constituendam esse, hac via & connexionem trademus.

Primum erit: Ostendere, qua ratione voluntas divina sit cognoscenda. Omnium vox & sensus est: Te mihi prius velim notum, quam me tibi credam amicum. Aleander ante audit, quid Philippus

lippus medicus velit ac jubeat, quam ipse medicamentū sumat. Primum ergo est, divinam voluntatem nosse.

Proximum ab hoc : Cum divina voluntate suam conformare. Cur enim illam scrutari aut nosse volo, si amplecti, si sequi non volo ? Non cunctatus est Alexander, quin idem, quod medicus, vellet, traheretque in se ore suo (quod Philippus dicebat) spiritum sui medici.

Tertium est : Proponere, quantæ felicitatis sit, divinam voluntatem non solum habere notam, sed suam illi agglutinatam. Non oderat Alexander pharmacum, quia vitam & valetudinem amabat. Certe omnis amaror pharmaci, spe valetudinis dulcescit. Amaritudinis subinde aliquid habere videtur voluntas divina, sed illud spe summi boni superandum est.

Quartum erit : Impedimenta omnia, quæ hanc humanæ voluntatis cum divina consensionē turbant, amovere ; voluntatem propriam jugulare, ut amplecti liceat divinam. Rex Alexander amicissimis etiam non credidit, ne fidem negare cogeretur ei qui accusabatur ut inimicus.

Quinto denique loco: Adiumenta illa explicabimus, quæ ad divinæ humanæque voluntatis concordiam potissimum valent. Ea sunt, divinæ Providentiæ cognitio, & inde concepta in Deum Fiducia. Periisset Alexander, nisi medici

doctam sinceramque providentiam agnoscere, eique fidere voluisset.

Hæc sunt, & in hunc ordinem digesta, quæ his quinque libris sumpsimus exponenda, ut humanæ voluntatis cum divina nexus & certior sit, & firmior. Nunc ad rem.

I. Omnis doctrinæ, quam Christus tot divinissimis concionibus tradidit, caput hoc fuit, divinæ voluntati seipsum integre perfecteque in rebus omnibus ac singulis conformare. Hoc Servator qua verbis qua factis amplissime docuit, & 2. *Theff.* nobis semetipsum formā dedit ad imi-
a. 3. v. tandū. Ad hanc Domini doctrinā expli-
9. catius proponendam, duplex cum Theologis ponimus fundamentum.

Primum: Omnem omnino profectus nostri rationem in hac humanæ divinæque voluntatis conformatione & concordia consistere, ita ut quo ista fuerit sincerior, hoc ille futurus sit uberior. Omnem Christiani hominis perfectionem in *Charitate* sitam esse jam liquet. Volumina divina testimoniis in hanc rem plena sunt: Diliges Dominum Deū
Math. c. 22. tuum ex toto corde tuo &c. Hoc est
v. 37. maximum & primum mandatum. Nunc
1. *Cor.* autem manent fides, spes, charitas. ma-
13. v. jor autem horum est charitas. Super
13. omnia autem hæc, charitatem habete,
1. *Tim.* quod est vinculū perfectionis. Finis au-
c. 1. v. tem præcepti est charitas. Charitatis au-
5. tem actus longe nobilissimus, & assidue
instau-

instaurāduſ, eſt hæc ipſa cū Dei voluntate conformitas in omnibus. Eadem velle, & eadem nolle, firma eſt amicitia; vox eſt beati Hieronymi, & omnium ſapientum.

Alterum fundamentum: Nihil prorſus in Orbe fieri (peccato ſolum ſecluſo) ſine Dei voluntate. Fortunæ ſeu ridentis ſeu ſævientis imperium nullum eſt. Hæc idolatrarum ſomnia ſunt, quæ humanæ vitæ viciffitudines à nescio qua dea diſpenſari fingeant. Auguſtinus irridens: Quomodo ergo, inquit, dea Fortuna aliquando bona eſt, aliquando mala? an forte quando mala eſt, dea non eſt, ſed in malignum dæmonem convertitur? Chriſtiana ſapientia fortunam omnem exhibilat. *Bona & mala, vita & mors, paupertas & honeſtas à Deo ſunt.* Sed hoc ipſū in divinis paginis teſtatiffimū, paullo apertius declarandum.

Aug. l.
4. de
Civ. c.
18.

II. Omnia mundi mala (peccatum excipimus) à Deo eſſe, hæc ratione docent Theologi. In omni peccato duo ſunt: *Culpa & pœna*. Deus eſt auctor pœnæ quæ in peccato eſt, ſed neutiquam culpæ. Ideo ſi demamus culpam, nullum eſt malum pœnæ, quod non fiat à Deo, aut ipſi non placeat. Sicut autem mala peccati, ſeu pœnæ, ſic & mala naturæ oriuntur à divina voluntate. Naturæ mala vocamus, famem, ſitim, morbos, dolores & c. quæ ſæpiſſime nihil habent cum peccato commercii. Itaque Deus reipſa,

8 DE CONF. VOLUNT.

*Inten- (& , ut in scholis loquuntur , effective
tione
saltem
secun- positive) omnia pœnæ naturæque mala
daria. vult, ob justissimas causas, solum pecca-
tum , seu culpam permittit. Ideo hæc
Dei voluntas Permittens , illa Ordinans
vocatur. Id igitur omne quod nos malū
vocamus, à Dei voluntate est. Ita Theo-
logi. Hoc fundamentum altissime in a-
animo jaciendum , maximi enim refert,
probe istud capere , idque semper per-
suasissimum habere, pœnarum & malo-
rum omnium causam primam esse vo-
luntatem divinam, culpa tamen, ut mo-
nuimus, semper seclusa. Iacto hoc fun-
damento sic concludimus.*

*Præci-
pue A-
lexan-
der Pe-
santius
Rom. in
par. I.
Dro.
Thom.
q. 19.
art. 9.
dis. 1.
cœcl. 3.
Ga-
briel
Vas-
quez
tom. I.
in I. 2.
dis.
129. s.
9 n.
32.
mihi
pag.
690.
col. 2.
P. A-* Quandoquidem Dei nutu imperioque
fit, quicquid fit in Orbe, par est ut omnia
de manu Dei acceptemus , sanctissimæ
illius voluntati nostrā per omnia, & in
omnibus ira conformantes, ut nihil in-
certis eventibus, nihil casui, nihil fortu-
næ adscribamus. Hæc veterum monstra
sunt , inter Christianos minime toleran-
da. Neque fortunæ tantum aut casui nil
assignandum , sed nec negligentiae aut
industriæ humanæ, velut primariæ caus-
sæ. Vanæ sunt , & steriles hæ querelæ :
Hoc illudve ideo mihi evenit , quia hic
vel ille me odit, rem male direxit, fo co-
dius

*damus Tanner , quem honoris causa nomino Præceptorem
observandum , hic aliquid recte limitans : Malum solius
pœna , inquit , seu natura , vult Deus non per se , sed per
accidens , quatenus ei bonum aliquod coniungitur. tom.
I. Theolog. Scholast. disp. 2. quæst. 10. art. 1. assert. 10.*

dius egit; aliter certe eventurum fuisset, si mihi benevolus extitisset, negotium hoc cordi habuisset, operæ non pepercisset. Vana & stulta est hæc philosophia. Veræ, sapiens, & sancta est illa: Dominus fecit hæc omnia. Nam, quod jam monuimus, Bona & mala à Deo sunt.

III. Hic plurimi se ipsos fallunt ignorantia miserabili. Hoc enim sibi persuadent, ea tantum mala quæ à causis naturalibus proveniunt (cujusmodi sunt: Inundationes, terræ motus, agrorum sterilitas, terræ labes, annonæ caritas, injuriæ cæli, morborum incommoda, mortes) immitti à Deo, cum plerumque hic nullum interveniat peccatum: at vero mala illa, quæ à vitiis & malitia humana trahunt originē, (cujusmodi sunt: Calumniæ, fraudes, furta, vexationes, insidiæ, injuriæ, rapinæ, oppressiones, bella, cædes) non esse à Deo, nec ab ipsius providentia proficisci, sed ab hominum nequitia, & perversa voluntate illorum, qui hæc talia in alios moluntur. Hinc illæ voces superioribus annis passim jactatæ: Hæc annonæ caritas non est à Deo; ab avarissimis hominibus est, à Deo non est. Insanæ ac impiæ voces, homine Christiano prorsus indignæ, & sub orcum relegandæ.

Sed ut res sit dilucidissima, exemplo demonstratur id quod dicimus. Est qui alterum bonis omnibus evolutum cupi-

at : ut hoc nefarium consilium in opus prodeat, in ædes inimici clam subrepat, ignem subiicit, actutum ex ædibus se proripit : domo jam inflammata cum ceteris accurrit, velut incendium cum aliis extincturus, sed longe alius est illi animus. Nam si occasio faveat, non flammam compescit, sed prædam sibi facit, & in rem suam spolia subtrahit incendio. Omnes hæ cogitationes in se spectatæ, absque voluntatis perversitate, omnes hæ actiones in genere entis (ut scholæ loquuntur) consideratæ, auctore habent Deum; Deus hæc facit, uti quævis alia facit in rebus creatis rationis expertibus. Sicut enim istæ nec movere se possunt, nec operari sine Deo, ita nec incendiarius ille aut domum ingredi, aut eadem egredi, aut ignes spargere sine Deo potest. Neque vero mali sunt ex se hi actus, nam & cum virtute fieri possunt, at mala est voluntas, pessimum est consilium, quod improbus ille secutus est. Hujus auctor & causa Deus non est, quamvis consilium hoc iniri permiserit. Potuisset enim hoc impedire si voluisset. quandoquidem ergo Deus justo suo judicio impium illud consilium non impedit, permisit. Permissionis causas infra dabimus.

IV. Eadem prorsus ratio est in aliis quoque peccatis, quod etiam sub hac imagine magis elucescat. Est qui claudicat ex accepto vulnere: gressum hic quidem

dem molitur, sed ægrinus, nec tam decorare atque sanus incedit. Causa motus in pede est vis impellens naturalis, claudicationis autem causa est vulnus, non motrix animæ virtus. Simili plane modo, actionis illius, quam quis peccando exercet, causa est Deus; erroris autem & peccati in hoc actu causa est liberum arbitrium. Actioni adiumentum subministrat Deus, non aberrationi, non illi à lege & recta ratione secessioni.

Quamvis igitur Deus peccati auctor non sit, nec esse possit: (Mundi enim sunt *Abac.* oculi illius ne videat malum, & respicere *1. v.* ad iniquitatem non poterit. Diligit enim *13.* iustitiam & odit iniquitatem) nihilominus *Pf. 44.* exploratissimæ veritatis est, omne *v. 8.* malum poenæ, à causis secundis, seu rationalibus, seu rationis expertibus profectum, quocunque id modo ac ratione accidat, totum prodire à manu Dei, ejusque suavissima dispositione ac providentia. Deus est, mi bone homo, Deus est, qui dextram te percutientis rexit; Deus est qui linguam tibi detrahentis movit; Deus est qui vires te impie conculcanti dedit. Ipse Deus de se per Isaiam hoc fassus: Ego Dominus, inquit, & non *Is. c.* est alter: formans lucem & creans tenebras: *45. v.* faciens pacem & creans malum: *7.* ego Dominus faciens hæc omnia. Quam luculenter hoc ipsum confirmans vates Hebræus Amos: Si erit, inquit, malum *Amos.* in civitate, quod Dominus non fecerit *c. 3. v.* *6.*

12 DE CONF. VOLVNT.

Perinde si dixisset, nullum malum est quod non faciat Dominus, malum culpæ permittendo, pœnæ malum efficiendo & ordinando.

Ita Deus adulterium & cædem Davidis regis, per incesti Absalonis filii peccatum puniturus: Ecce ego, inquit, fuscitabo super te malum de domo tua, & tollam uxores tuas in oculis tuis, & dabo proximo tuo &c. Tu enim fecisti abscondite, ego autem faciam verbū istud in conspectu omnis Israel, & in conspectu solis. Præclarissime dixit Augustinus: Sic Deus per malos erudit bonos. Sic Iustitia divina Regibus impiis, & malis Principibus velut instrumentis utitur, tam ad exercendam proborum patientiam, quam ad flagellandam improborum petulantiam. Exempla hæc ab omni ævo obvia, ubi Deus per improbas aliorum cupidines bonam suam voluntatem exercet; per aliorum injustitiam exferit judicia sua iusta. Et velut pater virgas attripit & filium cædit, sed paullo post filio se conciliatum exhibet; virgis in ignem coniectis: ita Deus per Isaiam minatur, & Væ Assur, inquit, virga furoris mei & baculus ipse est, in manu eorum indignatio mea. Ad gentem fallacem mittam eum, & contra populum furoris mei mandabo illi, ut auferat spolia, & diripiat prædam, & ponat illum in conculcationē, quasi lutum platearum. Ipse autem non sic arbitrabitur, &

& cor ejus non ita existimabit : sed ad conterendum erit cor ejus , & ad inter-
 necionem gentium non paucarū. Quam
 clare Deus tantorum malorum auctore
 se fassus? In manu eorum, inquit, indig-
 natio mea , virga furoris mei est rex Af-
 syrius, ad puniēda Indæorum flagitia,
 ego illum misi , ut auferret spolia, deji-
 ceretque nimium insolentes & inflatos
 illorum animos, qui projecta fide, idola
 gentium vesano ritu venerati sunt : ipse
 autem rex Assyrius omnia alia cogitans,
 non sic arbitrabitur , nec ad castigandos
 veniet , sed ad mactandos & omni mo-
 do perdendos, nihilominus voluntati
 meæ deserviet: at ubi ego gentem meam
 per Assyrios castigaro , væ huic virgæ,
 væ Assyriis , quos velut instrumentum
 furoris mei excutiam in ignes. Idem
 prorsus in aliis ultionibus divinis est ob-
 servare.

Titus imperator Romanus cum Hie- *Iosiph.*
 rosolymorum urbem arctissima obsidio- *l. 6. de*
 necinxisset, muros circumire, & ipse om- *bello*
 nia lustrare oculis institit. Hic cum ple- *Iud. c.*
 nas cadaveribus valles vidisset, altamq; *14.*
 saniem tabefactis corporibus defluentē, *post*
 altum ingemuit , & elatis in cælum o- *med.*
 culis ac manibus Deum testabatur, factū
 illud suum non esse.

V. Objicias : Si res ita se habent , si
 malorum omnium origo est voluntas
 Dei, quid ergo reluctamur, quid morbis
 pharmaca opponimus, quid hosti arma-

14 DE CONF. VOLUNT.

tos cuneos objicimus, cur portas non
 illico pandimus, & intra mœnia recipi-
 mus nostrum exitium, cur non sanctis-
 simum præsulem Lupum imitamur, &
 illius vocibus mala nostra omnia, sicut
 ille Atrilam, salutamus? *Salve flagellum*
Rom. c. *Dei.* Decorum est, mi homo, non plus fa-
 12. v. pere quam oportet, sed sapere ad sobrie-
 3. tatem. Bellum, & omnes clades à Deo
 sunt, res jam liquida. At hinc mala est ista
 consecutio: Ergo hosti non resistendum,
 ergo morbis non occurrendum. Nam
 aliud est voluntas Signi, (cū Theologis
 loquor) aliud voluntas Beneplaciti. Atq;
 de illa voluntate Signi per leges nobis
 explicata, ut plurimum satis constat, at
 vero de hac Beneplaciti non item, neq;
 continuo scire licet, quousque se ista ex-
 tendat. De qua infra uberius. Nunc ex-
 emplo fit *Morbus*. Hic à quacunq; caus-
 sa ortus, divinæ voluntatis est, neque hac
 in re quidquam ambigendum. Cum au-
 tem ægrotus nesciat, quamdiu se velit
 Deus in morbo cubare, licite prorsus
 resistere potest, & recuperandæ sanita-
 ti, quicquid est legitimorum remediorū
 adhibere. Vbi vero tentarit omnia, & ni-
 hil profecerit, nec convaluerit, persua-
 sissimum sibi habeat, divinæ voluntatis
 esse, se gravius ac diuturniore in valetu-
 dine urgeri. Sic ergo ratiocinandum:
 Vult te Deus, mi æger, ægrotare; at quia
 nescis an etiam velit te nunquam sanari,
 ea de causâ licite uteris remediis: si au-
 tem

tem velit morbum perpetuari, subtrahet
 pharmacis efficaciam ne faneris. Idem de
 hostibus dicendum. Sæpe voluit Deus
 Israelis gentem impugnari, ne torpescer-
 et; quamdiu autem non constabat velle
 Deum illam etiam expugnari, tamdiu e-
 rat resistendum hosti, secus, si monuisset
 Deus, uti per Hieremiam vatem monuit,
 dederent sese in servos regi Nabuchodo-
 nosori. Pari ratione si ortum incendium
 quantiscunque laboribus restringi non
 possit, argumento id est, Deum voluisse
 non solum incendi domum, sed & com-
 buri, suis amicis vel experiendis, vel pu-
 niendis inimicis. Idem in aliis omnibus
 observandum.

*De his
 infra
 expli-
 catius.*

Deinde, quemadmodum fit nonnun-
 quam ut unus aliquis pater det filio lig-
 neum gladium, dicatque: Age puer, de-
 fende te contra me; videamus quid a-
 pud lanistam profeceris in athletica. Hic
 non filius patri, sed pugnator adversario
 resistit: ita prorsus cum quis incendium,
 cum hostem, cum morbum cupit extin-
 ctum, non divinæ voluntati pœnam ap-
 probanti, sed culpæ obstitit, quam odit
 Deus. Nam domus incensa est vel inju-
 ria, vel invidia, huic culpæ reniti, nemi-
 ni non permissum. Sic qui morbum co-
 natur depellere, non voluntati divinæ,
 sed humanæ noxæ se gerit adversarium,
 vix enim ullus est morbus, cui non occa-
 sionem præbuerit aliqua victus intem-
 perantia; quisquis jam in morbum pu-
 gnat,

gnat, non Deo, sed intēperantiæ, aut certe illius effectui repugnat. Sic qui armis resistit hosti, non divinæ voluntati adversatur, sed illi qui bellum intulit injustum. In his talibus se suaque defendere, minime vetitum, nisi aliunde constet displicituram Deo defensionem.

Greg. l. 2. mor. c. 24. initio. VI. Sed quid miri est divinam Providentiam Iustitiamque hominibus improbis velut instrumentis uti, quando & ipsi dæmones hoc munus obeunt? Fitq; mira dispensatione pietatis, inquit Gregorius, ut unde malignus hostis cor tentat ut interimat, inde misericors conditor hoc erudiat ut vivat. In fastis Regū hæc memorantur de Saule: Post diem autem alteram invasit spiritus Dei malus Saul. Et quomodo malus is fuit spiritus, si Dei? quomodo vero Dei esse potuit, si malus fuit? Hoc ipsum eadem Regum historia sic explicans: Exagitabat eum, inquit, spiritus nequam à Domino. Malus erat spiritus per desiderium perversæ suæ voluntatis, at Domini spiritus erat, quia missus à Domino ad torquendum Saulem. Hipponensis præsul Augustinus, hîc lucis plurimum allucet. nec pigebit illius verba ex integro admetiri, hæc sunt: Quid est, Recti corde? non resistentes Deo. Intendat charitas vestra, & intelligite rectum cor. breviter dico, sed tamen maxime commendandum. Inter rectum cor & pravum cor hoc interest. Quisquis homo quicquid

Aug. in Ps. 31. propius finem; sed de hoc plura inferi. 46.

quid patitur præter voluntatem, afflictiones, mærores, labores, humiliationes, non tribuit nisi voluntati Dei justæ (*bene hoc notetur*) non illi dans insipientiam, quod quasi nesciat quid agat, quia talē flagellat, & talibus parcit: ipse est rectus corde. Perversi autem corde sunt, & pravi, & distorti, qui omnia quæ patiuntur mala, inique se pati dicunt, dantes illi iniquitatem, per cujus voluntatem patiuntur: aut quia non ei audent dare iniquitatem, auferunt ei gubernationē: Quia ipse (inquit talis) non potest facere iniquum; iniquum autem est ut ego patiar, & ille non patiatur: concedo enim ut sim peccator, certe sunt peiores qui lætantur, & ego tribulor: quia ergo hoc iniquum est, ut etiam peiores me lætentur, & ergo tribuler, qui aut justus, aut minus peccator, quam illi, sum: & certū est apud me, hoc esse injustum, & certū est apud me, quia Deus non faciet injustum, Deus non gubernat res humanas, nec cura est illi de nobis. Ergo pravi corde, (inquit Augustinus) id est, distorti corde tres habent sententias: Aut non est Deus, dixit enim stultus in corde suo, non est Deus: Aut injustus Deus est, cui hæc placent, & qui hæc facit: Aut non gubernat Deus res humanas, nec cura est illi de omnibus. In istis tribus sententiis magna impietas. *Et pauculis interjectis*: Sic est ergo rectum cor, fratres: Cuicumque aliquid accidit, dicat: Dominus

minus dedit, Dominus abstulit. Ecce re-
 ctum cor : Sicut Domino placuit, ita fa-
 ctum est, sit nomen Domini benedictū.
 Et non dixit, Dominus dedit, diabolus
 abstulit. Intendat ergo charitas vestra,
 ne forte dicatis : Hæc mihi diabolus fe-
 cit (*hoc mihi damnum nebulo ille intulit*) pror-
 sus ad Deum tuum, refer flagellum tuū,
 quia nec diabolus tibi aliquid facit, nisi
 illi permittat, qui desuper habet potesta-
 tem, aut ad pœnam, aut ad disciplinam:
 ad pœnam impiis, ad disciplinam filiis.
 Flagellat autem omnem filium quem
 recipit. Ne te sine flagello speres futurū,
 nisi forte cogites exhæredari. Flagellat
 omnem filium quem recipit. Itane om-
 nem? Vbi te volebas abscondere? Om-
 nem: & nullus exceptus, nullus sine
 flagello erit. Quid? an omnem? Vis au-
 dire quem omnem? Etiam unicus Dei
 filius sine peccato, non tamen sine fla-
 gello. Institutio nobilissima & Augusti-
 no sane digna. Quia vero Augustini sen-
 su, nec diabolorum nec hominum ullus
 in alterum quidquam potest, nisi permit-
 tente Deo, ideo nunc breviter dicendum
 quænam permittat Deus, qua ratione,
 qua de causâ permittat.

CAPVT II.

*Quid, quomodo, quare hoc illudve permittat
Dei Voluntas.*

Miserrime hîc vulgus hominum hallucinari solet, cui Permissio divina, vix aliud est quam humana, quæ nihil agendo desidet otiosa, & agere volentes non impedit, etsi possit. Ex hoc uno errore mala gignuntur innumera. Hinc alteri in alteros ruimus, & velut omnis infortunii fabros, omnis mali auctores mutuo nosmet & verbis, & manibus, & dentibus laceramus, tanquam si Deus interim altercationes nostras otiosus spectet, & gravissimas injurias, cum possit impedire, permittat. Seminarium hoc est omnium perturbationum. Huic evertendo tria capita statuimus in omni Permissione divina considerata.

Primum est, Voluntas Permittendi : Alterum, causa Permissionis : Tertium, Voluntas Cooperatrix in re permissa. Ad hæc melius perspicienda, repetendum animo duo esse malorum genera. Primum eorum, quæ molestiam, dolorem, jacturam, infamiam inferunt, uti sunt paupertas, vincula, morbi, exilium, mors, quæ non tam dicenda sunt mala, quam medicamenta amariora, divina manu ad-mota. Alterum genus malorum est, quæ vero nomine vocantur mala, ut sunt pec-

C

cata.

cata. Priora illa vere vult Deus, aut ad poenam impiis, ut loquitur Augustinus, aut ad disciplinam filiis: posteriora hæc non velle dicendus est Deus, sed permittere. Cum enim omnia quæ vere existunt, vere velit Deus, cujus voluntate sunt omnia, & sine cujus voluntate nihil est, peccatum (quod improprie dicitur existere) velle non potest, sed permittere. Vti autem futura omnia perfectissime prævidet Deus, ita facillime quæcunque voluerit, impedire potest; cum autem innumera non impediatur, dicendum est, Deum justissima sua voluntate ab æterno voluisse adeoque decrevisse illa permittere. Deus utique non nolens, sed volens finit ut aliquid fiat. Homines quidē plurima permittunt, quæ aut impedire nequeunt, aut certe mallent non fieri. non ita supremus rerum arbiter. Est igitur in Deo, *Voluntas Permittendi*, quam in Permissione primum caput statueramus. Hic jam quæritur, cur voluerit Deus permittere peccata, sive, quæ in Deo fit causa hujus permissionis.

I. Nunquam certe Bonitas illa infinita tantam in Orbe malitiam permetteret, nisi majora inde bona eliceret, & reperta ad perniciem, verteret ad salutem. Permisit Deus fraternam invidiam in Iosephum innocentem sævire, sed quanto id bono permisit, non solum parentum & fratrum, sed totius Ægypti. Permisit Deus insontem David ab impio Saule

Saufe gravissimis injuriis exagitari, sed Davidis totiusque regni Hebræi bono maximo. Permifit Deus Danielem iniquissime accusatum in leonum voraginē præcipitari, sed grandi Danielis ipfius, & plurimorum bono. Sed quid hæc narro? Permifit Deus Filium à parricidis crucifigi, sed permifit hoc bono totius humanæ gentis inexplicabili. Ita prorsus ex omni permiffione divina, maxima divinæ gloriæ incrementa, generi humano emolumenta proveniunt copiofiffima. Hinc Bonitas Dei ac Misericordia, hinc Liberalitas atq; Potentia, hinc Providentia, hinc Sapientia & Iuftitia modo prorsus admirabili elucescunt: hinc virtus plurimorum crescit, certamina frequentantur, multiplicantur præmia, coronæ augentur.

Et quam admirandam se præbet divina Providentia in quotidianis his permiffionibus! Quid enim magni est, si è bono bonum? at maximum si è malo bonum feceris. Mari tranquillo, ut a-
 junt, quilibet gubernator est. Neque *Seneca*
 vero magnæ artis est vento secundo, *epist.*
 navi firma, mari pacato, aſtris faventi- *85.*
 bus, remigibus peritiffimis portum in *propius*
 conſpectu poſitum tenere: at luſtanti- *finem.*
 bus inter ſe ventis, navigio lacero, fre-
 mente cælo, infidiantibus piratis, remi-
 gibus imperitis, ſideribus ereptis, opta-
 tum nihilominus portum occupare, hoc
 demum facinus eſt in gubernare ad.

mirandum. Talis in suis permissionibus est Deus. Per ea quæ contraria videntur, ad felicem deducit exitum, per tot hominum flagitia gloriam suam propagat, in tantis scelerum acervis amicos suos reddit illustriores: Deo dirigente fraudes in decepti commodum vertunt; vexationes & injuriæ vexato vires addunt; impietas tot perditorum, pietatem multorum stabilit, & ne pereant, conservat; & unde plurimi creduntur deprimendi, emergunt. Iosepho carcer & vincula ad tam sublime dignitatis solum viam aperuerunt; plus ei profuit fratrum invidia, quam Orbis totius benevolentia. Saulis perfidia Davidi diadema contulit. Daniele fovea leonum altius evexit quam ulli regum favores potuissent. E cruce Christus in Paradisum migravit, ex Oliveto ad Patris confessum pervenit. Quod si Deus peccata non permitteret, & permissa non ordinaret, & ordinando in bonum derivaret, vindicæ Dei justitiam vix agnosceremus: at sic altius sapere docemur, & admirabilissimam causarum seriem ac connexionem fateri cogimur, per quam tandem è tantis malis tot emergant bona. Qua de re Severinus Boëthius erudite: Ordo quidam, inquit, cuncta complectitur, ut quod ab assignata ordinis ratione discesserit, hoc idem licet in alium, tamen in ordinem relabatur, ne quid in regno Providentiæ liceat temeritati. Neque enim

*Boeth.
l. 4.
conf.
phil.
prosa
6. in
fine.*

nim fas est homini cunctas divini operis machinas vel ingenio comprehendere, vel explicare sermone. Hoc tantum prospexisse sufficiat, quod naturarum omnium proditor Deus, idem ad bonū dirigens cuncta disponat. Quo fit, ut quæ in terris abundare creduntur, si disponentem Providentiam spectes, nihil usquam mali esse perpendas. Est ergo (quod alterum erat caput) divinæ permissionis causa multiplex.

I I. Tertium est, Voluntas Dei Cooperatorix in omni re quam permittit. Non tantum decrevit Deus ab æterno, quæ temporis successu erat permissurus, neque tantum justissimas suæ permissionis causas, sed voluntatem etiam habuit, habetque in omnibus permissionibus cooperatoricem. In Theologorum scholis res liquidissima est, omnium eorum quæ vere fiunt & existunt, Deum esse adiutorem. Nihil usquam rerum sine primæ & summæ causæ adjumento existit.

Cum ergo Deus ea omnia quæ permittit, ab æterno decreverit permittere, idque justissimis de causis, seipsum insuper in suis permissionibus adiutorem præbeat, quid est quod Deum hominesque tot vanissimis querelis incessimus, quid Providentiam & justissimas Dei permissiones toties allatramus? quin omnes rerum eventus divinis judiciis adscribimus, certi, justissimas divinæ permissionis gravissimasque causas sub-

C 3 . esse;

esse, & propositum maximi momenti finem, cui nos minime conveniat refragari? Bonæ malæque voluntates Deo militant, & inter varios fines, veniunt tamen ad hunc, ut sic dicam, finium finem.

Certe sanctissimi quique viri, res omnes tanquam Deo agente sibi evenire exploratissimū semper habuerunt, siquidem mentis oculos ab alieni peccati cogitatione sevocantes, Dei permissiones quasi actuosas & effectrices assidue contemplabantur. Tam enim bonus est Deus, ut nulla ratione permitteret mala, nisi nosset ex his elicere majora bona.

Aug.
tom. 3.
En-
chir. c.
27. &
c. 11.
na. Ad rem aptissime Augustinus: Melius, inquit, esse iudicavit Deus de malis bene facere, quam mala nulla permittere. Neque enim Deus; cum summe bonus sit, ullo modo sineret mali esse aliquid in operibus suis, nisi usque adeo esset omnipotens & bonus, ut beneficeret etiam de malo. Optime Theophilus Bernardinus, quem hīc sequimur:

Theo-
phil.
Bern.
l. II.
de Per-
sev.
cap. 4.
§ 7.
Subtilissime, inquit, nostris erroribus & peccatis insinuat se Deus, non ut approbator & particeps, sed ut averfator & corrector, qui ex malis bona plura, quasi ignem ex aqua educit. Hīc cogitandum, ut idem monet, omnes eos qui nos lædunt (quacunque demum id ratione fiat) duplicem personam sustinere. Vnam qua nobis pessime cupiunt, & non simplex in nos malum cudunt: alteram qua
illud

illud omne, quod cogitarunt, possunt, & divinae justitiae nos affligentis sunt instrumentum. Si primam tantummodo personam malevolorum agerent, nihil nobis nocerent, sed quia etiam alteram illam, quamvis ignari agunt, Deo nos juste punienti subserviunt. Sic Dei servus Nabuchodonosor, sic Attila, sic Totila, sic Tamerlanes, flagella Dei, sic Vespasiani duo gloriae quidem & propagandi imperii causa Iudaeos perdere conati sunt: sed errarunt. *Lips. 2. Constant.* Revera lictores & satellites fuerunt ultionis divinae in impiam gentem. Concoquere suam felicitatem *c. 7.* Iudaei non potuerunt, nisi adjuti Neronianis his Thermis. Sed ut pressius hanc ipsam ratiocinationem prosequamur, libet pauca quaerere.

III. Ex te, mi Christiane, quaero, ex te potissimum, qui caelum terramque non raro misces querelis. Dic obsecro, in homine illo, qui te laesit, quid accusas? an voluntatem tantum laedendi, an tantum potestatem, an utrumque? Utrumque, dices. Sed ego te docebo neutrum accusare. Non voluntatem nocendi, haec enim sine potestate vana est, nec tibi quidquam nocuit: non nocendi potestatem, quae a Deo est, quae iusta & aequa est. Nosti; Omnis potestas a Deo est. *Rom. cap. 13. v. 1.* Quid ergo conquereris, illum in te posse, quod Deus illi permisit? Grandis mihi fit injuria, dices. Quenam illa tandem injuria? Peccata tua punit Deus, patientiam

tiam tuam exercet, præmia tua multiplicat, & tibi fit injuria? Huic, ais, nequã homini, & voluntati ejus nequissimæ indignor. Ad hominem tu semper respicis, ego vero ad Deum te suspicere volo. Voluntas humana, quantumvis improba quid potuit, quid fecit? Tu non adeo doles, quod voluerit tibi nocere, sed quod nocuerit, aut nocere potuerit. At, quæso te, quid & quomodo potuit, unde potuit, cur potuit? nonne potestate & concessione divina? si divina, nunquid justa, laudabili, sancta? Ergo, vel tace, vel querelas tuas ad divinam hanc permissionem erige, & hoc animo tuo insculpe: Nunquam permissurum Deũ, ut alterius mala voluntas quidquam in te mali moliatur, nisi in tuum bonum, si tu tamen ipse tibi non obsis. Et quis est

1. Pet. qui nobis noceat, si boni æmulatores
cap. 3. fuerimus? Præclarissime Augustinus:
v. 13. Noli timere inimicum, inquit, tantum
In psa. facit quantum acceperit potestatẽ. Eum
61. time, qui habet summam potestatẽ. Eum
Propius time, qui quantum vult, tantum facit, &
finem. qui injuste nihil facit, & quicquid fecerit justum est. Putamus injustum esse nescio quid, & ex hoc quia fecit Deus, crede justum esse. Ergo, inquis, si quis hominem occidat innocentem, juste facit an inique? Inique sane. Quare hoc permittit Deus? Disputare vis, antequã facias unde dignus sis disputare, quare hoc permittit Deus? Consilium Dei tibi dicere,

dicere, ô homo, non possum. Illud tamē dico, quia & inique fecit homo qui occidit innocentem, & non fieret nisi permitteret Deus. Et quamvis ille inique fecerit, non tamen hoc inique permisit Deus.

Idem, de Christi Domini nece: Itaque *Aug. ibid.* fratres mei, inquit, Iudas malignus traditor Christi, & persecutores Christi, maligni omnes, impii omnes, iniqui omnes, damnandi omnes: & tamen Pater proprio Filio suo non pepercit, sed pro nobis omnibus tradidit illum. Dispone, si potes, distingue, si potes: rede Deo vota tua, quæ distinxerunt labia tua. Vide quid tibi fecerit iniquus, quid justus. Ille voluit, iste permisit. Ille injuste voluit, iste juste permisit. Voluntas injusta damnetur, permissio justa glorificetur. Noli ergo mirari, permittit Deus, & iudicio permittit: permittit & mensura; numero, pondere permittit. Apud illum non est iniquitas, tu tantum ad eum pertine.

Hæc consequendæ tranquillitati via proxima est, non hominem injuriam inferentem, sed Deum injuriam permittentem intueri. Hic Sanctorum mos erat, non quis, quave ratione læderet, sed quis lædentem non impediret, attendere. Hinc ipsas etiam injurias beneficia interpretabantur: nam isti sunt, ajebant, qui nos beatos faciunt; at qui beatos prædicant, illi nos diciunt. Ita oculis

in Deum semper intentis, à divinis nutibus in omni re pendebant, à Deo omnia expectabant.

Ex hoc vero capite nullius hominis peccatum plus veniæ meretur, quod majus inde bonum eliciat Deus, nam boni occasionem solum præbet homo, non causam, & occasionem quidem non ex se, sed ex divinæ bonitatis abundantia. Si pauperculi hominis tugurium improbus quis incenderit, non ideo minus deliquit, quia id pauperculus ille patienter tulit, aut Princeps aliquis decuplo meliorem domum substituit. Aliena virtus, & felix eventus, incendiarii culpam non diluunt: ita nec peccatum bonitatem ullam acquirit, quod boni occasionem præbuit. Sed ut hæc omnia melius capiamus, quam occulta sint Dei iudicia, nunc expendendum.

CAPUT III.

Quomodo per arcanissima iudicia Dei, cognoscenda sit Voluntas divina.

ILLud Hebræi vatis hîc assidue ingeminandum: Iudicia tua, Domine, abyssus multa, multa, multa nimis. Iam olim hanc abyssum velut digito monstrarunt duo regii ministri, Pincerna & Pistor Pharaonis Ægyptii Monarchæ. Uterq; ejusdem regis famulus, gratia excidit uterque, in carcerem & vincula

vincula uterque raptus est, nec levi de
 causa, nam utrique Rex Pharaon iratus,
 utriusque etiam inter epulas recordatus
 est, utrique vitæ gratiam potuisset fa-
 cere, justitia non obloquente, aut utrum-
 que capite damnare. Et tamen hunc in-
 fami supplicio addixit, illum officio pri-
 stino restituit, Pistorem in crucem egit
 & corvis escam objecit, Pincernam in
 gratiâ recepit, ac denuo ad regiæ men-
 sæ ministerium admisit. Talia sunt judi-
 cia Dei, hos ex justitia à conspectu re-
 jicientis, illos autem in conspectum
 admittentis ex gratia. Iudicia Dei abyf-
 sus multa. Quis sufficit enarrare opera
 ejus, quis enim investigabit magnalia
 ejus?

Eccl. c.

18. v.

2. & 3.

Exod.

cap. 1.

v. 8.

Aug. l.

de pra-

dest. &

grat.

c. 15.

I. Quam occulta Dei judicia circa
 Nabuchodonosorem, & Pharaonem il-
 lum alterum qui ignorabat Ioseph? De
 quibus eximie Augustinus: Nabucho-
 donosor, inquit, post innumeras impie-
 tates flagellatus, pœnitentiam meruit
 fructuosam: contra vero flagellis ipsis
 durior est factus Pharaon, & periit. Am-
 bo homines, reges, impii, ambo flagellis
 moniti. Quid obsecro eorum exitus fecit
 tam dispares? unus Dei manum sentiens
 ingemuit & resipuit, alter Dei volunta-
 tem averfatus in peccatis permansit, &
 interiit. Ita idem medicamentum, ab
 eadem manu confectum, ægrotos duos
 simillimo morbo oppressos dissimillime
 afficit, & hunc quidem ad sospitatem,
 illum

illum ad tumbam deducit. Ita duo latrones cum Christo in crucem sublatis, & in pari culpa, æquali supplicio, simillima morte, dissimillimam post mortem sortiuntur habitationem. Iudicia Dei abyssus multa.

2.
Par. c. Optimus ille rex Aſa, qui *Fecit quod*
 15. & *bonum & placitum erat in conſpectu Dei ſui,*
 16. & *ſubvertit altaria peregrini cultus,* qui omnem abolevit idololatriam, omnium priorum regum maculam, *Excelsa*, demoliri auſus. Et tamen iſte Regum optimus, priorem laudem in fine corrumpit: diu præclariffime ſe geſſit, annis triginta optimorum regum exemplar haberi potuit, tandem regi Syriæ plus quam Deo conſiſus, prophetam Hanani ejus facti reprehenſorem in nervum compegit, è plebe plurimos interfecit, pedum dolore correptus, plus medicorum arti quàm divinæ opi tribuit. Ah, quam non reſponderunt extrema principiis! ſanctiffimus Rex quantum à ſeipſo mutavit? Contra Manaſſes impiiffimus, qui omnē vitam ſuam ſcleribus infamavit, tandē in ſe descendens, principia peſſima nobili fine coronavit. Abyſſus multa, mi Deus, iudicia tua, abyſſus nimis profūda!

II. Saul & David quam admirandi! Uterq; initio laude dignus, uterque in gravia delicta lapſus cum offenſa totius regni, ob hoc uterque punitus, ſed eventu diverſiſſimo. Saul obſtinatæ impietatis homo, miſerrime finiit: David
 pœnam

pœnam in medicinam vertit, factus Deo familiarissimus. Hic nefas quærere, QVARE aut CUR hoc? E schola dæmonis prodiit, CUR istud. Multos perdidit importunissimū istud Cur, & Quare. *Cur præcepit vobis Deus*, quærit olim fallacissimus coluber. Cui respondendum fuisset: Præcepisse scimus, cur præceperit, nostrum non est quærere: hæc Domini voluntas est; causæ voluntatis hujus nobis minime scrutandæ. Quis enim cognovit sensum Domini, aut quis consiliarius ejus fuit? aut quis prior dedit illi & retribuetur ei? quoniam ex ipso, & per ipsum, & in ipso sunt omnia. At dixerint forsan aliqui: Tamen rationem aliquam exigere licebit hujus vel illius præcepti. A quo? num à Deo? cui uni licet quod libet; & nihil libet nisi quod licet. Si servus à patrefamilias, subditus à principe rationes exigat, ille contumeliam putet, hic rebellionem: tibi plus animi adversus Deum est? Non aliter hæc ratio constat, quam si nulla reddatur.

Quam admirandum & illud! Samaritani Dominicis verbis celetrime credunt, rogantque Dominum, secum maneat; Geraseni increduli eundē rogant, à se abeat; Iudæi perfidi nec verbis, nec factis, sed nec ullis prodigiis aut miraculis induci possunt ut credant Veritati. Iudicia tua, ô Domine, abyssus multa!

Iulii I. Ann.
nal.

Quod
in sum-
mo im-
perio a-
cute di-
ctum,
& Ti-
berio
ingestū
à Sal-
lust.
Taci-
tus l.

Euseb. hist. l. 34. Nicephor. l. 5. c. 30. Iulianus Alexandrinus, sanctissimus martyr pedum usu captus, ad tribunal in sella gestatus est à duobus famulis. Horum alter: Fidem & Dominum abnegans, turpissime defecit: alter Eanus nomine, Deo & hero fidelis, perseveravit. Sic ambo camelis impositi, per urbem Alexandriam flagellati, tandem in rogū coniecti, sanctissime finierunt. Hos cum Besa miles spectaret, & hominum innocentum misertus, insolentiam petulantis plebeculæ cohibere niteretur, delatus ad iudicem, capite plexus est. Nimirum transfugæ illius præmium occupavit. Iudicia tua, ô Deus, abyssus multa!

Roswveid. in vit. Patrū lib. I. in vita S. Ant. 2. cap. 31. Narrat Athanasius Alexandrinus præful, in rebus gestis Antonii Magni, duos fratres ad Antonium suscepisse iter, sed in via, ex aquæ penuria, alterum siti mortuum, alterum mortî proximum iacuisse defectis viribus. Antonius aliquot inde miliaribus distans, & tum forte in rupe confidens, duos è suis ad se subito evocans: Ite, inquit, festinato gressu, & aquæ lagenam deferre: unus è duobus fratribus huc commeantibus in itinere jam obiit, alter adhuc dum spirat sed ægre, & nisi matura ope subveniatis, nec illum vivum reperietis. Hoc mihi oranti jam primum significavit Deus. Sic ait, & illi ut iussi, mox iter celerarunt; repertum extincti cadaver terræ mandarunt, alterum fonte resectum sibi comitem

tem junxerunt. Erat autem iter unius diei. Hic opportunissime Athanasius: Fortasse, inquit, aliquis quærat: Cur non antequam alter moreretur, Antonius monuerit? Indigna prorsus Christianis quæstio, quia non Antonii sed Dei iudicium fuit, qui & in morientem, quæ voluit, sententiam tulit, & de sitiente revelare dignatus est.

Hæc arcanissima Dei arcana cum secum miraretur Antonius, jamque pæne inciperet descendere in hanc divinatorum iudiciorum profunditatem, apud Deum sic familiariter questus est: Mi Domine, illos flagitiis opertos tamdiu finis vivere, istos ad plurimorum utilitatem natos abripis? Hi non adeo improbi, tam severe à te puniuntur; alii vivunt impune, & à vivendi prosperitate, peccandi sumunt audaciam. Prodit quasi ex adipe *Pf. 72.* iniquitas eorum. Hic vocem audit: An- *v. 7.* toni, ad te ipsum intende: hæc iudicia Dei sunt; tibi non scrutanda.

O quam magnificata sunt opera tua, *Pf. 91.* Domine, nimis profundæ factæ sunt cogitationes tuæ: vir insipiens non co- *v. 6. & 7.* gnoscet, & stultus non intelliget hæc. Vere tu es Deus absconditus! Anno mil- *Is. c.* lesimo centesimo supra dicimus septi- *45. v.* mum, cum Italia tota terræ motibus *3.* quateretur, ait Rogerius, aliquot Mediolanenses Patricii sub turri confederunt, erat enim eis de Republica negotium. Cum vox foris audita, quæ unum- *nomi-*

nominatim evocabat. ille cunctari, & dubitare quis vocaret, & quem: itaque hærere, & repetitam vocem expectare: cum ecce ignotus aliquis ad fores adest, & hunc ipsum rogat ut exeat. Vix dum aliquot spatiis à loco abiit, cum turris corruit, & una omnes oppressit. Cur hîc unus tantum, & ceterorum nemo ab interitu servatus? Iudicia Dei, abyssus multa. Quis non videat prisca hîc prodigia revocari? Sic Angelus Lothum cum familia eductum, Sodomæis incendiis subduxit: sic mille alii inter pereuntiũ turbam ab exitio defensi sunt.

*Ky-
mgs-
berg.*

Anno millesimo quingentesimo supra nonagesimum septimum, in Sicilia, in monte Regali, obstinatæ libidinis homo à religioso viro aliquoties monitus, impuram vitam tandem desineret, & meretricium consortium ejuraret. Perstitit tamen miser, sed post extremam monitionem in sinu pellicis confossus est. Alius non disparis vitæ vir, & qui plurimis annis cum infami femina habitavit, ubi lamentabilem hunc exitum inaudit, alieno malo sapere voluit, & omnem vitam ab annis sexaginta per confessionem relegit. Quid hîc aliud iterum vociferer, quam hoc ipsum: Iudicia tua, Domine, abyssus multa nimis!

Rom. c. I V. Et hoc est quod divinum Paulum
9. v. in tantam admirationem rapuit. Gemel-
11. & lis illis Iacob & Esau, cum nondum na-
seqq. ti essent, aut aliquid boni egissent aut
 mali

mali &c: dictū est, Iacob dilexi, Esau autem odio habui. Quid ergo dicemus? nūquid iniquitas apud Deū? absit &c. O homo tu quis es, qui respondeas Deo? Nunquid dicit figmētū ei qui se finxit: Quid me fecisti sic? An non habet potestatem figulus luti? Aurifex argentum & aurum suum, figulus suum lutum pro libitu versat, quamvis inter figulum & lutum non remotissima sit cognatio, qualis inter Deum & hominem, vilissimum terræ vermiculum. Quis igitur Deo dicere potest: Cur ita facis?

*Iob. c. 2**9. v.**12.**De-**roth.**ser. de**occult.**Dei**jud.*

Narrat Dorotheus, navigium appulisse ad urbem venalibus mancipiis plenū. Erat in illa civitate virgo sanctissimis moribus, suæque salutis studiosissima. Hæc mire lætata occasionem offerri, adsciscendæ inde ancillulæ, quam suo nutu ad omnem vitæ sanctitatem etiamnum docilem formaret. Et commode navarchus puellas duas habuit, è quibus alteram virgo liberali pretio emit. Vix hæc abiit cum adest femina profligati pudoris, histrioniam faciens saltatrix, hæc alteram virgunculam licitata, cum pretio non grandi parabilem audiret, emptam abduxit. Heu misella, tam scelestam nacta dominam, quam sanctam altera! Quis hic iudicii divini abyssum scrutetur? Utraque ab annis innocens, utraque venalis, utraque suæ sortis ignara, utraque velut testa recens, odorem servatura, quem primitus imbibisset.

bisset. Et tamen illa virgineos mores edocta, non difficulter virtuti à teneris assuevit, Angelorū digna consortio: hæc autem ab illa furia ad omnem petulantiam & lasciviam instituta, improbos dominæ mores feliciter imitata, nobile fuit spoliū diabolo; alia certe futura, si aliam habuisset magistrā. Sed iudicia tua, ō Domine, abyssus multa.

*Grego.
homilia
38. in
Euan.*

Non multum absimile quid in cognato sanguine Gregorius Magnus expertus est. Tres habuit amitas vir iste sanctissimus, Æmilianam, Tarfillam, Gordianam: omnes se Christo & virginum sacrarum collegio devoverunt: duæ illæ uti virginitatis sponsonem integerrime ferverunt, sic vitam sine optimo clauserunt; tertia illa Gordiana nullis obtemperans monitis, illecebrarum appetens, tandem frenum rupit, cœnobio excessit, villicum suum vaga libidine secuta. Iudicia tua, Domine, abyssus multa! hæc

Job ca.

36. *ve.* vincens scientiam nostram, quis poterit

23. & scrutari vias ejus? Cautissimus hîc Ies-

26. æus rex: Vt jumentum, inquit, factus

Pf. 72. sum apud te. Tuis, ō mi Deus, judiciis

ps. 22. me non immisceo; tuum me jumentum

gero; jumentum est, herō jubenti parere

non jussa discutere. Et quid miri homi-

nem in scholis non educatum, & qui

juventutis suæ rudimenta in pecorum

custodia posuit, ita de se sentire? ipsi

Is. c. 6. Seraphini, spiritus nobilissimi, hoc fa-

vers. 2.

ciunt,

ciunt. Nam cum in cælo de abdicandis
 Iudæis ageretur. Seraphim geminis alis
 faciem pedesque velabant, professi eo
 altitudinis se pertingere non posse intel-
 ligentia, quo sese admiranda Dei opera
 extollerent: divina iudicia omnem in-
 telligendi vim excedere: se itaq; contē-
 tos, scire ter sanctū esse Numen, sanctū
 in seipso, sanctum in iudiciis, sanctum in
 operibus. Si sic supremi Angeli arcana
 Dei iudicia venerantur, quanto magis
 nos vilissimos homunciones clamare *Psal.*
 convenit: Iustus Dominus in omnibus *144.*
 viis suis, & sanctus in omnibus operi- *v. 17.*
 bus suis? Hic neminem non plurimum
 soletur, quod excellentissime dixit Au- *Aug.*
 gustinus: Poteſt Deus aliquos sine bonis *l. 3.*
 meritis liberare, quia bonus est; non po- *contra*
 teſt quemquam sine malis meritis dam- *Iulii-*
 nare, quia iustus est. *an. c.*
18.

V. Cernimus quidem mirabiles mun-
 di revolutiones, continuas vicissitudi-
 nes, eventus prorsus inopinatos, & est
 cum dicamus: Videamus obsecro, quē
 res exitum sortitura sit. Videmus tandē
 & miramur, frigidissimum illud nobis-
 cum muſſitantes: *Non putaſſem.* At ne-
 ſcimus miſeri, quæ ſecutura ſint, ſed nec
 eorū, ut ut eveniant, ratio poſcenda. Non *Iſ. cap.*
 enim cogitationes meæ, cogitationes *55. v.*
 veſtræ: neque viæ veſtræ, viæ meæ, di- *8. &*
 cit Dominus. Quia ſicut exaltantur cæ- *9.*
 li à terra, ſic exaltatæ ſunt viæ meæ à
 viis veſtris, & cogitationes meæ à co-

gitationibus vestris. Rationem de occulto Dei consilio quærere, inquit Gregorius, nil aliud est, quam contra consilium ejus superbire. Nostrum est in omnibus cum beato Paulo dicere : O altitudo sapientiæ & scientiæ Dei, quam incomprehensibilia sunt judicia ejus, & investigabiles viæ ejus ! In hac vita plurima nunquam satis indagabimus. Sufficiat nobis scire, Deum iniquum non esse, nec extremo judicii die, futurum ullum, qui non cogatur dicere : Iustus es Domine, & rectum judicium tuum. Conatus quidem rex David, hæc Dei arcana judicia penitus rimari, Existimabam, inquit, ut cognoscerem hoc. Tandem tamen non reperiens ullum exitum, Labor est, ait, ante me, donec intrem in sanctuarium Dei ; differenda est hæc occultorum scientia in Orbem meliorem.

Submittamus ergo & nos curiosi ingenii alas. Reciprocus Oceani fluxus & refluxus omnem philosophorum solertiam fatigavit; & qui nos capiamus profundissimos divinorum judiciorum recessus ? Quis indaget, cur hic in Turcia natus, ille inter Christianos : cur in plurimas regiones Christi Evangelium tam sero emanarit, & interea temporis tot hominum millia perierint ; idem tamen Evangelium in alias provincias tam mature propagatum sit. Quid quod una regio, tota quanta est, hæresi sit infecta,
alia

alia ab omni hæreseos labe immunis
 floreat : Cur divina ultio hos prætereat,
 illos tangat : Cur immeriti aliquot po-
 puli evertantur , & culpæ majorum in
 posteros ac nepotes transcant : Cur tot
 Principum , Regum & Imperatorum
 expeditiones ad recuperandam Palæsti-
 nam susceptæ, fuerint irritæ. Fugiamus
 quærere , cur Adamo Deus , non etiam
 Lucifero poenitentia locum concesserit:
 Cur Christus Petri misertus, non Iscari-
 otæ: Cur hic in cunis, ille senex moria-
 tur : Cur hic in flagitiis pereat, non diu
 flagitiosus , ille à flagitiis resipiscat , iis
 diutissime immerfus : Cur hic divitiis
 abundet, ille nec panem habeat nec pe-
 cuniam. Vaga mens quid per hanc curi-
 osam curam tibi vis? Tangere cælestem
 illum divini judicii ignem? liquefces.
 Scandere in Providentiæ arcem? Cades.
 Ut papiliones & minuta quædam ani-
 malcula vespere lucernæ lumen identi-
 dem circumvolant, donec amburantur:
 sic humana mens lascivit circa arcanam
 illam flammam. Vespertilionum oculi
 nobis sunt ad hunc solem. Homines su-
 mus, secreta Dei non intelligimus. Mira-
 bilia opera Altissimi solius, & absconsa,
 & invisa opera illius. Nemo unquam
 mortalium fuit qui librum intus & foris
 scriptum aperiret , nemo qui legeret.
 Liber iste divinorum judiciorum est,
 intus prædestinationis, foris providen-
 tiæ plenus. Æternus , sapientissimus

Eccl. c.
II. v.
 4.

Sap. c. Deus, omnia in mensura, & numero, &
 11. v. pondere disposuit. Et virtuti brachii e-
 21. jus quis resistet? Quid nos audaculi,
 4. Esd. pondus ignis ponderare, aut flatum ven-
 4. v. ti mensurare, aut diem præteritum re-
 5. revocare frustra nitimur? Modo jam i-
 stud sciamus, causam ante omnes caus-
 sas esse, *Voluntatem Dei*, à qua qui quæ-
 rit aliam, vim & potentiam ignorat na-
 turæ divinæ. Nam causam omnem, ne-
 cessè est genere quodam priorem &
 majorem esse suo effectui: at Deo, & e-
 jus voluntate nihil prius aut majus, non
 ergo ulla ejus causa. Quid ultra hîc vis?
 Deus permittit, Deus voluit, Deus fecit.
 Summa justitia est, ut recte & pie Sal-
 vianus ait, voluntas Dei: Summa pru-
 dentia est, divinæ voluntatis ac provi-
 dentia decretis placido animo acquie-
 scere.

CAPVT IV.

*Quomodo Dei voluntas, in rebus omnibus
 agnosci possit.*

DIversi quidem regiminis est, hy-
 pocautû plenû infantibus, gym-
 nasium plenum discipulis, plenâ
 domum famulis, cœnobium plenum re-
 ligiosis, campum plenum militibus cu-
 rare, eadem tamen in omnibus guber-
 nandi ratio est per Obedientiam, quæ
 diversas voluntates in unam juber coa-
 lescere.

lescere. Male dux imperabit nisi omnes suos milites aut ore gestare possit, aut manu, hoc est, aut voce aut nutu ad omne imperium impellere. Illic bene res geritur, & disciplina sibi constat, cum in domo paterfamilias, in schola magister, in cœnobio antistes, in castris dux, suos omnes aut lingua circumagit, aut dextra; verbo regit aut nutu, & quoquo vult perpellit.

Quemadmodum vero militem sui ducis linguam aut dextram insidere convenit, ad hujus vel illius imperata prout: ita prorsus hominem Christianum decet, velut in lingua Dei manuve sic hærere, ut quicquid Deus voluerit, dixerit, jusserit, quoquo nutum intenderit, mox ille idem velit, eo protinus eat, currat, volet. Omnium nostrum vox sit. In capite libri scriptum est de me, ut *Ps. 39.*
facerem voluntatem tuam: Deus meus *vers. 9.*
volui, & legem tuam in medio cordis mei: in medio memoriæ, intellectus, voluntatis meæ, voluntas tua, mi Deus, instar legum omnium mihi est.

Sauli è Christo in terram deiectioni, prima omnium quæstio fuit: Domine quid me vis facere? Hæc omnium proborum assidua fit percontatio: Domine quid me vis facere? quæ tua voluntas, mi bone IESU? verbo, nutu significa: eo, pareo, facio, quicquid me facere volueris. Huic igitur quæstioni ante omnia nunc respondendum, qua ratione nimirum

rum Dei voluntas in rebus omnibus sit agnoscenda. Aliquot hic regulas dabimus, per quas divina voluntas facile poterit explorari.

Prima Regula

Divina voluntatis cognoscenda.

Quicquid abducit à Deo, contra Dei voluntatem est: quicquid ad Deum invitat, ad divinam voluntatem est. Hæc est enim voluntas Dei, sanctificatio vestra, ut abstineatis vos à fornicatione, &c. Itaque si quis tale quid in se deprehendat, ut fateri cogatur: Hoc officium, hæc societas, hoc mercimonium, hoc vivendi genus me non reddit sanctiorem; abducor à Deo, sed sensim, & lētis gressibus, ergo nec officium istud, nec illa societas, nec mercimonium istud, nec ista vivendi forma divinæ voluntatis est.

I I. Regula.

Voluntas Dei per legem Dei & Ecclesiæ luculentissime nobis declaratur. Ideo in omni ambiguitate non tantum quærendum, quid Dei aut Ecclesiæ leges velint, sed quid iisdem magis aut minus conforme sit. Christus olim opulento juveni sciscitanti, qua proxima via iretur ad cælum, hunc optimum divinæ voluntatis interpretem designans: Mandata, inquit, nosti? Sane nihil dulcius quam respicere in mandatis Domini. Hunc ipsum divinæ voluntatis internuncium

Abra-

1.
Theff.
n. 4. v.
3.

Luce.
ca. 18.
v. 20.
Eccl. c.
23. ve.
37.

Abrahamus Epuloni commonstrans: *Habent*, ait, Moysen & prophetas: *audiant illos.* Divinus Paulus: Nolite, inquit, conformari huic sæculo &c. ut probetis quæ sit voluntas Dei bona, & beneplacens, & perfecta. *Bona* Dei voluntas decalogo comprehenditur, *Beneplacens* consiliis Evangelicis, *Perfecta* desiderat à se imperata perfici in terra, sicut in cælo.

III. Regula

Hæc à beato Paulo præscribitur: In omnibus gratias agite, hæc est enim voluntas Dei, in Christo I E S V in omnibus vobis. Primum hîc notatu dignissimum, In rebus omnibus gratias agendas, etiam turbatissimis & maxime improspers. Pulchre Chrysostomus dixit: Passus es aliquid mali? si velis, malum non est: Age Deo gratias, & jam malum mutasti in bonum. Hoc animi est Philosophici. Prisci Germani optime liberos instruebant, ut si quando digitum igne læsissent, mox dicerent: Deo gratias. Breve, sed nobile præceptum. Quicquid demum, mi Christiane, te premat uratve, quicquid affligat, dic centies, dic millies: Deo gratias. Addit Paulus: *Spiritum nolite extinguere.* Suus sit divinis instinctibus locus. Non raro Deus voluntatem suam explicat occultis alloquiis, quibus ut vere divinis tunc tuto creditur, cum solius Dei gloria sectanda proponitur.

Sed & illud Paulus addidit : *Prophetias nolite spernere*. Divini voluminis explanationes , sacras in templis conciones , præfagas fidorum hominum admonitiones negligi ab eo minime convenit , qui divinæ voluntati approbare se cupit. Qui audire non vult, non vult Dei voluntatē intelligere. Demum præcipit Paulus: *Ab omni specie mala abstinete vos*. Quemadmodum boni numularii monetam adulterinam aut à tinnitu, aut à signo & inscriptione norunt, & rejiciunt : ita nos, quicquid vel tenuem umbram vitii præ se fert, abominemur, tanquam divinæ voluntati contrarium.

IV. Regula.

Præter Dei & Ecclesiæ leges, alii quoque divinæ voluntatis interpretes sunt, maxime in rebus dubiis. Inter hos censendi magistratus tam politicus quam sacer, iiq; omnes, qui aliis legitime præfunt: his annumerandi Curiones, Confessarii, Majores & Præsides in sacris familiis. Cum Saulus jam paratus divinæ voluntati parere, quæsiisset : Domine, quid me vis facere ? non illum Dominus præceptis oneravit, neque illi subito scientiam omnem infudit, sed ut discipulum ad Ananiam mittens: Surge, inquit, & ingredere civitatem, & dicetur tibi quid te oporteat facere. Ananias Paulo divinæ voluntatis paraphrastes fidelissimus fuit, sicut Cornelio Petrus. Ita vult Deus

voluntatem suam homini explicari ab homine. Hinc illæ tam crebræ admonitiones: Consilium semper à sapiente perquire: Sine consilio nihil facias, & post factum non pœnitebis. Anima viri sancti enunciat aliquando vera (magis) quàm septem circumspectores sedentes in excelso. Et sic in his omnibus deprecare Dominum, ut dirigat in veritate viam tuam. Ergo cum viro sancto assiduus esto, quemcunque cognoveris observantem timorem Dei, &c. Et cor boni consilii statue tecum, non est enim tibi aliud pluris illo. In omnibus igitur dubiis circa voluntatem divinam, à nemine potius petendum consilium, quam à Confessariis & Majoribus nostris, quibus aut conscientiam aut omnem vitam commisimus. Qua in re universe dici potest: Omnis Dominorum, aut Majorum, aut Præsidum voluntas (peccatum excipio) Dei voluntas est. Quod ergo cujusque Dominus, quod Majores aut Præsides jusserint, non aliter quam certum divinæ voluntatis interpretamentum est accipiendum. Beatissimus Paulus exemplo hîc præit, & Galatis scribens: Deinde, inquit, post annos quatuordecim iterum ascendi Hierosolymam cum Barnaba. Quæ caussa itineris tam longi? *Contuli cum illis Evangelium.* En, Orbis concionator per tot annos, tanquam discipulorum infimus, doctrinam suam in medium proponit, & primarios Aposto-

Tob .c.

4.vers.

19.

Eccl.c.

32.ve.

24.

Eccl.c.

37.ve.

15.18

& 19.

Gal. c.

2.v.1.

& 2.

postolos illius quasi iudices constituit, ut quod illi de ea decernerent ac communi consilio improbarēt, adderent, demerentque, id ipse sic credendum, sic docendum susciperet. Magis mirandum quod addit: *Ascendit autem secundum revelationem.* Num qui Paulo revelavit iter hoc suscipiendum, non æque revelare potuit quæ Paulus itinere hoc effecturus? Nimirum vult Deus hominem ab homine doceri. Accedit, quod Paulus Hierosolyma ierit, super doctrina sua interrogaturus, non tam quod ipse de ea dubitarit quam alii. His firmandis consultissimum videbatur, Majores interrogare. Ergo, Videte & interrogate de semitis antiquis, quæ sit via bona, & ambulate in ea.

*Mie, c.
6. vers.
16.*

V. Regula.

Quod si consilium petere, nec tempus permittat nec locus, dispiciat homo secum ipse, & omnem dubitationem circa notitiam divinæ voluntatis facili negotio sic poterit explicare. Attendat solerter, utrum è duobus, in quibus hæsitat, voluntati propriæ sit acceptius, quid gratius carnis appetitui, quid existimationi propriæ optabilius. Vbi hoc, quod facile, indagaverit, & serio secum staverit actiones suas voluntati divinæ penitissime conformare, tunc profecto securus eliget illud quod voluntati suæ minus acceptum, quod minus gratū carnis appe-

appetentiæ, quod denique splendoris ac
 pompæ minus habuerit. Nam illa ele-
 ctio ad propriæ voluntatis, ad carnis, ad
 existimationis propensionem, cuius me-
 rito nimis quam suspecta & errori pro-
 xima videri debet; at hoc alterum, pro-
 livitati suæ reluctari, plerumque tutis-
 simum: Dum non facis vias tuas, inquit *Isa. ca.*
 saias, & non invenitur voluntas tua. Sic *58. v.*
 hoc exemplo. Ei qui maligno aut frigido *13.*
 stomacho, explore suaderi potest
 hoc modo: Id quod tu maxime appetis,
 hoc tibi minime conducit; pepones, cu-
 mumeres, fungi, limaces, potus intempe-
 ranter frigidus, recentes ab horto fru-
 ctus, & id genus edulii, gulæ irritamen-
 ta, plurimum nocent, quæ tamen non
 pro cupidissime ingeruntur. Idem in re
 proposita: plerumque quod corporis sen-
 sus tam gratum & suave, noxium est
 spiritui, quod humanæ voluntati sic pla-
 cet, Deo displicet. Mortificate ergo *Colosse.*
 membra vestra, quæ sunt super terram, *cap. 3.*
 fornicationem, immunditiam, libidinē, *vers. 5.*
 concupiscentiā malam &c. propter quæ
 venit ira Dei. Ergo post concupiscentias *Eccle. c.*
 eas nō eas, & à voluntate tua avertere, *18 ver.*
 monet Siracides) ut ad Dei voluntatem *30.*
 convertaris.

Quod si quid plane indifferens & adi-
 phorum sit, ut si duo mendici occurrant
 que fortunæ inopes, eleemosyna tamē
 non suppetat in utrumque partienda, da-
 ti volneris, animo divinam voluntatem
 exe-

exequendi; non errabis. Quod si res adiaphora majoris sit momenti, consiliis opus & precibus. Si vero de una aliqua pluribusve actionibus suscipiendis penitus non liqueat, quid divinæ voluntatis sit, non facile ulla earū suscipiatur, dum utcunq; cōstet illas divinæ voluntati non fore contrarias. In omni tali deliberatione plurimum potest Ratio & Conscientia, non mali in incerto consiliarii; qui si paullo velint circumspectius agere, facile pronunciabunt, quid melius sit factu. Fieri autem potest, ut veræcundæ conscientiæ homo in talem deveniat labyrinthum, in quo spiritus & caro sic inter se luctentur, ut miser trepidare incipiat, ne forsan divinæ voluntati se opposuerit. Hic solatio fit, quod nonnunquam est ecclesiastæ. Rem sic explicamus. Concionator pomeridianus videt plerosque omnes suorum auditorum dormientes, turbatur nonnihil tot sibi annuentibus, id tamen tolerabilius videtur, quam si totidem impudenter garriant. Itaque si duo tresve non dormitent, ait ipse secum: Satis id mihi, & est cur pergam: unus pro millibus est. Non aliter ratiocinetur quomocunque turbatus: Modo duo vigilant oculi *Ratio & Voluntas*, modo hi vigilēs voluntatem Dei observent, fusque deque vertantur alia, ego vero stabo inconcussus, & quamvis divinos nutus nō proxime assequar, assequi tamen conabor.

V I. Regula.

Ad explorandam divinam voluntatem plurimum valet, cum Paulo rogare: Domine, quid me vis facere? Hic mos Sanctorum, in rebus dubiis & perplexis confugere ad orationis præsidium, uti olim Moyses & Aaron ad fœderis tabernaculum. Et sicuti cum nubes adeo stipatæ coeunt, ut cælum tonare ac mugire incipiat, campanæ in turribus quatiuntur dissipandis nubibus: ita quotiescunq; sol divinæ voluntatis oculis nostris subducitur, ut pæne quid faciendū sit, ignoremus, proximum est, cælum pulsare precibus. Ita Saulus à subita tē- *Act. 9. v. 6.* pestate mediis campis deprehensus exclamat: Domine, quid me vis facere? Hanc precatiunculam sæpius iterandi opportunissimum tempus est, cum epulum cæleste aditur, & Dominicum corpus jam lingua sustinetur, tunc ardentius ingeminandum: Domine, quid me vis facere? Imo sub re divina quotidie, cum Eucharistiam sacerdos supra verticem attollit, hoc omnium ardentissimum votum sit: Domine, quid me vis facere? A viris religiosi votorum formulam sub sacro quotidie recitari consuevit. Iacobus Laines alter à sancto Ignatio Societatis I E S V Præpositus generalis, quot diebus sub sacri finē *Res gē- sta P. Laine.* post Centurionis verba (Domine non sum dignus) Christum manu tenens agebat:

bat: Placet Domine quod promisi. Ita quibuscunque aliis, dum cælestis panis in alto monstratur, precandum: Domine sicut vis, ita & ego volo; quod recte statui, non revoco. Hæc quotidiana sui in divinam voluntatem oblatio præclarissima est ad ultimum in morte luctamen dispositio.

Si quis autem multo tempore rogarit Deum quippiam, nec id tamen impetrarit, persuasum sibi habeat, nolle optimum patrem, id à se impetrari, quod tamdiu petivit filius, aut certe velle benignissimum parentem, petentis filii perseverantiam, ad majus præmium exerceri. Nihil hoc dubitationis habet, quin clementissimus Deus frequenter differat postulatam opem, ut constantiores preces, & diuturniorem patientiam copiosius remuneretur. Certe à plurimis hæc talia, velut ab avaris numi, non raro extorquenda sunt. Raras preces & rariorem patientiam à nobis impetraret Deus, nisi hoc tali modo desides urgeret. Adeoque nobis sæpe utilissimum est, diuturnis precibus nihil impetrasse. Nam precum tam prolixarum plerunque majus est emolumentum quam fuisset impetrationis. Et hoc est quod nemini non magnam tranquillitatem adferat, precationes quidem multas, non tamen ratas iniisse. Rex Hebræus David ut jejunavit, ut flevit, ut oravit in terra prostratus, antequam nosset Dei voluntatem de mori-

moribundo filiolo : at ubi mortuum au-
 diit, agnovit hanc fuisse Dei decretoriã
 voluntatem ut moreretur. Itaque jam
 lætior de terra surrexit, lotus & unctus,
 ingressus est domum Domini, & adora-
 vit. Christus, post trinam deprecationẽ *Matth.*
 ad clivum olivarium, de paterna volun- *ca. 26.*
 tate jam certus : Dormite jam, inquit, & *ve. 45.*
 requiescite. Ita obsecrationem etiam
 repudiatam quies & animi tranquillitas
 excipit, vel ob hanc etiam causam,
 quod jam longe certius constet quid fie-
 ri velit optimus Deus. Heli sacerdos nar- *I. Reg.*
 ranti Samueli quam Deus vindictam tã *cap. 3.*
 ab ipso patre quam à filiis esset expeti- *ve. 18.*
 turus, aliud non respondit quam hoc,
 Dominus est : quod bonum est in oculis
 suis faciat. Perinde si dixisset : Ingrata
 narraſti, Samuel, sed quia mihi jam li-
 quet de divina voluntate, narrationem
 quam quamvis ingratam benevolus ta-
 men excipio, & agnosco divinos nu-
 tus : Ego, meique filii pœnas comme-
 uimus; subibimus pœnas, quando ita
 iſum eſt divinæ voluntati, cui nefas
 eſfragari. Faciat bonus Deus quicquid
 poſius ſanctiſſimæ voluntati placuerit :
 nos ſervuli, ipſe Dominus eſt : nos varie
 elinquimus, dominici juris eſt, punire
 elicta. Cum Paulum Hieroſolyma ab- *Act. c.*
 ſurum Cæſareenſes lacrimis morari *21. ve.*
 onarenrur, Paulus illis animoſiſſime : *13. &*
 Quid facitis, inquit, flentes & affligen- *14.*
 tes cor meum ? Ego enim non ſolum al-
 E ligari,

ligari, sed & mori in Hierusalem paratus sum propter nomen Domini I E S V. Et cum ei suadere non possent, quieverunt, dicentes: Domini voluntas fiat. Hæc vera quies animi, post preces irritas, illud unicum precari, Domini voluntas fiat. Et hinc sequitur, ad divinam voluntatem explorandam regula ultima..

V.II. Regula.

Nemo mortalium divinam voluntatē certius explorat, quam qui sincerius ad illam in omnibus se conformare desiderat. Hoc desiderium profecto filium est ad omnium labyrinthorum errores extricandos, omnis hinc ambiguitas circa divinam voluntatem tollitur, si quis ignoret quidem, quid velit Deus, aut utrum malit ē duobus licitis, ita tamen animo comparatus sit, ut mente sincerissima possit dicere: Domine, si scirem, quid tu hac in re fieri à me velles, ego utique id facerem. Hac sponsione facta, libere, quod volet, faciat; & perturbare se desinat; divinam voluntatem non facile offendet. Hunc talem filium non deserit amantissimus pater, nec à sua voluntate gravius aberrare permittit. Si desit homo, per quem erudiat, Angelum mittit, uti misit Iosepho, in re gravi, quid factu foret optimum, deliberantē ita tribus ex Oriente Dynastis post divinum infantulum in gramineis cunis adoratam,

eratum, submissus Angelus, qui Herodianas fallacias cavere, & alia in patriam via redire doceret. Sic Abrahami ancillæ Agari; sic innumeris aliis contra errores præsidio missus est aut Angelus; aut vice Angeli fidus homo.

Anno trecentesimo vicesimo quarto, *Vide Cas. Baron. tom. 3. Anno 324.* Constantinus Magnus; relicta Roma apud Ilium cæpit urbem condere, sed quia divinæ voluntatis fuit, ut cœptum opus omitteret, & Byzantium in Thracia ædificaret, diverse Deus monuit, nā, ut Beda & Glicas memorant, omne instrumentum fabrilis secundum noctem in altero littore repertum est; occulta vi transportatum. Ibidem aquila, quod Zonaras refert, cæmentariorum amussim sustulit & apud Byzantium ex unguibus dimisit. Ita Deus voluntatis suæ notitiam non negat sincere petentibus. *Sap. c. c. I. v. 6. Eccl. c. 2. v. 13.* Benignus est spiritus sapientiæ hujus altissimæ, & omnibus sese quam liberalissime impertitur. Adest Deus omnibus exquirentibus se in veritate, & voluntatē suā tam mirabili quam suavi magisterio explicat iis omnibus, qui vera submissione se hīc discipulos gerunt. Voluntatem Dei optime nosse discimus faciendo.

CAPUT V.

Quotuplex Dei voluntas, & quibus potissimū in rebus, illa sibi conformari velit nostram.

Cyprianns, vir & eloquentissimus *Cypri. tract. de orat. præ-domin.* & sanctissimus, Carthaginienſis *habetur inter indubitata ipsius scripta.*

54 DE CONF. VOLVNT.

præful, constantissimus martyr, per synopsin complexus est, quid præcipue à sui cultoribus exigat voluntas divina. Verba Cypriano digna, & auro prorsus exaranda sunt. Et utinam hæc omnium Christianorum templis & ædibus, utinam & pectoribus inscribantur, velut compendium vitæ ac perfectionis Christianæ. Placet ea in numeros digerere; hæc sunt.

Voluntas Dei, quam Christus docuit & fecit, est

1. Humilitas in conversatione.
2. Stabilitas in fide.
3. Verecundia in verbis.
4. In factis iustitia.
5. In operibus misericordia.
6. In moribus disciplina.
7. Injuriam facere non posse.
8. Factam tolerare posse.
9. Cum fratribus pacem tenere.
10. Deum toto corde diligere.
11. Amare in illo quod pater est.
12. Timere quod Deus est.
13. Christo nihil præponere, quia nec nobis ille quidquam præposuit.
14. Charitati ejus inseparabiliter adhærere.
15. Cruci ejus fortiter ac fidenter assistere.
16. Quando de ejus nomine & honore certamen est, exhibere in sermone constantiã, qua confitemur; in questione fiduciam

fiduciam, qua congrèdimur ; in morte perseverantiam , qua coronamur. Hoc est, cohæredem Christi velle esse, hoc est, præceptum Dei facere, hoc est, voluntatem patris adimplere.

I. Ex his singulariter septimum, octavum, nonum atque decimum documentum altiore mente reponendum : Injuriam facere non posse : Factam tolerare posse : Cum fratribus pacem tenere : Deum toto corde diligere. Hîc nos miseri sæpe graviter hallucinamur. Voluntatem Dei munerantem & beneficiis cumulantem affectu pronissimo recipimus ; at castigantem, velut non Dei voluntatem, averſamur , tanquam si homines in nostram salutem & nomen pessime animati , nesciente Deo aut certe non jubente , consilium ceperint , quo nos penitus delerent, aut graviter vexarent. Cæcitas & insania manifesta. Grata tantum & nobis commoda submitti cælitus putamus ? imo tristitia etiam & incommoda : nec quidquam omnino in hac grandi machina geritur , turbatur, miscetur (dempto peccato) cujus non caussa & origo à prima illa caussa. Hieremias lacrimans : Quis est iste, inquit, qui dixit ut fieret Domino non jubente ? Ex ore Altissimi non egredientur nec bona nec mala ? Quid murmuravit homo vivens, vir pro peccatis suis ? Quam hoc stupidi atque impudentis hominis est , credere quidquam esse quod Deus

Thren. nor. c. 3. v. 37. & seqq. Hoc est pro peccatoris supplicio.

aut non immittat, aut certe non permit-
Cassian. tat. Clarissime Cassianus : Credere in-
coll. 3. concussa fide nos convenit : nihil sine
c. 20. Deo prorsus in hoc mundo geri. Aut e-
 nim voluntate ejus, aut permissu agi u-
 niversa fatendum est.

Vetustas gigantes fabulata est, qui
 divos deturbare aggressi de sua arce.
 Mittamus fabulas : Vos queruli, vos ii
 estis. Si enim mala omnia, quæ hîc pre-
 munt, non permiffa solum à Deo, sed
 immiffa, vos qui fremitis, qui repugna-
 tis, quid aliud quam sceptrum illi (quan-
 tum in vobis est) eripitis, & arbitrium
 regnandi? Creata omnia parent non in-
 vita, & obaudiunt supremæ illi legi;
 nobilissimū rerum homo, solus in con-
 ditorem suum calces jacet, & resistit.
 Quid frustra indignamur? omnes clades
 à Deo sunt, omnes, omnes. Quod ibi
 labes terræ oppida aliquot absorpsit, à
 Dei providentia est: quod alibi pestis
 multa millia hominum demessuit, ab ista
 est: quod cædes, bellum, tyrannis, &
 hîc & istic, ab eadem ista est. Sed
 omiffis publicis : Quod iste tuus adver-
 sarius, mi homo, partem tibi bonorum
 rapiat, ille famam inficiat, hic modis
 aliis te lædat, à Deo est hoc omne, non
 permittente solum, sed etiam immitten-
 te in te divinitus, ut id probe noris, di-
 vinitus hæc omnia immittuntur.

Ergo voluntas divina, non hoc tan-
 tum à nobis postulat, ut ab inferenda a-
 liis

illis injuria tam alieni sumus, tanquam si non inferre ullam possimus, sed vult etiam illatas ab aliis injurias ita toleremus, ut pacem cum omnibus servemus, etsi non itidem illi nobiscum. Sed ut exactius capiamus divinæ voluntatis arcana, illud cujus supra meminimus breviter explicandum.

II. Voluntas Dei Theologis duplex est, una *Signi*, qua Deus præcipit, prohibet, permittit, suadet, operatur aliquid, & hanc suis legibus ac præceptis declarat: altera *Beneplaciti*, qua destinatum quid usquequaque vult fieri, vel cum conditione, vel sine illa. Angelis & hominibus æternam felicitatem voluit impertiri, ea tamen conditione & lege, si ipsi non obsisterent suo arbitrio. Alia vult Deus sine ulla adjunctione. uti voluit cælum terramque condere, ita vult esse perpetuum ordinem Orbis totius & gubernationem, qua cuncta disponit sapientissime. Huic Dei voluntati nemo potest obsistere; nullas illa leges patitur, nihil quicquam alieno facit imperio, nulli paret. Ipse Deus per Isaïam id affirmans: Consilium, inquit, meum stabit, & omnis voluntas mea fiet. Sic erit verbum meum, quod egredietur de ore meo: non revertetur ad me vacuum, sed faciet quæcunque volui. Nos autem viles servuli, velimus nolimus, quicquid ex alto in nos Deus decreverit, non possumus non ferre. Omnes cum ærumnis

Is. c.
46. v.
10. &
c. 55.
v. 11.

plurimis copulati sumus: aliorum aurea catena est & laxa, aliorum arcta & for- dida. Sed quid refert? eadem custodia universos circumdedit: alligatique sunt etiam qui alligaverunt. Omnis vita ser- vitium est, imo & supplicium est omnis vita. Assuescendum itaque huic conditi- oni, & quam minime de illa querendū. Hic illud ingenti solatio est, scire, sic Deum velle, ita Deo placere, & nemi- nem esse qui divinæ possit resistere vo- luntati. Mardocheus hoc ipsum pro- clamans: Domine, inquit, Domine rex

Esther
c. 13.
vers 9. omnipotens, in ditione tua cuncta sunt posita, & non est, qui tuæ possit resistere voluntati. Hoc Augustinus excellenter declarans: Hæc, inquit, sunt magna o- pera Domini, exquisita in omnes volun- tates ejus, & tam sapienter exquisita, ut cum angelica & humana creatura peccasset, id est, non quod ille, sed quod voluit ipsa fecisset, etiam per eandē crea- turæ voluntatem, qua factum est quod creator noluit, impleret ipse quod vo- luit, bene utens & malis, tanquā sum- me bonus. Quamvis igitur impii divinæ obnitantur voluntati, suam tamen Deus ex illismet perficit voluntatem, & illo- rum voluntate pessima optime utitur.

E dictis liquet, quomodo Deus om- nibus velit salutem, eam tamen non om- nes assequantur, quia conditioni latæ non obtemperant, præceptis divinis re- belles. Quibus severe vaticinatus Ser- vator:

vator : Non omnis, inquit, qui dicit mihi, Domine, Dñe, intrabit in regnū cælorū, sed qui facit voluntatem Patris mei qui in cælis est, ipse intrabit in regnum cælorum. Qui sapit, in divinam voluntatem totus mature transit.

III. Quæ cum ita sint, nihil rectius aut præstabilius facere possumus, quam si nostram divinæ voluntati penitissime submittamus & accommodemus, dicamusque cum Heli sacerdote : Dominus est, quod bonum est in oculis suis faciat. Cum Ioaboduce: Dominus faciat, quod bonum est in conspectu suo. Cum Davide rege : Si dixerit mihi Dominus, Non places ; præsto sum, faciat quod bonum est coram se. Cum Iuda Machabæo: Sicut voluntas fuerit in cælo, sic fiat. Cum Christo Servatore : Pater mi, si non potest hic calix transire nisi bibam illum, fiat voluntas tua. Quod si filius fuit tam obsequens, ut patris exequeretur voluntatem plenissime, Nam, Descendi de cælo, inquit, non ut faciam voluntatem meam, sed voluntatem ejus qui misit me : Si hoc à filio exigebatur, quanto minus servos abnuere imperium fas est? Æquissimum prorsus censeamus, ut homini placeat, quicquid ab omni ævo placuit Deo. Miles in castris, audito viæ signo, vasa colligit; audito pugnæ, deponit, & arma sumit, animo, manu, oculis, paratus ad omnem nutum, & intentus. Idē nobis fit, & in hac militia sequamur a-

*Matth**c. 19.**v. 17.**1. Reg.**c. 3. v.**18.**2. Reg.**c. 10.**v. 12.**2. Reg.**c. 15.**v. 26.**L**Mach.**c. 3. v.**60.**Matt.**c. 26.**v. 42.**Ioan.**c. 6. v.**38.*

lacres & pleno gradu, quocunque vocantem Imperatorem nostrum. Quicquid evenerit, feramus, non patientes tantum, sed etiam volentes, omnemque temporum difficultatem sciamus legem esse naturæ. Et ut bonus miles fert vul-

Seneca

l. de vi-

ta bea-

ta cap.

15.

nera, enumerat cicatrices, & transverberatus telis amat eum, pro quo cadit, Imperatorem: sic in animo habeamus

illud vetus præceptum: DEVM SE-
QVERE. Quisquis autem queritur, & plorat, & gemit, imperata facere vi cogitur, & invitus rapitur ad iussa nihilo minus. Quæ autem dementia est, potius trahi quam sequi? quæ stultitia & ignorantia conditionis suæ, dolere, quod aliquid tibi incidit durius; aut mirari, aut indigne ferre ea, quæ tam bonis accidunt quam malis? morbos, dico, funera, debilitates, & cetera ex transverso in vitam humanam incurrentia. Quicquid ex universi constitutione patiendum est, magno excipiat animo. Ad hoc sacramentum adacti sumus, ferre mortalia; nec perturbari his, quæ vitare nostræ potestatis non est. In regno, certe ad regnum nati sumus: Deo parere, libertas est.

Diximus, qua ratione in divinæ voluntatis notitiam veniendum. At illam nosse non satis est: suam illi arctissime conjungere oportet. Quibus autem hæc conjunctio constet, libro sequenti exponemus.

Imagi-

Inaginis sequentis brevis explicatio.

Divinam voluntatem agnovisse parum est, nisi
agnitam amplectamur. Hoc ad clavum Oliva-
rum Christus nos docuit, ubi crucem & calicem Pas-
sionis amarissimum sic amplexus est: Pater, non
mea, sed tua voluntas fiat. Cor Dei, seu Voluntas &
Providentia divina illud assidue nobis ingerit:
EGO TIBI, TU MIHI. Ego tibi in
omnibus providendo. Tu mihi in omnibus serviendo.
Quid hic aliud voluntas humana respondeat, quam
illud regium? **FIAT, FIAT.** At deferenda
est voluptas? **FIAT, FIAT.** At jactura pe-
cunie facienda? **FIAT, FIAT.** At dam-
num famia perferendum? **FIAT, FIAT.**
At adversa plurima sunt toleranda? **FIAT,**
FIAT. At denique & moriendum est? **FIAT,**
FIAT quando, & qua ratione Deo placuerit.
Idem hoc nobis representat Heliotropium, quod ex-
plicato rectoque vultu totum solem excipit, & quo-
quo sese sol egerit, eo & suum caput flos ille conver-
tit, seu serenus, seu nubilus sit dies. Idem & humana
faciat voluntas, & quo Divinae voluntatis nutus
evocat, eo eat, currat, volet. Vis nunquam errare?
Divinam Voluntatem semper sequere.

CONFORMATIO CVM DIVIN^A VOLVNTATE.



Non mea, sed tua voluntas fiat.

LUC. 22. V. 24.

Ingressus ad conformationem humana voluntatis cum divina.

FVit olim magni nominis Theologus, qui octennium ipsum assiduus precibus Deum obsecravit, hominem sibi monstraret, à quo viam doceretur ad cælum compendiosissimam. Eo igitur die, quo hujus hominis alloquendi desiderio maximo tenebatur, nec aliud mallet quam videre magistrum tantæ arcanæ veritatis, vocem cælitus allatam audire sibi visus, quæ sic moneret: Exi foras ad templi vestibulum, & qualem quæris, reperies hominem. Prodiit ergo in publicum, & ad ædis sacræ limina mendicum invenit tibiis ulcerosis, & multo pure fluentibus; vestis mendici vix trium obolorum erat. Huic Theologus candidum precatus est & prosperum mane. Cui medicus: Non memini, ait, me unquam habuisse adversum. Hic literatus ille, primam salutationem velut correcturus: Eja, inquit, fortunatum te reddat

reddat Deus : At ego, inquit mendicabulum, infortunatus nunquam fui. Obstupuit ad hanc vocē Theologus, sed ne forsan errasset audiendo, votum suum reperens, sed paullo aliis verbis : Ecquid ais, inquit, felicem esse te jubeo. Mox iterum mendicus : Nunquam, ait, infelix fui. Theologus argutari credens dicacem mendiculum, & ut hominis ingenium experiretur : Eveniant, inquit, volo tibi quæ optas, atque id fiat. Non est, ait iste, quod hîc querar : Omnia fiunt ut volo; quamvis fortunæ mea consilia non applicem. At doctor ille denuo salutans an valedicens: Servet te Deus, inquit, vir bone, si quidem fortunam oderis. Sed dic obsecro, tunc solus inter calamitosos mortales beatus? Iob ergo falsus, qui asserit : Homo natus de muliere, brevi vivens tempore, repletur multis miseriis. & quomodo tu solus evasisti omnes malos dies? non satis assequor animi tui sensa. Ad quæ mendicus : Sic est, mi Domine, ut dixi. Optanti mane prosperum, negavi me unquam habuisse improsperrum. Sorte mea, quam mihi Deus hîc assignavit, contentissimus sum. Non egere felicitate, felicitas mea est. Monstra illa, Fortuna & Infortunium neminem lædunt nisi volentem, aut certe timentem lædi : Nec ego unquam fortunæ supplico, sed Patri cælesti, qui rerum omnium eventus gubernat. Ita me nunquam infelicem fuisse

fuisse ajo, ut cui omnia ex voto cadunt. Quod si fame urgear, Deum providissimum patrem ob id laudo. Si frigus me urat, si nimbus in me ruat, si aliis cælum injuriis me impetat, Deum æque laudo: cum aliis ludibrio sum, Deum non minus laudo. Nam certus sum, horum omnium auctorem esse Deum, nec posse non esse optimum quod Deus facit. Idcirco quicquid Deus vel tribuit, vel evenire permittit, gratum sit an ingratum, dulce an amarum, juxta habeo, nam hæc omnia velut de manu parentis optimi lætus accepto, & hoc unum volo quod vult Deus; ita omnia fiunt ut volo. Miser est, qui fortunam aliquid in se posse credit, & is demum vere infelix est, qui nescio quam felicitatem in hoc Orbe somniat. Hæc vera est felicitas in hac vita, soli voluntati divinæ quam tenacissime inhærere. Dei voluntas, optima, rectissima voluntas, quæ nō rectior fieri, nec mala esse potest, hæc de omnibus judicat, de hac nulla. Ut hanc sequar, meum ego studium omne confero, in hanc unam curam tota mente incumbo, ut quicquid vult Deus, hoc & ego nunquam non velim. Ea de causa, nequaquam infelicem me censeo, quando meam omnem voluntatem sic integre in divinam transfudi, ut apud me non aliud *Velle* sit aut *Nolle*, quam quod Deus vult aut non vult. Itane vero, inquit Theologus, tu ista ex animi tui sententia.

pro-

profers? Sed dic, obsecro, eademne tibi mens esset, si te Deus ad inferos statuisset præcipitare? Cui prompte mendicus: Me, inquit, ille ad inferos præcipitare? ad inferos ille? At scias duo mihi esse brachia miri roboris, his ego illum arctissime stringerem complexu insolubili. Vnum brachium est, subjectissima Humilitas per sui oblationem: alterum Charitas sincerissima per Dei dilectionem. His ego me brachiis Deo sic innecterem, ut quocunque ablegarer, illuc eum una mecum traherem. Et sane multo foret optatius, extra cælum esse cum Deo, quam in cælo sine illo. Theologus ad has voces attonitus, cum animo suo cogitare cœpit, hanc illam esse compendiosissimam semitam ad Deum. Sed libuit ulterius sciscitari, & sapientiam in domo tam incommoda habitantem elicere in apertum: Et unde tu, inquit, huc advenisti? A Deo veni, respondit mendicus. Cui Theologus iterum: Et ubi nam locorum, inquit, reperisti Deum? Vbi res creatas omnes, ait iste, deserui. Theologus denuo: Vbi vero, ait, Deum reliquisti? Subjecit pauper: In mentibus puris, ac bonæ voluntatis. Ecquid tandem hominis es? ait Theologus. Mox alter: Quisquis sim, inquit, forte mea tam contentus sum, ut eam cum omniū Regum opulentiis non commutaverim. Rex est, quisquis sibimet novit imperare. Ergone te regem credam? inquit alter,

ter, ubi regnum tuum? illic, ait mendicus, & simul digito cælum monstravit: Rex est, cui regnum illud in alto certis chirographis transcriptum est. Denique Theologus finem facturum quæstionibus: Quis ista, inquit, te docuit, quis hunc tibi animum injecit? Respondit alter, Dicam domine: totos ego dies fileo, & jam vel precibus vel piis cogitationibus vaco, & hoc unice curo ut Deo semper sim conjunctissimus. Conjunctio & familiaritas cum Deo divinaque voluntate docet hæc omnia. Plura quærere volebat Theologus, sed in aliud tempus id differendum ratus, in præsentia valedixit. Dum abit, multa secum cogitans: En, ajebat ipse sibi, doctorem reperisti rectissimam ad Deum viam. Quam vere Augustinus: Surgunt indocti, & cælum rapiunt, & nos cum doctrinis nostris sine corde, ecce ubi volutamur in carne & sanguine? Hoc est quod Christus gratias agens: Confiteor, inquit, tibi Pater, Domine cæli & terræ, quia abscondisti hæc à sapientibus & prudentibus, & revelasti ea parvulis. Vere sub sordido pallio sæpe magna latet sapientia. Et quis tantum divinæ eruditionis quærat in homine tam abjecto, quis credat tantum spiritus recõdi in tam illitterata simplicitate? En, illa duo brachia roboris invicti, *Oblatio sui*, &, *Dilectio Dei*. hæc Deum quocunque lubuerit trahunt. His brachiis Deus quam arctissime se stringi

F

per-

*Aug.**l. 8.**Confess.**cap. 8.**initio.**Matth.**c. 11.**v. 25.*

permittit, alios refugit attactus.

Rei narrata fides sit penes auctorem ; Is est Ioannes Taulerus, è S. Dominici familia, in suis institut. mibi pag. 109. Fuit hic concionator insignis & piissimus unde eo Bellar. in scriptor. Eccle. Vixit Anno 1350.

CAPVT II.

Qua voluntas Hominis ad hanc cum Dei voluntate conformationem sit maxime idonea.

VT Affuero regi pararentur virgines, ex omnibus regni provinciis lectissimæ adducebantur in Susa metropolim. His annus erat in uno corporis cultu transigendus. Et quæ non lotiones, frictiones, polituræ, unctiones adhibebantur? Quantum cerussæ, purpurissî, stibii, aliorumque pigmentorum exhauriebatur concinnandæ formæ? Tanti erat regis oculis placere. Et humana voluntas ab omni ornatu imparata, velut rusticana mulier ex agro, in summæ regis amplexus ruere non vereatur? V ergo norit hominis voluntas, divinis oculis tum demum se placituram, si non tantum minimos etiam nævulos conetur abstergere, sed ea sibi ornamenta comparare, quæ divinam voluntatem invitent ad hoc cum ea connubium.

Igitur ordini servando, & vitandæ obscuritati, ita rem distinguimus, ut suæ voluntati nomina tanquam titulos assignemus, è quibus discat qua præparatio

ne sit opus ad hanc cum divina voluntate conformationem. Et quemadmodū herus novum famulum in suas ædes admissurus multa paciscitur, & : Volo, inquit, ut non sit fabulator, non nugigerulus, non lusor, non rixosus, non ebriosus; cum primis vero sit diligens, sit fidelis. sit obsequens. Hoc jus heri est, ejusmodi leges sancire famulis. Et cur Deo humanam voluntatem in amicitia admissuro, non idem juris sit? Quocirca sciat voluntas hominis, jam aliis sibi legibus vivendum, præcipue istis.

I. *Voluntas Insons* sit. Hoc cum primis exigitur. delicatus è cælo sponsus est, sordes & odit, & arcet. Voluntas illi copulanda oderit etiam necesse est omne genus fordium: & ita quidem ut non tantum avaritiæ non studeat, luxuriæ non indulgeat, iracundiæ non obediat, sed etiā si quid propensionis & affectus sentiat ad hæc inquinamenta, id omne in se viriliter expugnet, nec tantum nolit obscæna cogitare, sed etiam velit castissima quæque meditari. Sed sermo nobis non est de iis quæ nemini non clara sunt. Aliud est miræ subtilitatis, sed & maximæ celeritatis vitium, Invidia. Hic voluntas insons sit, & ab hac lue immunem se præstet. Voluntas ad divinam conformanda sine omni livore sit; non invidia alienæ felicitatis tangatur, nec prematur suæ. Nam qui Deo vere conjunctus est, videt quidem alios gratia &

opibus florere, non tamen invidet, sed ad Deum versus: O Domine, inquit, vis illum aut istum ad opulentiam, ad honores evehi, me contemptim neglecto? Non repugno, mi Deus, nec ejus rei causam à te postulo. Mihi satis causarum, mihi rationum abunde satis est, tua una atq; unica voluntas. Certissimus enim sum, nisi tu id permitteres, & quidem meo bono, non fieret, nec id ullus hominum impetraret, quod te annuente, nullo negotio, & forte pauculis verbis confectum est. Sed & in ceteris, scio, tuo fit permisso, mi Domine, ut iste me sic allatret, ille me sic tractet, hic ita exagitet me, nunquam illos, quod sciam, læsi; verum in tua voluntate satis ad hoc responsi reperio: Tu hæc permisisti, tu jussisti: sint ergo illi Semei, sim ego David, si tibi sic visum est, mi Deus.

Sanctissimus ille Antiochenus antistes & martyr Ignatius: Frumentum Christi sum, inquit, dentibus bestiarum molar, ut panis mundus inveniar. Ita nimirum nos Deus mensæ suæ præparat dominicum panem. Quid ergo habemus contra homines queri? molares lapides sunt qui nos velut offusum triticum commolunt. Ut hoc altius in animum demittamus, consultissimum est, singulis horis aliquoties animum erigere ad Deum, repetitis precationibus: *Benedictus Deus in æternum. Domine quid me vis facere? Fiat voluntas tua.* Hæc prima voluntatis

*Vide
Horologium
Angli
Tutelas
Hora
II. diei.*

tatis humanæ præparatio est, puram esse à nævis, præsertim ab omni simultate ac invidentia. Sed præterea requiritur.

II. *Voluntas Tolerans.* Cum quis rebus adversis agitur, omne præsidium à patientia petat, dicatque sereno animo: Hoc omne à Deo est, quicquid patior; sed est à Deo per hanc occasionem, per istum hominem, per illam causam in me immissum. Et hujus quidem rei tam certus sum, atque vivere me scio. Hic plurimis aqua hæret, qui non ea fide in Deum pollent, ut sibi certo persuadeant, tam adversa & omnes malignos eventus à Deo esse, quam prospera & optatissimos successus. Si hoc certum habere-mus, quod in se certissimum, non facile quidquam impatienti aut dejecto animo ferremus, nec toties illis vocibus urgendī essemus: *Vos modicæ fidei.* At vero adversa omnia à Deo, per quemcumque tandem, ad nos derivari, Christus sic demonstrans: Nonne duo passeret, inquit, *Matt. c. 10.* asse veneunt, & unus ex illis non cadet *v. 29.* super terram sine Patre vestro. Idem repetens: Nonne quinque passeret vene-
unt dipondio, inquit, & unus ex illis non
Luc. c. 12. v. 6. est in oblivione coram Deo? Sed & capilli capitis vestri omnes numerati sunt. Nolite ergo timere, multis passeribus meliores estis vos. Itane Deus cum passerculo in terram cadit? certe voluntas Dei, quippeni Deus ipse? qui sicut in
F 3 rebus

rebus creatis omnibus assidue operatur, ita cum pisce natat, ita cum ave volat, cum angue serpit, cum quadrupede incedit; non deserit Deus ea quæ condidit. Licet ergo toties tot alaudarum milia cassibus simul irretiantur, harum tamen nulla & nec minima quidem alaunda sine voluntate Dei capitur: *una ex illis non cadit super terram sine Patre caelesti.* Quod autem providentissimam Dei voluntatem attinet, eadem & aquilæ, & passeruli, & hominis est ratio. Si erga avicularum nulla in aucupatoriam aream delabitur sine Dei voluntate, & tu homo ad Conditoris imaginem factus, Regni futurus hæres, te ullis adversis exerceri, te injuria, te damnis, te tristitia, credis affici, Deo non singulariter volente? Ut autem exactius hoc ipsum caperemus, nec temere unquam diceremus, rerum animatarum duntaxat Deo hanc curam esse, addidit Servator: Omnes capilli capitis vestri numerati sunt. Quis hominum unquam capillorum suorum numerum inire potuit? Deus in numero habet tam omnium quam unius hominis, & nolente Deo nullus subtrahitur. Quotiescunque igitur in rebus adversis patientiam abjicimus, male aliis imprecamur, modo huic, modo illi culpam impingimus, & velut è plaustro convitia serimus, maximum Fidei defectum in nobis aperimus; nimirum illorum, quæ nos mala vocamus, Deum auctorem

Etorem facere veremur fallaci pietate.

Fuit, cum in mari solus Ioannes, ceteris discipulis id ignorantibus, agnosceret Dominum diceretque: Dominus est. Plurimi sunt qui inter rerum turbatarum fluctus non agnoscant turbati maris auctorem Deum, sed in eos, quos hostes putant, acerrime stomachantes: Ille semissis homo, ajunt, ille nebulo, hic furcifer, iste tenebrio, illud flagitium hominis, hoc mihi malum fabricavit; ab illo bipedum nequissimo hæc in me cussa est faba. At longe aliter loqui assuevit *Voluntas Tolerans*. Hoc omne malum, inquit, à Deo est: Deus me castigat meritissimo: Dominus est, quod bonum est in oculis suis faciat. Sed progrediamur.

III. *Voluntas Hilaris*. Hæc hominem sic instruit ut tam victu quam ceteris omnibus, que quotidie velut è manu Dei accipit, sit contentissimus. Hic talis homo: Mi Domine, inquit, satis est quicquid mihi das, etsi avaritiæ meæ id subinde parum videatur; nec istud quidem ullo modo sum meritus; tu nimis in me liberalis es: ego equidem vel aëre quem haurio, indignum me sentio.

Nunquam queri solet divinæ voluntatis studiosus; nemo audierit ex illo talia: Vix ego victum mihi comparo; alii lautissime vivunt, & nec dimidium mei laboris suscipiunt; parum ferunt & amplissimas colligunt segetes. Optime olim Venusinus vates quæsiit:

Horat. Qui fit Mecenas, ut nemo quam sibi sortē

lib. I. Seu ratio dederit, seu fors objecerit, illa.

Sat. I. Contentus vivat? laudet diversa sequētes?

Hinc est, mi poeta, hinc est, quod divi-
næ voluntati tam ægre acquiescamus.
Cupiditas nostra in alia atque alia, &
sæpe in longinqua fertur, nec est finis
concupiscendi. Cum vero concupita non
obtinemus, in querelas & murmura sol-
vimur. Angustus animus est quem tanto-
pere delectant terrena.

Plin. l. Heliotropium nobis assidue ante ocu-
los versetur, de quo eleganter Plinius:

22. Heliotropii miraculum, inquit, sæpius
hist. diximus, cū sole se circumagentis, etiā

Nat. nubilo die: tantus fideris amor est. Noctu
a. 21. vero velut ejus desiderio contrahit cæ-
ruleum florem. Nota, mi homo, helio-
tropium etiam nubilo die circumagere
se cum sole, amore solis. Sol noster, vo-
luntas Dei est: hæc nobis non semper
extra nubem illucet, serenis turbidi dies
miscentur, quos pluvix, venti, grandi-
nes infestant. Nemo Christianorum est,
qui non sæpius sentiat hanc cæli gravi-
tatem & turbulentas tempestates. At
nos instar heliotropii cum sole nostro,
cum divina voluntate nosipsum circum-
agamus diebus etiam nubilis; tantus
sit nostri fideris illius amor. Et sane nul-
la nobis unquam tranquillitas obtinget,
innumera hinc illic displicebunt, à nulla
re satisfiet, nunquam forte nostra con-
tenti erimus, omnia deesse videbuntur,
etsi

etſi adſint omnia : nunquam extra me-
 tum, frequenter oppreſſi tædio, pertur-
 bati, puſillanimes, pleni querelarum &
 livoris, nunquam non miſeri erimus,
 quamdiu non ad hunc ſolem, divinam
 voluntatem nos circumegerimus, ut
 heliotropium. Fixiſſimis & inconnivis
 oculis ſol iſte nobis aſſidue aſpiciendus
 eſt quocunque ſe vertat, hoc unicum in
 animo ſemper volutandum : Ita Deo
 placet, ita & mihi : vitæ mortisque re-
 gula mihi eſt unica Dei voluntas : Sic-
 ut Domino placuit, ita factum eſt, ita
 fiet, fit nomen Domini benedictum.
 Nunc quidem ſol noſter nube abditur,
 ſed brevi lætum os exeret extra hanc nu-
 bem mœroris. Vide omnium ſæculorum
 decurſus, variosque rerum eventus non
 raro nubilos poſt ſerena principia, ſæpe
 ſerenos poſt initia nubila. Sic igitur nos
 comparemus, ut ante omnem eventum
 nihil magis velimus quam ſequi divinā
 voluntatem. Ex Hebræis olim litteratus
 quiſpiam, verbis certe promptiſſimus,
 Chriſto ſe traditurus : Magiſter, inquit,
 ſequar te quocunque ieris. Ita nos qua
 verbis qua factis promptiſſimi ad omnē
 divinæ voluntatis nutum, ſequamur
 quocunque ierit.

IV. *Voluntas Longanimis.* Pleraque om-
 nia noſtra corrumpimus longanimitatis
 defectu. Iſraelis populus Moſis in mon-
 te moras pertæſus ad idola ſe vertit, &
 vitulum aureum pro Deo ſibi ſtatuit,

Luc.c. emanfione nimis diuturnam cauffatus.

24. v. Ita duo illi viatores Emmauntern ten-

12. dentes :Et nunc, ajunt , ſuper hæc omnia tertia dies eſt hodie,quod hæc facta ſunt.Eſt,ô viri boni,dies tertia,ſed nunquid hæc tertia dies jam abiit , an nihil temporis ſuper eſt reviviſcendi ; ſiccine omnis veſtra longanimitas conſumpta? O non longanimes ! ſi dies hæc tertia tranſiſſet , ſi quarta vel quinta jam adveniſſet , videremini cum ratione deſpondere animum.At cum tertiam hanc diem necdum ad veſperem deduxeritis, quid eſt quod de redivivo Domino tam præpropere diffiditis? Ad vota noſtra nimis quam præproperi ſumus , & niſi mox fiat quod cupimus , omnem ſpem noſtram in impatientiam aut etiam deſperationem præcipitamus.Longe aliter *Pſal.* Deus : Miſerator & miſericors dominus, *102.* longanimis, & multum miſericors. Nec *verſ.3.* vult perire animam, ſed retractat,cogitans ne penitus pereat qui abjectus eſt. *2.Reg.* Avarus ſeſtertium bis terve manu verſat,dum expendat , ſic Deus ad pœnas *ca.14.* tardus quaſi retractat,antequam decretoria ſententia feriat , & in gehennam mittat ac ſupplicia. *v.14.*

Nos , & modicæ fidei, & curtæ ſpei, ſi quid à Deo bis terve petierimus , nec impetremus,ſpem omnem abjicimus,& more mendicorum , qui ſi ante domum clamore aut pulſu ſtipem aliquoties rogarint , nec auditi fuerint, dicunt : Ne-

mo

no est domi. Pulsate, ignavi, pulsate: pul-
santibus panditur hoc ostium. Quam in-
rebus aliis obstinatae sæpe longanimita-
tis sumus! sunt qui officium aliquot an-
nis ambiant, & non raro frustra. Pin-
guior hæreditas quam summa patientia
expectatur? & ne moras nimium sentiat
hæres, temporis velocitate se solatur.
Nos tamen ordinationi divinæ metas
figimus, & tempus præscribimus; ni-
mum nobis cunctatur in morbis opitu-
latrix Dei manus; vociferamur: Et quan-
do tandem Domine, cur moraris? quid
differs opem? quamdiu supplicandum?
Tot jam annis clamo, nec exaudis. Nisi
Domine succurras hoc anno, precari de-
stinam, & actum putabo. In hoc certe
non absimiles sumus Bethuliæ civibus, *Judith*
qui: Contestamur, ajunt, hodie cælum *cap. 7.*
& terram &c: ut jam tradatis civitatem *v. 17.*
in manu militiæ Holofernīs, ut sit finis *23. &*
noster brevis in ore gladii, qui longior *seqq.*
efficitur in ariditate sitis. O minime lon-
ganimes! itane rebus omnibus despe-
ratis civitas tradenda hosti? an nullum
è cælo auxilium sperandum? Hanc ci-
vium extinctam longanimitatem non
modice fovi Ozias sacerdos, qui lacri-
mis infusus: Æquo animo estote fratres,
inquit, & hos quinque dies expectemus
misericordiam. Forſitan enim indigna-
tionem suam abſcindet, & dabit gloriā
nomini ſuo. Si autem tranſactis quin-
que diebus, non venerit adiutorium, facie-
mus

mus hæc verba quæ locuti estis. O mi Ozia, ô sacerdos, quam hîc non altum sapiis supra vulgus ! Siccine vos tempus Deo admetiri, & ferendæ opis constituere diem ? adeone omnis apud vos nō extincta tantum sed & sepulta est longanimitas ? Non tulit hoc generosissima

Judith. c. 8. à Judith, & accersitis presbyteris: Quod v. 10. est hoc verbum, inquit, in quo consent ad 20. rit Ozias, ut tradat civitatem Assyriis, si intra quinque dies non venerit vobis adjutorium ? Et qui estis vos qui tentatis Dominum ? non est iste sermo qui misericordiam provocet, sed potius qui iram excitet, & furorem accendat. Posuistis vos tempus miserationis Domini, & in arbitrium vestrum diem constituistis ei. Quid ergo faciendum suades ô Judith ? Dicamus flentes Domino, ut secundum voluntatem suam sic faciat nobiscum cito misericordiam suam, expectemus humiles consolationem ejus. Hac sane ratione Longanimis voluntas sic Deo conjungit hominem, ut quantūcunque afflictus, dicat tamen : Secundum voluntatem tuam, ô Deus, sic facias mecum misericordiam tuam: ô Domine et si decem annis, etsi viginti aut triginta, etsi annis quinquaginta ad te clamavero, clamare tamen non cessabo, nullos tibi terminos figo : & quamvis scirem me penitus à te non audiendum, id me tamen fides docet infallibilis, me vacuum à te non dimittendum; si negetur
peti.

petita , dabis meliora. Itaque si moram *Abac. cap. 2. vers. 3.*
feceris , expectabo te, quia veniens ve-
nies, & non tardabis.

V. *Voluntas Ardens.* Hæc in eo consistit *Vide plura de hoc infra l. 4. c. 5.*
ut non tantum velit aut nolit, quod vult
Deus aut non vult , sed propter hoc ip-
sum Dei *Nolle* aut *Velle* , illud respuat,
istud admittat, ardenti studio, nec ullam
aliam habeat causam hoc agendi ; hoc
omittendi quam divinum beneplacitum.
Hominem hac voluntate præditū si quis
interroget, cur istud nolit, hoc velit, non
aliud se causæ habere respondebit, quā
quod Deum id nolle, & velle istud com-
periat . Amo , inquit Bernardus, quia a- *Bern. in soli- loq. mi- hi pag. 667.*
mo , & amo ut amem , amor enim est
qui amatur . Augustini monitum est : O-
portet nos in eundem affectum transire,
ut sicut Deus omnia voluit esse propter
seipsum , ita nos quoque nec nosipsos
nec aliud esse velimus, nisi propter Deū
& ipsius voluntatem . Neque aliter Epi-
ctetus : Quid vero est, inquit, dedere se
Deo ? Vt quod ille voluerit , & ipse ve-
lit, & quod ille noluerit , nec ipse velit.
Quī ergo istud fiet? Quomodo fieret a-
liter, quam si consideret quispiam volun-
tatem Dei & gubernationem?

Vigente lege prisca voluit Deus , ut
omnis supellex Altari & Tabernaculo
dicata hyacinthino velo involveretur, &
sic involuta portaretur à Levitis. Iuben- *Num. cap. 4. v. 12.*
tis verba hæc erant : Omnia vasa qui-
bus ministratur in sanctuario , involvent
hy. & 20.

hyacinthino pallio, & extendent desuper operimentum ianthinarum pellium, & inducent vectes. Hoc ea de causa factum quæ subjungitur: Alii nulla curiositate videant, quæ sunt in sanctuario priusquam involvantur, alioquin morientur. Ita bajuli sacræ supellectilis nihil eorum videbant quæ ferebant, sed solum onus sentiebant, omnia enim cæreuleum tegmen oculis subducebat. In hunc plane modum, quisquis se Deo plene tradidit, suavissime nescit, sed nec scire cupit cur hoc aut illud à Deo permittatur, aut jubeatur; onus ille quodlibet subit promptissimis humeris, sed onus cyaneo velo coopertum, hoc est, divina voluntate vestitum, hanc illi videre fatis est.

V I. *Voluntas Omniparens.* Omniparentem dicimus voluntatem, quæ instar fecundissimæ telluris, omne genus optimorū desideriorū effundit, eaque velut primogenitos partus consecrat divina voluntati. Hic animus altus, cælique appetens exsurgit, hic gemitus amoris pleni, hic suspiria in altum effervescentia: O mi Deus, quam ego, cupio non solum pati plurima, sed & mori pro te, vel acerba morte. Per cælestes hos impetus animi, Deus & homo sic conspirant in rebus prorsus omnibus, ut ex hac tam suavi conspiratione ac consensu jucundissima inter Deum & hominem
na

scatur confiliorum communicatio, & intima familiaritas, ita ut demum homo ad omnes rerum eventus dicat, Ita Pater, Ita Pater, quia sic fuit placitum ante te, Ita Pater. Si bona suscepimus de manu Dei, mala quare non suscipiamus? Sic omnia tam molesta quam grata velut è manu Dei placidissime accipit. Qua in re mirum est quantum lucis alluxerit priscis Philosophis. Ex his divine monens Epictetus: Nunquam, ait, te quidquam perdidisse dicto, sed reddidisse. Filiolus obiit? redditus est. Prædium est ereptum? An non id quoque est redditum? At improbus est qui eripuit. Quid tua id refert, per quem, is qui dederat, repetierit? Sed quamdiu concesserit, tanquam alienum id curato, ut cauponam viator.

*Matt.**c. 11.**v. 26.**Iob. c.**2. v.**10.**Epict.**Enchir.**vid. c.**15.*

Ita prorsus qui Deo se quam conjunctissimum cupit, non aliter philosophatur, quicquid rerum auferatur, non attendit auferentem, sed Deum sua repentem. Idcirco illud Christi assidue ingeminat: Ita Pater, quoniam sic fuit placitum ante te, ita, mi Pater, ita. Hic observa, obsecro te, Lector, succinctam divini hujus sermonis explicationem. Cælestis Pater jam olim per Isaiam vatem allocutus Filium: Et dedi te, inquit, in fœdus populi, in lucem gentium. Perinde si dicat: Parum mihi est ut reliquias Israël ad me adducas, barbaras etiam gentes à te doceri volo. Hic Patris sermo
oñtin-

Nam octingentis annis virgineum partū præ-
Isaias cessit. Hoc igitur Patris decretum tot an-
occisus te annis promulgatum, pronissima vo-
est an- luntate amplexus Filius, respondit idem
no se velle quod Pater. Idcirco Matthæus:
Mundi In illo tempore, inquit, respondens
 3340. IESVS dixit. Et cui respondit nemine
 interrogante? Æterno Patri respondit,
 ante tot sæcula Filium alloquenti. Et en-
 quam læte Filius, voluntatem Patris de-
 osculatus dicat: Ita Pater, quoniam sic
 fuit placitum ante te: factum à me ha-
 beto Pater, quicquid imperaveris. Sicut
 autem cælestis Pater cum Filio per Isai-
 am ante tot annos locutus, & Filius Pa-
 tri respondit: sic cum quovis nostrum
 ab æterno fermocinatus est Deus; di-
 stinctissime ac ordinatissime disposuit
 quo tempore quilibet hominum nasci-
 turus, quo moriturus; auxilium omne
 consequendæ beatitudini paravit; præ-
 vidit quid quisque per omnem vitam co-
 gitaturus, dicturus, acturus, & qua ra-
 tione auxilia oblata sit accepturus. Cum
 igitur hac ratione nos Deus ab æterno
 benignissime sit affatus, an non æquis-
 simum, ut & nos, suo quisque tempore,
 cum Christo respondeamus, Ita Pater,
 Ita mi Pater, quoniā sic & sic, atque sic
 fuit placitū ante te, Ita Pater: idq; horis
 singulis, instaurato aliquoties desiderio
 ingeminemus, Ita Pater, & hoc ad ulti-
 mum usque halitū, constantia inviolabi-
 li perpetuemus. Sed plura de hoc infra.

CAPVT III.

Quomodo voluntas hominis ad Dei voluntatem sit conformanda.

Diximus quid præparationis sit præmittendum huic voluntatum conjunctioni, & quæ hominis voluntas ad conformationem cum divina censeretur possit maxime idonea : nunc porro dicendum, quomodo reipsa voluntas hominis ad Dei voluntatem sit conformanda.

I. Optime Thomas Aquinas dixit, Omnes actiones cum virtute conjunctas, ea ratione Deo probari, si eo fiant nimo, ut divinæ voluntati obtemperetur. Nullius meriti est, vitam etiam & sanguinem prodigere, nisi ad divinæ voluntatis placitum. Hoc Pæmen vir sanctus assidue monens : Nunquam, inquit, tuam contra divinam voluntatem statuas ; voluntas tua divinæ semper sit conjunctissima. Hæc autem conjunctio vera sit, est sincerissima in omnibus cum divina voluntate concordia, quæ hominem sic instruit, ut illius assiduæ sint hæ voces : Sicut Deus vult, sic & ego; quando Deo complacitum est, tunc & mihi.

Laudatissima Ruth socrum suam Noemi affata : Quocunque, inquit, perrexeris pergam, & ubi morata fueris, & Ruth. c. I. v. 16.

G ego

ego pariter morabor : populus tuus populus meus , & Deus tuus, Deus meus, quæ te terra morientē suscepit , in ea moriar. Hęc mihi faciat Deus, & hęc addat, si nō sola mors me & te separaverit. Nō aliter homo cū Deo cōcordans sen-

4. Reg. tit, nec aliter loquitur. Elias olim Elisæo :
 cap. 2. Sede hīc , inquit , quia Dominus misit
 vers. 2. me usque in Bethel. Cui Elisæus : Vivit Dominus, & vivit anima tua , quia non derelinquam te. Idque tertium repetiit, hero suo inseparabilis comes adhæsurus. Regi Ioramo suppetias poscenti, Rex Iosaphatus respondit : Ascendam ; qui meus est , tuus est : populus meus, populus tuus : & equi mei, equi tui. Ita nos Deo intimis animis conjuncti simus, uti Ruth cum Noëmi, Elisæus cum Elia, Ioramus cum Iosaphato : dicamus ingenti cum fiducia : Voluntas tua , mi Deus, voluntas mea; cor tuum, cor meū: totus sum sub tuo , mi Deus, arbitrio.

Et hanc suæ quisque cum divina voluntate conjunctionem sedulo curet in rebus omnibus, in negotiis, in officiis, in laboribus omnibus, in morbo, in morte, divinis placitis semper cōtentissimus, nec aliud frequētius ore aut corde versās, quā hoc ipsum : *Fiat voluntas tua*. Quemadmodum vero virtutes omnes in Christi tormentis effulserunt clariores , sic & orandi ardor. Christus in extremis angu-

Luc. c. stis : Pater, inquit, si vis, transfer calicē
 22. v. istum à me : veruntamen non mea vo-
 42. luntas

luntas fiat, sed tua. Non est melior, nec fere brevior; non est perfectior, non gravior Deo, nec homini utilior oratio præ hæc una: Non mea, sed tua voluntas fiat; Non sicut ego volo, sed sicut tu. Dei voluntas fiat, etsi Orbis ruat. Beata Gertrudis solita est trecenties sexagies ter dicere: O mi amantissime IESU, fiat voluntas tua. Sed hoc infra explicatius monebimus. Cassianus: Quid est, inquit, hoc aliud *Cass.* dicere, Fiat voluntas tua sicut in cælo *coll. 9.* & in terra, quam ut sint homines similes Angelis: & sicut voluntas Dei ab illis impletur in cælo, ita etiam hi qui in terra sunt, non suam sed ejus universi faciant voluntatem. Hoc quoque nemo ex affectu dicere prævalebit, nisi is solus qui Deum credit omnia quæ videntur, vel adversa vel prospera, pro nostris utilitatibus dispensare, magisque eum pro suorum salute & commodis providum atque sollicitum esse, quam nos ipsos pro nobis. Ita Cassiani sensu, in cæli vestibulo jam habitat, qui suam divinæ voluntati sic accommodat. In cælo certe innumera millena millia beatorum, unius sunt voluntatis. Hinc Arsenius Marco Abbati quærenti: Eccur, Pater, ad nos non revisis? apte respondit: Cum iis qui supra nos degunt, melius mihi convenit, cum omnes idem velint; inter homines tanta fere voluntatis, quanta vultus dissimilitudo est. Qui autem tam

in adversis quam in prosperis ad divinū arbitriū se fingit, is probe capit, quid Hebræus Psalter hoc sibi carmine voluerit:

Psal. Ecce quam bonum & quam jucundum
132. habitare fratres in unum. Et quinam hi
vers. 1. fratres? Christus & Vir justus; neque enim supremus Rex erubescit in hunc fraternitatis affectum conspirare.

Ecc. c. I I. Ecclesiastes olim, velut rem mag-
2. vers. nam dicturus: Sapientis oculi, ait, in
14. capite ejus. Nunquid ergo homines stulti oculos habent in pedibus aut alibi extra caput? Beati Gregorii interpretatio hæc est: Qui omnem obtutum in Deo Deiq; voluntate figit, hic vere sapiens est, hic quotquot habet oculos, capiti gerit infixos.

Epictetus illud Philosophorum fidus ævo Neronis, Domitiani, & M. Antonini, omni fortuna superior vixit. Unica anus in ministerio ei fuit, unica lucerna fictilis (hoc domesticum omne instrumentum) ad divinas illas lucubrationes: quæ lucerna à morte ejus mille drachmis, hoc est, centum philippeis væniit, in memoriam & honorem tanti viri. Lucianus ceterorū quidem philosophorum irrisor, hunc unum tamen æstimavit. Hic, inquam, Epictetus præter dissertationes, etiam Enchiridion scripsit cedro & auro exarandum. Hic libellus tantum religiosi spiritus habet, & arcanae sapientiæ, ut eum à viro religiosissimo putes conscriptum: Hic libellus su-
 pre-

premi iudicii die in ruborem dabit Christianorum plurimos, qui & spurcissima scripserunt, nec vixerunt sanctius. Sed ad lineam. Hic Epictetus ille, qui omnem philosophiam in duas traduxit voculas *Sustine* & *Abstine*, hic inquam, de divina voluntate omni nisu sectanda prorsus divine philosophatur. Libet illius verba huc fidelissime transferre. Appe- *Epict.*
titum meum, inquit, obedientem præ- *l. 3.*
bui Deo: vult ille me febricitare? volo *differ.*
& ipse. Vult me aliqua re potiri? volo *c. 26.*
& ipse. Non vult? nolo. Mori me vult? *pauilo*
Mori igitur volo. Quis adhuc me prohi- *ante*
bere potest contra meam sententiam, *fin.*
aut cogere? Non frontem ducis, ô Christiane, non erubescis refractarie ad has voces? Sed pergit Epictetus: Vir prudens ita rem considerat, hanc rationem secum init; si Deo se dediderit, se iter tuto confecturum. Quid est istud, Dedere se Deo? Ut quod ille voluerit, & ipse velit; & quod ille noluerit, & ipse nolit. Quis ergo istud fiet? Quomodo fieret aliter, nisi considerata Dei voluntate & administratione. Quid mihi dedit meum & mei juris? quid sibi ipse reservavit? Liberam voluntatem mihi dedit: & quæ in mea potestate sunt, ea nec impediri nec prohiberi posse voluit. Corpus autem luteum quomodo potuit tale efficere: ut à nemine prohiberetur? Subjecit igitur sub universitatis circuitum possessiones, vasa, ædes,

liberos, uxorem. Quid ergo Deo repugno? Quid volo ea quæ velle non debeo, ut ea quæ mihi data non sunt, quovis modo consequar? Vt data sunt, & quatenus fieri possunt. At is qui dedit, aufert iterum. Quid ergo repugno? Ita prorsus, mi optime Epictete, ita se res habet: ecquid miseri repugnamus divinæ voluntati! undique conclusi sumus: si duci nolumus, trahemur aut raptabimur. Seneca de absoluta libertate differens: Quæris, inquit, quæ sit ista? Non homines timere, non deos: nec turpia velle nec nimia: in seipsum habere maximam potestatem. Inæstimabile bonum est, suum fieri. At vero suus fieri nemo potest, qui non prius sic Dei fiat, ut omnia cum Deo aut nolit, aut velit. Animus qui suus fieri cupit, utique ab omnibus externis in se revocandus est: recedat, quantum potest, ab alienis, & se sibi applicet, damna non sentiat, etiam adversa benigne interpretetur. Hic animus suus esse incipit; hæc animi libertas est. Nec aliter Augustinus: Bonus, inquit, etiamsi serviat, liber est; malus, etiamsi regnet, servus est, tot dominorum quot vitiorum.

III. Fortissimus heros Iudas Machabæus, militibus in hostem inflammandis: Accingimini, inquit, & estote filii potentes, ut pugnetis adversus nationes. Sicut autem fuerit voluntas in cælo sic fiat. Hoc agamus, viri, & ad nutus divinos

*Senec.
epist.
75.
fine.*

*Sen. de
Tran-
quil. c.
24.*

*Aug. l.
4. de
Civ. c.
3.*

*1.
Mach.
cap. 3.
v. 58.
& 60.*

vinos stemus paratissimi, seu nos vinci, cadere, mori; seu vincere nos velit Deus, & triumphare: sicut fuerit voluntas in cælo, sic fiat. Sic Ioab pugnam initurus periculosiorem, ad Abisai fratrem: Esto *2. Reg. c. 10. v. 12.* vir fortis, inquit, & pugnemus pro populo nostro, & civitate Dei nostri: Dominus autem faciet quod bonum est in conspectu suo. Summi momenti est, in omnibus sic animum instruere, ut omnem rei eventum divinæ adscribat providentiæ. Fit enim non raro, ut viri docti, prudentes, bellicosi, sancti, & fortiter agant & perite, exitu tamen minime secundo, qui tamen non minus in Dei providentiam referendus, quam felicissimus quisque successus. Ea de causa Ecclesiastes: Vidi sub sole, inquit, nec *Ecl. c. 9. vers. 11.* velocium esse cursum, nec fortium bellum, nec sapientium panem, nec doctorum divitias, nec artificum gratiam: sed tempus casumque in omnibus. Casum vocat, quod nobis videtur tale, non Deo. Nil profecto rari est intelligentem & industrium spe sua fraudari; hoc nos malum casum censemus. At Thomas Aquinas è verbis Ecclesiastæ recte colligi affirmat, Nihil esse à casu, aut præter voluntatem ac præscientiâ causæ primæ. Casus enim inveniuntur in rebus temporali obnoxiiis, & humanæ scientiæ subiectis: divina vis & Providentia omnia ab omni æternitate præscivit, omnia labente ævo moderatur, & in destinatos

certosque fines dirigit, dum sua cuique tempora, suas humanis conatibus varietates præstituit, ut vel sic divinæ Providentiæ immemores, ab inopinatis casibus adversisque eventibus discant, suis viribus non nimium tribuere, sibi que persuadeant à divino nutu pendere omnia. Fortuna priscis tantopere culta, nunc quid est? versatilis sed inanis ex Orco larva. Numen illud quod cuncta pro arbitrio seu adversa seu prospera mortalibus partitur, ipsissima Dei providentia est. Versat Deus sanctissima voluntate sua & providentia res humanas instar volubilis rotæ; fortes cæcas & in-

Isa. ca. 45. v. 7. certas ipse temperat, *Formans lucem & creans tenebras, faciens pacem & creans malum. Ipse Dominus faciens hæc omnia.* Priscis

Fortuna fuit bicolor, quam duplici fingeant vultu, albo anteriore & splendido, posteriore atro, ut penes quam boni ac mali sit arbitrium. Hæc puerorum

Ecc. c. 11. v. 14. deliria sunt. Bona & mala, vita & mors,

paupertas & honestas à Deo sunt. Ad rem Seneca sibi met objiciens, & diluēs

Seneca de. Tranquil. c. 15. objecta: Sequitur pars, inquit, quæ so-

let non immerito contristare, & in so-

litudinem deducere, ubi bonorum exitus mali sunt. Ut, Socrates cogitur in

carcere mori, Rutilius in exilio vivere,

Pompejus & Cicero clientibus suis præ-

bere cervicem &c: & quid sibi quisque

nunc speret, cū videat pessima optimos

pati? *Responsum audi.* Quid ergo est? Vi-

de,

de,

de , quomodo quisque illorum tulerit : & si fortes fuerunt, ipsorum animos considera ; si muliebriter & ignave periere, nihil periit. Aut digni sunt, quorum virtus tibi placeat : aut indigni quorum desideretur ignavia. Hæc illa ipsissima sunt, quæ de improborum felicitate , proborum ærumnis , quæ de Sanctorum immatura & acerba morte Iob , David, Hieremias, Abacuc, & passim alii Prophetæ queruntur. At hîc Casus & Fortuna nil sui habent. Univerſa hæc à providentiſſimo Deo in certos quosque fines ſapientiſſime diſponuntur. Plura de his inferius.

I V. Iſraëlitæ olim Benjamitas ob turpe facinus oppugnaturi , verum oraculum conſuluerunt , quis futurus eſſet dux belli ? Reſpondit Deus : Iudas ſit dux veſter. Læti hoc reſponſo , & jam pæne certi de victoria, magno exercitu, ingenti animo in Benjamitas moverunt. Et tamen turpiſſime victi viginti duo millia ſuorum deſiderarunt , qui omnes uno prælio ſunt cæſi. Sed ruſſus hanc certaminis aleam ſubituri , oraculum denuo conſuluerunt , non ſine prolixis & precibus & jejuniis , ita ut prius aſcenderent & flerent coram Domino , uſque ad noctem. Quibus oraculū iterum præcepit. Aſcendite ad eos , & inite certamen. Fecerunt ut juſſi : & quia jam ſecundum jubente Deo in aciem exhibant, optima quæque ſibi polliciti, erectis in

Judic.

c. 20.

v. 18.

victoriam animis commiserunt pugnam, & tamen iterum à Benjamitis fugati & cæsi, ut prius, octodecim millibus Israë-
litarum in acie prostratis. Et quid hoc tandem rei ? Suos Deus bis iussit con-
figere, neutro tamen prælio victoriam
reportarunt, amissis quadraginta milli-
bus selectorum militum. Quis hos Dei
iussus capiat ? Tertium denique omnes
Israëlitæ in ædem sacram coeuntes, lar-
gis lacrimis, inusitatis jejuniis, & co-
piosis victimis Deo supplices facti, su-
per statu suo interrogarunt, an iterum
in aciem exeundum, & signa cum Ben-
jamitis conferenda. Quibus Deus respon-

Ibid. v.
28.

dit tertium in hæc verba: Ascendite, cras
enim tradam eos in manus vestras. Pro-
nū hîc fuit pusillanimitati cogitare: Bis
jam pugnam suasit oraculum, eventu
semper infelicissimo, quis ultra in exi-
tium ruat ? pugnet qui velit; sedere do-
mi tutissimum. Sed evicit Fiducia in

Ibid. v.
35.

Deum, quæ denuo iussit armis decerne-
re, felici demum successu, cæsis Benja-
mitarum viginti quinque millibus. Hîc
duo notatu dignissima: Primum, Oc-
cultissima Dei judicia nulli mortalium
scrutanda: Alterum, Perseverans in Deū
Fiducia, de qua nos suo loco plura mo-
nebimus. In his omnibus ad solam Dei
voluntatem inconniventibus & irretor-
tis oculis respiciendum. Nemo turbe-
tur, si causam bonam effectus sequatur
malus, si optima principia finem sortiā-

tur

ur infaustum. Invadit temperantissimos
 nobis ; validissimos phthisis; innocen-
 tissimos poena; secretissimos tumultus.
 Hic in sola Dei voluntate acquiescendū.
 In aliis liceat dicere , *PLVS VLTRA*;
 In his talibus , *NON VLTRA*. Deus *Philip.*
 est enim qui operatur in nobis, & velle *cap. 2.*
 & perficere, pro bona voluntate. *v. 13.*

V. Pelagius priscus scriptor comme-
 morans : Pastorem abbatem, inquit, in-
 terrogavit Ioseph hoc modo: Dic Pater:
 quomodo fiam Monachus? Cui Pater: Si
 vis, inquit , requiem invenire in hoc &
 in altero sæculo , dic in omni causa :
 Quis sum ego ut meam voluntatem aut
 iudicium divino præferam ? dein cave,
 quemquam iudices , nam Deus hic ha-
 bet sanctos suos in omni statu. Consiliū
 saluberrimum. Certe Deus à nemine le-
 ges accipit , nec ulli rationem reddit de
 suis actionibus. hic omnis mortalium
 sapientia altum fileat, & divinæ volun-
 tatis vestigia ubique longe adoret. Quia *Ecd. c.*
 omne quod voluerit faciet, & sermo il- *8. vers.*
 lius potestate plenus est : nec dicere ei *4.*
 quisquam potest : Quare ita facis?

Sicut autem in urbibus plerumque ad
 horologium primarium unum dirigun-
 tur cetera omnia : ita prorsus æquis-
 mum est, ut nostra nos horologiola, va-
 luntatem quisquis suam , ad illud supre-
 mum , cæleste , magnitudinis infinitæ
 horologium, hoc est, ad divinam volun-
 tatem attemperemus. Nota vox est fide-
 lissi-

Imit. Christi lissimi servi ad Christum Dominum. Nil amatorem tuum & cognitorem benef. 3. c. neficiorum ita lætificare debet, sicut voluntas tua in eo, & beneplacitum æternæ dispositionis tuæ &c : Nam voluntas tua, & amor honoris tui, omnia excedere debet. Sed ut oculis pæne cernamus, qua ratione quove modo humana voluntas cum divina sit unienda, en nobilissimum hujusce rei specimen.

Franc. Schottus in vita Borg. l. 1. cap. 12. Franciscus Borgia, Dux Gandiæ, cum conjuge Leonora ipsos duodeviginti annos mira concordia exegit. Ægrotante illa, quod altera sui parte spoliari se videret, orare frequentius, piorum etiã hominum precibus adhibitis, eleemosynis atque jejuniis. Solus aliquando conclave, remotis arbitris ingressus, obnix & fufis lacrimis obtestabatur Deũ, salvam conjugem superstitemque vellet : cum ecce tibi vocem quandam interiorẽ clare audire visus est, ut post ipse retulit, quæ diceret : *Vxorem si diutius superesse vis, arbitrato tuo fiat : sed tibi non expedit.* Qua re turbatus, minime dubitabit, minime dubitavit Dei vocem esse : tacite enim redargui se quod ignoraret quid peteret. Ita rursus in lacrimas solutus, has ex imo pectore prorupit voces : *Domine Deus, unde hoc mihi, ut arbitrato committas meo, quod in tua solius est potestate? Mea permagni refert, tuam sequi in omnibus voluntatem. Quis enim rectius novit quid è re mea sit, quam tu, mi Deus?*

Deus? Tua itaque voluntas fiat : nec de uxore solum , sed de liberis etiam , deque me statuas , rogo , quicquid tibi placuerit : fiat voluntas tua. Observatum est eo tempore conjugis morbum , statum quemdā tunc enuisse , ut dubitarent medici , deteriusne an meliuscule haberet ; post has vero preces ad desperationem laborare cœnisse.

V I. Sic in difficillimis quibusque rebus voluntas nostra conformanda est ad divinam. Et en alterum hujus conformationis specimen multo præclarissimum. Iessæus Rex David , adeo arcto consensionis nexu voluntatem suam cū divina copulavit , ut Deus sibi de hoc viro quasi gratulatus dixerit : Inveni David filium Iesse , virum secundum cor meū , qui faciet omnes voluntates meas. Inveni , inquit , tanquam si sollicitè quæsisset , & diu , dum inveniret , expectasset. Hoc à Deo elogium Hebronis regi concessum , omnes honorum titulos excedit.

Christus in nullo non obsequentissimus Patri , suo ad id exemplo nos comortatus : Quia descendi , inquit , de cælo , non ut faciam voluntatem meam , sed voluntatem ejus qui misit me. Et : Meus cibus est , ut faciam voluntatem ejus , qui misit me , ut perficiā opus ejus. Ideo enim de cælo descendi. Et ne quis forsā queratur , *Parcit Filio , non servis* : En , adest Filius , attendite quid ei Pater impone-

Act. c.

13. v.

22.

Ioan. c.

6. v.

38. &

cap. 4.

v. 34.

peraturus fit; nec postremissimus quidem servorum ejusmodi jussa faceret. Cui vestrum, ô pervicaces, tantum laboris injunxit, ut Filio? quem unquam tantis & irrisionibus, & calumniis, & cruciatibus objecit atque Filium, qui Patri obediens fuit usque in Pilati prætorium, usque ad columnam funestam, usque in rupem Golgothanam, usque ad crucem ignominiosissimam, & acerbissimam mortem, usque in sepulchrum non suum, usque in manium ergastulum. Ideo descendendi, ait, de cælo, ut huic Patris voluntati me perfectissime subjicerem. Quid ergo faciant servi, si hæc Filius? Idcirco Christus præcepta sua omnia in compendium conferens: Non omnis, inquit, *Matt. cap. 7. v. 21.* qui dicit mihi, Domine, Domine, intrabit in regnum cælorum: Sed qui facit voluntatem Patris mei qui in cælis est, ipse intrabit in regnum cælorum. Quisquis in eum sese ordinem redigit ut quantum quantum est, divinæ se voluntati penitissime committat, is jam in tutissimi montis fastigio degere incipit, habetque infra se sub pedibus nimbos, grandines, fulgura, fulmina & omnem cæli iniquitatem, omnes mortalitatis vicissitudines, extra metum positus, nisi quod unicum hoc timeat, ne non satis cum divina voluntate consentiat, ea causâ assidue clamat: Fiat voluntas tua, sicut in cælo & in terra. Sed de hoc pluscula capite sequenti.

CAPVT IV.

*Quo animo precandum : Fiat voluntas tua
sicut in calo, & in terra.*

Cælestem Magistrum discipuli ro- *Luc. c. 11. v. 1. & Matt. cap. 6. vers. 9.*
gantes : Domine, inquiunt, doce
nos orare, sicut docuit & Ioannes
discipulos suos. Annuit magister, &
Sic ergo, inquit, vos orabitis : Pater no-
ster qui es in cælis, sanctificetur nomen
tuum. Adveniat regnum tuum. Fiat vo-
luntas tua sicut in cælo, & in terra &c :
Sed, ô Deus, quam difficilis est hæc o-
ratio ! nimium dispares sumus, illi in
cælo beatissimi spiritus, & nos exules
in hac valle meri absynthii feracissima.
Superis illis omnia ad votum fluunt, nec
est quidquam quod iis possit non place-
re; è contrario nobis etiamnum cælo ex-
torribus vix quidquam est quod ex in-
tegro placeat : ubique fastidium & nau-
sea; vix paucula, idque rarissime, ex vo-
to cadunt ; innumera sunt quæ quotidie
displiceant, & stomachum moveant.
Iucundissimum illic, simul & facillimū
divinæ voluntati se attemperare, ubi nil
adversi vellicat. Hîc mille nos molestiæ
vexant ; opprimimur ærumnis ; vix est
tenue respirandi spatium : bellū ex bel-
lo feritur; catenata sunt mala nostra, &
continua miseriarum series, libere pre-
cari vix finit. Sicut ergo non æqualiter
can-

cantant saturi, & fame confecti, nec æqualiter saltant illi post lautas epulas, hi post longa jejunia: ita nec nos æquali cum beatis promptitudine precari possumus: Fiat voluntas tua sicut in cælo & in terra. Nos & illi nimium dispares sumus. Nos illuc transfer, ô Domine, & paria cum illis vota & facta jungemus. Venia dicto sit, ô Christiani, mendici sumus ignavissimi, & nec ore quidem sat prompti. Heu, quam facile succumbimus, rebus sane non difficillimis: lenis ventulus nos concutit; horremus quicquid non jucundum expeditu est. Nil docuit Christus facere, ô timidi, quod fieri non possit. Hoc agamus saltem, & toto nisu conemur sic in terra divinam voluntatem exequi, uti eam Angeli in cælo: si minus re possimus, vel certe votis liberales simus. Optime Cyprianus, Christus, inquit, orare nos docuit: Fiat voluntas tua sicut in cælo & in terra, idque non ut Deus faciat quod vult, sed ut nos facere possimus quod Deus vult. Quicumque igitur Christum in preces voce præeuntem vult sequi, ne verba sub lingua immurmuret, sed pronunciet impavide, Fiat voluntas tua sicut in cælo & in terra. Attendar autem ad hæc potissimum, quæ subjungemus, oretq; divinam voluntatem posse exequi.

I. *Primo.* INTENTIONE PURISSIMA. Fiat voluntas tua, hanc enim sequi statui, non lucri causa, non quia vallaſti me bonis,

Cypr.
de hab.
virg.
c. 23.

bonis, uti Iobum calumniabatur Satan; *Iob. 1.*
 sed nec pœnæ formidine, ne in gehennam ableger, sed oculo simplici tuam *1. vers.*
10.
 solius voluntatem intueor: Volo, quia
 vis, mi Deus.

Secundo. AMANTER: Fiat voluntas tua, id ego hîc solum specto, ut id tibi quod ago placeat, utque vel hoc modo, nominis tui majestas per me servulum inutilissimum propagetur. Tua, ô Deus, placita tanta æstimo, ut arbitrer satis hoc esse præmii, *Tibi placuisse.* nec aliter Chrysostomū exaudio objicientē: Vere nescis quid sit placere Deo, si aliam mercedem quæris.

Tertio. PROMPTE: Fiat voluntas tua. Tarde velle, nollentis est. Gratissima sunt obsequia, parata, facile occurrentia, ubi nulla mora est. Propriū est libenter facientis, cito facere. Bonæ voluntati tantum gratiæ demitur, quantum moræ adjicitur. Ergo paratum cor meum, Deus, paratum cor meum, ad faciendam omnem voluntatem tuam. *Psal. 107. vers. I.*

Quarto. HILARITER: Quædam satis celeriter facimus, sed non satis libenter. Non ex tristitia, aut ex necessitate: hilarem enim datorē diligit Deus. *2. Cor. cap. 9. vers. 7.*
 Qui Dei voluntatem in finem sibi præstituit, si quid tædii aut mœroris intercurrit, non gravate id devorat, eas enim delicias inhiat, ut dicat: Cibus meus est ut faciā voluntatē ejus qui misit me, Fiat ergo volūtas tua sicut in cælo & in terra.

Quinto. INTEGREGRE. Fiat voluntas tua, nec apice quidem, illius indice, omisso. Homo divinæ voluntatis verè studiosus nullas quærit exceptiunculas, nec illius sunt hæ voces: Volo, Domine, sed nondum: Obtempero, Domine, sed modo istud non imperes: Omnium pedes lavabo, & osculabor etiam, modo non cogar hoc officii præstare hosti meo: Contemni me feram, modo publice non pudeam: Paratus sum ad omnia, modo illud non exigas à me. Non ita voluntatis divinæ amans; nihil excipit, nullis se ictibus subducit. Contra potius: O mi Domine, inquit, vis plura, vis acerbiora patiar? ecce me, promptus paratus sum: graviora impera, severius castiga, modo fiat voluntas tua.

Sexto. PERSEVERANTER: Fiat voluntas tua, post primam, nec non post alteram, post tertiam etiam, post deniq; decimam annorum decadem fiat voluntas tua, & fiat in omne ævum: Inclinaui cor meum ad faciendas justificationes tuas in æternum. Vis, Domine, ut hoc centum, hoc mille annis perferam? Si vis, volo. Et hoc est Dominicam orationem devota voluntate recitare. Hæ illæ sunt Seraphinorū alæ, quibus ad divinæ voluntatis notitiam evehimur altissime.

II. Illud hîc singulariter observandū, beatos in cælo copiosius lætari, de executione voluntatis divinæ, quam de magnitudine suæ gloriæ. Hinc omnes,

& suo singuli præmio contētissimi sunt, nec ulli displicet se minus altero habere. Sic enim qui Deum vident, ad divinam voluntatē non tantum conformati, sed ab illa etiam absorpti, transformatique sunt in illam, ut jam solius Dei velles velint, & magis gaudeant hanc esse Dei voluntatem ut sint beati, quam se beatitudine hac frui. Hanc humanæ voluntatis cum divina conformitatem sequitur excellentissimus amoris effectus, qui non tam conformitas, quam humanæ voluntatis cum divina unitas vocari potest. & hæc beatos sic afficit, ut totis viribus, & quam ardentissime velint Deum esse, qui est, tam sapientem ac potentem, tam misericordem ac justum, quam est, tam dignum omni honoris & gloriæ amplitudine ac majestate. Quæadmodum filius ad optimos mores formatus tam non invidet suo parenti felicitatem quam sibi, tamque cupit parentem suum honoribus affici quam se, aut etiam plus quam se: ita beati tam gaudent de beatitudine qua Deus fruitur, quam qua ipsi. Hinc illi concentus in cælo festivissimi: Alleluja, Salus & gloria, & virtus Deo nostro est, quia vera & iusta judicia sunt ejus &c. Alleluja, quoniam regnavit Dominus Deus noster omnipotens: Gaudeamus, & exultemus, & demus gloriam ei.

Apoc.
c. 19.
vers. 1.
2.6.7.

Hanc beatorum non tam conformitatem, ut dixi, quam unitatem cum volun-

tate divina, & nos quoque in nostris precibus imitari possumus hac ratione: Intellectus quidem Dei Potentiā, Æternitatem, Sapientiam, Pulchritudinem & Beatitudinem infinitam, immensam, velut attentissimus spectator contēpletur: voluntas vero gaudeat, Deum esse bonū infinitum, omnium opulentiarum fontē, nullius indigum, omnia posse, in omnes liberalem, rebus omnibus præsentem. Hunc maximum ac perfectissimum divini amoris esse actū censent Theologi. sicut enim nullus amor potest esse major quam quo Deus seipsum amat, sic & noster amor non potest esse melior, quam si amoris divini illi quotidie fiat conformior. Philosophorum scitum est, non esse aliud, *amare*, quam alicui bonum velle. quo constituto sequitur, ut quanto majus bonum cuiquam volumus, illum tanto magis amemus. Atqui Deo bonum immensius velle non possumus, quam quod ipse est, bonorum omnium bonum immensissimū, ergo nec etiam possumus Deum ardentius amare, quam sua illi bona omnia velle. Quocirca hoc etiam maxime modo voluntas Dei, sicut in cælo & in terra fiet.

III. Et hi tam conjunctæ cum Deo voluntatis homines, Fulgura illa sunt, de quibus Iobus: Nunquid mittes, inquit, fulgura, & ibunt, & revertentia dicent tibi: Adsumus? Fulgur & fulmē ignes subtilissimi, natura petunt subli-

Iob. c.
38. v.
35.

me,

ne, at quia Deus deorsum illa mittit, quæ naturæ oblita, incredibili celeritate ad ima ruunt, ferrū, rupes, & quicquid resistit, perruptura. Christi fulgura dixeris eos qui suam voluntatē pessundant, ut pareant divinæ: alta quidem aspirarent si suos impetus sequeretur, sed quia Deus vult aliud, ad infima sese non inviti demittunt, idque alacritate summa; difficultates omniaque impedimenta perumpunt, nec ictione tam crebra fatigantur, jussis peractis, instar fulgurum illorum revertuntur, dominoque suo se sistunt; Ecce Adsumus, quid jam? parati sumus, etiam occumbere; jube quod vis. Sicut autem fulgura (quod hîc observes) non ex aqua vel terra, sed è nube densa beneque clausa profiliunt: ita prompta hæc & ad omnem obedientiam ductilis voluntas, provenit ab Oratione & Meditatione, quæ nubium instar sublimes volant; sensibus corporis undequaque clausis. Si quis enim attente consideret, quibus obsequiis in cælo tot millions Angelorum subserviant Numini; qua ratione ipse Dei filius Patris voluntatem in præsepi, in pannis ac paleis, in itineribus, in cruciatibus, in cruce sit amplexus, non se continebit, quin velut fulgur, promptissimam obedientiam polliceatur, suamque voluntatem cum divina integerrime jungat. Et hic demū orationem Dominicam, & illud præcipue (Fiat voluntas tua, sicut in cælo, &

in terra) animo sincero pronuntiabit.

Ajunt Principem aliquem uni suorum nobilium dixisse : Oportet te cras mecum ad venationes proficisci. Aulicus festivum se fore ratus : Non oportet, inquit, nam lubens faciam. Qui divinæ voluntati se intime devovit, nihil invitus aut coactus, sed omnia lubens facit & volens. Tam parvo emitur tanta libertas. Quam hîc Epictetus præclare : Melius, inquit, illud judico quod Deus vult, quam quod ego. Adhæreo illi ut minister & pedissequus : cum illo desidero, cum illo expeto : denique quod ille vult, idem & ipse volo. Quid Christiani dicant sanctius?

*Epict.
l. 4.
dissert.
cap. 7.
circa
mod.*

I V. Beatus Iacoponus è sancti Francisci familia vir integerrimus, ut suam voluntatem divinæ quam arctissime adstringeret, ex animi sui sententia cupiebat omnes labores, ærumnas, angores, molestias & dolores qui verbis exprimi aut animo cogitari possent, tolerare pro Christo, nec inferorum pœnas perferre recusaturus, modo suam cum divina voluntate haberet conjunctam : Deum autem à se amari hoc indicii loco habebat si Deus negasset, quod ille ardentius petiisset. Hic idem dicere solebat : Rationem à conscientia quæsisse, cur se non amplius, ut olim affligeret, nec sibi jam ullum facefferet negotium, huic vero conscientiam respondisse : Hoc ego ea de causa facio, quia te divinæ voluntati

cati penitus submisisti, & in eo quod illa de te statuit, absque omni expostulatione acquiescis. Huc insignissime facit illud Augustini, qui præceptum Protoplastis datū de non tangenda malo examinans, Adami personam indutus : Si bona est arbor, inquit, cur non tango? si mala est, quid facit in paradiso? Huic Deus : Ideo est in paradiso, quia bona, sed nolo eam tangas, quia obedientem te volo, non contradicentem servum. Eccur hoc? quia tu servus, & ego Dominus sum. En tibi mille rationes sub hac una, quia Deus, noster est Dominus, & voluntatem suam nobis sequendam proposuit, non judicandam, nos autem servi sumus, æquissimum ergo est, hac nos ire, qua nos ducit voluntas Domini.

Angelus Apostata callidissime ac ne- *Gen. e.*
quissime quæsit in paradiso : Cur præ- *3. v. 1.*
cepit vobis Deus? Quærendum fuisset :
Cur hujus arboris fructus non editis?
Ad hanc enim quæstionem aptissime responsum fuisset: Quia Deus id præcepit. At vaserrimus serpens responsionē præripuit, ex eaque fecit interrogationem, Cur præcepit Deus? Quotiescunque igitur scitur Deum quid velle, non ulterius licet quærere : Cur hoc? Vrgentissima omnium causarum. causa est : *Deus ita vult.* Abraham filium mactare jussus, quas non rationes potuisset excogitare & opponere? Tacuit tamen & paruit; satis illi fuit hoc unicum, *Deus ita vult.*

V. Parentes explorando liberorū gē-
 nio subinde quærunt : An non luberet
 die tam commoda in hortum concedere,
 aut rus ire? quid si hodie libris missione
 demus, & chartulas pictas substituamus
 illorum vicem? Si respondeant liberi :
 Sicut domino parenti placuerit ; prout
 vult Dominus parens &c. argumentum
 edunt educationis optimæ, & maturæ
 prudentiæ. Quod si ambulatiuncularum
 & lusus tam avidos se non dissimulent,
 & parentibus nondū annuentibus, jam
 evolent in apricum, indolis non bonæ
 specimen præ se ferunt, & tunc optime
 Pater: Heus puer, inquit, reconde supel-
 lectilem lusoriam, ad scholas hodie itan-
 dum. Hic dejectus vultus, mœror in o-
 culis, murmura, librorū non lectio, sed
 otiosa volutatio, hic sæpe fletus & que-
 relæ contra parentum tyrannidem. En
 stultos infantes, & ad parentum nutum
 parum tractabiles. Tales sumus sæpis-
 sime ; in omnes oblectatiunculas effu-
 sissimi & facile obmurmurantes, cum
 Deus, optimus pater, aut ludicrum no-
 strum turbat, aut ad opus amandat. Si sa-
 pimus, liberos æmulabimur optime in-
 stitutos, nec aliud unquam dicemus,
 quā illud : Prout domino Patri placue-
 rit: prompti parati sumus ire, non ire; fa-
 cere, non facere; laborare, pati, quic-
 quid voluerit pater.

Epict.

l. 2.

dissert.

cap. 7.

Hoc ipsum Epictetus sapienter incul-
 cans : Ignavissime homo, inquit, aliud-
 ne

ne expetis quam id quod melius est? nū
vero aliud quippiā melius, quam quod
visum Deo fuerit?

Huc apposite Ioannes Taulerus (quē
supra nominavi) Si cui Deus, inquit, op-
tionem faciat dicatque: Vis ut te im-
munem præstem ab omnibus & corpo-
ris & animi miseriis, teque Paradiso re-
stituam? Non aliud respondendum quā
hoc ipsum: Domine prout vis: & adi-
mere miseras potes: & relinquere; hoc
autem mihi erit gratissimum, quod vo-
luntati tuæ congruentissimum. Revera
sic ampliorem gratiam obtinemus, quā
si ad arbitrium nostrū amplissima quæ-
que munera capiamus. Deus certe vir-
tutum non lenis exactor, sicut severi pa-
tres, durius solet educare suos. Itaque
cum videris homines probos Deoque
acceptos laborare, sudare, per arduum
ascendere, malos autem lascivire & vo-
luptatibus fluere, cogita illos filiorum
modestia delectari, istos licentia vernu-
larum: illos disciplina tristiore contine-
ri, istorum ali audaciam. Deus hominem *Sen. in*
sibi charum in deliciis non habet; expe- *epist.*
ritur, indurat, sibi illum præparat. Me-
lius in malis sapimus; secunda rectum
auferunt.

Quare nos Deo, velut vacuas sportas
offeramus, arbitrato divino aut implen-
das, aut inanes destituendas. Hierony-
mus Iulianum submonens: Tu te putas,
inquit, in virtutū culmine constitutum,

si partem offeras ex toto. Teipsum vult Dominus, hostiam viventem: te da Deo, non tua.

CAPVT V.

Qua sint indicia & signa humana voluntatis ad divinam conformata.

Nihili fecerunt militem Romani, qui non habuisset firma latera, & torosos laceitos ad quævis gestanda onera; insuper arma terfa & nitentia, & maximam in suum Imperatorem fiduciam. Nemo se jactet Christi militem, nemo se divinæ voluntatis studiosum credat, nisi certa in se signa deprehendat, suam voluntatem in omnibus pendere à divina. Qua in re ut quis suiipsius possit experimentum capere, hæc signa sive indicia observabit.

I. Signum. Omnia cupere ad divinæ voluntatis nutum facere, & ideo nihil ordiri rerum, ope divina non prius implorata. Qui Dei voluntatem sequitur, nullum negotium aggreditur quin Deum sibi ante postularit adiutorem. Quod si quid majoris momenti videatur, aut factu difficilius, subsidium à Deo frequentius flagitat. Hoc legis instar sit iis qui seria tractant negotia, & ad clavum sedent, nil unquam temere aggredi, Domino non consulto. Nemo mortalium facile æstimet quantum hinc dampni ferat

Orbis

Orbis universus, quot familiæ male regantur, quot regna & provinciæ male administrantur, quot injusta bella suscipiantur, quot aliis ab aliis injuriæ inferantur, hac lege neglecta. Hæc creberri-
morum malorum est origo, quod patres-
familias, gubernatores, præfides, reges,
sæpe homines sui sensus & arbitrii sunt,
nec ratione agunt sed impetu; neque os
Domini interrogant, sed ducem sequun-
tur Temeritatem: ingenio suo fidunt,
humeris suis credunt, sibiipsis magni
Atlantes. hinc sæpe negotiorum chaos
& fœda confusio, plurimorum damno.

Graviter impegerunt Israelis Princi-
pes, quod in fidem receperunt Gabaoni-
tas, & os Domini non interrogaverunt. Nos
ab errore illorum nihilo cautiores, sæpe
grandia molimur, & os Domini non inter-
rogamus; sacerdotium ambimus, matri-
monium contrahimus, terras & popu-
los regimus, & tamen os Domini non inter-
rogamus. Aliter longe generosissimi du-
ces Machabæi, qui nullum unquam præ-
lium inierunt quin os Domini interro-
garint plus simplici vice. Etenim non so-
lum ante pugnam, ad preces militem
suum cohortati, & una cum milite pre-
cati sunt, sed & comprecationem hanc,
dum pugnarent, continuarunt. Sic Iu-
das Machabæus hostilem apparatus
considerans, extendit manus in cælum,
& Dominum prodigia facientem invo-
cavit, qui non secundum armorum po-
tentiam,

Ios.

cap. 9.

v. 14.

2. Ma-
chab.

c. ult.

v. 21.

rentiam, sed prout ipsi placet, dat dignis victoriam. Nec ipse solum dux Machabæus ante congressum, *os Domini interrogavit ardentissimis precibus*, sed & copias suas ad idem faciendum exemplo suo accendit. Ita, *qui cum eo erant, invocato Deo, per orationes congressi sunt*. Neque tantum ad pugnae initium, verum etiam in ipso pugnae furore, Deum assidue appellabant: manu quidem pugnantes, sed

Ibid.

v. 27.

Dominum cordibus orantes, prostraverunt non minus triginta quinque millia, præsentia Dei magnifice delectati. Hoc est, *os Domini serio interrogare*.

Cassiani consilium est, ante omnes actiones, illud Ecclesiæ usurpandum: *Deus in adjutorium meum intende, Domine ad adjuvandum me festina*. Aut illud: *Actiones nostras quaesumus Domine aspirando praeveni, & adjuvando prosequere, ut cuncta nostra oratio, & operatio, a te semper incipiat, & per te caëpta finiatur*. Pamboni certe hoc consuetudinis fuit, ut quoties consilium rogaretur, spatium ipse peteret tantisper rem Deo commendandi, nec enim responsi quidquam dare sustinuit, quin prius os Domini interrogasset. Et quidem mos iste huic viro tantum profuit, ut morti jam vicinus, non meminisse dixerit quippiam à se unquam dictum cujus poenituisset. Nimirum Deus interrogantibus se continuo responderet. Præ-

Ps. 9.

v. 38.

parationem cordis eorum audivit auris tua. Deo non nititur, nec studiose divi-

nam

nam voluntatem exquirat, qui non rerū omnium initium à Deo ducit. Os Domini in rebus plane omnibus interrogandū est.

I I. Signum veræ devotionis erga divinam voluntatem, est, ærumnas & calamitates non tantum non expavescere præsentibus, sed eas ultro appetere cum absunt. & hoc ea de causa, quod Deus varie afflictis longe sit vicinior per gratiam, quam quibus omnia fluunt ad votum. Non sine delectatione cantans Iessæus vates: Univerſum, inquit, stratum ejus versasti in infirmitate ejus. *Pf. 40. vers. 4* Ambrosii & Chrysostomi sensu, Deus ægrotum aut aliter afflictum iis consolationibus permulcet, ac si ei lectulum sterneret molliſſimum. Sicut quandoq; principes feminæ, ancillantur ægrotis non sine suavi miserationis affectu; sic Mater Domini, sic Christus Dominus singulare patrociniū gerunt hominis aut morbo, aut alia quavis calamitate pressi: modo sint qui se dignos præstent cælesti hoc patrociniū. Romanus Sapiēs *Seneca de Provid. vid. cap. 4. & 5. pauculis mutatis.* multo religiosissime, pæne dixerim divine hac de re philosophatus: Nolite, obsecro vos, inquit, expavescere ista, quæ Deus immortalis velut stimulos admoveat animis. Calamitas virtutis occasio est. Illos merito quis dixerit miseros, qui nimia felicitate torpescunt, quos velut in mari lento tranquillitas iners lerinet. Hos itaque Deus, quos probat, quos

quos amat, indurat, recognoscit, exercet: eos autem quibus indulgere videtur, quibus parcere, molles venturis malis servat. Erratis enim si quem judicatis exceptum: veniet ad illum diu felicem sua portio. Quisquis videtur dimissus esse, dilatus est. Quare Deus optimum quemque aut mala valetudine, aut aliis incommodis afficit? Quare in castris quoque periculosa fortissimis imperantur? Dux lectissimos mittit, qui nocturnis hostes aggrediantur insidiis, aut explorent iter, aut præsidiū loco dejiciant. Nemo eorum qui exeunt, dicit, Male de me Imperator meruit; Sed, Bene judicavit. Idem dicant quicunque jubentur pati timidis ignavisque flebilis: Digni visi sumus Deo, in quibus experiretur, quantum humana natura pati posset.

Sap. Et quam hoc congrue Sapientiæ proclamanti! Quoniam Deus tentavit eos,
cap. 3. & invenit illos dignos se. Ergo, fugite
vers. 5. delicias; fugite enervatam felicitatem qua animi permadescunt, nisi aliquid intervenit, quod humanæ fortis admoneat, velut perpetua ebrietate sopiti. Hanc itaque rationem Deus sequitur in bonis viris, quam in discipulis suis præceptor, qui plus laboris ab his exigit, in quibus certior spes est.

Numquid tu invisos esse Lacedæmoniis liberos suos credis, quorum experiuntur indolem publice verberibus admotis? illos ipsi patres adhortantur, ut
 ictus

ictus flagellorum fortiter perferant, & laceros & semianimes rogant, perseverent vulnera præbere vulneribus. Quid mirum, si dure generosos spiritus Deus tentat? nunquam virtutis molle documentum est. Verberat nos & lacerat fortuna? patiamur. non est sævitia: certamen est: quo sæpius hoc adierimus, fortiores erimus. Ad contemnendam malorum potentiam, animus patientia pervenit. Ignis aurum probat, miseria fortes viros. Quid miraris bonos viros, ut confirmentur, concuti? non est arbor solida nec fortis, nisi in quam frequens ventus incuriat: ipsa enim vexatione constringitur, & radices certius figit. fragiles sunt quæ in aprica valle creverunt.

En tibi, certissimum signum humanæ voluntatis in divinam velut transfusæ, si illa hanc per ardua quoque & aspera non recuset sequi. Quisquis igitur totis amplexibus divinam voluntatem in se admiserit, animosius sane quam Demetrius ille inter ærumnas proclamabit: Hoc unum, mi Deus, de te queri possū, quod non ante voluntatem tuam mihi notam feceris. Prior enim ad ista venissem ad quæ nunc vocatus adsum. Vis oves à me aut famam auferre? hæc pridem offerre paratus eram. Vis liberos meos sumere? illos tibi sustuli. Vis aliquam partem corporis? Sume. non magnam promitto. brevi totum reliquam. Vis spiritum? Quid ni? nullam mercedem fac. Vj

facio, quo minus recipias quod dedisti. à volente feres, quicquid petieris. Nihil cogor, nihil patior invitus, nec tibi, ô mi Deus, servio, sed assentior. Hæc est vera geminæ voluntatis unio.

III. Signum. Suiipsum diffidentia quam maxima. Hæc vere Christiana virtus est, vix nota priscis idololatriis. Qui sibi diffidit, felicissimos etiam successus, non suis viribus, nec industriæ suæ tribuit, sed eos ex toto divinæ potentiæ ac bonitati adscribit; errores & quicquid ab his est, sibi imputat, observatque fidelissime Augustini monitum: Tota præsumptio tua Deus sit, ita ut agnoscas te absque Deo nil penitus posse, & in Deo omnia. Nihilominus hic talis qui rebus suis omnibus diffidit, ac desperat, facere quod in se est, non negligit, tanto certiore fiducia in Deo nixus, quanto magis nulla in seipso. Scit se nihil posse, & posse omnia, sed cum Deo. Pro viribus quidem laborat, sed eventum laboris omnem à voluntate divina expectat, æquo animo ferens omnia ea quæ non sunt mala, nisi male sustinenti.

Quam longe aliter, qui sibi, qui suis viribus, suæque arti; qui suæ prudentiæ consiliis fidunt, quam ii sunt, in rerum suarum encomiis facundi, quam seipsum liberali ore dilaudant, quam interim in multis remisse agunt, sui fiducia nimii?

At vero qui totus ex voluntate divina pendet, instar libræ, tanto magis altera lance

ince in imū devertit, quanto illa ascen-
sit altius.

Dux militiæ qui castrum defendendū
cepit, dum abest hostis, infirmiora
oci & immunita considerat, de com-
neatu providet, tormenta bellica dis-
ponit, contra omnem irruptionem se pa-
rat, scit enim hosti fidendum non esse.
ta Christianus: Morbis, inquit, & mor-
non fidam, sacramentis me præmu-
iam, precibus & jejuniis, velut armis
ne instruam; non fido, nec mihi, nec
morti.

At temerarius & suæ virtuti confusus,
tis se credit paratum in omnes hostiū
cursus, aut certe facillimam sibi spe-
at fore præparationem, cum res postu-
rit: fidit sibi, & morti. Recte de hoc
troque homine Salomon: Sapiens, in- *Prov.*
uit, timet & declinat à malo; stultus *c. 14.*
utem transilit & confidit. Sed infra *v. 16.*
usus, de hac pessima sui fiducia.

I V. Signum. Fiducia in Deum maxi-
ma, è qua nascitur, ut qui læsus aut of-
ensus est, non continuo vindictam me-
ritetur, sed sibi ipse dicat: Deus hoc vi-
dit, audiit: Deus ulciscetur, idque suo
tempore. Atque hoc uno hostibus om-
nibus evadit superior, quod certum ha-
beat, licet illi Acheronta moveant, sibi
amen non plus nocituros, quam Deus
permittat. Sed dicas: Sunt qui nullam
liis nocendi occasionem negligunt; si-
amina nequeant inferre, emolumenta

saltem aliorum impedire conantur. Sic est: verum qui Deo fidit, hoc agit, ne quid in se desideretur industriæ, cetera omnia divinæ providentiæ committit. Huic obstare frustra nituntur improbi.

Prov. Non est sapientia, non est prudentia,
c. 21. non est consilium contra Dominum.

v. 30. Quam fraudulenter egit Laban cum suo

Gen. c. 31. genero Iacob. sponsam mercedē decies

vers. 7. mutavit, ut res generi decurtaret. frustra

fuit; in generi commodum cesserunt omnia. *Non dimisit eum Deus ut noceret*

illi. Hierosolymis minatus est extrema

Sennacherib, sed nec ipse nec exercitus

ipsius vindices Dei manus effugit. Exer-

citum Angelus, ipsum interfecerunt fi-

2. *lii, Salvavitque Dominus Ezechiam & ha-*

Paral. bitatores Hierusalem de manu Sennacherib

c. 32. *regis Assyriorum, & de manu omnium.* Ita-

v. 22. que mi Christiane, fide Deo, & omnem

illi vindictam permitte, ille *Dominus ul-*

tionum est. Et hoc vel idololatræ te do-

ceant. Tisaphernes dux Persæ, cum Age-

filao fœdus icit, sed lingua, non ani-

mo, mox enim cum ingentibus copiis

adfuit, & iussit Græcos cedere Asia.

Agésilæus ad hanc legatorum denuncia-

tionem intrepide: Duci vestro, inquit,

referte, me ipsi amplas agere gratias,

quod fœdus ruperit eaque re Divos

hominesque inimicos in se concitarit:

ita copiarū mearū plurimum augescunt ab

hostis perfidia. Dictum prorsus Christia-

num: Sicut locutus est, salutem ex ini-

micis

Luc.

cap. I.

v. 71.

mīcis nostris, & de manu omnium qui oderunt nos. Qui Deo fidit, omnes inimicos suos sibi vectigales habet, quia Deū habet faventem. Quicquid autem homo Deo nixus, desiderat, id omnium primo à Deo petit. Qua in re hanc sibi regulā statuit: Hoc quod peto, aut mihi expedit concedi, aut non expedit, quod quidem Deus omnium optime novit. Si expediat, aut id confestim largietur Deus, aut tempore opportuniore, ut interim mea quoque patientia exerceatur: Si neget Deus postulata, certissimus sum, id mihi non expedire quod petii. Hac omnino ratione, neque aliter unquam supplices libellos Deo porrigit, qui divinæ voluntati se solum permisit. Qui hoc divinæ voluntatis arcanum ignorant, opem divinam aut non implorant, aut segniter & remisse, & quā hoc faciant, prius omnium aures fatigant, plurimorum gratiam ambiunt, atque si aliter nequeant, eam etiam muneribus in se derivant, favorem & dignitates velut in nundinis mercantur.

Vidit Ioannes, ille Domini ocellus, *Apoc. cap. I. v. 16.* Christum septenas stellas dextra gestantem. Et quæ sunt hæ stellæ in hac manu? Ioannes ipse mysterium hoc evolvens: Septem stellæ, inquit, Angeli sunt septem Ecclesiarum, seu, septem Asiæ Episcopi. En, Episcopi & eorum mitræ insulæque in manu Christi sunt. At vero si uspiam mitra dominum desideret, plurimi sunt

qui suam ei caput offerunt, sed non primo rectoque cursu ad manum Christi pervolant. Equidem curritur, sed sæpe prius ad Principum Regumque, ad Præfulum & Antistitem manus pervenitur, quam ad Christi curratur. Idē fit in aliorum officiorum & dignitatum ambitu: humanus favor quæritur, divinus à paucis ambitur, aut certe post humanum. Luculentus error; contrarium oportet agere: divinus ante omnia favor & voluntas expetenda: sceptræ & tiaræ in manu Dei sunt: officia, dignitates, munia, magistratus, Deus dividit: ab illo

Prov. penitus hæc petenda. Sicut divisiones

ca. 21. aquarum, ita cor regis in manu Domini;

vers. 1. quocunque voluerit inclinabit illud.

Sicut olitor, horti sui rivulum sub potestate habet, nec ad proximam aut ad primariam semper arborem, sed sæpe ad debiliorem, aut qua vult, aquam educit: ita cor regis, veluti rivus, omnis generis Præfecturas & munera continet, Deus instar hortulani (salvo hominis arbitrio) aquas ex hoc rivo in eos deducit, quos ipse delegit. Ideo stultissime agunt, qui tot preces ac dona in aliorum aures manusque jactant, Deo interim vix eminus & obiter salutato. O deliria hominum! Purius ex ipso fonte petuntur aquæ.

V. Signum. Omnia generoso silentio posse concoquere. Contemplare mihi patientissimum I E S U M, inter innumera & convitia & tormenta generosissime

tacentem. Stabant Hebræi sacerdotes & constanter eum accusabant, I E S V S autem tacebat : crimina illi diversa obiectabant , I E S V S autem tacebat : instabant illi validis clamoribus, & ad crucem hominē hunc postulabant, I E S V S autem tacebat : jam in cruce pendentē irrisoribus acerbissimis flagellare non cessabant, I E S V S autem tacebat. Nec aliter Mater Domini , in summis angustiis maxime taciturna. Observabat eā Ioseph ferre uterum, & ideo discessionē ab ea moliebatur. Non hīc aliud mater quam filius fecit , ut vere dicatur: Maria autem tacebat , & hoc omne divinæ voluntati ac providentiæ committebat. Audiebat illa hominem sibi charissimum, suum sanguinem mille calumniis appeti, Maria autem tacebat : videbat illa filium innocentissimum sub crucis mole fatiscentem, in cruce gementem audiebat , cernebat in gravissimis tormentis morientem, Maria autem tacebat. Hunc filium & hanc matrem complures æmulati felicissime, cum gravissimorum etiam scelerum accusarentur, ipsi autem tacebant. Norat mansuetissimus rex David miram vim hujus silentii , ea propter vim sibi faciens : Obmutui, inquit, & humiliatus sum, & filii à bonis, Idem mox repetit : Obmutui & non aperui os meum , quoniam tu fecisti. Silentii causam non adfert aliam , quam hanc ipsam, *Quoniam tu fecisti. Ideo fileo,*

*Pf. 38.
vers. 3.
& 10.*

quia voluntatis tuæ hoc esse video; Tua, mi Deus, voluntas hoc mihi silentium indixit.

Boëth. Severinus Boëthius, ille scriptis & vita illustrissimus vir, insigniter prorsus: *l. 4. de consol. phil. prosa 6.* Quis autem alius, inquit, vel servator bonorum vel malorum depulsor, quam rector ac moderator mentium Deus? qui cum ex alta providentiæ specula respicit, quid unicuique conveniat, agnoscit, & quod convenire novit, accommodat. Hic igitur quicquid citra spem videas geri, rebus quidem rectus ordo est; opinioni vero tuæ perversa confusio. Qui vero se totum divinæ voluntati mancipat, non suæ opinioni, sed rerum ordini credit, quem omnem tanquam optimum probat silendo.

Fit quandoque ut excitatoris ingenii herus, servi ædes ingressus, disjiciat, turbet, misceat omnia, & mox abeat, ne auctor deprehendatur in facto. Servus domū rediens, & omnem suppellectilem disturbatam cernens, graviter quidem excandescit, at cum à suo domino id factum audit, fileat & mitescit. Ita David de seipso: Obmutui & non aperui os meū. Cur ita? *Quoniam tu fecisti.* Ita prorsus qui divinæ voluntati se totum obtulit, adversa sentit quidem, sed divina se Providentia solatur; vanis questibus nihil se profecturū non ignorans: Levavi, inquit, oculos meos in montes, unde veniet auxilium mihi: auxilium meum à Domino. Rege

Psal.
120.
vers. I.
2.

Rege Affuero & Aman convivium celebrantibus, cuncti Iudæi flebant. Sed quam cito cruenta hæc tragœdia mutavit, & in auctorem recidit, quicquid in alios mali pararat. Postquam afflixit ac probavit te Dominus, ad extremum misertus est tui. Si Lunam accessionibus damnisque mutabilem menstrua paupertas non incesſeret, nescissent philosophi eam lumen à sole mutuari: Sic & nos è quotidiano rerum defectu discimus, omne nobis bonum à Deo tribui. Ægrotat quis? jam primum æstimare novit valetudinem, quam nunquam tanti fecisset, si nunquam perdidisset. Hæc quidem natura mortalium est, ut nihil magis placeat, quam quod amissum est. Calumnias aliquis patitur? jam capit quam grave sit crimen, alterius famam lædere, quod quamvis sæpius ipse fecerit, tamen leve quid iudicavit. In egestatem quispiam deductus est? jam incipit meminisse, qualis olim in egenos fuerit. Itaque filet, & hoc ipsum contemplatione expendens, divinæ se voluntati committit.

Sed ægre fortassis files? Ergo loquere; sed corde, sed Deo. Lingua taceat, mens precetur. Meditare silentium Christi coram Præside; Mariæ coram improbis civibus, Davidis coram adversariis. Dignior & major tibi convitiatur? tace; convitiatur æqualis? tace; vilior & minor convitiatur? Etiam tunc tace. diffi-

cilius hoc, sed generosius: illum sine,
 Deum adi: precare pro adversario, sicut
Psal. David, cujus est illud: Pro eo ut me di-
108. ligerent, detrahebant mihi; ego autem
vers. 4. orabam. Adversarium silentio, Deum
 precibus sibi conciliabat. Ergo file, & di-
 vinæ voluntati te penitissime permitte,
 illud assidue volvens animo; *Quoniam tu*
fecisti.

V. I. Signum. Ardua & quæ vix fieri
 posse credantur, pro Dei honore aggre-
 di. Quam magnanimus hac in re Paulus!
Phil. Scio, inquit, humiliari, scio & abundare:
cap. 4. ubique & in omnibus institutus sum, &
v. 12. satiari, & esurire, & abundare, & pe-
& 13. nuriam pati: Omnia possum in eo qui
 me confortat. Æque magno & excelso
Pf. 17. animo David: In Deo meo, inquit, trans-
v. 30. grediar murum. Redeat Pericles, & Py-
 ræos muros struat quadraginta cubitis
 altos, tam vero latos, ut duo currus in-
 ter se jnncti amplius spatium non desi-
 derent, ego tamen, ait David, hos muros
 transgrediar. Redeant Carthaginenses,
 & triplicem educant murum omni ævo
 celebrem, ego tamen hunc ipsum trans-
 grediar. Reviviscat Anastasius Impera-
 tor, & mœnia condant octo pedes lata,
Gen. ego tamen hæc transgrediar. Redeant
ca. 11. Babelis architecti, & turrim ædificent,
vers. 4. *cujus culmen pertingat ad calum,* ego tamē
 & hanc transgrediar in Deo meo, quo-
 niam in illo eripiar à tentatione. Sed &
 majora magisque ardua promittens Da-
 vid:

vid : In te, inquit, curram accinctus; in Deo meo transiliam murum. Parum ei erat currere & sudare, sed armis etiam indutus, & cataphractus vult currere: parum ei erat, murum quantumcunque crassum aut altum transgredi, jam etiā transilire vult vel cælo certantem molē. Celsior aut densior murus vix ulli obicitur, quam sua cuique voluntas, hunc murū & transgredi necesse est, & transilire. Quivis cogitet : Deus me patientem esse cupit, cupit esse castum, facilem dare veniam inimicis, bene de aliis sentire, bene loqui me vult Deus. Eccur ego non idem velim? Profecto voluntas mea hætenus ut murus obstitit : at iste me murus non terreat; transgrediar, transiliam; Omnia possum in eo qui me confortat.

Qui res gestas Divorū evolverit, illud regii psaltis sæpius pronuntiabit : Mirabilis Deus in sanctis suis : Deus Israël ipse dabit virtutem & fortitudinē plebi suæ; ipse dedit virtutem & fortitudinem Sanctis suis. Et ut vetera taceamus, Franciscus Xaverius, è Societate I E S V, Iaponum Apostolus, quanta vir iste pro Deo ausus, quanta potuit, quos muros non transgressus, quæ mœnia non transiit, volasse illum dixeris, si quo aliter adire non posset. Deo ille fretus divinaque voluntate velut accinctus cucurrit, terras transiliit & maria. Queri solet nonnunquam siticulosus, videri pagum

in se combustum, adeo fitem urgere : videri potuisset Orbis in Xaverii pectore combustus , adeo ille omnium salutem fitebat. Et quod incendium Xaverius animo circumtulit , dum quibusdā quasi saltibus, ex Italia in Lusitaniam , ex Lusitania in Indias, ex Indiis in Iaponē, inde ad extremos Sinas sese penetravit, terram ex terra , mari ex mari mutans.

Opponis huic terræ marisque pericula ?

Hæc, inquit , non timet qui Deo fidit :

Silvarum tenebras ? Satis lucet flamma

in pectore : Infanientem Oceanū ? Aquæ

multæ non poterunt extinguere chari-

tatem : Latronum & piratarum insidias ?

Nec domi suæ tutus est , quem divina

voluntas non protegit. Ita Deo nixus,

murum omnem transfiliit , ita trecenta

millia barbarorum , uti Bozius affirmat,

Christo adjunxit. Hoc nemo ignorat, ar-

bitror, mille plerumque remoris retineri

cogitantem meliora. Sed perrumpendū

est vi , & eluctandum ad ardua, etiamsi

Satan cum omnibus suis furiis , totoque

apparatu adversetur. Christus nos in

hanc rem animans: Si habueritis fidem,

inquit, sicut granū sinapis, dicetis monti

huic, transi hinc illuc: & transibit, & ni-

hil impossibile erit vobis. Quisquis se to-

tum divinæ voluntati tradidit, omnia se

posse confidit.

VII. Ut autem ea quæ diximus rā de

cognitione divinæ voluntatis, quam de

humanæ ad illam conformatione quan-

tum.

*Vide de
hoc in-
fra li-
bro 5.
ca. 11.
ubi de
div.
provid.
Thom.
Bozius
de si-
gnis
Eccle.
libr. 6.
cap. 3.*

*Matt.
ca. 17.
ue. 20.*

tumcunque rudi perspectissima fiant, in hanc epitomen dicta componimus.

Quicquid in Orbe fit (peccatum excipimus) à quocunque aut quomodo-
cunque fiat, divina id fieri voluntate dicen-
dū est. Omnia quæ fiunt, vult Deus fieri;
quicquid autē Deus non vult, certissimo
non fit. Hinc sapienter Epictetus: Sem-

*Epict.
lib. 4.
dissert.
c. 7. &
Enchi-
ra. 13.*

per, inquit, illud potius volo, quod fit.
Atque ut hoc idem omnibus persuadeat:
Ne postules, ait, ea quæ fiunt, arbitrato
tuo fieri. Sed, si sapias, ita fieri quæque ve-
lis, ut fiunt. Nam omnia quæ fiunt, sunt
aliquo modo effectus divinæ voluntatis.
Quomodo posset aliquid permanere, ni-

*Sap.
ca. 11.
ve. 26.*

si tu voluisses? clamat Sapientia. Solum
peccatū non vult, sed permittit, nam &
peccatum impedire posset, id tamen ob
causas sibi notas non impedit. Hoc è
Theologiæ arcanis confirmamus: Theo-
logi rem hanc definiunt his verbis: Deus
vult omne bonum creatū actu existens,
sed quicquid fit extra peccatum, est bo-
num creatū actu existens, ergo quicquid
in Orbe fit, hoc Deus vult fieri, modo
absit peccatū, * Hinc ille ingenii acu-

*Tætsi
forte
nō sole.
* Sco-
tus
in 1.*

tissimi Theologus: Omnia, inquit, quæ
fiunt aut sunt, quæ fuerunt aut facta sunt
quæ fient aut erunt, cognoscuntur à Deo
in decreto suæ voluntatis. † Et nota, mi
Lector, liberas hominis actiones non eo

impe- dist. 39

quæst. unica. §. Viso de contingentia. ita Richard. Calet.
Vasq. † Hoc fuse & erudite probat Theophilus Raynaudus
in Theolog. Nat. dist. 8. quæst. 3. art. 4. mili pag. 947.

impediri, quod eas Deus ab æterno præviderit & voluerit; sed Deus illas ideo voluit, quia futuras prævidit.

Iacob. Sed ulterius progrediamur. Deus non
Gra- tantum vult fieri, quidquid in Orbe fit
nadus (dempto peccato) sed id omne re ipsa
in I. semper exequitur quod melius est, imo
partem quod optimum est, & hoc est, ut sic lo-
Divi quamur, ingenium Dei & innata ejus
Thoma propensio. * Istud dilucide Basilius Ma-
tom. 2. gnus adstruens: Vnum quidē hoc, inquit,
disp. 3. habere in mentibus nostris præsumptū
per 6. oportet, quod nihil eorum quæ nobis ac-
sectio- cidunt, malū sit, aut tale, ut melius illo
nes, mi- excogitare queamus. † In eandē omnino
hi pag. sententiā Damascenus concedēs : Om-
420. nia, inquit, quæ Dei providentia fiunt,
Et ser- pulcherrime ac divinissime fieri necesse
mo est est, atque ita denique ut meliori modo
de re- existere prorsus nequeāt. † Præ omnibus
bus in audiēdus hīc Augustinus : Iustitia, in-
quibus quit ille, veri & summi Dei factum est,
nō ab- ut non modo sint omnia, sed etiam sic
itur in sint, ut omnino melius esse non possint.
infini- tum.

* *Bas.* Quid clarius? rationē audi: * Quicquid
hom. 8. enim, inquit, vera ratione tibi melius oc-
ex var. currerit, hoc scias fecisse Deum tanquā
quod bonorum omnium conditorem. Neque
Deus enim tu potes aliquid melius in creatura
non est cogitare, quod creaturæ artificē fugerit.

V I I I. Qua ratione autem Deus om-
† Da- nia quæ fiunt, fieri velit, peccata vero
masc. fieri

lib. 2. de fide cap. 29. † *Aug. tom. I. l. de quantitate animæ. c. 33. med. fero.* * *Idem tom. I. l. 3. de libero arbitrio. cap. 5. post init.*

feri permittat, exemplum ponimus hujusmodi. Iussit olim Summus Pontifex, Iulius II. ut Michael Angelus inter pictores celeberrimus extremū Orbis judiciū pingeret. Pictor operi manus admovit, sed pro affectu quem in sacros procures non benignum gessit, præsules etiam & purpuratos Patres in inferorum flammis collocavit. Pictorem suum sæpius accessit Pontifex, neque nesciit artificiosam hominis temeritatem, & quavis eam minime probarit, certa tamē ex causa dissimulavit videre, illud secum cogitans: Modo finiat opus, mox in carcere penicilli sui errores sentiet, pane solo & fonte cœnaturus. Hic certe Pontifex supremi judicis tribunal pingi voluit, idque in emolumentum spectantiū non in contemptum cujusquam aut injuriam, eam tamen ob certos fines sciens volensq; non impediit: Ita Deus æternitati nos vult pingere, & opera edere immortalia; at nos affectu & manu errantibus, jam hos jam illos in Otco statuimus, hoc est, variè injurii sumus in eos quos nobis hostes arbitramur. Sed & alia plurima in opere faciendo delinquimus. Nihilominus pictura rerum in Orbe diversissimarū elaboratur. Est enim mirabilis rerum omniū connexio, series atque concinnitas, ut singula quæ seorsum deformia, aut certe minus pulchra viderentur, ceteris adjuncta, sint longe pulchriora. Deus autem moræ patientissimus

simus expectat, dum omnis pictura hæc finiatur, errores nostros plurimos, tanquam si non videat, dissimulat iustissimis de causis. Tandem supremo Mundi die patebit, quid quisque dignum æternitate pinxerit, quid in pictura errarit. Sicut ergo Pontifex, aut Regum quispiam certum quid ac destinatum vult pingi, pictoris autem arbitrium non turbat, errores etiam permittit, ob causas sibi notas: ita Deus omnia quæ fiunt, vult fieri, peccatum vero permittit, sed permittit sciens & volens, cum illud impedire possit. Ita rex David Ioabo belli duce est usus, cuius flagitia minime probavit, tametsi diu dissimulavit. Neque ullus hinc objecerit: Quare homo cogitur impedire peccatum quando potest, & Deus non cogitur, qui semper id potest. Nam præterquam quod Deus sit Dominus & moderator omnium intentus bono communi, nos mancipia & servi; illud etiam accedit, quod Deus è peccato, re omnium pessima, boni quid eliciat, quod homo non potest. Augustinus hoc summi opificis artificium admiratus: Ex omnibus, ait, consistit universitatis admirabilis pulchritudo, in qua etiam illud quod malum dicitur, bene ordinatum, & loco suo positum, eminentius commendat bona, ut magis placeant & laudabiliora sint, dum comparantur malis.

IX. Sed objicias primo: Bona sint & omnia, sint omnia optima quæ Deus vult, sed certe non mihi sunt. Audacissime mortalium,

*Prop-
ter
quod
non est
impe-
dienda
caussa
parti-
cularis
quin
suomo-
do
agat.
Aug.
Enchi-
ra. 10.
& 11.*

talium, quid hic ais? *Aequaliter cura est Sap. Deo de omnibus.* Ita te, ita me, ita singu- *cap. 6. vers. 8.*
 los curat providentissimus Deus, sicut
 universos, neque tantū quod melius, sed
 quod optimū est semper, & tibi, & mihi
 & singulis, & omnibus vult, & quod
 vult exequitur efficacissime. Gregorius
 pulcherrime: Sic, inquit, intendit omni- *Greg. lib. 16. moral. cap. 5. med.*
 bus, ut adsit singulis; sic adest singulis, ut
 simul omnibus nunquam desit: sic sum-
 ma regit, ut ima non deferat; sic imis
 præsens est, ut à superioribus non rece-
 dat. *Cura est Deo de omnibus.* De filiis, seu
 charissimis Dei amicis res certa & evi-
 dens: sed nec circa damnandos alium se
 gerit: pater est, nutritor est, defensor est
 usque ad ultimum vitæ momentum: hîc
 demum iudex, punitor, hîc vindex est tā
 obstinata in se perfidiæ.

Objicias secundo: Et quomodo tantā
 Dei providentiam ac curā tot sequuntur
 inconvenientia, ut mihi vocabulo utar,
 fiunt hîc illic absurdorum absurdissima
 quæque. Vti Deum dicere dormientem
 nolim, sic ad minuta quævis vigilantem
 affirmare, num bene ausim? O te ovicu-
 lam, sed profecto malam! quamvis cre-
 diderim hîc te alienam gerere personā.
 Vtique Deus vigilat ad quælibet vel mi-
 nutissima. Ioannes Damascenus tuo sta-
 pori aptissime respondens: Deus, ait, nō-
 nunquam aliquid absurdi & præposter- *Daa masc. l. 2. de Fide*
 fieri permittit, ut per eam actionem quæ
 absurditatis speciem habet, magnum ali- *ca. 2 9.*
 quid

quid & admirabile conficiatur, quemadmodum per crucem hominibus salutem comparavit. Num hæc negabis vera? Ergo Deus non quidem peccata vult, sed efficaciter permittit, seu, permittere vult, & inde proventus elicit utilissimos sibi que maxime gloriosos. Augustinus

Aug. in Ps. 7. post med. perspicue id asserens: Propterea, inquit, divinæ Providentiæ etiam ista dispositio tribuenda est, non quia ipsa peccatores facit, sed quia ipsa ordinat cum peccaverint. Quare licet homini secundum se

inspectato melius esset non peccasse, si tamen tota series naturæ & gratiæ attendatur, multo fuit melius à Deo peccatū permitti. Notum Ecclesiæ testimonium:

Ecclesiastice glorias. Et hinc Theologorum constans assertio Felix culpa, quæ talem ac tantū meruit habere Redemptorem. Hæc de divina voluntate tam cognoscenda quā amplectenda. Utinam humana gens, vel hac una in re cæcutire desinat, & divinā voluntatē, quam facile potest agnoscere, velit etiam prompte amplecti.

est hac: Deus omnes effectus veros & reales quarumlibet causarum secundarum, adeoque omnes actiones nostras liberas, etiam malas quæ entia sunt, sicut & ipsam peccati cuiuslibet permissionem; atque etiam mala solius pœna, ab æterno, adeoque prius tempore quam fiant, etiam in particulari aliquo modo prædefinivit ac præordinavit. P. Adm. TANNER tom. 1. Theol. diss. 2. Dub. 7. n. 7.

Imaginis sequentis brevis explicatio.

Hominis ad divinam voluntatem conformati
exactissimum exemplar fuit rex David. Testis
omni exceptione vere major, Deus ipse: Invent. ait. *At.*
David filium Iesse, virum secundum cor meum, qui *c. 13.*
faciet omnes voluntates meas. *ve. 22.*

Heliotropium, minoribus sui similibus fecundum
floribus, repræsentat maxima virtutum incrementa,
quæ ex hac una ad Dei voluntatem conformatione
proveniunt, quam virtutum omnium parentem re-
cte appellaro.

Duocorda, Dei ac hominis, eo se nexu complectun-
tur, ut cor unum videri possit. Verba in corde divino
sunt, **ACCIPERE, REDDE, FUGE.**
Accipe beneficium, Redde gratias, Fuge quicquid
divina voluntati adversatur. Cor humanum jure
respondeat: **QVOD VULT DEVS,** id
est, & ego volo. Hinc amœnissimum è paradiso ser-
enum, utrumque cor cingit. Hinc gladius mœroris &
coloris excutitur; hinc corolla è rosis fugacissima vo-
luptatis texta defluit. Aliger è calo felicitatis aternæ
laustissimum fert nuntium, quo homo divina volun-
tati devotus ad immortalitatem invitatur. Non po-
est esse miser, quem tam beatus vocat nuntius.

EMOLVMENTA.



Mirificavit omnes voluntates meas.

Psalm. 15. V. 2.

LIBER TERTIVS

D E

HVMANÆ VOLVNTATIS

ad divinam conformatæ

E M O L V M E N T I S ,

CAPVT I.

*Quantam animo tranquillitatem conciliet hu-
mana voluntatis ad divinam Conformatio.*

DIximus, qua ratione divinam vo-
luntatem nosse, qua nostram illi
jungere possimus. Nunc porro di-
cendum, quid emolumenti proveniat,
si humana divinæ semper sit conjunctis-
sima.

I. Tam liberalis est Deus divitiarum
& donorum, ut non tantum æternis nos
deliciis beare statuerit, sed diem æter-
nitatis velut præoccupans, quo nos ad
omnia paratiores promptioresque red-
dat, è mensa sua mittit cælestis convivii
promulsidem, jubetque libare saltem
æternæ felicitatis gustulum. Ita nec in
fœtenti hujus mortalitatis nosocomio
deest magnæ illius æternæq; cœnæ vel-
ut antecœna. Etiã in hoc Orbe inferiori
quies est aliqua, sunt etiam hîc solatia
a cælo missa. Neque hîc impendiis mag-
is res agitur, sola opus voluntate ad di-
vinam conformata.

In rupe Taboreja vix guttulã gusta-

rat Petrus cælestis beatitudinis, & mox:

Marc. Bonum est, exclamat, nos hîc esse, imo
cap. 9. jam ebrius videri poterat ab hoc nectar
vers. 4. re, non enim sciebat quid diceret. O Petre,
& 5. præproperum est, hîc nectar & ambrosiam expectare: loco meliore dabuntur ista, sed nondum.

Angelus ille Apocalypticus Ioannes:

Apoc. Factum est, inquit, silentium in cælo,
cap. 8. quasi media hora. Quies aliqua designatur,
vers. 1. beato Gregorio interprete, quam hîc assequuntur, qui divinam voluntatē exequi perinde, ut in cælo, desiderant, eaque ratione velut in cæli vestibulo degunt. *Ps. 54.* *vers. 7.* Eo anhelans David: Et volabo, inquit, & requiescam. Quo volatus iste? utique ad divinæ voluntatis suavissimā contemplationem, eo quisquis pertigerit, jam demum respirare incipit & iucundissime quiescere. Nihil enim ardentioribus votis expetit, quam hoc unum: Fiat voluntas tua, sicut in cælo, & in terra. Inter ea certe quæ maximam animo pacem & tranquillitatem conciliât, primum hoc numeratur: Omnibus votis contendere atque aspirare ad constans divinæ voluntatis obsequium. Ita

Thom. optimus ille scriptor præcipiens; Opta,
à Kēp. inquit, semper & ora, ut voluntas Dei
lib. 3. integre in te fiat. Ecce talis homo ingreditur fines pacis & quietis. Quisquis igitur cum sanctissimo rege illo volare cupit & quiescere, his profecto alis evolvitur. *Imit. Christ. ca. 23.* *plura lib. 3.* hi in altū potest, & patrare admiranda.
ca. 18. num. 2.

II. Optimæ fidei scriptor commemo-^{Casa-}
 rat de viro religioso, cujus vestes, vel^{rius.}
 olummodo tactæ valetudinem multis^{Her-}
 estituebant, hinc ille apud ægros vene-^{sterba-}
 ationi, apud suos admirationi esse cœ-^{cers.}
 lit, cum tamen nulla in eo virtus singu-^{lib. 10.}
 ariter splenderet, vitam enim agebat^{mirac.}
 ro more ceterorum in cœnobio, nec^{cap. 6.}
 illis insolitis rigoribus sese macerabat;^{vixit}
 oc unum studiosissime cavere solitus,^{ante}
 e quid aliud unquā vellet quam Deus.^{CCCC.}
 Cum itaque sine pharmacis mederetur
 apius, rogatus à cœnobiarcha ejus rei
 aulam: Mirari seipsum, agebat, & pu-
 ore ob id affici, cum ceteros jejuniis &
 precibus vix æquet, nedum superet. Ita
 st, inquit cœnobiarcha, te hominem
 ætum esse, non nescimus, cetera non
 uspiciendum præ aliis. Simul in omnia
 pressius inquirere, & multa sciscitari cœ-
 nit antistes, ac animi arcanum referari
 upere. Hic vir ille religiosus: Eam, in-
 quit, mihi gratiam à Deo factam jure
 commemorari, quod ad divinam volunta-
 tem ita me conformarim, ut adverso
 Deo nil unquam movere velim. Neque
 vero etiam metuo res unquam fore tam
 turbidas, ut animo cadere, aut conqueri
 ubeat: sed nec ulli, puto, tam prosperi
 successus mihi sic blandientur, ut ob eos
 singulari me patiar gaudio compleri. Nā
 omnia sine discrimine de manu Dei ac-
 cipio, neque postulo ut ea quæ fiunt, ar-
 bitratu meo fiant, sed ita fieri quæq; vo-

lo ut fiant. Ita nihil me voluptate, nihil mœrore afficit, nihil me turbat, sed nec beat quidquam, nisi sola, nisi una atque unica Dei voluntas. Ideo in omnibus omnino precibus, hoc unice flagito, ut divina voluntas in me semper, rebusque creatis omnibus quam integerrime perficiatur. Miratus hæc vehementer antistes : Et amabo te, inquit, expone fodes, quis tibi nuper sensus, an non una nobiscum acerbè ferebas, cum nefarius homo ignem subiecit nostris ædibus, cū stabulum & horreum, tam multum frumenti & pecoris combustū, damno pæne irreparabili? Ad quæ cœnobita: Hoc, inquit, scias velim, Pater reverende, nihil inde mœroris me contraxisse. Nam in more positū habeo, pro his talibus Deo gratias agere, cum certissimus sim, quicquid rerum sit, divina permittente Providentia fieri, idque omne in nostrum emolumentum. Ideo curæ mihi non est, modicum an multum habeamus sustentandæ vitæ: Deo fido, qui quemvis nostrū æque frustulo panis poterit nutrire, ac pane integro. Ita lætus dego & alacer. Hic Cœnobiarcha multa contradicere, & variis quæstionibus hominem urgere, ut sic suaviter exprimeret latentes animi sensus. Post varia : Quin imo, ait iste, per quotidianam mei oblationem divinæ voluntati, eo deveni, ut si præscirem ego, ad inferos me dejiciendum decreto immutabili, Deo tamen refractarius

us esse nollem, modo simul liceret scire, sic Deo visum esse, ita Deum velle: non etiam si oratione Dominica vel seculi pronuntiata divinum illud decretum rescindere potestas esset, sane id audere non vellē, sed potius geminas has Deo reces admoverem, Vt æquissimam sanctissimamque voluntatē suam in me periret exsequi, & , Vt hanc unam mihi gratiam faceret, qua veterer tota æternitate, divinæ voluntati quidquam contrarium cogitare. Cohorruit ad has voces Cœnobiarcha, & pæne in lapidem stetit, oborto utrimque silentio. Demum: Ito, inquit, ito, mi Pater, & propositi hujus tenacissimus maneto. Cælum extra cælum reperisti, & hoc interpreteris gratiam paucissimis factam. Raræ immutabilis est à nemine turbari, à nemine ædi posse. Arcem quietissimam habitat, quisquis se totum ad divinam voluntatē conformat.

III. Ita cœnobitam suam à se dimittit antistes, ipse alto stupore defixus, hæc secum cœpit ratiocinari, &: Iam mihi inquit, ait, unde huic viro, quem hominem ridiculum censebant, illa medendi gratia sit. Hæc tanta cum divina voluntate conjunctio, ad hoc fastigii suos evenit. Et quī possit Deus hunc talem hominem æternis flammis addicere? repugnat id infinitæ bonitati. Et sane fieri cogor, nec longum esse, nec difficile iter, ad hoc culmen solidissimæ Tran-

quillitatis : neque enim hîc opus inusitata vitæ severitate, non crebris jejuniis, non prolixis vigiliis certandum , omne hoc negotiũ peragit unicum generosum VELLE , sed hoc VELLE quotidie instaurandum , firmeque statuendum, contra divinam voluntatem prudenter nil unquam admittere. Ita enim, inquit Chrysostomus, *velle* efficit posse, uti *nolle* efficit non posse. Magna vis est voluntatis, quæ efficit nos posse quod volumus, & non posse illa quæ nolumus.

Chrys.
ser. de
Zach.
fine
rom. se-
candi.

Quod si quis mane ita se Deo cõmit-
tat : O Dominus meus & Deus meus,
ego me tibi offero in omne beneplaci-
tum tuum : hodie sciens prudensq; con-
tra tuam voluntatem nil agam : is tamẽ
eodem hoc die aut veritam ganeam, aut
infame prostibulum subeat , aut aliis ad
vitia occasionibus temere sese indul-
geat, hic quidem homo cum Deo lude-
re, & altera panem, hac vero manu scor-
pionẽ porrigere censendus est. Ita pror-
sus divinæ voluntati subjectissimum se
quidem polliceri, nihilominus aliorum
opibus , aut famæ nominique insidias
struere, invidiam in se sponte admittere,
ab ira non præveniri, sed illam ultro ac-
cerfere, hoc joculari est cum Deo, & vitio-
rum moram impellere, atque ostiũ ape-
rire vix dum rogantibus admitti. Et
quodnam hoc amoris symbolum? Amo-
te, sed hunc à me colaphum accipe: aut:
Non patiar me separari à te, at cum oc-
casio

asio invitat in rupis angusto calle, quæ
 verbis ante adeo demulseram, jam manu
 ejicio in voraginem. At solemus piger-
 imis nos vocibus defendere: *Non potui-
 liter.* His Chrysostomus respondens: Nec *Chryso.*
 nim quisquam, ait, poterit excusari, *serm. de*
 quasi voluerit, & non potuerit: cum *Zach.*
 constet eum idcirco non potuisse, quia
 voluit, ut nolens volentis exemplo dam-
 netur, & volens, quia implevit quæ vo-
 luit, muneretur.

I V. Illud ergo colloquium inter duos
 religiosos viros, captu difficile non est,
 & fateri cogimur, viam nemini obstru-
 ctam, ad illum Tranquillitatis apicem;
 ad hunc paradisum nemini occlusum
 ostium: quisquis hoc unum potest, *Velle*
quod vult Deus, jam ingressus est; nullius
 aut ordinis, aut sexus, aut ætatis homi-
 nes hinc arcentur. Verum duo præcipue
 in narrato colloquio capita sunt institu-
 tionis tam eximiæ, ut ea probe cepisse,
 sit hic palmam obtinuisse.

Primum: Altissime animo imbibere,
 quicquid sit, divina fieri providentia, quæ
 ad suum finem atque ad beatitudinem
 disponit universa, prout secretissimo Dei
 iudicio placuit ab omni ævo. Omnia
 certa, & in æternum dicta lege decur-
 runt. Pulchre de hoc Seneca: Causa pen-
 det ex causa, inquit, privata ac publica *Senec.*
 longus ordo rerum trahit. Ideo fortiter *de Pro-*
 omne ferendum est: quia non, ut puta- *vid.*
 mus, incidunt cuncta, sed veniunt. Olim *cap. 5.*

constitutum est, quid gaudeas, quid fleas:
 & quamvis magna videatur varietate
 singulorum vita distingui, summa in u-
 num venit. Accepimus peritura perituri.
 Quid ita indignamur, quid querimus?
 ad hoc parati sumus. Utatur, ut vult,
 suis natura corporibus: nos læti ad om-
 nia & fortes cogitemus, nihil perire de
 nostro.

Alterum: Facere quod in se est, cete-
 ra omnia divinæ Providentiæ liberalis-
 sima confidentia transcribere: sorte sua
 contentum vivere, de aliena non inqui-
 rere, nec ulli beatiorem invidere. Hæc
 sunt quæ perducunt in propugnaculum
 Tranquillitatis inexpugnabile: hæc illa
 virtutum omnium panoplia est. Hanc
 vero nunquam induunt illi, qui caduca
 hæc amant, velut sua & perpetua bona,
 qui se propter illa suspici volunt, qui di-
 vinæ Providentiæ non satis fidunt: hi ad
 levissimarum injuriarum motus colla-
 buntur; jacent & mœrent, cum vanos
 & pueriles animos, omnis solidæ volup-
 tatis ignaros, falsa & mobilia oblecta-
 menta destituunt. At ille qui se lætis re-
 bus non inflat, nec mutatis cōtrahit, di-
 vinæ de se Providentiæ plenissime fidit;
 adversus utrumque statum invictum a-
 nimum tenet exploratæ firmitatis: om-
 nium virtutum panoplia munitus est.
 verbo: Vult quod vult Deus.

CAPVT II.

Fierine possit, ut quis nunquam tristetur, & an id arte illa impetrandum, qua nostram divinæ voluntati conformamus.

S Alomon humanæ sapientiæ pelagus, & magnum portentum, liberime pronuntiavit : Non contristabit justum quicquid ei acciderit. Loquitur sapientissimus Rex de rebus fortuitis, quæ bonæ menti contra quam vult obveniunt, perinde si dicat: Mala voluntaria, uti sunt peccata & noxæ, virum bonum utique sollicitum habent & dolore afficiunt: at illa fortunæ ludibria, facultatum amissio, honoris jactura, valetudinis dispendium, charorum funera virum justum tam non affligant & angunt, ut hæc sæpissime beneficii loco numeret, nec mala putet, sed exercitium patientiæ credat, & pro iis, ut par est, Deo gratias agat. Nam bonæ menti calamitas omnis, occasio est virtutis. Quapropter Hugo, illud (quicquid ei acciderit) acute expendens: Sicut accidens est, inquit, auctore philosopho, quod adest & abest præter subjecti corruptionem: ita præsens tribulatio, & ærumna adest, & abest præter justiciam contristationem, & conturbationem.

Ceterum, quod erecto ac hilari animo vir justus exteriora quævis mala excipiat, Paulus locupletissimus testis: Repletus

2. *Cor* tus sum, inquit, consolatione, supera-
cap. 7. bundo gaudio in omni tribulatione no-
vers. 4. stra. Non in fame tantum aut siti, non in
vinculis solum aut plagis, sed in omni-
bus ærumnis & angustiis, *in omni tribu-*
latione nostra: Neque levi tantum lætitia
afficior, sed, *repletus sum consolatione, super-*
abundo gaudio, etiam cum virgis cædor,
cum lapidibus insternor, etiã cum nau-
fragiis jactor. Turonensis præsul Marti-
nus à Severo Sulpitio tot annis nun-
quam iratus, nunquam mœstus est vi-
sus, sed pacatus semper sibi que similis.
Ita sane non contristabit justum, quic-
Chryf. quid ei acciderit. Chrysostomus omni
hom. I. calculo sententiã hanc confirmans: Ni-
in ep. hil enim aliud, inquit, grave atque acer-
2. ad bum est, quam in Dei offensionem in-
Cor. currere. hoc sublato, non afflictio, non
insidiæ, non aliud quidquam prudentem
animum molestia afficere queat. Quin
potius quemadmodum si exiguam scin-
tillam in magnum pelagus injicias, eam
protinus extinxeris: eodem modo mo-
lestia omnis quamlibet ingens, si in ani-
mum sibi bene conscius incidit, con-
festim perit & evanescit. Hic idem oris
aurei doctor, ut rem quasi oculis expli-
catius subjiceret, mentem cælo confe-
rens. Cælum, inquit, altius est imbribus
ac pluviis. Cælum quidem cum nubibus
obducitur, pati putatur, sed nihil pati-
tur: Sic & nos etiam si putamur pati, ni-
hil patimur, id est, tristitia quasi nubilis
ob-

obduci putamur, sed non tristamur. Sed demus humanæ imbecillitati doloris aliquid & mœstitiæ, sed quale hoc aut quantum? Ambrosius: Esto, inquit, in illis, hoc est, in laboribus, aliquid acerbioris. *Ambros. l. 3. de offi. cap. 5.* Quem virtus animi non abscondit dolorem? Neque enim profundum mare negaverim, quia vadosa sunt littora; neque cælum lucidum, quia interdum obtegatur nubibus; neque terram fœcundam, quia aliquibus locis jejuna glarea est; aut lætas segetes, quia intermixtam solent habere sterilem avenam. Similiter puta beatæ messis conscientię interpellari aliquo acerbio dolore, tamen manipulis vitæ beatæ, si quid forte accidit adversi atque amaritudinis, tanquam sterilis avena absconditur, aut tanquam lolii amaritudo frumenti suavitate obducitur. Ergo, non contristabit justum quicquid ei acciderit. Sentiet tristitiam, non consentiet; tegetur nubibus cælum, non subuertetur; lolium miscebit se tritico, sed non nocebit. Non sentire mala sua, nō est hominis; at non ferre, non est viri.

I. Neque solum Christiana sapientia hoc capit: priscis etiam hoc animi robur nō ignotū. Vere cecinit Venusinus vates:

*Iustum & tenacem propositi virum.
Non civium ardor prava jubentium,
Non vultus instantis tyranni
Mente quatit solida: —
Si fractus illabatur Orbis,
Impavidum ferient ruinae.*

Horat. lib. 3. carm. Ode 3.

Suf-

Susque deque ferantur omnia, cælum ruat, subruente hac mole cor Deo fîsum non trepidabit. Amplissimæ promissiones sunt quæ cor istud præmuniant.

Deus proclamans: Nolite, inquit, tan-

Psal. gere Christos meos, quos ego gratiæ

104. meæ oleo inunxi. Et vere: Iustorum

v. 15. animæ in manu Dei sunt, & non tanget

Sap. illos tormentum malitiæ. Zacharias: Qui

cap 3. tetigerit vos, tangit pupillam oculi mei.

vers. 1. Ioannes: Scimus, inquit, quia omnis

Zach. qui natus est ex Deo, non peccat (violan-

cap. 2. ve .8. do charitatem letali noxa) sed generatio

Vide Dei conservat eum, & malignus non

Nico- tangit eum, ea scilicet vi qua possit

laum vincere.

Sera- Affyrius Rex Sennacherib omnes Iu-

rium dææ civitates expugnavit. Hierosolyma

in hñc non potuit, imo nec obsedit, imo nec

locum. I. 10. quidem vidit. Diserte affirmat Isaias:

cap 5. Hæc dicit Dominus de rege Affyricum,

ve. 18. non intrabit civitatem hanc, & non ja-

Isaias. ciet ibi sagittam: & non occupabit eam

c. 37. clypeus, & non mittet in circuitu ejus

v. 33. aggerem. Ita prorsus vir iustus, cuius

lex voluntas Dei, undique inexpugna-

bilis est, *non contristat eum quicquid ei ac-*

cidat, licet omnia membra torqueat do-

lor, licet paupertas urat, licet mille pre-

mant ærumnæ, ille tamen erecto celsoque

animo Deum arctissime stringit, & etiã

tunc ad divinam voluntatem sese con-

format ex toto. Et quippeni hoc possit?

libera habet charitatis brachia, nullis

inquam, si nolit, catenis vincienda; æternis amplexibus, modo velit, inhæsuræ divinæ voluntati.

Memorant virum eruditione ac virtute magnum, ubi res in maxima esset difficultate, solitum dicere: *Salve amantudo amarissima, omnis gratiæ benedictionisque plena.* Quid hoc aliud quam cum Socrate philosopho cicutam haurire ridendo? Melius dixerō: Quid hoc aliud quam cum Apostolo Andrea crucem amplecti vel eminus salutando? Hac certe ratione propter hortum, ut ajunt, salutamus & sepem; & propter fructus, mamus & arborem.

II. Objicias: Hæc in scholis differimus, aliter domi vivimus. Fames, infamia, bonorum jactura, morborum sævitia neminem exhilarant, neque enim leviter ista feriunt: ferreus sit cujus hilaritatem non subruant hi arietes.

Da veniam, mi homo, videris ex familia esse amicorum Iobi, quibus ille in *Iob.*
os: Consolatores, inquit, onerosi omnes *ca. 16.*
os estis. Verbosi amici mei, ad Deum *v. 2.*
stillat oculus meus. Stillat, non nego, &
hoc non voluptatis est; sed stillat ad *Idem*
Deum, hoc solidi est gaudii. Deus non *cap. 8.*
projiciet simplicem, nec porriget manū *v. 20.*
palignis. Donec impleatur risu os tuū, *et 21.*
& labia tua júbilo. Ecquid vultis? Manus Domini tetigit me. Ab hac manu feri, beatius est, quam à quavis alia mul-
eri. Hæc Domini manus per sanat vel
solo

solo tactu; feriendo, non morbum, sed salutem, non mortem adfert, sed vitam. Hæc amicis suis Iobus, hæc & ego tibi. Simul etiam quæro: Si quis ferrea chirotheca te cædat, & sanguinem eliciat, nunquid in jus ambulare coges chirothecam? manus fecit. nunquid manum ad tribunal rapies? homo te læsit: ita Deus manū qua ferit, chirotheca tegit. Jam scortea, jam lignea, jam & ferrea modo fame punit, modo infamia, nunc illum in te hominē immittit, nunc aliū quandoque per cognatos, per domesticos, per fratres te castigat. Quid jam tibi vis? eadem Dei manus est, idem Deus qui ferit, sed aliter atque aliter, per alios atque alios te cædit. Quid tu jam blateras, homo? Ille nebulo mihi hanc invdiam conflavit; trifurcifer iste in has angustias me conjecit; hic tenebrio & gratiam mihi & pecuniam subduxit. Qui quæso hîc ais, insane? quid contra chirothecam litigas? manum attende, Deus aspice percutientem, Deus hæc tibi omnia fecit. Non recordaris, cujus te supermonuerim? filuisse, imo & obmutuisse sanctissimum regem, hoc unum cogitan-

Eccles. do: *Quoniã tu fecisti.* Ecclesiastes de bono
cap. 7. malaque die differens: Sicut enim hanc
v. 15. inquit, sic & illam fecit Deus, ut non interveniat homo contra eum justas querimonias. Cur igitur non Deo id saltem laudis tribuimus, quod chirurgo, qui ut scalpello dextre vomicam rupit: Opti-

ne (dicimus) mi magister, ab hoc vulne-
 e quod fecisti, sanitatem ego spero. Me-
 icum quoque laudamus, qui Theriacæ
 æ viperæ miscet saluberrimo affectu :
 in Deo cur improbemus, si suis pharma-
 is humanas noxas & injurias admi-
 neat? Hoc sciamus, constare illi facti
 ni rationem, etiam cum de ea nihil
 nobis constat. At interim in Deum oc-
 ulte queruli mussitamus : O Domine
 quam acerbe percutit manus tua, nimis
 valida tibi brachia sunt ad verberandū.
 O Christiane, ne Deum accusa, nimis
 tam esse validum ad verberandum; tu
 nimis delicatus es ad tolerandum : si te
 prebet tantum aura tristior, si quis tibi sa-
 tem extracturus adfit, occidendum te
 putas. Iustus quasi fundamentum sem- *Prov.*
 ternum : Iustus in æternum non com- *ca. 10.*
 movebitur. Tandem ibi consistit, ubi nil *v. 25.*
 tam pellat, ubi nil terreat. Non contri- *& 30.*
 abit justum quicquid ei acciderit.

¶ I I. Seneca suo Lucilio : Nolo, in- *Senec.*
 uit, tibi unquam deesse lætitiā, volo *epist.*
 am tibi domi nasci : nascetur, si modo ^{23.}
 tra te ipsum sit. Ceteræ hilaritates non
 replent pectus, sed frontem remittunt :
 ves sunt : nisi tu forte judicas illum gau-
 ere, qui ridet. Animus debet esset alacer
 fidens, & super omnia erectus. Ita *Senec.*
 torsus est : Animus sit super omnia *de bea-*
 erectus ad Deum, à nutu & voluntate *ta vita*
 vana sic pendens, ut illum nec extol- *cap. 4.*
 ant fortuita, nec frangant; & cui vera
 L volupt-

voluptas sit, voluptatum contemptio. Hunc animum ita liberum, ita interritum ac stabilem, extra turpem metum, extra cæcam libidinem, & fœdas cupiditates positum, cui unum bonum sit Deus & voluntas divina, unum malum averſio à Deo & divina voluntate: hunc, inquam, animum non contriſtabit quicquid e acciderit; hunc ita fundatum, neceſſe eſt, velit nolit, ſequatur hilaritas continua, & lætitia alta atque ex alto veniẽs. Reliqua gaudia aut turpia ſunt aut infirma & extra hominem. Atque hæc quibus delectatur vulgus, tenuem habent ac perſuſoriam voluptatem: & quodcunque invecſticiu gaudium eſt, fundamento caret. Aliter plane in viri juſto gaudio eſt. Nam Seneca teſte, illud ex ſe ortum, fidele firmumq; eſt, & creſcit & ad extremum uſque perſequitur. Obſerva (ad extremum uſque perſequitur quod vel ipſi rationi clarum, ſola enim virtus præſtat gaudiũ PERPETVVM ſecurum: etiam ſi quid obſtat, nubium modo intervenit, quæ infra feruntur nec unquam diem vincunt. Nam reverſalis eſt animus divinæ voluntati affixus qualis Mundi ſtatus ſuper Lunam:

Epist.
28. &
98.

Luca. Perpetuum nulla temeratus nube ſerenum

Siquidem illa pars Mundi ſuperior & ordinatior, nec in nubem cogitur, nec in tempeſtatem impellitur, nec verſatur in turbinem; omni tumultu caret. Eodem modo

modo animus divinæ voluntati constan-
 ter inhærens, quietus, & in statione trā-
 quilla collocatus, modestus, & compo-
 situs est: non contristabit illum, quic-
 quid acciderit. Neque vero Hilaria &
 saturnalia semper agitabit, aut Baccha-
 lia vivet vir ille justus: placidum &
 cultum illud gaudium est, & cum
 gravitate, imo severitate conjunctum.
 Neque enim aliud est, quā interior quies,
 pax, & concordia animi, & magni-
 tudo cum mansuetudine. Quæ malis aut
 ultis absunt: ubi cupiditates ipsæ sibi
 ostrepunt aut pugnant, & semper in
 eorum animis velut legiones & castra
 edarum, aut acerbarum cogitationum.
 Mens bona & divinæ voluntati in om-
 nibus obsecundans, nunquam malis suis
 gemiscit, fortuita hæc despicit, quic-
 quid accadat, boni consulit, in bonum
 vertit, nunquam Deo queritur. Hæc illa
 est quies mentis in tuto collocatæ &
 oblimitas; hoc illud ex notitia divinæ
 voluntatis & obsequentia gaudium tam
 grande & immotum, ut non contristet
 istum, quicquid ei acciderit. Nam quod
 sapientia in Sacris loquitur, idem vo-
 luntas divina pollicetur: Qui me au-
 derit, habitabit cum fiducia, & requie-
 set absque timore, ab omni malo. Chri-
 stianus Doctor hæc consignet Ambro-
 sius: Non frangitur sapiens doloribus
 corporis, nec vexatur incommodis; sed
 etiam in AERVMNIS BEATVS ma-

Prov.

cap. I.

v. ult.

Inter-

pret.

septuag.

Ambr.

l. I. de

Iacob.

net. Quia non in delectatione corporis vitæ beatitudo, sed in conscientia pura ab omni labe.

I V. Itaque sentit ærumnas vir justus sensum enim hominis nulla exuit virtus sed non timet, & invictus dolores suos ex alto spectat. Clarissime Romanus sapiens: Nihil, inquit, accidere bono viro, mali potest. Quasi respondeat, Adversus aliquid, fateor: nihil mali. & in eo tu erras. Quemadmodum tot flumina non mutant saporem maris, nec remittunt quidem: ita adversarum impetus rerum, viri fortis non vertit animum. Manet in statu, & quicquid evenit, in suum colorem trahit. Est enim omnibus externis potentior: nec hoc dico, non sentit illa: sed vincit, & alioquin quietus placidusque contra incurrentia attollitur. Omnia adversa, exercitationes putat. Talis profecto Iobus, talis rex David. Nam etsi ambulavero, inquit, in medicumbræ mortis, non timebo mala, quoniam tu mecum es. Si Deus pro nobis, quis contra nos? Si Deus pro me, aiebat Paulinus, tunc etiam araneorum telæ instar triplicis muri mihi erunt: si contra me Deus, tunc ipsum hoc subtilissimum textum plus impedire poterit quam ullus murus. Ita Felix Nolanus presbyter, cum idololatriæ impia sacra objectasset, factò in se impetu, in duorum parietum angustias se abdidit, qui aditus cum præpans repente araneorum telis obductus

uctus videretur, nemini recentis lateræ suspicionem reliquit.

Vere, Clamarunt iusti & Dominus ex- *Pf. 33.*
audivit eos, & ex omnibus tribulationi- *ve. 18.*

bus eorum liberavit eos. Orbi hoc fas-

as David: Exquisivi Dominum, inquit,

& exaudivit me, & ex omnibus tribu-

tionibus meis eripuit me. Ergo, Bene-

dictus Deus, qui consolatur nos in om-

ni tribulatione nostra, ut possimus & ip-

so consolari eos qui in omni pressura sūt.

Non contristabit iustum, quicquid de-

um accadat. Nam uti pupillam Christi

tangere nemo poterat, nisi is à quo Chri-

stus eam voluisset tangi, ita homini pro-

prio certissimum, nec pilum sibi posse

abtrahi, ni Deus id velit. Quod si Deo

placere quid scierit, mox adest & excla-

mat: Fiat voluntas tua, sicut in cælo &

in terra: non contristabit me, quicquid

divina voluntate obtigerit. Ideo Isaias

2. Cor.

cap. I.

vers. 4.

Isaias.

cap. 3.

ve. 10.

E N E.

Verum, ô mi Isaias, viro huic charissi-

ma uxor mortua est. Nihilominus, in-

quit, dicite illi, *Quoniam bene.* At domus

illi combusta est: Idem hoc illi dicite,

Quoniam bene. At officio & omni gratia

privatus est: *Quoniam bene.* Sed magnam

fecit jacturam honoris. *Necdum male.* At

etiam omnium liberorū funera spectavit:

Dicite illi non minus: *Quoniam bene.* At

maximam pecuniæ summam perdidit.
Quoniam bene, nam ipse periisset, ni prius
 ipsius pecunia.

Gen. Iacob sub dio dormiit, terra ei in cu-
c. 28. bile, saxum in cervical fuit: rigidus som-
ve. 12. nus, fateor, sed vidit huc illuc euntes &
et. 13. redeuntes Angelos, & Deum scalarum
 capiti acclinem. Multis omnia videntur
 faxea, sciunt tamen circa se vigilare in-
 somnes Angelos, & Deum ærumnarum
 suarū assiduum spectatorem respiciunt,
 ideo non contristat illos quicquid eis ac-
Prov. cidit. Iustus quasi leo confidens, absque
ca. 28. terrore erit.

vers. 1. Alphonsus, ille Neapolis & Aragoniæ
Pa- Magnus Rex, qui jam senex Livium &
normi- Cæsarē quotidie legit, epistolas Senecæ
tan. in in Hispanicum idioma transtulit, & ne
vita putes, Lector, in profanis solum scripto-
Alph. ribus eum studiose volutatum, hic vir
 hic est, qui tota Biblia, vetus & novum
 Testamentum una cum commentariis
 decies quater, non obiter, sed presso ve-
 stigio evolvit: hic, inquam, Rex virtute
 & eruditione tantus, inter tot alia, divi-
 num hoc documentum posteris reliquit.
 Siquidem interrogatus quemnā in hoc
 Orbe judicaret beatum, respondit: Hunc
 ego prorsus beatum judico in hac vita,
 qui seipsum Domino Deo summa pieta-
 te & affectu committit, & omnia quæ
 illi eveniunt, non aliter quam rem à Deo
 factam laudat, & acceptat. Non hoc
 oraculum dicamus, & vocem cælo lap-
 sam?

m? non verius, non sanctius dixerit è
elo Angelus.

V. Heraclides Alexandrinus memorat *Hera-*
venisse se ad Dorotheum sexaginta an- *clidis*
s in cavata rupe sanctissime agentem. *para-*
hoc ad fontē missus hauriendæ aquæ, *disus*
erpentem vidit innatantem puteo, & *cap. I.*
nox pedem retulit cum vacua hydria.
ubridens Dorotheus, & hominem diu-
le intuitus, capite leniter concusso: Si
teus, inquit, diabolo permittat in om-
es puteos dejicere vipers, tunc omni
otu abstineas? Mox è specu progressus
ad fontem, hausit aquam, cruce signavit
& propinans Heraclidi: Vbi crux, in-
quit, ibi artes Satanæ jacent. Iustus qua-
leo confidens, absque terrore erit: Nec
contristabit iustū quicquid ei acciderit.
Sed ut quæ hîc verba sunt, fiant opera,
aplex hoc loco consilium suppeditat
Chrysostomus. Primum: Cum in corpo- *Chryf.*
e dolor diversus urget, plerunque fit ut *hom. 5.*
alter præ altero non sentiat, ut qui *ad pop.*
æsum & suppurantem habet digitum,
mul tamen è stomacho aut capite gra-
iter laborat, de digito tacet, stomachi
ut capitis dolorem queritur: Ita, inquit
Chrysostomus, si te jactura pecuniæ, aut
onoris & famæ, aut alia quævis cala-
nitas dolere jubeat, tu dolorem de pec-
atis excita & ingemisce; cogita Chri-
ti ad columnam cæsi, per vias tracti, in
rucem appensi contumelias & crucia-
us infandos, simul etiam noxis tuis sup-
plici-

plicium deberi agnosce. Hic dolor alterum sentiri prohibebit, mitigabit certe

Matt. si sentiat. Ideo Christus: Nolite, inquit,

ca. 10. timere eos qui occidunt corpus, animā

v. 28. autem non possunt occidere: sed potius

timete eum, qui potest & animā & corpus perdere in gehennam. Vult Dominus timorem vinci timore, & illum ab isto consumi, ut non contristet iustum quicquid ei acciderit.

Alterum: Emplastrum parti læsæ applicandum, non sanæ, nec ei cui non congruit. Collyrium oculis medetur, non brachiis, catapotium stomacho recipiendum, non eo pes obligandus, malagma ulceri, non vicinæ parti imponendum: ita prorsus Tristitia nec damno pecuniario, nec honoris dispendio, nec morbo aut horum malorum ulli medetur. Mœrore te confice, omnia lacrimis imple, & nec hilum proficies; non pecuniam, non honorem, nec valetudinem luctu revocabis, sed damnum augebis & dolorem. Hujus rei causa hæc: Tristitia proprium remedium est peccati, hæc lues hoc antidoto curatur; hoc malagma huic ulceri applica; peccasse tristare, non numos perdidisse. Chrysostomus solertissime nos

Chrys. hujus commonefaciens: Mulctatus, inquit, est quispiam pecunia; tristatus est,

hom. 5. mulctam non emendavit. Filium quis amisit; doluit, mortuum non resuscitavit. Flagellatus est quis; doluit, contumeliā non revocavit. In morbum quis incidit

gravif-

gravissimum; doluit, morbum non sustulit, sed difficiliorem reddidit. Vides horum nulli prodesse tristitiā? Peccavit quis; tristatus est, peccatum delevit, dissolvit debitum. Clarissime Paulus: Con-
 tristati estis, inquit, secundum Deum,
 ut in nullo detrimentum patiamini ex
 nobis. Quæ enim secundum Deum tri-
 stitia est, poenitentiam in salutem stabi-
 lem operatur: sæculi autē tristitia mor-
 em operatur. Ergo Tristitia, & phar-
 nacū, & venenū est; refert, qua ratione
 traris illa. Ergo repeto millies: Non con-
 tristabit justū quicquid ei acciderit.

2. Cor.
 cap. 7.
 vers. 9.
 & 10.

CAPVT III.

*Humana voluntatis cum divina Conformita-
 tem, Deo gratissimum esse sacrificium.*

Post Agnum cælestem quotidie of-
 ferri solitum, voluntatis propriæ
 oblationem gratissimum Deo sacri-
 ficium esse asserimus. Hieronymus ad
 Lucinium, optime distinguens: Aurum
 deponere, inquit, incipientium est non
 perfectorum: fecit hoc Crates Thebanus,
 fecit Antisthenes: seipsum offerre Deo,
 propriæ Christianorum est. Totum Deo
 dedit, qui seipsum obtulit. Et hoc unum
 unice Deus ambiens: Præbe, inquit, fili
 mi cor tuum mihi. Omnia dedisse cense-
 beris, ubi hoc dederis.

Hiero.
 ep. 28.
 ad Lu-
 cin. &
 epist.
 103.
 ad
 Pau-
 lin.
 Prov.
 ca. 23.

I. Ut autem hæc cordis seu voluntatis

v. 26.

oblatio Deo grata sit, in gratia necesse sit ille, qui hæc offert. Basilii in illud sacri carminis: Afferte Domino filii Dei, afferte filios arietum: Prius, inquit, sis filius Dei, quam ea offeras quæ grata sint Deo. Saltem dolere debes excidisse te gratia, & conari redire. Cor contritum & humiliatum Deus non dispiciet. Præclarissime Augustinus: Vellem, inquit, ut nihil aliud agerem, quam reddere me, cui me maxime debeo, atque ita Dei fieri, quod ait Poëta, amicum mancipium Domino. Ad hoc omnes alios exhortatus Augustinus: Constanter, inquit, Deo crede, eique te totum committe, quantum potes. Noli esse velle quasi proprius, & in tua potestate, sed ejus clementissimi & utilissimi Domini te servum esse profiteri. Ita enim te ad se sublevare non desinet, nihilque tibi evenire permittet, nisi quod tibi proffit, etiamsi nescias. Idem alibi luculente hoc confirmans: Nihil, inquit, gratius ei possumus offerre, quam ut dicamus, quod dicitur in Isaia, POSSIDENDO S. Sunt qui ceram voveant aut oleum ad concinandas in templis lampades. Aliquot festertiorum sunt hæc vota, ideo non optima nec perfecta. Alius abstinentiam vovet à vino, aut liberalius largiri stipendium constituit: pretiosum votum, non tamen omnium optimum, quid enim hîc pauperes faciant? ergo melius restat. Non eligit Deus oleum tuum aut ceram tuam, sed

Basil. afferte filios arietum: Prius, inquit, sis
in Ps. filius Dei, quam ea offeras quæ grata
28. sint Deo. Saltem dolere debes excidisse

Hoyat. ita Dei fieri, quod ait Poëta, amicum
lib. 2. mancipium Domino. Ad hoc omnes alios
sat. 7. exhortatus Augustinus: Constanter, in-
Aug. quit, Deo crede, eique te totum com-
tom. I. mitte, quantum potes. Noli esse velle
lib. de quasi proprius, & in tua potestate, sed
Quan- ejus clementissimi & utilissimi Domini
titate te servum esse profiteri. Ita enim te ad
anima se sublevare non desinet, nihilque tibi
ca. 20. evenire permittet, nisi quod tibi proffit,

Idem etiamsi nescias. Idem alibi luculente hoc
tom. I. confirmans: Nihil, inquit, gratius ei pos-
lib. I. sumus offerre, quam ut dicamus, quod
soliloq. dicitur in Isaia, POSSIDENDO S. Sunt
ca. 15. qui ceram voveant aut oleum ad concin-
Idem nandas in templis lampades. Aliquot
in Psal. festertiorum sunt hæc vota, ideo non op-
131- tima nec perfecta. Alius abstinentiam
init. vovet à vino, aut liberalius largiri stipendium
Sermo, constituit: pretiosum votum, non tamen
3. de omnium optimum, quid enim hîc pauperes
Nat. faciant? ergo melius restat. Non
Dom. eligit Deus oleum tuum aut ceram tuam, sed

sed hoc quod redemit, animam tuam, hanc illi offer. Et si me interrogas, quomodo animam meam, quam ipse habet in sua potestate, illi offeram? respondebo: moribus sanctis, cogitationibus castis, operibus fructuosis. Sic Anna suum Samuelem obtulit, sic I E S U M beatissima Virgo: sic Ioannes Baptista infans oblatus est: ita Gregorius Nazianzenus, ita Dominicus, Bonaventura, Bernardinus, Bernardus, à parentibus oblato Deo, in viros sanctissimos evaserunt. Quod si tantopere profit offerri ab aliis, quantum proderit offerri à seipso? quod integerrime Rex David executus: Voluntarie, inquit, sacrificabo tibi.

*Pf. 53.
vers. 8.*

Hoc ipsum mirifice placet cuique nostrum, si quis se nobis oblatione tam liberali devoveat. Socrati olim cum multa multi pro suis quisque facultatibus offerret, Æschines pauper auditor, Nihil, inquit, dignum te quod dare tibi possum invenio: & hoc uno modo pauperem me esse sentio. Itaque dono tibi quod unum habeo, Me ipsum. Hoc munus rogo quaecumque est, boni consulas, cogitesque alios cum multum tibi darent, plus sibi retinuisse. Cui Socrates: Quid ni tu, inquit, mihi magnum munus dederis, nisi forte parvo te aestimas? Habebo itaque curæ ut te meliorem tibi reddam quam accepi. Vicit Æschines hoc munere Alcibiadis parem divitis animum, & omnem juvenum opulentorum munificentiam.

*Seneca
lib. I.
de Benef.
cap. 8.*

tiam. Vides quomodo animus invenit liberalitatis materiam, etiam inter angustias? Non quanti quæque sint, sed quali dentur animo, quam prona voluntate, perspiciendum. Multum dat Deo, imo dat omnia, qui quotidie se suamque voluntatē divinæ penitissime transcribit. Et hoc diebus singulis non semel duntaxat iterumque faciendum, sed sæpius, sed centies, & millies, tunc præsertim cum quis mutari se sentit aut impugnari, cum quippiam successu carere, aut feliciter succedere animadvertit, tunc clamādum: O Dominus meus, & Deus meus, ego me tibi offero in omne beneplacitum tuum: fiat voluntas tua. Hoc adversis rebus patientiam, prosperis sobrietatem & moderationem conciliat. Hoc, etsi omnia teterrime cadant, hominem afflictū retinet, ne in voces impias & impatientiā prolabatur, hoc meritum auget, hoc homini Deum mirifice propitiat, hoc scutum est adversus omnem calamitatem.

*Bern.
serm.
de
Qua-
drupli-
ci de-
bito,
post
med.*

I I. Bernardus hoc omnibus persuasurus: Non habeo, inquit, nisi minuta duo, imo minutissima, corpus & animā, vel potius unum minutum, voluntatem meam: & non dabo illam ad voluntatem illius, qui tantus tantillum tantis beneficiis prævenit, qui toto se totum me comparavit? Alioquin si illam retinero, qua fronte, quibus oculis, qua mentē, qua conscientia vado ad viscera mise-

misericiordiæ Dei nostri? Chrysostomus *Chryf. tom. 3. ad finē hom. I. de Laud. S. Patris, post initium.*
 de beato Paulo quotidie seipsum offerente : Abel, inquit, obtulit sacrificium, & inde laudatur : sed si Pauli hostiam adducamus in medium, quam cælum à terra superior erit. Non enim oves offerebat aut boves, sed semetipsum per dies singulos dupliciter immolabat &c. Neque vero his tantum sacrificiis contentus fuit, sed quia seipsum consecraverat Deo, etiam Orbem universum studuit offerre. Hinc igneus iste vir, à sui ipsius oblatione tam alacer nullū fugiebat laborem, nulla horrebat pericula, ad omnia pro Deo sustinenda paratissimus.

Ævo Diocletiani, Epictetus presbyter & Astion, religiosissimam vitam agentes in Oriente, à Latroniano Almiridenfium duce comprehensi, in carcerem ducti sunt. Hic Epictetus : Si crastino, inquit, nos iudex in quæstionem rapuerit, mi optime Astion, & de nomine, parentibus, patria interrogarit, hoc unum ei respondeamus : Christiani sumus : hoc nomen nobis, hoc genus, hoc patria. Quod si tormentis lacerari nos Deus voluerit, nil aliud in tormentis, nisi hoc unum dicamus : Domine I E S U, tua voluntas semper in nobis fiat. Postero die ad tribunal medio foro apparatus evocantur è carcere. Latronianus pro tribunali sedens, universo populo inspectante, quærere instituit, unde domo, gente, patria essent. Ad quæ Epictetus : Christiani sumus,

mus, inquit, & parentibus editi Christianis. Non hoc quæro, ait Latronianus, nomina vestra edite; sectæ vestræ perfidiam jam ante novi. Hic iterum sancti martyres: Christiani sumus, Christum IESVM adoramus; detestamur idola. His auditis, ex capdescens iudex imperat de vestitos immaniter cædi. Illi elatis in cælum oculis inter cruentas plagas exclamant: Domine IESV, tua voluntas fiat in nobis. Hic Latronianus acerbè insultans: Vbi est, inquit, defensor ille vester; cuius auxilium imploratis? veniat, & vos meis manibus subducatur. Post quæ denuo sancti martyres exclamant: Christiani sumus; fiat voluntas Dei nostri in nobis. His vocibus in rabiè efferratus iudex, in equuleum jubet attolli martyres, & ungulis ferreis atrociter laniari. Sed neque hinc aliæ voces extorqueri poterant, quā hæ ipsæ: Christiani sumus, ô tyranne Latroniane, fiat voluntas Dei nostri in nobis. Iudex, sic vincitur, turpe sibi ratus, ardentes faces suspensis admoveri præcepit. Neque tamē jam aliæ voces auditæ quam ante: Christiani sumus; fiat voluntas Dei in nobis. His perfuncti cruciatibus reducti sunt in vincula. Spectata hac tragœdia Vigilantius, assessor iudicis, postquam toties ingeminari audiisset illud: Christiani sumus, fiat voluntas Dei in nobis; in eā semet persuasionē adduxit, miræ virtutis incantamentum hoc esse, quod omnem

dolo.

doloris vim enervaret, & in ipsis suppliciis supplicia sentiri prohiberet. Hæc ipsa igitur verba, tanquam potentissimum carmen in omnem noxam, assidue repetere, nec aliud stans, sedens, ambulans, domi, foris, cubitum secedens, aut toro surgens pronuntiare quam hoc ipsum: Christiani sumus; fiat voluntas Dei in nobis. Triduum sic exegit; Deo ipsius velut infantis non mali miserescente. Quarta demum die, arcana vi motus in publicum profiliit, & palam vociferari cœpit: Christianus ego sum, ô tyranne Latroniane, fiat voluntas Dei nostri in nobis. Admissus in carcerem ad martyres, Christianis sacris imbutus est cum omni familia; qui ut suis doctoribus gratus esset, eos postmodum capite ple-xos sepeliit. Proxima ab hac die Latronianus Epictetum presbyterum & A-stionem in conspectum juberet produci, & jam vulpem induens: Num Diis, inquit, facitis? an etiamnum insaniam vestram perseveratis? Cui Epictetus, Frustra es, Latroniane, Erebi monstra non colimus: vitam nobis potius extorseris quam mentem hanc. Diximus, & usque millies ac millies dicemus: Christiani sumus; fiat voluntas Dei in nobis. Hîc demum Latronianus velut leo irrugire, & ad ferales ministros: Mox, inquit, huc acetum & salem; faxy, sentiant improbi se vulneratos esse. Et vos ne parcite; laceros artus aceto & sale confricate.

cate. Verū nec voculā à prioribus mutarunt martyres : eadem utriusque constantissima professio : Christiani sumus; fiat voluntas Dei in nobis. Sed ab his cruciatibus illæsi, denuo in carcerem contrusi sunt, è quo post triginta demū dies educti, & ora saxis contusi, atque fraxineis virgis crudelissime cæsi sunt. Verum idem etiamnum clamabant ambo : Domine Deus noster, tua voluntas fiat in nobis. Tandem in eos suprema sententia dicta, ut extra urbē capite poenas expenderent. Dum ducerentur, his sese mutuis vocibus animarunt : Laudate nomen Domini, quia facta est voluntas Dei nostri in nobis per omnia. Cum ad supplicii locum pervenissent, suum illud ingenti voce proclamant : Benedictus es Domine Deus patrum nostrorum, & laudabilis, & superexaltatus, eo quod non humana, sed tua voluntas per omnia facta est in nobis. Iam jamque securi erant ferendi, cum inter generosissimos athletas nobile certamē ortum, uter gladium prior exciperet, altero alteri primas deferēte honoris causa. Hic Epictetus vir sexaginta annorum, & jam canis inspersus, ætatis auctoritate usus, cupere se dixit præmitti Aftionem. neque diu refragatus Aftion : O mi Pater, inquit, & ô sacerdos Dei venerande, fiat voluntas Dei, & tua. Dixit, & anima Conditori commendata, caput amputandum præbuit. Epictetus primum se
abji-

abjiciens in Aftionis cadaver, illudque arcte complexus, caput & ipse dedit auferendum. Ita uterque sanctissime finiit.

III. En specula duo terfissima, in quibus mirifice relucet devotissima voluntas erga divinam voluntatem. Ita prorsus se quisque compareret, ut quantumcunque dura experiatur, assidue tamen hoc ipsum ingeminet: Christianus sum, fiat in me voluntas Dei: Equidem ista mihi difficillima, & toleratu gravissima videntur, sed fiat voluntas Dei: Equidem tam tristitia non expectabam, sed fiat voluntas Dei: Equidem hic homo mecum iniquissime agit, sed fiat in me voluntas Dei.

Dux militiæ fortissimus Iehu scripsit ^{4. Reg. ca. 10.} litteras, & misit in Samariam ad optimates civitatis. At illi non diu morati, ^{vers. 4.} sed quā primum ad Iehu legatos destinarent, qui suo loco dicerent: Servi tui sumus, quæcunque jusseris faciemus, quæcunque tibi placent fac. Et quoties ad nos optimus Deus mittit litteras monetque variè, suamque nobis voluntatem proponit sectandam? Quid jam singuli nostrum aliud renunciari jubeant quam hoc ipsum: Servi tui sumus, quæcunque jusseris faciemus, quæcunque tibi placent, fac. Ideo beatus Antonius suis identidem ingerens: Si semper, agebat, Dei manibus omnia commiserimus, nullus dæmonum ad expugnandum valebit accedere.

Elias Thesbites cum Baalis sacerdotibus contendebat, utra pars verum Deū coleret: Ad eam demum pactionem res venit, ut pars illa vinceret, cujus hostiæ igne cælitus libarentur. Cumque sacrificuli diu multumque clamassent, neque tamen ullum vel indicium igniculi à Baale submissi se proderet, Elias omnes suæ victimæ partes perfundi præcepit aqua, & mox ignis cælo delapsus, omnem victimam consumpsit. Quantum, obsecro, ubique laboris & fatigationis, quantum clamoris & perturbationis est apud plurimos Christianorum? sudatur & algetur, curritur & certatur, nulli parcitur industriæ, at enim plerunque deest ignis vera in divinam voluntatem devotio. Raro & frigide precamur, Fiat voluntas tua Domine, fiat. Ita sæpius & clamamus, & sacrificamus, sed frustra, quia sacrificium nobilissimum, propriæ voluntatis oblationem non curamus.

Rufinus Macarium olim duo quidā rogarunt, doceret se orare. Quibus ille: Non hinc opus, inquit, multa verborum copia. *Aquil.* manus ad Deum crebrius pandendæ, clamandumque: Domine Deus, quomodo vis, & sicut tibi placet, ita fiat. Siquidem ipse novit quæ nobis expediant. Optimus orandi modus. Nam & Pachomius assidue precabatur, ut Domini voluntas in omnibus impleretur.

Salm. Narrat Alphonsus Salmero, fuisse hominem qui orationis loco, totum ordinem *tract.* alpha-

alphabetum recitarit (utique perplexa necessitate pressus) & hanc apposuerit clausulam : Domine , junge Tu litteras , & quod tibi magis placet , mihi que magis expedit , largire .

Est ergo hæc humanæ voluntatis cum divina concordia , ex iis omnibus quæ quis Deo potest offerre , maximum , Deoque acceptissimum sacrificium ac holocaustum . In aliis enim omnibus sua duntaxat , in hoc offert homo seipsum : in aliis ex parte solum seu temperantia , seu liberalitate , seu patientia , se donat ; in hoc autem plane totum se dat , ut de se rebusque suis divinum arbitrium disponat , quo modo , & quando voluerit , nulla re sibi nec minima reservata vel excepta . Ac proinde quantum pars differt à toto , tantum differt & hoc sacrificium à ceteris omnibus .

Hic duo monuerim : Si te , mi homo , sic totum divinæ voluntati devoveas , & velut teipsum tuamque voluntatem jugules , non te facti pœniteat , obsecro , seu bene sit tibi , seu male ; ne revoca quod statuisti . Infantum indolem nosti ; cum læduntur , jam nolunt amplius illius esse qui læsit , sed sui . Antea si quæsisisses , *Cujus es ?* Tuus , dixissent . At paululum offensi , renuntiant huic amoris & fœderi . Ne , quælo te , cum Deo sic agas , mi Christiane : Etiam si Deus te virgis cædat , etiam si fuste percutiat , etsi te vinciat & urat , etsi variis rerum angustiis te pre-

M 2

mat,

mat, tu tamen nihilominus assidue clama : Tuus sum , ô mi Deus , tuus sum ; fiat voluntas tua.

Deinde , si in flagranti quopiam delicto seu Temulentia , seu Detractionis , five Luxuria , interrogeris , cujusnā sunt hæc membra quibus uteris ? an non hæc Deo centies , an non millies oblata ? & jam in contumeliam , despiciatum , & gravissimam injuriam Dei à te usurpantur , Ebrietatis , Maledicentia , Libidinis instrumenta ? Vide , quid agas , ô homo . Hoc non est servare fidem . En linguam , oculos , manus , corpus totum toties oblatū Deo , jam vendis Cacodæmoni ? Vide de quid agas ; Deus non irridetur . Si de seris nolis à Deo , denuo te sanctissima illius voluntati submitte , exequendo quicquid aut leges aut instinctus divini mandant . Tota Israël felicitas in eo erat , Deum sequi ductorem in terras illas fertiles , Nube & Igne præeuntibus . Ita salus nostra in eo vertitur , ut & præeuntem igneam legem Amoris , & opacam divini regiminis nubem sequamur constanti gressu , dum penetremus in terras illas mellis & lactis vere uberriimas . Ita sequamur , quocunque duxerit voluntas divina .

Gal.

cap. 6.

vers. 7.

CAPVT IV.

*Omnem hominis perfectionem consistere, in
Conformatione humana voluntatis ad di-
vinam.*

OMnes humanæ actiones pretium
sui habent à fine quem spectant :
hinc illæ tam bonæ vel malæ, quæ
illarum finis est. At vero finem actionū
nostrarum nec meliorem, nec sublimio-
rem reperiemus ullum voluntate divina,
hoc est, ipso Deo : Ergo nec meliores
nec sublimiores actiones ullæ sunt,
quam quæ proximæ huic fini. Hinc
illud Basilii Magni effatum, totam san-
ctitatis summam in homine Christiano
esse, ut is rerum omnium quæ grandium
qua exilium causas ad unum solumque
Deum referat, & sese in omnibus divinæ
voluntati promptissime subjiciat. Hæc
illa est sanctis Patribus, & sanctioris vi-
tæ magistris toties ac tantopere com-
mendata *Resignatio*, quam vocant, prin-
cipium omnis tranquillitatis, ut quæ ho-
minem in Dei longe tutissima manu
collocat, ita quidem ut homo jam nolit
esse suus, sed Dei, nec sibi vivere, sed
Deo, & nihil non facere propter Deū,
tam adversis contentus quam prosperis.
Hoc Deus adeo in amoribus & deliciis
habet, ut Hebræum regem David, augu-
stissimo titulo donans, appellarit Virum.

Ast. secundum cor suum , qui faciat omnes
ca. 13. voluntates suas. Adeo enim rex ille affi-
ve. 22. xum habebat cor divino cordi , ut ad
 omnes Dei nutus se promptum paratum
 sisteret. Hac omnino ratione plurimum
 quotidie promereri quis potest, si actio-
 nes illas omnes ex se nec vituperio nec
 laude dignas , uti sunt esse , bibere, de-
 ambulare, dormire &c : ad divinam re-
 ferat voluntatem , neque ideo edat aut
 bibat quod esuriat aut sitiat , sed quod
 Deo id fieri placeat. Bos aut vacca dixe-
 rint : Edo quia esurio , bibo quia sitio,
 jaceo quia dormiturio ; longe aliter lo-
 quendum homini, qui edere, bibere, sta-
 re , sedere, dormire velle potest, nō quia
 hoc sibi suave sit, sed quia Deo probetur.

Supra I. Heliotropium, ut diximus, soli devo-
lib. 2. tissimus flos, abeuntem solem intueri se-
cap. 2. per, omnibusque horis cum eo verti solet
 & circumagi , etiam nubilo die. Hujus
 floris genium humana voluntas æmule-
 tur, & divinam voluntatem velut suum
 solē intueatur assidue , diebus etiam nu-
 bilis , rebus etiam turbulentis. In hoc
 sane omnis vitæ sanctitas consistit , ut
Arias optime dixerit ille Theologus : Summa
part. I. vitæ Christianæ & virtutum omnium
de sa- compendium est , Dei voluntati se in
rat. omnibus conformare, idem velle & idem
ment. nolle. Ita prorsus, ut quotiescunq; Deus
cap. 5. quid jubet , promptissime pro se quisque
 dicat: Ita Domine, hoc faciam. Quoties-
 cunque vetat aliquid : Ita Domine , hoc
 omit-

omittam. Bernardus : Summa humilitatis, inquit, in eo videtur consistere, si voluntas nostra divinæ, ut dignum, subiecta sit voluntati, sicut ait Propheta : *Psal.*
 Nonne Deo subiecta erit anima mea ? *118.*
 Omnia quidē Deo ut creatori subiecta, *ve. 91.*
 quoniam omnia serviunt illi, sed ab homine rationis compote voluntariam exigit subjectionem.

Rem mirissimam narrant publica monumenta de Iosepho Anchieta. Fuit hoc ævo vir iste novus in Brasilia Thaumaturgus. Anno millesimo quingentesimo octogesimo quarto Iosephus ad finum Ianuariensem rediit. In reditu Canoam (navis genus est) conscendit, una cum comite. Erat tunc æstus ingens & molestus, malacia summa, nec auræ quidquam afflabat. Ægre hanc cæli gravitatem ferebat comes. Forte fortuna tunc arborem infederant tres quatuorve grandiores aves, quas incolæ Quaracies nominant, sunt eæ gallinarum magnitudine, colore purpureo in flavum vergente, aspectu pulcherrimæ. Has Iosephus idiomate Brasílico allocutus : Ite, inquit, & cognatas vestras huc accersite, nostrumque iter volatu vestro inumbrate. Illæ collo extenso vocem, velut accepti imperii signum misere, indeque avolantes paullo post magno agmine redierunt, densatæque in nubem tandiu Canoam supervolantes umbram fecere, donec unius milliaris decurso spa-

Sebast. Berentarius in vita Iosephi Anchieta lib. 4. pag. 358.

tio, lenis afflare cæpit aura Favonii. Hic Iosephus missionem dedit tanto comitari, iussitque aliò secedere. Illæ quasi imperio perfunctæ, officiosa crocitate, & multis lætitiæ signis avolarunt. Hoc comes, post obitum Iosephi, multis gravibus viris præsentibus iurejurando interposito publice affirmavit. Neque mirum ad hominis voluntatem cum Dei voluntate conjunctissimi naturas omnes se attemperare.

Huic prodigio firmando, adnectam & alterum. Piscatio fiebat ad Maricanam insulam, aderatque unà Iosephus. Incredibilis piscium copia omnes in admirationem rapuit. Sed cum ad salem legerentur, ingens marinorum corvorum aliarumq; aquatiliū avium numerus ad expositam escam advolavit, magnum operis impedimentum. Cumque non satis ab ullo possent abigi, Iosephus sermone Brasílico eas jubens facessere: Vos, inquit, hinc secedite, dum hi sunt in opere; ubi nos abierimus, tunc redibitis ad capeffendum vestrum diarium. Quasi verba vim habuerint humanos sensus avibus imprimendi, seorsim quietæ finē operis expectarunt. Profectis inde cum Iosepho piscatoribus, gregatim ad devorandas reliquias irruerunt. Inde usu quotidianum erat, piscatoribus indicare quā copiosam piscationem facerent.

Fuit ut duæ Pantheræ eminus se conspicendas darent. Hic comes Iosephi,
optare

optare se aiebat illas è propinquo spectare. Respondit Iosephus, opere absoluto ejus potestatem fore. Dein belluis his magna voce inclamat. paullo post ut redeant, esse qui illas continus velint adspicere. Finito labore, navim conscendit Iosephus, & trajecto sinu littus appellit. hîc iterum Pantheræ placide se spectandas præbebant, ut eas per otium adspicere omnes ad satietatē potuerint.

I I. Æque obstupescendum & illud fuit. Advertit quadam die Iosephus inter vicanos suos mœstitiam, & ex ea silentium insolitum. Percunctanti causâ responderunt, cibaria sibi deesse. Ille omnes secum ire jubet ad mare, cibum haud dubie reperturos. Negant illi ad piscandum idoneam esse tempestatem, quod tum cælum, tum mare ipsum adversetur. Instat nihilofecius Iosephus, & omnes gradum addere hortatur, neminem frustratum voto rediturum. Ivêre omnes; at mare sævum altius atque altius intumescebat. Hîc vicani ab oculorum fide argumentum petentes: Videsne, ajunt, ipse præsens tuis oculis, mare esse intractabile? Iosephus nihilominus ex iis quærens, quos optarent pisces: responderunt contemptim, Xareos minutos. Est hoc genus pisciculorum palmi unius fere magnitudine, quorum illo anni tempore nulli solent apparere. Tū Iosephus locum iis circa littus, minus mille inde passibus indicat, ibi eorum

pitium copiam fore quantam velint. Eo igitur se conferunt, & parvis reticulis injectis, atque adeo manibus, quantum quisque voluit, ad satietatem exceperunt.

Ne mirare, Lector, sexcenta talia in rebus gestis Divorum reperiri. Nota sunt prisca illa, Mosis baculus, Eliæ pallium, scipio Elisæi, semicinctia Pauli, umbra Petri. Certe hi tales viri sceptrum à Deo obtinēt in res creatas, pro quo illi quod optimum habent, voluntatem dant. Hac mutationis lege homo sic agit cum Deo tanquā si diceret: Domine, omnem ego voluntatem meam tibi trado: Deus, & ego tibi sceptrum meum, ut imperes bestiis, ut domineris in mare, ut sis denique Deus aliquis in terra. Neque enim liberalitate superari vult benignissimus Creator: quisquis ipsi dat quod habet charissimum, nec ipse huic negat quod habet excellentissimum, hoc est, in omnia dominari. Et uti olim Alexander rex, de sibi charissimo Ephestione dixit; Non errasti, nam & hic Alexander est: ita de homine qui divinæ voluntati devotissimus est, dici potest; Nam & hic Deus est, certe per intimā voluntatis unionē.

Priscorum Patrum res gestæ agricolā fuisse memorant, cujus ager fertiliores plerunque segetes tulerit quam vicinorum. Quī id fieret, rogatus à vicinis. Nō esse quod mirentur, respondit, sibi optime convenire cum cælo, nec aliam un-

quam

quam tempestatem esse quam qualem optaret. Irrident illi, & negant id posse fieri. Imo vero, ait iste, ad votum meum respondet cæli gratia. Nam ego nunquā alias tempestatis commutationes volo, quam quas vult Deus. Cum igitur divinum velle, sit & meum, uberores mihi fruges provenire voluit Deus quam vobis, quibus plerunque cum cælo & Dei voluntate male convenit. Nimirū Deus, *Sap. ca. 16.* uti olim, uniuscujusque voluntati suorum *ve. 21.* deservit.

III. Pharaoni regi populus Israëlis *Exod. cap. 5.* supplicem libellum per Mosen porrexit *vers. 3.* olim his verbis: Deus Hebræorum vocavit nos, ut eamus viam trium dierum in solitudinem, & sacrificemus Domino Deo nostro. Viam ad cælum plerique ajunt esse viam trium miliarium. Primo quidē milliari via dicitur *PVRGANS*, altero *ILLUMINANS*, tertio *VNIENS*, hac quidem via proxime Deum venit, cum divinæ voluntati arctissime adstringitur humana. Christus per Lucam: *Luc. ca. 18.* Nemo bonus, inquit, nisi solus Deus. *ve. 19.* Ex hoc fonte sanctorū Patrum & Theologorum effatum est istud: Sicut intellectus divinus regula est totius *VERI*, nec falli potest: ita voluntas divina regula est totius *BONI*, nec distorqueri potest. Atque uti fieri non potest, ut sit aliquid conforme intellectui divino, & non *VERVM*: ita nihil esse potest divinæ voluntati conforme, quod non sit *BONVM*.

Chryf. B O N V M. Optime Chryſoſtomus: Quod
tom. 5. fit juxta Dei voluntatem, inquit, quam-
orat. I. vis videatur improbum eſſe, tamen om-
contra nino Deo gratum eſt & acceptum. Con-
Ind. tra, quod fit præter Dei voluntatem, ac-
poſt. ſecus quam ille vult fieri, quamquam ex-
istit. iſtimatur acceptum Deo, tamen eſt om-
 nium peſſimum & iniquiſſimum.

Hujus rei ſpecimen ſuggerunt Regum
 faſti. Propheta regem Achabum divino
 juffu reprehenuſus, quod Syriæ regi,
 quem bello ceperat, contra Dei volunta-
 tem peperciſſet, ne tamen prima fronte
 agnoſceretur reprehenſor, accedens ſo-
 cium: *In ſermone Domini*, inquit, *percute*
3. Reg. *me*. Noluit ille; religioni enim ſibi duxe-
ca. 20. rat prophetam vulnerare. Sed mox de-
ve. 36. cretum audiit formidabile: *Recedes à me*,
 inquit vates, & *percutiet te leo*. Factum, ut
 prædixit. Ergo alium adiens propheta:
Pereute me, inquit. Percuſſit ille prophe-
 tam, & vulneravit. quod non tantum
 impune fecit, ſed ob id laudem meruit.
 Quid hoc abſurdius, inquit Chryſoſto-
 mus, fieri poſſit? Qui percuſſit prophe-
 tam, evaſit incolumis; qui pepercit, dedit
 pœnas. Tanti eſt divinæ voluntatis regu-
 lam ſectari, vel aſpernari. Cuicumque
 voluntas divina innoteſcit, nefas ei jam
 ulterius quærere, Cur hoc ita? Omnium
 cauſarum loco eſt, Deum ita velle.

Ergo tutiſſimū Chriſtianæ perfectio-
 nis ſaſtigium eſt, divinæ voluntati ſe quā
 integerrime addicere, & deſinere ſuum
 eſſe, ut poſſit fieri Dei. CA-

CAPUT V.

Conformationem humana voluntatis cum divina, summum vita bonum esse.

P Rodigi adolescentis frater, acerbè admodum tulit decoctorem patrimonii epulo tam lauto excipi. Idcirco injuriam sui hoc interpretatus, paternas ædes ingredi recusavit. Pater plenissimus humanitatis, hominì pacando egressus cœpit rogare, ne die illa hilaritatem dissensione temeraret. At ille in os patri objiciens: En, inquit, contra voluntatem tuam nil unquam egi; servo me uteris, dum vivo, & tamen nec semel quidem vel olidum hircum mihi dedisses, ut cū amicis hilarius cœnarem, adeo tibi sordent mea obsequia. Sed postquam obediens tuus filius, ille lurco, ille gurgès patrimonii & vorago, qui omnia cum mulierculis abligurivit, domum rediit, mox omnia pretiosa domus eruuntur, velut in gratulationem rei tam bene gestæ. Quis non indignetur? At vero pater optimus, ut tranquillaret stomachantem: Fili, ait, tu semper mecum es, & omnia mea tua sunt. An nescis quod æque sis dominus in domo, atque ego? uno marsupio utimur: meæ facultates tuæ sunt. His demum mitigatus ingredi domum sustinuit.

Luc.

ca. 15.

ve. 31.

Benignissimus Deus hominem suæ voluntati

luntati devotum sic conservat, his exci-
tat: Tu semper mecum es, tu es in in-
tellectu meo, in memoria, tu es in volun-
tate mea: te semper adspicio, singulari
te gratia complector: Omnia mea tua
sunt; meum cælum, Angeli mei, imo uni-
genera meus Filius tuus est, quin imo ego
ipse tuus sum, eroque tuus, Ego ero mer-
ces tua magna nimis, per omnem æter-
nitatem.

*Gen.
ca. 15.
vers. 1.*

Neque hoc satis amantissimo Patri,
sed ut norit divinæ voluntati devotus
homo, quanta gratia polleat apud Deū,
dat insuper eam potestatem multis, ut
ea faciant quæ divinis solum viribus fie-
ri possunt. Opera quæ ego facio, inquit
Joan. ca. 14. Christus, & ipse faciet, & majora horum
ve. 12. faciet. Certe tales eam obtinent gratiā,
qua norint regere seipsos, & in appeti-
tiones suas maximam habere potestatem.

*Cap.
præce-
dente.*

1. Cor.

cap. 3.

ve. 22.

& 23.

Hoc illud Dei sceptrum est, uti diximus,
hæc amantissima promissio, hic continuus
cum favore aspectus. Cum homine Deus
divisum velut imperium habet, cum om-
nia quæ Dei sunt, & hominis sint, etiam
Deus ipse. Paulus affirmatissime: Om-
nia, inquit, vestra sunt &c: sive Mundus,
sive vita, sive mors, sive præsentia, sive
futura, omnia enim vestra sunt: vos au-
tem Christi, Christus autem Dei. VESTRA
sunt, nondum quidem possessione, sed
usu & fine, omnia enim eo condita, ut
saluti vestræ subserviant. Mundus est ve-
ster cū rebus creatis omnibus, hæc enim
omnia

omnia corpori animoque ancillantur. Vestra est vita, ut eam unicæ Dei voluntati impendatis: Vestra est mors, ut per eam velut januam transeatis in paradisum: Vestra sunt præsentia, tam prospera quam adversa, quia his utimini ad virtutem: Futura quoque vestra sunt, quia his fruemini ad voluptatē. Vobis *Rom. cap. 8. ve. 28. Ps. 20. vers. 3.* omnia cooperantur in bonum. Desideriū cordis vestri tribuit vobis Dominus.

I. Gloriabatur olim Themistoclis filius omnem Atheniensem Rempublicā à se gubernari, hoc enim omnes cives velle quod ipse velit. Mirantibus audacissimum juvenis dictum, subjecit: Quod ego volo, illud & mater mea vult (filium enim illa tenerrime amabat) quod autem mater mea vult, hoc idem vult & pater meus Themistocles, quicquid vero placuerit patri meo, id continuo placere Athenis jam compertū est. Hinc, inquit, Atheniensis Respublica ad meum imperium componitur. Ita prorsus & meliori jure rectissimæ voluntatis homo dixerit: Quod ego volo, hoc vult omnis cælestis exercitus. Nam quod ego volo, id vult Deus (ego enim nil unquam volo, nisi quod Deus) quod autem Deus vult, hoc omnes Beatorum, hoc universi Angelorum ordines volunt. Huic pater suavissimum illud ingerit: Omnia mea tua sunt. Solū improbi etiamnum rebelles sunt. Sed erit cum ipsi subdentur justis: Et dominabuntur eorum justī in matutino,

tino. Dum hujus vitæ nox est, ingenti patrantur scelera, & latent; divinæ voluntati certatim contradicatur, & taceat Deus. At *in matutino*, Orbis supremo

Pf. 48. die, quo cuncti reviviscunt, Tunc *domina-*

v. 15. buntur eorum *justi*: & *auxilium veterascent* in inferno à gloria eorum: omnis improborum potentia velut defloccata vestis confusmetur. Tunc ex integro dicetur: omnia

1. Cor. mea tua sunt. Verissime Paulus: Qui

cap. 6. autem adhæret Domino, inquit, unus

vc. 17. spiritus est, per hanc voluntatis consensionem, è qua homo tranquillitatē conscientiae & omnem vitæ sanctitatē haurit, ut semper vigeat vireatque.

Bro- Rem miram narrat Brocardus de locis

card. in Palæstinæ, graviter asserens, nihil à se

sua commemorari, quod non ipse oculis vi-

Palæ- derit. Ergo, ante portam Hierosolymorū,

stina inquit, locus est ad teli jactum ab urbe

mihi distans, ubi Christus peroravit ad ple-

p. 301. bem: eodem hoc loco lapis monstratur,

in quo, velut in cathedra stetit illa mu-

lier, quæ sub media Domini concione

Luc. exclamavit: Beatus venter qui te por-

ca. 11. tavit, & ubera quæ suxisti. Clivus hic a-

ve. 27. renis nunquam integitur, licet illic are-

næ velut nives vento agitatæ omnia in-

volvant. Accedit & hoc: Æstate & hie-

me præsignem virorem retinet campe-

stris hic locus, prærogativa singulari.

Huic colli semper virenti simillimū eum

dixerim, qui divinam voluntatē in cor-

dis penetralia sic recipit, perinde si dicat:

Tu mihi, mi domine, hîc concioneris velim; te audiam. Tam bona mens arenariis ærumnarum fluctibus nunquam sepelitur, nec potest tam bonæ mentis homini unquam esse tam male, quin dicat: Domine, delicate me tractas, & nimiû mihi parcis; graviora meritis sũ. Sentio quidẽ hæc quantumcunq; levia, non tamen quid ego sentiam, sed quid tu velis attendo: & quia hæc ita fieri permittis, ego nec quidem hiscere contra habeo: placet mihi, quicquid tibi placere video: decretis tuis omnibus contentissimus, ad omnes nutus tuos paratissimus sum: Iube, impera, discerne, muta, prout vis. Nimis ego inscitus sim & impius, si tibi moderari postulem, aut rerum gerendarum modum constituere. Hunc talem hominem omnis infortunii comitatus nunquam expugnaverit; nullius rei jactura illum à Deo avulserit; hac parte insuperabilis est; æstate & hie-me, tam rebus adversis quam prosperis viret.

II. Dux belli Iehu occurrentem sibi Ionadabum familiariter affatus: Num-
 quid est cor tuum rectum, inquit, sicut
 cor meum cum corde tuo? Et ait Iona-
 dab: Est. Si est, inquit, da manum tuam,
 qui dedit ei manum suam. At ille leva-
 vit eum ad se in currum, dixitque ad
 eum: Veni mecum. Quod Iehu, hoc &
 Christus Rex Orbis universi fecit: venit
 is Samariam, quæ vel ipso nomine Mun-
 dum

4. Reg.
ca. 10.
ve. 15.

dum spinis horrentem designat: huc autem ideo venit, ut omnem impii Achab stirpem & Baalis sacrificulos deleret, hoc est, Superbiam, Luxuriam, Idololatriam & omne genus peccati eliminaret. Hic Ionadabum Christus reperit, bonæ voluntatis hominem, quem interrogans Numquid est cor tuum rectum, ait, sicut cor meum cum corde tuo? Si est, da manum tuam & ascende in currum meum & veni mecum. Huic Deus dextram gratiæ suæ porrigit, hunc in altum voluntatis suæ currum attollit, cum hoc vehitur. Nam: Veni mecum, inquit, ducam te per viam Crucis: hæc est ipsissima via ad vitam eamque æternam. Ne formida; juxta me sedes, prolabi te non sinam, sed hoc calle perducam ad cælum, veni mecum, ut semper sis mecum, & juxta me. Hic ille tutissimus in Orbe locus, quem

Iob. supra modum ambiens Iobus: Pone me
sa. 17. inquit, juxta te, & cujusvis manus pu-
vers 3. gnet cōtra me. Durabo & milleictus exi-
 bo, à tua manu securissimus. Vbi in hunc
 divinæ voluntatis currū pervenerit ho-
 mo, facile illi est in intimam cum Chri-
 sto familiaritatem sese insinuare, imo
 & Christi cognatum fieri, & propinqui-
 tate prima conjunctum, Christo asleve-
 rante: Quicumque fecerit voluntatem

Matt. Patris mei qui in cælis est, ipse meus fra-
ca. 12. ter, & soror, & mater est. Exclamat hū-
ve. 50. non immerito Euthymius. O admiranda
Euth. virtutem, quæ ad se accedentes ad tan-
in hūc
locum.

tum extollit honorem, ut ipsos Christi faciat esse cognatos! Revera summum vitæ bonum est, humanæ voluntatis cum divina conjunctio.

Vir sanctus, dicere solebat: *Q V I C Q V I D V I S, H O C E S.* Quippe tantarū virium est voluntas nostra divinæ conjuncta, ut quidquid serio totaque intentione volumus esse, hoc fimus. Nemo ardentius vult esse submissus, patiens, verecundus, aut etiā liberalis, qui non is ipse sit quem se esse cupit. *Quæquid vis, hoc es.* Addit idem ille: Si magna facere, aut largiri non possis, magnam saltem habeto voluntatem, eamque extende ad immensa. Pauper es? ejus tamen animi esse potes, ut si opes suppetērent, eas liberalissime in egenos esses partiturus. Exiguarum virium es? ita tamen offerrete potes, ut si tibi mille sint animæ, capita mille, mille tamen animas, capita & vitas mille pro Christo prodigere detrectaturus non sis. Afflictus es, & miser tibi videris? junge voluntatem tuam divinæ, & felicissimus eris. Ille vere miser est, qui seipsum nequit regere, de quo vitia, velut de Homero civitates litigant, cujusnam sit; qui turpissima vicissitudine modo Ambitioni, modo Avaritiæ; jam Iræ aut Invidiæ, jam Ebrietati aut Luxuriæ servit, vix unquam suus est, multo minus Dei, quia nunquam Rex in seipsum. De Hercule canit Poëta:

Omnia cum domuit, Veneri servivit & Iræ.

Idem pæne de tali affirmes : Omnia licet habeat, seipso caret. Non suus est. sed Pecuniæ, sed Libidinis, sed plurimorum vitiorū servus est. O quanto melior est patiens viro forti, & qui dominatur animo suo, expugnatore urbium ! Si vis omnia tibi subicere, subjice te divinæ voluntati : multos reges, si te regat voluntas divina.

III. Deus omni ævo habuit inter homines, quos sibi delegit in amicos & familiares, quibus intime uteretur, quibus plurima suorum arcanorum panderet, in quorum se consuetudinem quotidianis favoribus immergeret. Inter quos aliqui velut primæ admissionis sunt, alii secundæ, tertiæ isti, hoc est, alii aliis Deo conjunctiores : nos ejusmodi homines, *Sanctos* vocamus. Seneca : Inter bonos viros ac Deum, inquit, amicitia est, conciliante virtute. Amicitiam dico ? imo etiam necessitudo & similitudo : quoniam quidem bonus ipse tempore tantum à Deo differt, discipulus ejus æmulatorque, & vera progenies. Aut sumus certe, aut esse possumus. Nostram hac in parte ignaviam merito castigans Epictetus : Si Cæsar, inquit, te adoptasset, quis supercilium tuum ferret ? Nunc cum Dei filius sis, non te æstimas & attollis ? Certe, mi senex, sumus, sed adoptione, quā si perdere nolumus, sanctimonia vitæ servamus. Porro ad hanc vitæ sanctimoniam proximus gradus est, se totum in omni-

omnibus divinæ voluntati addicere ; is autem majorem vitæ sanctitatem acquirat , qui altius in divinam voluntatē descendit. Ea propter beatissimus Paulus *Coloss. cap. I. vers. 9* hoc unice in suis desiderans : Non cessamus, inquit, pro vobis orantes & postulantes, ut impleamini agnitione voluntatis ejus. Non satis ei est , voluntatem divinam à suis agnoscere , sed impleri eos cupit hac agnitione : vult illos in divinā voluntatem quam profundissime descendere. Norat utique Paulus, ubi hoc ipse ab eis impetrasset, in omnigenarum virtutum studio eos quam plurimum , idq; sine difficultate profecturos.

Quam autem æquum est , ut homini placeat , quod Deo placuit ab æterno? Harpalus cum filium suū epulatus fuisset, & Astyages Rex, qui illas epulas instruxerat , reliqua filii membra , caput, brachia , pedesque proferri jussisset , interrogassetque : *Et quomodo tibi hæc placeant ?* Respondit : *Quicquid facit rex, illud mihi placet.* Ah miser ! tanti est hominem exuere, ut pecudi placeas ?

Quin potius nos Christiani ad omnia, hoc unum pronunciamus ? *Quicquid facit Deus, illud mihi placet.*

Romana olim adulatio libellis supplicibus , qui Cæsari tradebantur , subscribere solebat : *Numini Majestatique tue devotissimus.* Libellos supplices tradunt Christiani cum orant. Quin ergo suis quisque cum orationibus , tum etiam

operibus, hanc clausulam adjungit semper : Tuo, mi Deus , Numini voluntati-
que devotissimus. voluntatem suam om-
nem divinæ devovere, & obligare quam
arctissime, summum vitæ bonum, & vere
cælum extra cælum est , ut jam demon-
strabimus.

CAPVT VI.

*Conformationem humana voluntatis cum di-
vina calum esse extra calum , & veram
vitæ beatitudinem.*

*Psal.
127.
vers 2.*

BEatus es, & bene tibi erit, quisquis
hanc propriæ voluntatis cum di-
vina conformationem perfecte at-
tigeris, omniaque velut de manu Dei cu-
pide amplexatus fueris : hæc tua in hoc
Orbe inferiore beatitudo erit; frueris
perenni quodam gaudio , & lætitia non
multis nota , hac enim felicitate fruun-
tur homines intima familiaritate Deo
conjuncti : Beatus es, & bene tibi erit.
Certum siquidem Paulinum illud : Non
est regnum Dei esca & potus, sed justi-
tia, & pax , & gaudium in Spiritu san-
cto. qui enim in hoc servit Christo, pla-
cet Deo , & probatus est hominibus.

*Rom.
ca. 14.
vc. 17.
& 18.*

Uti autem in cælo nulla est vicissitu-
do , nullum (sic loquar) Heri aut Hodie,
sed continuus quidam sibiq; semper si-
millimus æternæ voluptatis affluxus, is-
que invariabilis, & nunquam non simul
totus

totus : Quoniam mille anni ante oculos *Pf. 89.*
tuos tanquam dies hesternæ quæ præ-*vers. 4.*
terit : Ita & ii qui hanc suæ & divinæ
voluntatis unionem adepti sunt, jam pæ-
ne immutabiles, quicquid ærumnosæ
vicissitudinis intercurrit, rationis impe-
rio premunt : Omnis eorum gustus &
oblectatio est Dei beneplacitum; exulat
hinc inquietudo atque turbatio, quarū
alioquin aliæ atque aliæ sine numero
quotidiē nascuntur. voluntas illorum à
Dei voluntate sic suaviter sopita est, ut,
cum videant à Deo proficisci universa,
sanctissimamq; ejus voluntatem in om-
nibus impleri, molestiæ ipsæ ærumnæ-
que particulam gaudii secum afferant,
quia in his ipsis molestiis ærumnisque
divinam voluntatem reperiunt, & cer-
tius quā in rebus secundissimis. Ita quie-
rem illorum altissimam si forte quid in-
currat, nihil est certe quod evertat. Quī
confidunt in Domino, sicut mons Sion
non commovebitur in æternum.

I. Hæc illa est causa serenissimæ pa-
cis qua prisci pascebantur, ac veluti bea-
bantur. Non deerant illis variarū ærum-
narum acervi : morbi sæpissime divexa-
bant corpus, animum ægritudines in-
cursabant, Nam quo quis sanctior, hoc
plerunque afflictior. Vnde illis ergo tam
æquabilis serenitas animi, tanta etiam in
fronte oculisque constantia & hilaritas?
tam perenne Pascha & quasi sabbatum
ex sabbato? Non ab alio sane quā à per-

fectissima sui ipsius in divinam voluntatem oblatione. Vano & retuso ruit impetu in eum omnis calamitas, quem sic præmuniit divina voluntas. Non contristabit iustum, quicquid ei acciderit. Iam tunc igitur sanctissimi illi viri felices erant ac beati, nam in rebus omnibus Dei voluntatem & agnoscebant, & venerabantur, ideoque in hac una conquiescebant, lætabantur, epulabantur.

Laërtius in Zeno. Nec præsci Philosophi hoc ignorarunt, à quibus sic definitum: Esse hoc ipsum Beati hominis Virtutem, cum omnia fiunt conformiter consentienterque Dæmoni five Genio, qui singulis adest, atque id ex arbitrio & voluntate supremi Gubernatoris. *Epictet. lib. 2. differt. ca. 19. post med.* Epictetus insignissime: Ostēdite mihi aliquem, inquit, qui & ægrotet, & beatus sit: qui & in periculo sit, & beatus: qui & moriatur, & sit beatus: qui in ignominia sit beatus. Animū ostendat aliquis vestrūm hominis, qui idē cū Deo sentire velit, posthac nec Deū nec homines culpaturus, qui nulla re frustretur, qui nullo casu lædatur, qui non irascatur, qui invidet nemini, qui nō æmuletur: qui (quid enim ambagibus est opus?) ex homine Deus fieri desideret.

Quid nos in hac re verius altiusque dicemus? Et unde quæso hæc ad profanos illos delata aut illapsa?

Fuit, ut duo quidā hac ipsa de re colloquerentur, quorum alter: Si res ita se habent, inquit, ut omnia quæ fiunt à divina

divina voluntate proficiscantur, ita ut *Matt.*
nec unicus quidem passerculus, Christo *ca. 10.*
teste, in casses decidat, quin id Deus *ve. 29.*
præviderit ab æterno, & voluerit, felices nos erimus, nec infelices esse unquā poterimus, si hæc capiamus. Felicissimi, ait iste, & jam pæne in cælo degemus: Sed pauci hoc explicate capiunt, non quia id ulli captu difficile, sed quia animum non applicant. Quamvis & illud in caussa sit, quod hoc rarius aut minus luculente inculcetur in concionibus; erudita sæpe aut jucunda auditu narrantur, sed parum utilia, & quæ scivisse vix quidquam facit ad cælum. Hoc docendum & urgendum, hoc assidue inculcandum, qua quisque ratione se suaque omnia divinæ deleget voluntati, & cælo potiatur extra cælum.

Catharina, illa à Senis, virgo sanctissima dicere solebat: Bonæ mentis homines esse quam simillimos Servatori nostro, qui uti beatitudinem animæ in ipsis etiam tormentis nunquā amisit, ita nec illos eam perdere, cum hæc consistat in conformatione propriæ voluntatis cum divina. Neque hanc beatitudinem impedit multa pati, cum eam sæpe augeat. Non minus enim Deo conjunctus erat Iob cum acerbissima quæque pateretur, quam cum delitiis afflueret: imo vero ausim dicere, Iobum Deo longe conjunctiorem fuisse egenum & ulcerosum in fino, quam magnificum & gloriosum in

folio. Serenitas mentis cum voluntate divina copulatæ nullis ærumnarum nubilis auferri potest.

Plin. Heliotropio, inquit Plinius, sunt æterna folia : idem de hoc tali homine dixeris, Folium ejus non defluet ; æternum virebit.

Valeri. II. Persarum quispiam olim de suorum multitudine gloriatus contra Græcos : Cras, inquit, solem obscurabimus sagittis. Cui festive Græcus : Gaudeo, inquit, sic enim in umbra melius præliabimur. Ita qui divinæ voluntati vere devotus est : Ruat, inquit, in me omnis Acherontica vis ; adsint hostes, & solem

Pf. ipsum obumbrent jaculis, non timebit cor meum, sub hac umbra commodius pugnvero. Sicut fuerit voluntas Dei in cælo, sic fiat.

cap. 3. Narrat Cassianus, hominem Alexandrinū jam grandævū ab idololatriis velut agnum à lupis cinctum. Omnium una mens erat, virum hunc vellicare, protrudere, exagitare, mille maledictis, mille injuriis laceffere, & velut pilam habere qua dadatim luditur, demum unus per ludibrium quærere, ecquænam miracula ipsius Christus, quem tantopere jactaret, designasset ? Cui sedate senex : Hoc, inquit, miraculi patravit, quod ego injurias, quibus me oneratis, tolerem, nec animi quietem perdam, graviores etiam ipsius amore toleraturus, si vos inferre pergatis. Magnum sane miraculū,

& etiam nunc quoridie patrari solitum ab iis, qui se totos divinæ voluntati emancipant. Norunt hi qua ratione medis in turbinibus ac tempestatibus impavidi, inter ruinas erecti ac stantes persistent, & humana omnia infra se ducant. Nimirum prisca redeunt miracula. Rubus, quem Moses vidit, ardebat, nec tamen deflagrabat : tres Hebræi juvenes in flammis Babylonicis jacebant, illæsi tamen intactiq; permanebant. Ita prorsus, multa viris bonis tristitia eveniunt: nec hoc dico, sensu carent, sed impatentia. Omnia adversa, sui experimentum interpretantur, & ad divinam voluntatem omnia reducunt. Ideo dura ac difficilia non reformidant, nec de Deo aut divinis permissionibus quidquam queruntur. Quicquid accidit boni consunt, in bonum vertunt, & nihil non attribuant divinæ volūtati ac Providentiæ.

Ajunt Macedoniæ montem Olympū altitudinis esse tā admirandæ, ut ad ejus cacumen nec venti, nec pluvix, nec nives unquam pertingant :

----- *Nubes excedit Olympus.*

Purum illic sincerumque cælum est extra omnes tempestatum furias. Sed nec aves aut alias animantes admittit hic locus, nimia subtilitate aëris respirationi obstante. In hujus rei notitiā ventum est hoc modo. Fuerunt qui quotannis eo eluctati, secum deferrent humentes spongas naribus applicatas, quæ
aërem

Lucā.

lib. 2.

Pharf.

aërem stiparent, sicque promoverent respirationem. Hi jugo montis conscenso, certos characteres inscripserunt pulveri, quos anno elapso tam non turbatos reppererunt, ac si eos recens impressissent, quod certo argumento erat, illuc nec pluviis, nec ventis accessum dari. Atque hic status est hominis qui ad eminentissimam hanc cum divina voluntate concordiam pervenit. Mons est, Olympus est, altior nubibus, superior tempestatibus, feris inaccessus, impervius ventis; hic mœroris nubes infra feruntur, hic alta & in sola Dei voluntate jucundissima tranquillitas. Augustinus: In pace, inquit, perfectio est, ubi nihil repugnat; & ideo filii Dei pacifici, quoniam nihil in istis resistit Deo, & utique filii similitudinē patris habere debent &c. Et hæc est pax quæ datur in terra hominibus bonæ voluntatis, hæc vita consummati perfectique sapientis. Optime dixit Dorotheus: Eum qui divinā voluntatem in omnibus sequi conatur, in curru vehi cum omnibus crucibus ipsi alioqui ferendis; alios qui hanc itineris agendi rationem & compendium ignorant, pone sequi pedites, & onerosas cruces aut morose trahere, aut laboriose ferre.

III. Hanc ipsam cum divina voluntate perfectam conspirationem, supremā esse extra cælum felicitatem asserens Philo: Dum, inquit, de offerendis Deo muneribus agitur, offerentium utilitati pro-

*Aug.
tom. 4.
lib. 1.
de s.
Dom.
in mō-
te c. 2.
post
init.
Dorot.
serm.
de
Obed.*

*Philo.
lib. de
sacer-
dot.
muneribus.*

prospicitur. Dum enim assuescunt alimen-
 ti partem Deo decidere, nunquam
 in ejus oblivionem veniunt. Qua re ni-
 hil in vita potest contingere felicius ho-
 mini. Huic sententiæ accedens nostri *Barth.*
 ævi Theologus & cōcionator: Confide- *de Sco-*
 ravi ego aliquando, inquit, possitne ali- *bar.*
 qua excogitari ars, qua extra cælestem *serm.*
 beatorum statum, plene felix possit esse *de Sa-*
 homo: unamque hanc esse mihi persua- *mucle*
 deo, si totum se, nulla sui parte reserva- *post*
 ta, suo dedat Creatori, ejusque sanctis- *mit.*
 simæ voluntati.

Huic declarando mirifice facit genius *Pierius*
 Cynocephali, quæ quidem bestia, mani- *in hie-*
 bus pedibusque, sed & cetero corpore *roglyp.*
 non absimilis est homini. Illud propriis *lib. 6.*
 finum huic animanti, occultis viribus à *pa. 46.*
 Luna gubernari, per hujus fideris mi-
 randa defluvia. Nam cum senescit Luna,
 lumina Cynocephali ita deficient, ut cū
 fidus ad extremam pervenit egestatem,
 oculi belluæ hient lumine vacui, & pari
 modo deficiat omne illius corpus. Cum
 vero adolescit Luna & suum reconcin-
 nat aureum orbem, animantis pariter
 lumina coalescunt, totumque corpus re-
 sumit vires. ita recreatum hoc animal
 sibi que restitutum, in posteriores sese
 pedes attollit, & mirabili corporis flexu,
 ac venerabundis manibus ad lunarem
 circum elatis, supplici gestu adorat Lu-
 nam: qua quidē veneratione velut pro-
 testatur & proclamat, omnem felicitatē
 Lunæ

Lunæ in acceptis referre, cū sua omnia tam pulchri fideris liberalitati debeat. Inde fit etiam, ut cum Luna omnem rotunditatem suam obtinuit, in capite Cynocephali, circulus velut diadema effulgeat. Admirabilis prorsus consensio inter astrum & brutum animal, quod altrici suæ tantis obsequiis, tam submisso cultu novit agere gratias, & semet in mancipiū offerre. Quid agimus, ô Christiani, si minus aut sapimus, aut facimus quam pecus rationis experts? **D E V S** lux est plenissima, nobis tamen aut crescit aut decrescit lux ista, prout nos illi attemperamus. Languente in nobis hac luce, languent oculi nostri, nos tabescimus, jacemus, deficimus, perimus; crescente illa illuminamur, crescimus, valemus & vigemus. Quin ergo huic Domino ejusque sanctissimæ voluntati nos perfectissime auctoramus, paratos ad omnem nutum. Hoc nobis coronā conciliat, non illam solum æternæ gloriæ, sed & illustrem caducæ vitæ; mutamur in Deum, nostra voluntate in divinam mutata.

Hoc igitur vitæ sanctioris princeps fundamentum est, omnia è manu Dei æquo animo acceptare, divinoque arbitrio se totum permittere. Quisquis es, beatus es, & bene tibi erit. Quicumque divinæ voluntati serio devotus est, in paradiso est, factusque est in pace locus
Ps. 75. ejus & habitatio ejus in Sion.
vers. 3.

Heliotropium, teste Plinio, formicas necat. Humanæ voluntatis cum divina consensus, verissimum *heliotropium*, tota curarum & sollicitudinum agmina præfocat.

Hoc omne scriptor è sancti Francisci familia consignavit in hæc verba : Quisquis, inquit, verum animi gaudium ac tranquillam in Deo vitam desiderat, oportet illud immobili huic fundamento velut lapidi angulari *Voluntatis Dei* perpetuo inniti : ei semper incumbendo, idque per modum *Resignationis*. Poteft autem (quod notatu dignissimum, præsertim mœsti ac dejecti animi hominibus) potest autem, inquit, resignatus quis esse etiam dum adest contradictio, ariditas animi, aut subtractio devotionis, & licet obmurmuret sensus : quin imo si desit animus sic omnia pro voluntate Dei acceptandi, seseque resignandi, altius est exurgendum, & ipsa ireresignatio pro voluntate Dei acceptanda. Quod si adhuc tenebræ adeo densæ sint, ut nec istud agere queat, oportet eas ipsas tenebras resignare. Si deniq; ratione tepiditatis, nihil horum omnium perficere lubeat, hanc etiam tepiditatem ac defectum voluntatis debet Deo offerre, atque è manibus illius tanquã ejus voluntatem sumere. Hoc modo quæcunq; obviare possunt impedimenta *Resignationis*, ad eandem ipsam *Resignationem* reducenda sũt, ut voluntas Dei possit semper & absque inter-

Bene-

dictus

Ann-

glus in

Reg.

per-

fect.

fine l;

mihi p.

278.

intermissione res omnes velut ignis for-
bere & consumere. Atque hoc genus ir-
resignationem ipsam resignandi, illud
quod secundū sensum est, fructu & me-
rito superat, directiusque ad veram unio-
nem, sui ipsius mortificationem, & rerū
omniū transcendentia deducit. Hæc ille.

Vtinam, ô Christiani, utinam dies
noctesque nihil aliud magis agatis, nihil
æque curetis, quam ut voluntas vestra,
fiat Dei in omnibus, & divina in vestra
transeat: dignissima res est, ubi nervos
omnes intendatis, ut vobis non aliud vel-
le, nec nolle sit aliud, quam quod vult
aut non vult Deus. Mihi credite, bonum
est nobis sic adhærere Deo, ad divinam
voluntatem sic agglutinari bonum est,
Pf. 72. & ponere in Domino Deo spem nostrā.
ve. 28. Hæc vera beatitudo, hoc cælum est ex-
tra cælum.



Imaginis sequentis brevis explicatio.

Voluntas humana cū divina refractaria est, si-
millime agit regi Pharaoni, qui Deo contuma-
cissimus, sua suorumque clade luculenter probavit,
quid sit **NOLLE** quod vult Deus. Cor divi-
num assidue quidem invitat, **SEQVERE**.
At humani cordis superbia, quam pavonis penna
adumbrant, illud Laconis responderet: **NON**
SERVIAM. Qua contumacia, quicquid ei vincu-
lorum injicitur, abrumpit. Hanc talem voluntatem
diabolus quocunque vult pertrahit, validissimis illis
superbia, avaritia, luxuria laqueis. Sed nemo impu-
ne divina voluntati refragatur. Parata sunt rebel-
libus supplicia. Cum alia cessant pœna, vel mare car-
nisficem agit. Hanc eandem humana voluntatis à di-
vina disjunctionem Sol tectus, & Heliotropium fra-
ctum repræsentant. Vbi observandum: quemadmo-
dum Deus diligentes se diligit, ita deserentes se de-
serit, & demum illud inclamat: **Vocavi & renuistis,**
ergo quoque in interitu vestro ridebo. Aut ergo velis
quod vult Deus, aut peri.

IMPEDIMENTA.



Vocaui et renuistis. *Prov. i. V. 24.*

HVMANÆ VOLVNTATIS

ad divinam conformandæ

IMPEDIMENTIS

CAPVT I.

Conformationem humana voluntatis cum divina, quæ maxime impediunt.

SI cui domus aut urbis claves committantur, potestas etiam una committitur domus aut urbis ingrediendæ ad libitum. Claves ad cordis penetralia quandoque diu ambit Christus Dominus, dum eas impetret, liberumq; ad cor accessum obtineat. Adeo parum vtilitatis humanitatis exhibemus hospiti omnium liberalissimo. Rem scitu dignissimam narrat Ludovicus Blosius, de beata Gertrude virgine. Huic aspectabilem præbens Christus: Hac quidem manu, *Blos. l. 4. illi- vinar. insi- nuat. ca. 23.* jebat, sanitatem fero, hac morbum: elige, filia, utrum placet? Quid hîc faciat Gertrudis? Sanitatem eligat? impotentia videbitur: Morbum sanitati præerat? nimia modestia adscribetur. Certe humani moris est, cû amicus ejusmodi optionem facit amico, ut iste vilius eligat, ad testandam modestiam; ita morbum debuisset elegisse Gertrudis, de effugiendos alterius Orbis cruciatus.

Non elegisset in scite, imitata Catharinā Senensem, quæ longe prætulit spineum fertum aureæ coronæ. Prudentius tamen Gertrudis & melius elegit neutrum, sed plicatis in crucem manibus ad præcordia, & in genua procumbens : O mi Domine, inquit, id ego votis omnibus à te contendo, ut non meam, sed tuam attendas voluntatē : ideo ego ad utrumque parata, neutrum eligo : tuum est, mi Domine, dignoscere, utrum hoc an illud mihi relinquant. Cui Christus : Quicumque cupit à me sæpius adiri, inquit, suæ voluntatis clavem mihi offerat, nec eam à me unquam repetat. His Gertrudis edocta, precatiunculam fecit conceptissimis his verbis : *Non mea, sed tua voluntas fiat, mi amantissime I E S V.* Et hoc ipsum trecenties sexagies quinquies institit ex more repetere : *Non mea, sed tua voluntas fiat, mi amantissime I E S V.* Quæ quidem oratiuncula mille orationibus aliis videtur anteferenda. Optime fecerit qui hanc diu noctuque assidue ingeminarit, & tunc quidem ardentius, cum res adversæ vehementius infestarent. Nemo sit tam occupatus negotiis, aut oneratus ærumnis, quin decies, quin vices aut tricies, quin centies conceptissima hæc verba vel singulis horis pronunciet : *Non mea, sed tua voluntas fiat, mi amantissime I E S V.*

Verum, non leve cuivis negotium videtur, hoc VELLE à seipso semper impetra-

petrare. Obluctatur quandoq arbitrium, & abnuit impelli ad tam vilia tamque aspera perpeſſu. Ideo neceſſe eſt, ut qui ſuam divinæ voluntati quā conjunctiſſimam cupit, ad illa præcipue paratum ſe promptumque offerat, à quibus natura depravatioꝝ magis abhorret. Idcirco contumax voluntas ad id potiſſimum adigenda, quod plurimum averſatur.

I. Et primo quidem, *Ad omnem penuriam* ſeſe offerat, divinæ voluntati devotus homo, dicatque: Mi Domine, tam ad egeſtatem quam ad divitias expeditum me tibi offero (durum hoc, ſed ſalubre) neque illam etiam animi paupertatem detrecto ferre, quæ me ſolatiis privet, & deſtituat omni ſuaviore ſenſu. Si ita tibi placet, mi Deus, fiat cor meum inſtar aridiſſimæ terræ. Tu mihi, Domine, propinaſti vinum non Apianum, non Falernū, non Aromatiten, ſed aſperum, Abſynthiten, & Myrrhatum; in tuam igitur gratiam ex hoc ipſo amariore calice reſpondebo. Scio, Domine, cellam tuam abundare Cretico & condito generoſiſſimo, ſed tu ad experiendos ſervos tuos, vappam illis & aceſcens vinum propinare ſoles: perhauriam ergo, ô bone I e s u, quicquid tu mihi calicis amarioꝝ ingeſſeris.

Exhibuerat ſe Deus uni ſuorum amicorum familiaris, & variis animum illius conſolationibus permulſerat. Viſus eſt ſibi homo in rupe Taboreja ad Chri-

*Bloſ.
Mo-
nil.
ſpirit.
ca. 10.*

sti radiantem vultum semper consistere
 Et quid hoc, ajebat ipse secum, an non
 in loco mœroris & luctus degimus
 nunquid hoc tempus has sibi suavitates
 poscit? Itaque deprecatus est tantam
 animi dulcedinem. Annuit Deus, &
 quinquennium plurimis eum ærumnis
 & angustis exercuit, submisit demum
 Angelum, qui hominis luctum solatio le-
 varet: At ille sibi similis & cœpti perse-
 verans: Non aliud ullum solatium, in-
 quit, expeto nisi unicum istud, ut sciam
 placere Deo, me esse in ægritudine; ma-
 ximum mihi est omnium dolorum fo-
 mentum, voluntas divina: modo placeam
 Deo, non refert quā sanus aut æger sim
 modo Deo placeam.

Chryf. Iosephi, Beatissimæ Virginis sponsi
hom. 8. sublimissimam hac in re virtutem meri-
in c. 2. to sic extollit Chrysostomus: Quæ cum
Matt. audisset Ioseph (solum patriū exilio mu-
anec. tandum) nequaquam passus est scanda-
med. lum, neque dixit; Incerta ista res est ac
 prorsus ambigua: tu paullo ante dice-
 bas, quia salvabit populum suum, &
 nunc seipsum quidem non potest de pe-
 riculis liberare: sed fuga nobis necessa-
 ria, & peregrinatio ac transmigratio
 longinqua: contraria omnino sunt fa-
 cta promissis. Sed horum nihil prorsus
 opponit. Vir enim erat fidelis, neque
 curiosè reversionis tēpus inquit, quod
 utique ab Angelo non signate fuerat ex-
 pressum. Verum ille nec per ista quidem
 factus

factus est segnior, sed obedivit libenter, & credidit, omnes prorsus tribulationes cum gaudio sustinendo. Paratissimus erat Iosephus ad fugam adornandam, ad patriam deferendam, ad omnē penuriam tolerandam. Miseriarum omnium levamentum est voluntas divina. Facta sui oblatione ad paupertatem, ulterius eundum.

II. Primæ igitur succedat altera sui oblatio, *Ad Contemptum & Ignominiam*. Ita Paulus præcipiens: In omnibus, inquit, exhibeamus nosmetipsos sicut Dei ministros &c. per gloriam & ignobilitatem, per infamiam & bonam famam, ut seductores & veraces. Dicat divinæ voluntati deditus: Domine, ego me tibi offero, ad ignominiam & contemptum quemcunque, eum maxime cuius ego causa non sim. Propter te negligi, contemni, abjici, etiam calcari neutiquam recuso. Durus, & crassus hic bolus est, sed tamen glutiendus est, siquidem è pharmacopolio Christi est. Christus ipse non solum ad omne genus injuriarum sese obtulit, sed illas etiam pertulit, tanquam hominum abjectissimus, Factus pro nobis maledictū, quia scriptum est: Maledictus omnis qui pendet in ligno.

Quanti è Sanctorum numero, bipedū nequissimi olim censebantur, neque illi hoc ignorarunt, sed tolerarunt, etsi senserint. Aliud est improbum haberi, aliud esse. & hoc quidem omnes in cunis di-

dicimus sine magistro, illud autem pauciorunt, & ii solum exactius, qui omnem contemptum perinde ut magnos honores è manu Dei, à divina voluntate acceptant.

Videte mihi matrem Domini, Beatissimam Virginem Mariam, divinæ voluntati toto pectore affixam, cum Iosephus sponsus ob vicinum partum trepidans circumspiceret abitum: an non Virgo siluit, nonne divinis nutibus quamcunque de se opinionem commisit? Hoc tam grandi exemplo permoti plurimi sanctorum, qui tametsi gravissimorum scelerum insimularentur, tacuerunt tamen, ignominiam tulerunt, seque totos cum omni infamia permiserunt Deo.

Anno Sanctus Emmerammus Ratisponensis
750. Præsul, non tantum de turpissimo facinore falso delatus, sed & immanissime
Vide excruciatuſ est. Nam jussu Lantberti, qui
Bavariam Theodonis principis filius, ad scalas gestatorias alligatus est Emmerammus.
Sanctæ. P. Ad tormenta sic parato digiti manuum
Matt. pedumque articulatiſ præcisi, aures,
Raderi nares, brachia, pedesque truncati, lingua
part. I. demum evulsa, quam non multo post secuta est anima. Ah, potuit hic Antistes
An- integerrimus, totque alii innocentissimi hominum extremam subire ignominiam æquo animo, quid est quod nos
Boicorum P. mille delictorum rei, levem despiciat
An- & injuriolam minimam tam intoleranter & indigne feramus? Si Dei voluntas,
areæ
Britann.
rev.
pag. 602.

tas, à qua hæc omnia emanant, cordi nobis sit, non turbabimur facile quantumcunque gravi contemptu; imo sui ipsius quisq; maximus contemptor erit.

Christus redivivus Magdalenæ reverentissimos pedum amplexus paranti: *Ioan. ca. 20. ve. 17.*
 Noli me tangere, inquit, nondum enim ascendi ad Patrem meum. Perinde si diceret: Sæpius me videbis, Magdalena, nec copia negabitur & tangendi & osculandi, quod certe permissum plurimis *Matt. ca. 28. vers. 9.*
 ab Hierosolyma matronis simul id ausis. Equidem potuisset Christus jam tormētis omnibus, jam morte perfunctus, sui tactum jure merito vetare, quia tamen nondum conscenderat cælum, immortalitatis domum, non solum à charissimis discipulis, sed etiam à feminis se tangi permisit. At nos, homunciones vilissimi, qui non tantum in Beatorum domicilia nunquam ascendimus, sed necdum in sepulchra unquam descendimus, mortales etiamnum & miseriis omnibus obnoxii, nihilominus toties vociferamur: Noli me tangere, Noli me tangere &c: Quid? tu mihi insultes improbe? ego à te tam contemptim appeller? tu meam auctoritatem sic violare, sic convellere? &c: Mille talia cum stomacho frequenter effutimus. O Christiani, quanta nos tenet divinæ voluntatis ignorantia, quæ nos usque adeo reddit delicatos, ut nec verbulo quidem minus honorifico tangi sustineamus. Qui divinæ voluntatis my-

sterium novit, ipse se ad quosvis contemp-
tus offert, & : Mi Domine, inquit, con-
tignissimus sum ab omnibus cōtemni, &
abjici : ubi ergo id me fieri videro, quo
pridem meritus sum, non indignabor.
Scio, Domine, nemo me unquam despici-
catui habebit, quin prius id faciendi
te potestatem acceperit. Nihil ergo con-
querar, & vilior fiam quam factus sum
& ero humilis in oculis meis.

2. Reg.
cap. 6.
v. 22.

III. Animo ad Inopiam & Contem-
ptum jam parato, sequitur tertia sui ob-
latio, *Ad morbum quemcunque*. Lampade
fiunt ex argento aut aliis metallis tan-
artificiose pendulæ, ea compage articu-
lorum & vertebrarum instructæ, ut quo-
cunque & quomodocunque ferantur
nunquam tamen invertantur; servant il-
læ suum lumen, semperque cælum respi-
ciunt. Huic tali lampadi non absimilis
est, quisquis divinæ voluntati vere devo-
tus est, quantumcunq; enim acerbe tra-
ctetur & imprope, Deum tamen respi-
cit divinamque voluntatem, nunquam
non erectus ad suum conditorem, cui se
frequentius sic offert: Domine, si me vis
effæto & debili esse corpore; aut si vis
me vivum esse cadaver viribus exhau-
stum, morbis intabescens, doloribus op-
pressum, annis pluribus lectulo affixum,
ecce me promptum paratum, si tibi sic
placeat, iniquissima etiam valetudo gra-
tior mihi erit, quam quantumcunque
diuturna fanitas; mihi perinde erit ad
tuum

tuum nutum, & valere, & in morbo esse, ac pro eo gratias agere. Observatu dignissimū est quod magnus ille virtutis magister Ioannes Avila docuit his omnino verbis: Plus valet, aiebat, tempore tribulationis unum Deo gratias, quam sex millia in prosperitate. Nam Deo gratias agere, cum bene est, plerique omnes norunt, inter adversa paucissimi.

Refert Ludovicus Blosius eximiae sanctitatis virginē interrogatā, quibus exercitationibus pervenisset ad eam vitæ perfectionem, respondisse: Nunquam ita doloribus oppressa fui, quin Dei amore graviores perferre expeterem, indignam me donis tam singularibus arbitrata. Hac non inferior alia, integerri-
Avila tom. 2. epistol. p. 20.
Blosi. Monil. spirit. c. 10. propius finem.
 ma itidem virgo, ipsos inferorum cruciatus sentire sibi videbatur; sed neque sperare poterat tam cito desituros. Quare ad Deum toto sese animo convertens: *Mi amantissime Deus*, aiebat, *memor esto te Dominum ac Creatorem esse meum. Ego me in aquisissimum iudicium tuum offero, & gratissima voluntati tuæ integre resigno, parata hunc infernalē cruciatum sustinere, quamdiu tibi placuerit: utere me sicut vis in tempore atque aternitate.* Ita se voluntati supremæ impendens, mirabiles fecit in amicitia divina progressus.

Ergo etiam huc voluntas impellenda, ut circa valetudinem commodā & incommodā discat esse indifferens, & ad utrumq; parata. Sed progrediendū ulterius.

IV. Quarto, *Ad mortem* etiam quamcumque illam ultro se offerat voluntas hominis, & nec celerem obitum, nec diuturnam vitam aliter expetat, quam quemadmodum Deo placuerit. Dicat ergo voluntatis divinæ amator: Nec diu vivere, nec cito mori cupio, sed tibi, ô bone I E S U, aut illud aut istud obsequi. Sed neque præscribo, quo mortis genere cupiam obire; quocunque me volueris ad te vocare, eo sequi paratus sum. Solum, mi Deus, mortem repentinam deprecari cuperem, sed neque hîc refractarius esse volo tuæ voluntati, si subita morte defungi me velis, sic fiat, ut vis, per tuam gratiam in tua semper gratia vivere conabor. Scio; Iustus si morte præoccupatus fuerit, in refrigerio erit.

Sap. cap. 4. ve. 7. Itaq; nec immaturam mortem averfor, nec maturam postulo; sed nec miseram aut quam oculi reformident, adeo perhorresco. Credibile est multos placidissime in mortem sopiri, & ad inferos rapi; plurimos horribili acerbæque morte decedere, & cælo recipi. Arcanum est hoc iudicium quam ut oculis patere possit. Ideo & mite moriendi genus, & immitte promptus excipiam, prout Domino visum fuerit. Nam, sive vivimus, sive morimur, Domini sumus. Nemo enim nov. 7. strum sibi vivit, & nemo sibi moritur.

Rom. ca. 14. & 8. Turonensis præsul Martinus jam animam acturus: Domine, inquit, si adhuc populo tuo sum necessarius, non recuso labo-

laborem, fiat voluntas tua. Hinc Ecclesia viri virtutem suspiciens : O virum inefabilem, inquit, nec labore victum, nec morte vincendum, qui nec mori timuit, nec vivere recusavit! Sic decet: in utrumque monendi sumus ac firmandi; & ne nimis amemus vitam, & ne nimis ode-
rimus.

Q. Curtius : Fortium virorum est, inquit, magis mortem contemnere, quam *Curt. lib. 5. hist.* odisse vitam. Sæpe tædio laboris ad virilitatem sui compelluntur ignavi : at virtus nihil inexpertum omittit. Vltimum omnium mors est, ad quam non pigre ire, satis est.

Vtrumq; hoc, & VIVERE & MORI, ex præscripto divinæ voluntatis amplectendum. Vivere nos vult Deus? vivamus, seu beate, seu misere, modo ad beatitudinē tendamus. Vult nos mori? moriamur animo promptissimo, & ut priscus scriptor monet, saltem non pigre eamus ad mortem, ut quæ nos evocet ad immortalem vitam.

Sed heu quam multi moriuntur non sine querela? quis non recusans, quis non gemens exit? Atqui hoc non est divinæ voluntati ex toto se permittere, non esse contentum concessio tempore. Nos oportet in promptu habere quæ in *Senec. l. 5. de Benef. ca. 17.* incertum diem data sunt, & appellatos sine querela reddere. Pessimi est debitoris creditori facere convitium. Semper pauci dies erunt, si illos numeraveris.

Cogita

Cogita non esse summū bonū in tempore : quantumcunque est , boni consule. Ut prorogetur tibi dies mortis, nihil proficit ad felicitatem : quoniam mora non fit beatior vita, sed longior. Quanto satius est, non aliorum annos computare, sed suos benigne æstimare , & in lucro ponere. Oportet te non de eo quod deductum est queri, sed de eo gratias agere quod donatum est. Quia ergo divinæ voluntati placet jam me mori, jam moriar, jam & lubens moriar.

V. Quinto demum , *Ad omnia omnino*, quæcunque vel in tempore, vel in æternitate possunt evenire , idque sine omni exceptiuncula paratissimū se Deo contribuat, divinæ voluntati devotus homo. Aquilæ pullus si probæ sit indolis, fixissimis oculis obtruetur solem : voluntas humana, si bona sit , divinam sic ardet, ut ultro se offerat ad omnia , nec excipiat quidquā. Quis hac in re generosior Paulo , qui divinam voluntatem sectabatur per strictos gladios, per micantes hastas, per volantia saxa , per Oceani fluctus, per varios turbines, per suavissimas tempestates, per avia deviaque; ad exequendam divinam voluntatem nihil huic viro viam obstruere poterat , non carcerum horror , non virgarum ter iteratum supplicium, non lapidum nimbus, non naufragiorum metus, non periculorum multitudo, non quotidiana moriendi necessitas; Paulus divino spiritu ardens, in igne

nes jufferis , ibit. Siquidem : Optabam ego ipse, inquit , anathema esse à Christo pro fratribus meis. Quid ais Paule, inquit Chrysostomus , nonne jã dixisti: Quis nos separabit à charitate Christi ? Imo Chrysostome , quia Paulus unice amabat Christũ , avelli cupiebat à Christo, & à suavissimo Christi consortio, ea tamen lege , ut plures amarent Christũ. Itaque optabat Paulus velut ex imperio cæci amoris, separari non quidem à charitate Christi , sed à beatitate & gloria cum Christo. En quam immotos oculos hæc Aquila in divinæ voluntatis sole fixerit. Tanti est autem hæc tam fortis ad divinam voluntatem Conformatio, ut præ illa parum sit vel mille Mundos ridere . Plerisque sanctorum martyrum non adeo difficile fuit suum sanguinem, ut rem vilissimam tyrannis propinare : inter tormenta solatiis divinis affluebāt, hinc supplicia ipsamque mortem de facili spernebant. Craticulæ candenti, velut fessus viator scamno , incumbit Laurentius ; funestam crucem, velut thalamum regium salutat Andreas ; lapidum imbrem, velut roris guttulas admittit Stephanus. At vero qui sub onere tot ærumnarum quotidie fatiscit, & lentissime mori se sentit , nihilominus tamen in jus divinæ voluntatis concedit, & ad omnia se paratissimum offert , hic sane rem magnam præstat : Si tamen, ut dixi, AD OMNIA æque secundum Dei arbitrium

bitriū promptus sit. Et ita fieri oportet
nam omnia & corporis , & animi , &
quæ vocamus fortunæ bona à Deo acci-
pimus , quid in his reddendis excipere
possumus ? In scholis quidem tritissimū
illud Nulla regula sine exceptione: hīc
penitus explodendum. Divinæ volun-
tatis regula sine omni exceptione est.
Quisquis secundum hanc cupit vivere,
discat & se, & sua omnino omnia divi-
næ voluntati subicere. Hujus rei illu-
strissimum nobis exemplum proponens
Bernardus : Audi denique hominem, in-
quit, quem secundum cor suum invene-
rat D E V S. Paratum, inquit, cor meum,
D E V S , paratum cor meum. Paratum
ad adversa, paratum ad prospera, paratū
ad humilia, paratum ad sublimia; paratū
ad universa quæ præceperis. Vis pastore
ovium facere ? Vis constituere regem
populorum ? Paratum cor meum, D E V S ,
paratum cor meum. *Si autem dixerit mi-*
hi, non places; præsto sum, faciat quod bonum
est coram se. Digna religiosissimo princi-
pe demissio animi , & propriæ vo-
luntatis abdicatio. Quid est enim ?
Non places. Si dixerit Deus : Nolo te
regem esse , nolo te vivere : *Præsto sum,*
inquit David. Si jusserit Deus : Vo-
lo te iterum exulem , iterum esse fugi-
tivum , & loco mali soceri pessimum
habere filium, qui patris diadema & ju-
gulum petat. Et tamen , *Præsto sum* , ait
David. Quod si Deus imperet : Volo te
rur-

rsum subire speluncas, & ferarum la-
 tribula; iterum vivere mendicato, &
 quotidie mortis adire discrimina. Nihilo-
 minus, *Præsto sum*, ait David. At si dicat
 Deus: Volo te solatii loco, in calamita-
 e tua proscindi convitiis, etiam à tuis
 subditis; lapidibus insuper appeti, & di-
 is omnibus devoveri. Nec istud quidem
 espuo, ait David, *Dominus faciat quod bo-
 um est coram se*. O sanctissimi principis
 heroicam virtutē qua vel sola fieri po-
 uit acceptissimus Deo, præsertim cum
 æc lacrymans diceret, & veste lugubri
 ndurus. Tanti faciebat, *placere Deo*, vit
 ecundum cor Dei, ut eam gratiam li-
 ertate & liberis, & omnibus divitiis,
 el ipso regno, vita etiam ipsa libentissi-
 ne redempturus esset. Modo David di-
 inæ voluntati possit obsecundare, ad
 illa omnia paratissimus dicebat: Paratū *Psal.*
 cor meum, Deus, paratum cor meum. *107.*
vers. 2.

CAPUT II.

*quod exitium pertrahat voluntas pro-
 pria, si non patiatur se frangi.*

Mellifluus doctor Bernardus: Pro- *Bern.*
 pria voluntas, inquit, quantum *serm.*
 in ipsa est, Deum perimit, omni- *3. de*
 oenim vellet Deum peccata sua aut *Re-*
 indicare non posse, aut nolle, aut ea *surr.*
 nescire. Vult enim eum non esse Deum, *Dom.*
 quæ vult eum aut impotentem aut in-

justum. Deinde ad quæstionem quæ
fantiam sapiat, aut stultitiam, responde
Cui rei explicandæ subserviat hic ap
logus.

I. Quondam fæx hominum, & furum
lavernionū, effractorum ampla societas
libellos supplices porrexerunt iudic
bus, rogaruntque patibula & furca
auferrent, rem fœdam ante urbes, pa
cendum oculis & naribus viatorū tran
euntium. His à iudicibus responsū est
Si quidem antiquatum cupiant morem
patibulandi, prius ipsi consuetudinem
abrogent furandi, iudices in mora non
futuros, quin protinus cruces tollant &
patibula, modo ipsi prius cessare jubeant
furta. Hîc è furum albo audacior unus
Venerabiles domini, ait, nos furtorum
auctores non sumus: quod ergo nos non
invenimus, nec etiā abrogabimus. Qui
bus iudices responderunt: Neque nos
ô viri, patibula excogitavimus, ergo nec
etiam abolebimus.

Humanæ gentis primi parentes in
furto deprehensi sunt: hæc scelerum ori
go, hæc inhærentis peccati contagio, &
hinc inferorum supplicia. Nos jam ser
nepotes ex hac furum familia querimus
gehennam constitutam, & ideo sæpe li
bellos supplices Deo porrigimus, & ro
gamus: O Domine, tantum non detur
bes nos ad Erebum, ô Domine si rogos
Avernales tolleres, continuo nos metu
liberares. Iurè optimo respondet Deus:

Auferre

Auferte vos culpam, & ego extinguam
 gehennam; cessent noxæ, & sopientur
 flammæ. Sed nos iterum obducimus: O
 Domine, nos primi scelerum inventores
 non sumus, cur alienam & nativam la-
 tem luimus? hæc noxa est primigenia. At
 vobis Deus iterum: Nec ego, inquit,
 causa sum inferorum, sed Superbia, sed
 inobedientia: Neque istud Orci prin-
 cipium fuit, torquere homines, sed dia-
 bolus: inferorum ignis *paratus est diabo-* *Matt.*
& angelis ejus. Ne ergo conqueri possi- *ca. 25.*
 tis, vos alienis malis involvi, mitissimum *ve. 41.*
 ego decretum per servos meos pronun-
 ciari curabo, cui nemo poterit obrecta-
 re. Quod hoc obsecro decretum, quis
 pronuntiavit? Bernardus è fidissimis Dei *Bern.*
 servis nō infimus, tam paucis quam cla- *serm.*
 ris verbis jam pridem proclamat, qua *3. de*
 ratione gehēna facillime possit extingui. *Resur.*
Dom.
 hæc proclamantis verba sunt: *Cesset vo-*
luntas propria, & infernus non erit. Et hujus
 rei luculentam rationē sic reddit: Quid
 nim odit aut punit Deus præter pro-
 priam voluntatem? In quem ignis ille
 læviet, nisi in propriam voluntatem?
 Etiam nunc cum frigus aut famem, aut
 liquid tale patimur, quid læditur nisi
 propria voluntas? Quod si voluntarie
 sustinemus, ipsa jam voluntas communis
 est (tam scilicet Dei hæc immittentis,
 quam hominis hæc sustinentis) Porro
 voluntas propria quo furore Dominum
 majestatis impugnet, audiant & timeāt

servi propriæ voluntatis. Primo nomen
 seipsam subtrahit, & subducit ejus co-
 minatui, cui tanquam auctori serv-
 jure debuerat, dum efficitur sua. S-
 nunquid contenta erit hac injuria? A-
 dit adhuc, & quod in se est, omnia qu-
 que quæ Dei sunt, tollit & diripit. Q-
 enim modum sibi ponit humana cupi-
 ditas? Nonne qui per usuram acqui-
 pecuniam modicam, similiter mundum
 lucrari conaretur universum, si non de-
 esset possibilitas, si suppeteret volunta-
 facultas? Dico fiducialiter, nemini qu-
 sit in propria voluntate, posset unive-
 sus mundus sufficere. Sed utinam vel re-
 bus istis esset contenta, nec in ipsius
 (horribile dictu) desæviret auctore. Hæc
 est crudelis bestia, fera pessima, rapaci-
 sima lupa, & læna sævissima. Hæc est
 immundissima lepra animi, propter qu-
 in Iordane mergi oporteat, & imitari
 eum qui non venit facere voluntatem
 suam. Vnde & in passione: Non mea
 inquit, voluntas sed tua fiat. *Cesset volun-
 tas propria, & infernus non erit.* Non ergo
 puerilis, nec vana est quæstio; An, &
 quomodo extingui possit gehenna? po-
 test omnino. Non absurdæ sunt preces,
 rogare Deum, ut destruat Orcum. Para-
 tus est Deus id facere; unicum istud in
 sui operis mercedem postulat: *Cesset vo-
 luntas propria, & infernus non erit.* Sed quis
 omnes omnino homines eo adigat, ut
 suam quisque voluntatem abdicet, eam-
 que

ne impendat divinæ? Tu, mi homo, si
 em ferio agas, tu tuam in te voluntatē
 xpugna, & jam sustulisti sedem illam
 in alligandus, & in qua cruciandus
 fuisses apud inferos, perinde ac si Ere-
 us destructus, & Erebi flammæ forent
 extinctæ. *Cesset voluntas propria, cesset; &*
inferus non erit. Hoc idem & alii cū Ber-
 ardo clamant: Oculus, ait ille, janua *Angu-*
 cordis est & nuncius, claude oculum & *stin.*
 voluntas habendi non erit, cesset volun- *vel*
 tas, & ecce inferus clauditur. *quis-*

I I. Ah, quanti patiuntur multa gra- *quis est*
 aque, sed inviti, sed repugnantes, ne- *auctor,*
 ue enim suam divinæ voluntati ad- *hom.*
 icunt. Deus vult illos pati, hancque *3 I. ad*
 voluntatem suam apertissime exponit, *frat.*
 am ea, quæ patiuntur, immittit, non *in ere-*
 liter certe quam si vox cælo laberetur: *mo.*
 olo vos pati. At nollent illi, & modo
 ossent, onus quod ferunt, excussissent
 am pridem. En voluntatem propriam
 um divina minime consentientem.

Norunt parentes, quanti laboris sit
 ducare liberos illos quorum contuma-
 cia prima non est fracta, quoties in die
 lamandum: Sile, quiesce; hoc age, relin-
 ue hoc, omitte istud. Quandoque tam
 requieti eas domi turbas excitant, ut
 tiam mitissima mater graviter excan-
 escens, virgas, aut baculum, aut quic-
 quid ministrat ira, corripiat, & in hunc,
 illum, ac proximum quemque filium
 iuste sæviat, quandoque solis vocibus

tonans exclamet : Non estis mei liberi
 non agnosco vos, nihil mei cerno in vo-
 bis, nec patris nec matris ingenium re-
 fertis ; abite ad carnificem degeneres.
 Ita Deus agit nobiscum, veluti parente
 cum inquietis ac contumacibus liberis.
 Quoties ebrioso aut luxurioso minatur
 quoties illi suam crapulam huic luxuri-
 suam arcanis objurgationibus ob oculos
 ponit? quoties dehortatur & monet.
 En, corpori nocet & animo ; arcam &
 valetudinem exhauris, gratiam meam
 & cælum amittis : scis equidem isthæc
 à me vetita ; nosti voluntatem meam ab
 hac omni turpitudine quam plurimum
 abhorrere ; nec ignoras quam extreme
 abominer & detester voluntatem meam
 tam refractariam. Tandem mitissimus
 pater virgas rapit aut baculum, & im-
 probitatem filii sic punit, ut puniri se
 sentiat. Vbi hoc sæpius factum, nec ad
 frugem se corrigit filius ; aut è vitiis
 emergit, demum iratus pater : Super
 quo, inquit, percutiam vos ultra ? Frustra
 percussi filios, disciplinam non recepe-
 runt. Spuria vitulamina non dabunt ra-
 dices altas. Abite improbi, dimittam vos
 secundum desideria cordis vestri, ibitis
 in adinventionibus vestris. Gravissima
 hæc patris ira est formidabilior omni
 supplicio.

Isaia
cap. 1. *vers. 5.*
¶
Hier.
cap. 2.
ve. 30.
Sap.
cap. 4.
ve. 3.
Pf. 80.
ve. 13.

Ita etiam cum homine superbo & ar-
 rogante agit Deus, eumque increpat :
 Nec mihi places, nec hominibus, quibus
 me

ne spreto, plurimum placere cupis : ab
 is quos arrogantia tuæ applausuros
 peraveras, rideris : de mea tibi volunta-
 te pridem constabat : scis quod superbo-
 um neminem tolerare possim , nec An-
 gelum quidem , ne dum hominem ; su-
 perbis me singulariter resistere quis ne-
 scit ? superbiam tu tuam nihilominus
 perseveras. Sic Avarum Deus, sic & Ira-
 cundum ; sic Invidum & Obtrectatorem
 secretis impulsibus trahit ad meliora,
 quamque iis voluntatem varie ingerit
 sectandam. Vnumquemque ducit Deus
 per viam ipsi convenientiorem. Regi He-
 præo Sauli in os objectum : Nonne cum
 parvulus esses in oculis tuis , caput in
 tribus Israel factus es ? Quare ergo
 non audisti vocem Domini , sed versus
 ad prædam es, & fecisti malum in ocu-
 lis Domini ? &c: Pro eo ergo quod abje-
 cisti sermonem Domini , abjecit te Do-
 minus ne sis Rex, quoniam quasi pecca-
 tum ariolandi est , repugnare , & quasi
 scelus idololatriæ , nolle acquiescere.
 Quisquis igitur divinæ voluntati etiam-
 num repugnas, veni, obsecro, veni, non
 ad aquilarum, sed ad corvorum gymna-
 sium te ducam , hîc disce.

III. Cur , quæso, Deus Eliam Thes-
 biten à corvis velut à dapiferis cibos
 voluit accipere ? Quid hoc rei ? avium
 furacissimæ prandium & cœnam perfe-
 runt ad eremicolam obsequiis fidelissi-
 mis. Hoc ideo voluit Deus , ut te, mi ho-

mo, doceret, quam etiam brutæ animæ o-
tes, vel invita natura, voluntati suæ o-
sequerentur. Quid mirius, quam à cor-
carnium appetentissimo, simul & rapa-
cissimo deferri carnes, quas in via cer-
ties ipse devorasset, ni Dei voluntas
aliud fieri mandasset. Sed est qui hinc
objiciat: Facillimum est Deo, quascur-
que feras ad imperium faciendum coge-
re: non ideo parent, quia volunt, sed qui
debent. Ita est, ut dicis, & vel ideo etiam
par esset te voluntati divinæ obsequen-
tissimum esse, quia te Deus imperiū
non coactis sed voluntariis urget, libe-
ram te servitutē vult servire, & sic quā-
plurimum promereri. Sed quæso te, à
schola corvorum, in antrum Æoli digre-
diamur, ubi etiam ventorum furor dicto-
audiens est: Imperavit ventis & mari,
& facta est tranquillitas magna. Hinc
populi admiratio: Qualis est hic, quia
& venti & mare obediunt ei? An non &
rupes ad luctuosissimum expirantis Do-
mini spectaculum ingemuerunt, inusita-
tis fissuris testatæ luctum? Solus homo
in rupem obrigescit, & eam sæpe quam
cœpit contumaciam pertendit. Pravum
est cor hominis & inscrutabile, vere
INSERVATILE. Incipe, amabo,
scrutari hanc voraginem, & abditissi-
mas illic invenies cogitationes, quæ
Deo reluctentur tacitis his susurris: Vis
Domine, ut inimicos diligam? ut om-
nibus me submittā? ut voluptates meas
eju-

Matt.

cap. 8.

ve. 26.

& 27.

Hier.

ca. 19.

ve. 9.

ajurem? durum imperium, & in omnia
alia voluntas mea fertur. Quid igitur
faciam? dissimulabo rem, & voluntati
non nimium renitar, tuæ non nimium
obsequar. O inscrutabile, & ô pravam
cor hominis!

Narrat Trebellius Pollio, Marium
Romæ tyrannum septimum fuisse. hic
uno die factus est Imperator: altero
imperavit: tertio interfectus est à grega-
rio milite, qui dum sicā in spectus Marii
adigeret, acerbissimum hoc addidit: Hic
est gladius, quem ipse fecisti. Nam è cul-
trarii officina pervenit ad diadema. Ei,
qui divinæ voluntati refractarium se ge-
rit, jure sic insultatur: Hic est gladius
quem ipse fecisti; tuo te gladio ipse ju-
gulas, hoc est, PROPRIA VOLUNTATE.
Quod vero voluntas tam prona est ad
peccandum, inquit Cæsarius, caussa sub-
est: habet enim diabolus duos satellites
seipso nequiores, quibus illa impellitur,
Carnem & Mundum: Caro concupiscit,
Diabolus concupita incendit, Mundus
incensa ne extinguantur, se objicit. A
Carne multa oriuntur vitia, Mundus
plurima offert oblectamenta, Diabolus
innumerabilia adhibet vaframenta. Ita
res in expedito est, uti olim Hieremiæ
vati monstratum: Nonne vides quid isti
faciunt in civitatibus Iuda, & in plateis
Hierusalem? Filii colligunt ligna, & pa-
tres succendunt ignem, & mulieres con-
spargunt adipem, ut faciant placentas

reginæ cæli, & libent diis alienis & me ad iracundiam provocent. Hîc naviter fane res agitur, cum uterque parens & liberi mutuam sibi operam locant. Et cui hæ placentæ pinsuntur? reginæ cæli, five, lunæ; sol enim rex cæli. Voluntas humana lunæ simillima, continuis gaudet mutationibus: huic reginæ lagana finguntur & collyræ. Caro tanquā chara filia, schidia subministrat, concupiscencias: Superbiæ pater diabolus, focum excitat: Vanitas, velut mater, massam porrigit varie subactam; illecebras, sermones, invitatiunculas, voluptates suggerit. hinc dulce fit popanum, hinc sacrificium nobile instruitur, non Deo, sed propriæ voluntati.

Aug. in psal. 100. in v. 4. med. fere. I V. Hanc humanæ voluntatis contumaciam Augustinus psalmum centesimū exponens, elegantissime proponit hunc in modum: Rectum dicitur cor hominis illius, qui omnia quæ vult Deus, & ipse vult. Intendite, Orat aliquis ut nescio quid non eveniat; orat, & non prohibetur. Petit quantum potest, sed contra voluntatem ipsius evenit aliquid, subjungat se voluntati Dei, non resistat voluntati Magnæ, quia & ipse Dominus sic illud exponit. Ostendens infirmitatē nostram in se, quando passurus erat, ait: Tristis est anima mea usque ad mortem &c. Quid erat illa vox nisi sonus infirmitatis nostræ? Multi adhuc infirmi consistantur futura morte. Sed habeant rectum

Rectum cor, vitent mortem quantum possunt: sed si non possunt, dicant quod ipse Dominus, non propter se, sed propter nos dixit. Quid enim dixit? Pater, si fieri potest, transeat à me calix iste. Ecce habes voluntatem humanam expressam: vide jam rectum cor: Verum non quod ego volo, sed quod tu vis Pater. Si ergo cor rectum sequitur Deum, pravum cor resistit Deo. Aliquid illi contingat adversum, clamat: Deus, quid tibi feci? quid commisi? quid peccavi? Se justum vult videri, Deum injustum. Quid tam pravum? Pravum est; quia tortum est, & tortam regulam putat. Corrige te, & invenies rectum, à quo te depravasti. Ille juste, tu injuste: & ideo perversus es, quia hominem justum dicis, & Deum injustum. Quem hominem justum dicis? Te ipsum. Quando enim dicis, quid tibi feci? justum te putas. Sed respondeat tibi Deus: Verum dicis, mihi nihil fecisti, omnia enim tibi fecisti. Si enim mihi aliquid fecisses, bonum fecisses. Quicquid enim bene fit, mihi fit, quia ex præcepto meo fit. Quicquid autem mali fit, tibi fit, non mihi fit, quia non facit malus aliquid nisi sibi, quia hoc non ego jubeo. Idem sanctissimus præsul de eadem voluntatis contumacia eruditissime differit in hæc verba: Ergo bonus Deus Israel. Sed quibus? Rectis corde. Qui sunt recti corde? Qui voluntatem suam ad voluntatem Dei dirigunt, non voluntatem Dei ad voluntatem

*Aug.
in Ps.
124.
pro-
pius
finē.*

voluntatem suam curvare conantur. Breve præceptum est, ut homo dirigat cor suum. Vis habere rectum cor? Tu fac quod vult Deus: noli Deum velle facere quod vis tu, &c. Hoc cogitant qui recto sunt corde, qui voluntatem Dei sequuntur, non voluntatē suam: sed qui sequi Deum volunt, faciunt illum præcedentē & se sequentes: non autem se præcedentes, & illum sequentem. Et in omnibus eum bonum inveniunt, five emendantem, five consolantem, five exercentem; five coronantem, five purgantem, five illuminantem, sicut Apostolus ait: Scimus, quoniam diligentibus Deum, omnia cooperantur in bonum.

En hi germanissimi aquilæ pulli sunt, qui fixis oculis intuentur solem, qui animum ad divinam voluntatem serio applicant. Secus illi qui tacite nunquam non altercantur cum Deo. Nunc eis cæli rigor, nunc pluvia tempestas displicet, nunc nimium frigus, nunc nimios calores queruntur; modo Deus non satis tribuit necessitati, modo istum aut illum improbum finit emergere, modo inimicos non punit prout illis videbantur puniendi: semper caussantur, assidue obloquuntur, nihil facit Deus quod illi ex toto approbent. Hoc illud cor pravum, hæc propria voluntas, de qua etiam audiendus post Augustinum Bernardus.

Bern. V. Grande malum, inquit Bernardus,
serm. propria voluntas, qua fit ut bona tua tibi
 71. in Cant. sine. bona

bona non sint. quia nihil omnino quod propria inquinatum sit voluntate, gustabit is qui pascitur inter lilia. Hæc autem omnia, similiaque ac dissimilia mala, ex una radice pullulant propriæ voluntatis. hujus enim sanguisugæ duæ sunt, insatiabiles filiæ, clamantes, Affer, affer. Siquidē nec animus vanitate, nec voluptate corpus aliquando satiatur, ut scriptum est, non satiatur oculus visu, nec auris impletur auditu. Fuge sanguisugam hanc, & omnia reliquisti. hæc enim omnia trahit ad se. Pone hanc, & jugum quam multiplex abjecisti. Voluntas propria, subvertens corda hominū, & rationis oculos claudens, inquietum malum, quod spiritui semper incubans, inexcogitabilia meditatur. Et, Vnde sunt scandala, unde turbatio, nisi quod propriam sequimur voluntatem, & temere quod volumus in corde nostro definientes, si quo modo id prohiberi contingat aut impediri, continuo etiam in impatientiam, in murmurationem, in scandalum proni sumus, non attendentes quoniam omnia cooperantur in bonum his qui secundum propositū vocati sunt sancti, & qui nobis casus videtur, sermo quidam Dei est, suam nobis indicans voluntatem. Caveamus igitur à propria voluntate, tanquam à vipera pessima & nequissima, & quæ sola deinceps damnare possit animas nostras.

*Serm.
in vey-
ba :*

*Ecce
nos ve-
liqui-
mos*

*omnia
etc. &*

Serm.

2. de

Resurr.

Dom.

Serm.

quo-

modo

volun-

tas no-

stra di-

vina

etc.

Serm.

de dupl

bapt.

Ioannes abbas jam jam moriturus,
teste

Cass. teste Cassiano, rogatus est ab iis qui mo-
lib. 5. rientis lectulum circumsteterant, breve
instit. monitum daret in hæreditatis vicem. Il-
ca. 28. le ingemiscens: Nunquam feci meam
 voluntatem, inquit, neque quemquam
 docui, quod prius non ipse fecerim. Pau-
 ci jam tales, & è centenis millibus vix
 unus. Innumeri sunt qui verius dicerent
 morituri: Quicquid potui, ad meum sen-
 sum feci, meæ me voluntati totum tra-
 didi; multa docui, plurima præcepi, quæ
Pela- ipse non feci. Optimus ille senex Pime-
gius li- nius quærenti, qua ratione nos dæmones
bell. 10 impugnarent, respondit: Dæmones no-
n. 62. biscum non multum pugnant, quia vo-
& Pa- luntates eorum facimus: sed nostræ no-
schas. bis voluntates, dæmones facti sunt, &
num. 3 tribulant nos. Quod Achilleus vir reli-
de im- giosissimus hoc apologo declarans: Ar-
pugn. bores, inquit, in monte Libano collocu-
dæm. tæ dixerunt: Quam grandes sumus &
& n. 4. proceræ, & tamen ferro non magno in-
 cidimur; & quod pejus est, à nobis su-
 muntur arma quibus impugnemur: fer-
 rum ut vulneret nos, manubrium à no-
 bis accipit. Talis arbor est homo, instin-
 ctus diaboli, ferrum, voluntas hominis,
 manubrium.

O quanto melior Iobus concionator
 in fimo, quam Adamus in paradiso? Ille:
 Sicut Domino placuit, ita factum est.
 Iste; Vocem tuam audiui, & abscondi
Ter- me. Eleganter de Iobo Tertullianus:
tull. Immundam, inquit, ulceris sui redun-
lib. de Patientia, c. 14. dan-

dantiam magna æquanimitate distrin-
gebat, & erumpentes inde bestiolas, in
eosdem specus & pastus foraminosæ
carnis ludendo revocabat. Agnovit vir
sanctissimus, hanc Dei esse voluntatem,
se taliter exerceri, ideo si quis forte ver-
miculus fugā meditaretur, eum in cor-
rosam carnem denuo cogebat, perinde si
diceret: quid fugis? ad lacerandum me
destinatus es: fac officium, & corpore
meo pro macello utere. Nam ille idem
omnino Dominus, qui mihi tot millia
ovium, boum, camelorum liberalissi-
me dedit, hic etiam morficantes hos ver-
miculos benignissime in me immisit.
Utrumque ex eadem omnino manu est,
ideo tam hoc quam illud æquo animo
acceptandum.

Non aliter Simeon Stylites ebullien-
tibus è corpore suo vermibus dixit:
Manducate quod vobis Dominus dedit.
Longe aliter vermiculosus aliquis &
impatiens Herodes dixerit: Ite in ma-
lam maximā crucem execrandæ bestio-
læ; pendulam patibuli turbam invadite;
vestri juris sunt cadavera, quid vivos
vellicatis, quid me etiamnum spirantem
obsideris? Hi propriæ voluntatis impro-
bi latratus sunt, contra divinam volun-
tatem. Verissime Chrysostomus: Vnde,
inquit, in confesso fuerit, quod voluntas
nostra malorum omniū causa est. Nul-
lus igitur accuset pulchritudinem, nullus
inutilia verba hæc dicat: Hanc perdidit
for-

Chryf.

in c. 7.

Gen.

hom.

24.

post.

med. &

hom.

32. cir.

for-amed.

forma, huic pulchritudo caussa fuit interitus: perversa voluntas malorum omnium caussa est. Iam olim minatur Deus:

Isaia. Numerabo vos in gladio, & omnes in
ca. 64. cæde corruetis: pro eo quod vocavi, &
ve. 12. non respondistis; locutus sum, & non
 audistis; & faciebatis malum in oculis
 meis; & *qua nolui elegistis*. Hæc illa malorum
 Lerna est, voluntas propria, *Qua nolui elegistis*.

CAPVT III.

*Voluntas propria qua ratione subjungenda sit
 divina, in rebus aduersis omnibus.*

NEc ullius Angeli, nec hominis voluntas esse potest bona, nisi consentiat cum divina: quanto autem magis illa cum hac consenserit, tanto melior & perfectior erit; quo minus, hoc miserior & pejor. Vnica Dei voluntas amussis est, & regula, omnium omnino voluntatum cælo terraque, nec ulla unquam voluntas dici poterit recta, nisi ad hanc regulam directâ sit.

In ps. I. Cum Iesæus psaltes frequentissime
 32. & commendet RECTOS CORDE, Au-
 35. & gustinus disertissime & ad rem nostram
 100. appositissime hanc CORDIS RECTI-
 de quo *priori* TVDINEM exponens: Videtis, inquit,
capite. quanti disputant contra Deum, quam
 multis displiceant opera ejus. Cum enim
 facere voluerit contra voluntatem ho-
 mi-

minum, quia Dominus est, & novit quid faciat, nec tam attendit nostram voluntatem quam utilitatem: illi qui malunt suam potius voluntatem impleri quam Dei, volunt ad suam voluntatem flectere Deum, non suam corrigere ad Deum.

Rectas decet laudatio. Qui sunt recti? Qui dirigunt cor secundum voluntatem Dei: & si eos perturbat humana fragilitas, divina consolatur æquitas. Quamvis autem corde mortali privatim aliquid velint, quod suæ interim causæ vel negotio, vel præsentī necessitati conveniat, ubi intellexerint & cognoverint, aliud Deum velle, præponunt voluntatem melioris voluntati suæ, & voluntatem omnipotentis voluntati infirmi, & voluntatem Dei voluntati hominis. Quantum enim Deus distat ab homine, tantū Dei voluntas à voluntate hominis. Aliquid proprium velle, difficile est ut non tibi contingat: sed statim cogita, qui sit supra te: illum supra, te infra illum: illum Creatorem, te creaturam: illum Dominum, te servum: illum omnipotentem, te infirmum: & corrigens te subjungensque voluntati ejus ac dicens: Verum non quod ego volo, sed quod tu vis Pater. Quomodo disjunctus es à Deo, qui jam hoc vis quod Deus? Eris ergo rectus, & te decet laudatio, quoniam rectos decet laudatio. Si autem curvus fueris, laudas Deum quando tibi bene est, blasphemias quando tibi male est &c: Et

Q

eris.

eris infusus puer in domo patris, amans patrem si tibi blanditur, & odio habens quando te flagellat: quasi non & blandiens & flagellans. hæreditatem paret: Vide autem quemadmodum deceat rectos laudatio. Audi vocem recti laudantis ex alio psalmo: Benedicam Dominum in omni tempore, semper laus ejus in ore meo. Omni tempore & semper, five in prosperis five in adversis. Nam si in prosperis & non in adversis, quomodo omni tempore? Quomodo semper? Et audivimus multas multorum tales voces, quando illis provenit aliqua felicitas, exultant, gaudent, cantant Deo, laudant Deum: non sunt improbandi. Sed isti qui jam Deum laudare ex prosperitatis parte cœperunt, docendi sunt patrem agnoscere & flagellantem, nec murmurare adversus corrigentis manum, ne semper pravi remanentes exhæredari mereantur. *Rectos decet laudatio.* Quid est, recti? Ut nihil illis displiceat quod fecerit Deus, possint & in adversis Deum laudare & dicere: Dominus dedit, Dominus abstulit; sicut Domino placuit, ita factum est; sit nomen Domini benedictum. Tales rectos decet laudatio, non primo laudaturos, postea vituperaturos. Discite gratias agere Deo, & in prosperitatibus & in tribulationibus: Discite habere in corde, quod habet omnis homo in lingua, *Quod vult Deus.* Ipsa lingua popularis, plerumque est doctrina salu-

Aug.
in Ps.
32.
post.
med.

salutaris. Quis non quotidie dicit? *Quod vult Deus hoc agat.*

I I. Hæc Augustini luculenta differtatio, mirifice cum dilucidat, tum confirmat hanc omnem de divina voluntate doctrinam, quæ vel ideo commendatissima sit omnibus, quod eam sanctissimi ac eruditissimi viri cupiverint à nemine non quam optime capi, præsertim cum in hoc omnis Christianæ vitæ versetur cardo. Sed hîc nondum abire placet ab Augustino, illuminatissimo scriptore, cuius verba prorsus dignissima sunt quæ ad testimonium citentur fidei calamo.

Hic idem Hipponensis sanctissimus præful, qua ratione in adversis etiam à divina voluntate nec latum quidem unguē sit recedendum, in hæc omnino verba *Aug. in ps. 35. propius finem.* consignat: Quod sæpe diximus, illi sunt

RECTICORDES, qui sequuntur in hac vita voluntatem Dei. voluntas Dei est aliquando ut sanus sis: aliquando ut ægrotes. Si, quando sanus es, dulcis est voluntas Dei; & quando ægrotas, amara est voluntas Dei: non recto corde es. Quare? Quia non vis voluntatem tuam dirigere ad voluntatem Dei, sed Dei vis curvare ad tuam. Illa recta est, sed tu es curvus. voluntas tua corrigenda est ad illam, non illa curvanda est ad tuam: & rectum habebis cor. Bene est in hoc sæculo? benedicatur Deus qui consolatur: laboratur in hoc sæculo? benedicatur Deus qui emendat & probat: &

eris recto corde dicens, Benedicam Dominum in omni tempore, semper laus ejus in ore meo. Et hoc non tantum Augustinus Hipponis Episcopus, sed etiam David Israëlitis Rex qua verbis qua exemplis insignissime docuit: Cum enim Absalonem filium rebellem fugeret, & sacerdotes Arcam foederis eidem fugam velut praesidium assumpsissent, Rex Arcam referri praecipiens: Si invenero, inquit, gratiam in oculis Domini, reducet me, & ostendet mihi eam, & tabernaculum suum. Si autem dixerit mihi, Non places: praesto sum, faciat mihi quod bonum est coram se. En, quam rex iste potentissimus, in miserabili fuga, in extremis angustiis, sibi tamen praesens fuerit, & compos sui; quam ad Dei voluntatem attentis oculis respexerit: Redibimus, inquit, si Deo placuerit: sin aliter illi visum fuerit, *Quod vult Deus hoc agat.*

O Christiani, si hoc intelligentia & ratione, prout par est, comprehendere tam vellemus, quam facile possemus, vix amplius ulla difficultas foret in tolerandis adversis, nec nos ullum tam grande malum premeret, quin illud tranquille & perlibenter sustineremus. Christus ante mortem in Olivario horto ea de Patris & sua voluntate locutus est, quae argumento sint, ad calamitates quasunque perferendas, nihil esse quod magis animet, quam unionem humanae voluntatis cum divina. Et quam hoc in Christo

sto ipso luculētum ante preces pavidus,
 tristis, pallidus, tremit ac horret futuræ
 mortis imaginem: post preces, post tan-
 tam paternæ voluntati delatam reveren-
 tiam, velut resumptis viribus: Surgite,
 inquit, eamus, occurſu voluntario ſalu-
 taturi hoſtes, & initium facturi cruentæ
 tragœdiæ. De hoc etiā præclare Auguſti-
 nus: Vnde, inquit, gerens hominem Chri-
 ſtus, & regulā nobis proponens, docens
 nos vivere, & præſtans nobis vivere, o-
 ſtendit hominis quandā privatā volun-
 tatem, in qua ſuam figuravit & noſtrā,
 quia caput noſtrum eſt, & ad eum ſicut
 noſtris, tanquam membra utique perti-
 nemus: *Pater*, inquit, *ſi fieri poteſt, tranſeat*
à me calix iſte. Hæc humana voluntas e-
 rat, proprium aliquid & tanquam priva-
 tum volens. Sed quia recto corde voluit
 eſſe hominem, ut quicquid in illo ali-
 quantum curvum eſſet, ad illum dirige-
 ret quī ſemper eſt rectus: *Verum non quod*
ego volo, ait, *ſed quod tu Pater &c.* Hīc
 oſtendit quandā hominis propriam vo-
 luntatem, oſtendit & correxit te. Ecce
 vide, inquit, te in me, quia potes aliquid
 proprium velle, ut aliud Deus velit.

III. Catharina Senenſis de ſeipſa:
 Docuit me Chriſtus, inquit, ut mihi in-
 tra meipſam ſecretum conclave ſtrue-
 rem. Et quodnam conclave iſtud? Huma-
 næ voluntatis cum divina Vnio. Domi-
 cilium iſtud primo ingreſſu videtur an-
 guſtum, ſed qui voluerit illi aſſueſcere,

demum comperiet id cælo esse amplius
 & castris omnibus vel munitissimis se-
 curius, huc rebus turbidis irruere vetitū
 foris stabulantur; hoc enim tutissimum
 asylum ab omni calamitate: nec superius
 nec inferi nocere illi queunt, qui voluntatem suā in omnibus cum divina congruentem retinet: huic unica lex est.
Quod vult Deus hoc agat. Eleganter Augustinus: Venit dolor meus, inquit, veniet & requies mea. Venit tribulatio mea, veniet & purgatio mea. Nunquid lucet aurum in fornace aurificis? in monili lucebit, in ornamento lucebit: patitur tamen fornacem, ut purgatum à sordibus veniat ad lucem. Fornax ista, ibi palea, ibi aurum, ibi ignis, ad hanc flat aurifex. In fornace ardet palea, & purgatur aurum. Illa in cineres vertitur, à sordibus illud exuitur. Fornax Mundus, palea iniqui, aurum iusti, ignis tribulatio, aurifex Deus. Quod vult ergo aurifex, facio; ubi me ponit aurifex, tolero. Iubeor ego tolerare, novit ille purgare. Ardeat licet palea ad incendendum me, & quasi consumendum me; illa in cinerem vertitur, ego sordibus careo. Quare? Quia Deo subjicietur anima mea.

Aug.
 in Ps.
 61.
 medio
 fere.

110^a
 dov.
 GRAN.
 lib. 1.
 par. 2.

in omni tribulatione sese conformem facere divinæ voluntatis beneplacito.

Ducis peccator.

Ma-

Magnus ille Abrahamus hac in re summe laudandus. Nam ut Orbi testatum fieret, Abrahamum omnia ex præscripto divinæ voluntatis facere, Deus voluntatem suā aliquoties quasi mutans, aliis atque aliis & in speciem contrariis ac plane rigidis imperiis hominem fatigavit. At vero Abrahamus ad omnem divini arbitrii nutū obsequentissimus semper, hoc omni conatu ac studio, hoc omnibus viribus egit ut se totum suaque omnia uni atque unicæ Dei voluntati quam liberalissime impenderet. Notant Hebræi Abrahamum decies rigide tentatum, an id perpetuo vellet quod voluit Deus. Numeremus experimenta.

1. Iubetur solum vertere, & patriam ac cognatos exilio mutare. 2. Ab annonæ difficultate iterum expellitur peregrinator in Ægyptum. 3. In Ægypto apud Pharaonem regem, periculum vitæ, uxor pudicitiae subit, & à marito abstrahitur. 4. Ob continuas famulorum rixas à charissimo Lotho, quem ut filium habuit, divellitur. 5. Vt Lothum bello captum in libertatem asserat, contra quatuor reges domesticum vernarū exercitum educit. 6. Agarem fidam famulam, & jam uxorem, impulsu Saræ domo cogitur exigere. 7. Iam seni & grandævo Circumcisio imperatur. 8. Abimelech rex Geraræ rursus ei uxorem adimit. 9. Agarem cum filio Ismaële rursus ædibus pellere jubetur.

10. Filium unigenā, amantiſſimū Iſaacū, miraculo natum, in ſummam poſteritatis ſpem educatum, ſua manu trucidare imperatur. En acervum calamitatis! præter tot alia non minus acerba, ſed minus nota. Abraham tamen permanſit Abraham, hoc eſt, ſibi ſimilis & conſantiſſimus divinæ voluntatis cultor. Hic vir, hic eſt qui optime intellexit divinam voluntatem omnium miſeriarum ſuarū maximum eſſe levamentum.

Gen. ca. 22. ve. 14. Hic obſervandum, montem Moria in quo Iſaacus victima Deo cadere debuiſſet, in proverbium abiſſe: *Vnde uſque hodie dicitur, In monte Dominus videbit.* Hic mons, *Dominus videbit*, afflictis omnibus conſcendendus. Statuant ſecū omnes ærumnoſi, & quibuſcunque male eſt, Deum hæc omnia quæ ipsis eveniunt, prævidiſſe ab æterno, & una decreviſſe, ut ſic fierent in tempore quæ fiunt: atque hanc eandem Numinis providentiam ſibi ſuiſque rebus omnibus adfuturam.

IV. Clades autem & calamitates univerſas à Deo immitti, hoc nobis exemplum monſtret. Quemadmodum Deus illi provinciæ bellum, huic peſtem; ita illi homini podagram, huic nephritidē, iſti febrim immittit: hoc vero bellum, & illa peſtis, & hæc podagra aut nephritis, aut febris iſta, ſunt à Deo divinaque voluntate immiſſa. Certiſſima eſt iſta, & infallibilis notitia. At quomodo ſeſe

sefe provincia illa, & ista, adversus bellum & pestilitatem, & qui homines isti adversus morbos se gerant? An possunt nolle, quod vult Deus? non possunt. An ergo nullus defensionis locus? est, si tamē illam admittat Deus. Ecqua ratione se gessit Abram in monte Moria sacrificaturus Isaacum? Circumspexit, & vidit hærentem in vepribus hircum, hic succedanea subditus est hostia Isaaco. Ita prorsus regnum bello afflictum, provincia pestilentia infecta, homo podagra vexatus circumspiciat quid liciti remedium sit, eoque utatur avertendo bello, tollendæ pesti, mitigandæ podagræ. Si hoc idem velit Deus, & illud averti, & istam tolli, & hanc mitigari, submittet hircum, suppeditabit remedium ad illa omnia lenienda, aut in integrum restituenda: si nihil sit remedium, aut successum non habeat, clarissimum est velle Deū, ut sacrificetur Isaacus, ut regnum illud bellis atteratur, provincia illa exhauriatur peste, hic homo podagra torqueatur. Eadem prorsus est ratio & paupertatis, & ignominie, omniumq; aliarum calamitatum & miseriarum. Ergo, ubi Deus subsidium monstrat, liberatur Isaac; sin, mactandus est. Ergo in his omnibus æqualissime semper voluntas humana se subdat divinæ. Hoc est armis aureis pugnare in omnem Casum & Fortunam, Deum cogitare, Deo subjici, & in omni eventu, mentem hanc flectere

ad magnam illam Mundi mentem.

Sanctus Remigius Rhemenſis præſul, prævidit maximam annonæ caritatem in proximum annum; eam ob rem, magnam frumenti copiam collegit alendæ plebi. At ex his ipſis, quorum bono id facere inſtituit vir ſanctus, homines potulenti & projectæ audaciæ fuerunt, qui inter pocula dicerent: Quid ſenex noſter Iubilæus (erat jam ultra quinquaginta annos ſacerdos) ecquid in animo habet, an novam urbem condere, quid ſibi volunt tot acervi tritici? Annonam videtur velle comprimere. Venite, fingamus fabricam aliquam ad hunc ſenem, ſtruamus ſycophantiam. Facile erat malevolis & jam ante currentibus calcar addere. Itaque ædibus cum impetu provolāt infani, & mox ad frumenti metas. hīc ardentem tædam ſubjiciens unus: Videamus, inquit, quam avide famelicus Vulcanus Cererem ſit devoraturus. Audaciſſimum hoc facinus mox celeri nuntio ad Remigium Antiftitē defertur: ille continuo equum aſcendit, & omni feſtinatione properat ad incenſos tritici manipulos. At ubi advenit, jam flammæ per omne frumentū præcipitarant, nulla vi amplius ſopindæ. Quid hīc faceret afflictiſſimus Præſul? num ſe mœrore conficeret, & aut infane lamentaretur, aut diras omnes deprecaretur in auctores? Hoc fecit: equo deſcendit, & quia hiems erat, incendium qua proxime licuit,

cuit, tanquam se calefacturus accessit, dixitque: Semper bonus est focus, præsertim seni. En integerrimi viri animum divinæ voluntati deditissimum, eaque de causa in omni sorte tranquillissimū: voluisset quidem, quantum in ipso, ortū incendium reprimere, sed quia nec ratio nec modus erat coercendæ jam grassantis flammæ, totum hoc divinæ voluntati permisit, & illud Iobi serena fronte repetiit: Dominus dedit, Dominus abstulit; sit nomen Domini benedictum.

Ita prorsus, ita in aliis omnibus agendum: cum malum imminens quodcunque vel etiam præsens legitimis remediis inhibere non possumus, dicamus toto animo: FIAT VOLUNTAS DEI: sacrificetur Isaac, si non submittatur hircus: imoletur filius, si sic imperet Deus. Pereat domus, pereant bona, omnia pereant, modo fiat voluntas Dei.

V. Citharædus tamdiu trahit, intendit, aut remittit fides citharæ, dum assonent: ita qui totum se dedere cupit in arbitratum Dei, tamdiu necesse est voluntatem suam exerceat, subigat, astringat, dum obsequatur; doceat etiam quā ipsi expediat ad omnem beatitudinem, si ad divinam voluntatem in omnibus sese conformet, uti beatissimus David: *ps. 61.* Nonne Deo, inquit, subjecta erit anima *vers. 2.* mea? ab ipso enim salutare meum. Dicti hujus litteratura hebræa hæc est: Attamen ad Deum filebit anima mea, quia
ab

ab ipso salus mea. Aptissime nostro instituto, hac enim mente fuit rex David: Quicquid mihi demum eveniat, feliciter an secus, divinæ tamen voluntati nō contradico; Dei sancita non turbo: & etsi omnia teterrime cadant, ego non obmurmuro; ad omnem Dei permissionem sileo, divina dispositione semper contentissimus: aspera omnia leniri possunt placide ferendo.

Quisquis sapientissimum hunc regem imitatus fuerit (quod cuivis facillimum, modo velit) hic sane adversa omnia, & quascunque calamitates tranquillo & imperturbato animo sustinebit; nunquā ei vel vacula excidet, qua crebras nimiū, aut nimium graves ærumnas queratur: voluntas divina omnium illi ærumnarū allevamentum erit: nec unquam esse poterit tam coopertus miseriis, quin cū religiosissimo illo viro exclamet: Pater sancte, tu sic ordinasti, & sic voluisti: & hoc factum est, quod ipse præcepisti. Sine consilio & providentia tua, & sine causā nihil fit in terra. Ecce Pater dilecte, in manibus tuis sum ego, sub virga correctionis tuæ me inclino: percutere dorsum meum, & collum meum, ut incurvem AD VOLUNTATEM TVAM tortuositatem meam, ut ambulem ad omnem nutum tuum, atque super omnia voluntatem beneplaciti tui semper inquiram.

Qui hanc institutionē non capiunt,
per-

Thom.
à Kēp.
lib. 3.
ca. 50.

perpetuo erunt miseri, semper discentes, *2 Tim.*
 & nunquam ad scientiam veritatis per- *3. v. 7.*
 venientes. Qui vero studium omne in
 Dei voluntate cognoscenda, & sequen-
 da posuerint, non patienter tantum, sed
 hilariter, & cum gratiarum actione ad-
 versa omnia tolerabunt. Optime dixit *Ioan.*
 insignis ille concionator : Omnem diem *Taule-*
 amissum credite, quo Dei amore pro- *rus*
 priam non fregistis voluntatem. *epist. 8.*
mihi

pag. 85. vixit anno 1350.

CAPUT IV.

*Exemplum illustrissimum hominis recusantis
 divina voluntati suam subungere.*

Vates Hebræus Ionas, nobile fuit
 paradigma hominis, qui multa
 tergiversatione cunctatur in dedi-
 tionem divinæ voluntatis concedere, ea-
 que de causa tamdiu tamq; varie affli-
 gitur, dum suam voluntatem omnem
 subiciat divinæ.

I. Audiamus quid voluntas divina præ-
 ceperit Ionæ : Surge, & vade in Niniven. *Ion.*
 Hæc prima pars præcepti. Altera : Et *cap. 1.*
 predica in ea. Surrexit quidem Ionas, & *vers. 2.*
 loco se movit, sed Niniven non ivit. *& seqq.*
 Surrexit Ionas ut fugeret in Tharsis à facie
 Domini. Duplex hîc inobedientia : in ci-
 vitate, qua jubebatur, non tantum non
 concionari, sed nec in eam ingredi. Sed
 mox adfuit ultor à tergo Deus : & ven-
 tis,

tis, & mari, & omnibus cæli injuriis pu-
 gnavit in obstinatam Ionæ voluntatem.
Dominus autem misit ventum magnum in
mare : & facta est tempestas magna in ma-
ri, & navis periclitabatur conteri. Necdum
 tamen animadvertit fugitivus iste, in se
 has procellas ruere : & *Ionas descendit ad*
interiora navis, & dormiebat sopore gravi.
 Nihil pejus, nihil periculosius mala se-
 curitate. Iamque magis ac magis inhor-
 ruit iratum mare, & nubes undique ad-
 ductæ obruerunt tenebris diem. Discu-
 rebant nautæ ad officia trepidantes, ve-
 la tempestati subducebant, & quicquid
 navigio videbatur onerosum, jactabant
 in mare. Sed tempestate mandata factorū
 peragente, consilium initum est explo-
 randæ fortis, *Et cecidit sors super Ionam.*
 Hic varia interrogatus Ionas, respondit:
Hebræus ego sum, & Dominum Deum calii
ego timeo. Itane vero, mi Iona, Deum ti-
 mes? at cur Dei voluntati non pares?
 Plures ita loquuntur : Deum, ajunt, ti-
 memus; at interim Dei voluntatem ne-
 gligunt. Hoc, ô boni, Deum timere non
 est, voluntati ejus obstrepere. Nec mare
 his Ionæ vocibus tranquillari se finebat,
 jamque magis exæstuans fervebat, &
 ingentes aquarum montes volvebat. Ita
 demum è navi Ionas in pelagus excuti-
 tur. Prius autem ipsemet culpam fassus:
Scio enim ego, inquit, quoniam propter me
tempestas hac grandis venit super nos. Ita te
 veritas amet, mi Iona, quam hoc candi-
 de

de & vere dixisti ! Omnem hanc cæli
 intemperiem, hunc ventorum conflictū,
 has pelagi furentis insolentias propria
 voluntas tua concitavit , unica omnium
 illorum causa: Niniven ire jussus es, non
 Tharsis. Sed expectat te præceptor ma-
 rinus, qui doceat idem *Velle aut Nolle cum Iona*
 Deo. *Et tulerunt Ionam, & miserunt in ma-* cap. 2.
re. Et præparavit Dominus piscem grandem, vers. 1.
ut deglutiret Ionam. Hæc præmia sunt pro-
 priæ voluntatis; sic docendi sumus mol-
 le jugum divinæ voluntatis accipere.
 Audi quam sapere didicerit ictus pesca-
 tor, & quam facilem se præbuerit divi-
 nis nutibus. Iam vivo ceti carcere con-
 clusus Ionas , jam pæne ad inferos de-
 mergus , jam inter mortuos & vivos
 ambiguus hærens : *Cum angustiaretur,* in-
 quit , *in me anima mea , Domini recordatus*
sum. Tandem tandem resipiscimus , &
 incipimus *VELLE* , quod diu male
 nolimus. Iam ergo, Iona, vis ire Nini-
 ven? Volo ire. Ninivitis concionari? con-
 cionabor. Num etiam quæ in hoc bel-
 lûæ cavo vovisti , vis reddere ? Reddam. *Iona.*
Et dixit Dominus pisci , & evomuit Ionam cap. 3.
in aridam. Priora igitur jussa divinæ vo- vers. 2.
 luntatis redeunt : *Surge, & vade in Nini-* 3.
ven civitatem magnam , & prædica in ea *Iona.*
predicationem, quam ego loquor ad te. cap. 3.
Et sur- ve. 3.
rexit Ionas, & abiit in Niniven, juxta verbū 4.
Domini. Iam Ionas propriam voluntatem
 excussit , jam idem omnino vult quod
 Deus, jam manibus pedibusque festinat,
 quo

quo pridem iussus est proficisci, jam clamat & hortatur ad poenitentiam, jam obtemperat, & morigeratur divinis iussibus. Vtinam constanter id faciat, & ad propriam non recurrat voluntatem.

II. Sed heu mobilitatem & inconstantiam voluntatis humanæ! quæ modo

Iona

*cap. 4.
ve. 1.*

Dei fuit, iterum incipit esse sua. *Et affligitur est Ionas afflictione magna, & iratus est.* Indicia hæc sunt pessima propriæ voluntatis, jam iterum luctantis cum divina. Qui suam voluntatem ad divinam accommodat, nunquam tantopere turbatur, nec unquam ærumnis sic deformatur, ut in iram prorumpat, & indignetur Deo. Quid obsecro, mi Iona, quid est quod voluntatem tuam divinæ jam conjunctissimam denuo in hanc discordiam agit? Novi dissidium causam audite: *Nunquid non hoc est, inquit, verbum meum, cum adhuc essem in terra mea? &c.* scio enim quia tu Deus clemens, & misericors es, patiens & multa miserationis, & ignoscens super malitia. Hæc illa in Deo & Iona voluntatum dissensio est: Voluit Deus parcere Ninivitis; voluisset Ionas puniri Ninivitas, & hoc ait præfagiisse sibi suum animum, se frustra minas sparsurum, non successura minis supplicia, Deum cito nimis placandum. Nihil ergo amplius videtur superesse, quam Deum rogare: *Domine, tolle quasi animam meam a me, quia melior est mihi mors quam vita.* Melior tibi est, Iona, sed forsitan Deo non gratior. id autem propria

pria voluntas non curat ; hoc solum attendit quid sibi gratum & volupe sit : Deo id placeat, an non, juxta habet. Et egressus est Ionas de civitate, & sedit contra Orientem civitatis: & fecit sibi met umbraculum ibi, & sedebat subter illud in umbra, ut videret quid accideret civitati. Necdum quiescit propria voluntas; urbem deserit, ut commodius spectet excidium urbis. Cur autem egreditur Ionas, cur civium animos non hortari pergit, ad constantem pœnitentiam? quid opus est è textili liedera novum sibi domicilium struere? mille domus urbicæ recepissēt non ingratum pœnitentiæ præconem. Sed aliter placuit propriæ voluntati, cui quandoque non tantum amplissimæ urbes, sed terrarum Orbis nimis angustus est. Putavit Ionas ad suū ex urbe egressum mox igneas cælo ruituras pluvias, mox urbem funditus evertendam. Ita enim Deus prophetam jusserat minari: Adhuc quadraginta dies, & Ninive subvertetur. Hanc ob causam in tuto Ionas se collocat, hîc confidet ut videat, an Deus nullam suis sit additurus vim minis: an omnem injuriam tam facile obliteraturus, & parsurus sceleratissimæ civitati. Spectaculum è cælo diu expectabat: sed cum cælum omne ferias agere, cum nulli volare ignes, nec ulla erumpere saxa, cum vindicta omnis dormire videretur; cum hederacea etiā voluptas exarescere, cum sol desuper

caput ferire , cum æstus ingens graviter
vexare inciperet, hîc demum Ionas tan-
tam Dei patientiam impatientissime fe-
rens, & serio excandescens, *petivit ani-*
ma sua ut moreretur, & dixit, Melius est
mihi mori quam vivere. Cumque super
hac sua excandescencia interrogaretur,
num eam censeret æquam? respondit
audacter: *Bene irascor ego, usque ad mortē.*
Videte, obsecro, tam impotentis iræ
causam. Ideo Ionas tam multum fellis
effundit, ideo pæne in languorem inci-
dit præ tristitia, *Quia non factum est ei sic-*
ut cogitabat. O Iona, quam credula est
propria voluntas, maxime sibi suisque
persuasionibus! Eccur tam indigne fers
miserationem & patientiam divinam?
an nescis, Dei proprium esse, misereri
& parcere? nunquid Deo induere vis
impatientiam humanam? ut quam pri-
mum læsus, mox feriat, injuriis affectus
rox sua fulmina mittat? Hoc humanam
sapit indolem, non divinam: nos tales
sumus: vix tacti, pugnis & calcibus tan-
gentem petimus; vix læsi, fervidissimis
ictibus ferimus, ad rem nullam profe-
cto promptiores quam ad vindictam:
hîc currimus, hîc volamus cum ulciscē-
dum est. Non talis est Deus, Miserator
& misericors Dominus: patiens & mul-
tum misericors: Suavis Dominus uni-
versis, & miserationes ejus super omnia
opera ejus. Nec vult Deus perire animā,
sed retractat, cogitans ne penitus pereat
qui

I.

Mach.

cap. 6.

ve. 8.

Psalm.

144.

v. 8. &

9.

2. Reg.

c. 14.

v. 14.

qui abjectus est. Quid autem, mi Iona, tantopere luges hederaceum palatium tuum à verme destructum? neque tu vermem rodere, nec hederam crescere docuisti. Hanc tibi Dominus dedit, hanc & abstulit Dominus, cur Domino indignaris? Quod si tanti doloris causa est, umbraculi hederacei demolitio, & urbis quæ regnum æquet, everasio non sit dolori? Iam ergo, mi optime Iona, voluntatē tuam ad divinam omni ex parte conforma. Hedera periit? velis periisse: Ninive servata est? servatam & tu velis. Nec est quod quidquam ultra doleas, nisi ob propriam voluntatem non protinus divinæ subiectam.

III. Videte, Christiani, quid sit sui iudicii suæque voluntatis esse, & in quantos errores hæc una res sanctissimos etiā viros pertrahat. Nihil agimus, quamdiu voluntatem propriam non penitus expugnemus. Hac stante, & adversante divinæ, nec dona Deo ulla, nec vota, nec preces, nec sacrificia grata sunt. Gratum Deo jejunium est, grata eleemosyna, gratum orandi studium, sed illud solum quod divinæ voluntati accommodatum. Novit quidem & propria voluntas stipē spargere, jejunia instituere, preces inire, sed hæc omnia nimis quam exosa sunt Deo, si divinæ voluntati conformia non sint. Ideo Deus (mirissimum dictu) & jejunia, & sacrificia ceteroqui gratissima prohibens: Nolite, inquit, jejunare

- Is.* sicut usque ad hanc diem. Quid ergo vi-
ca. 58. tii habuit jejuniū istud Hebrææ plebis?
v. 3. & Propriam voluntatem nimium olebat :
ve. 4. Ecce in die jejuniī vestri invenitur vo-
 luntas vestra : Jejunium amo , sed pro-
 priam voluntatem odi , quæ corrumpit
 jejunium. Si quis homini cæpas aver-
 santi , ferculum cetera pretiosissimum
 proponat , cæpis tamen infectum , nihil
 inibit gratiæ , nec lassum stomachum
 perveller ; nauseam movebit , non appe-
 tentiam ciborum : ita jejunium velut
Teſ. generosi saporis edulium est , ab Angelo
ca. 12. etiam laudatum : Bona est oratio cum
ve. 8. jejunio ; at si huic edulio cæpe & allium
 propriæ voluntatis misceantur , apage
Chrys. hoc fastidium à cælesti mensa. Chryso-
in stomus : Qui peccat & jejunat , inquit ,
Matt. non ad gloriam Dei jejunat , nec se hu-
 miliat , sed suæ substantiæ parcit. Omnia
 fœdat & perdit voluntas propria.

Et hæc illa dejectorum ad inferos ex-
 trema miseria est , tanta eos furere con-
 tumacia voluntatis , ut hæc in omnem
 æternitatem , divinæ voluntati nunquā
 sit consensura : Nunquam volent dam-
 nati quod Deus , nec velle poterunt. Cla-
Aug. re Augustinus : Voluntas enim eorum ,
lib. de inquit , talis erit , ut habeant in se semper
fide ad malignitatis suæ supplicium , nunquam
Petr. tamen percipere possint bonitatis affe-
 ctum. quia sicut illi , qui cum Christo re-
 gnabunt , nullas in se malæ voluntatis
 reliquias habebunt : ita illi qui erunt in
 sup.

supplicio ignis æterni, cum diabolo & angelis ejus deputati, sicut nullam habebunt ulterius requiem, sic & nullatenus bonam poterunt habere voluntatē. Ah, quid uspiam esse potest formidabilius gehenna, si in illa vel unicum hoc supplicium sit, à sanctissima Dei voluntate in omnem æternitatem esse averissimum, nec cum ea unquam conciliari posse? Ergo, mi Deus, ut deseram ego voluntatem meam, doce me facere voluntatem tuam.

Psal.

142.

ve. 10.

CAPUT V.

Quæ voluntatis propria contumaciam maxime confirmet.

INter gravissima quæ Dominus Hierosolymorum urbi exprobrat, illud est: Hierusalem, Hierusalem, quæ *Matth.* occidis prophetas, & lapidas eos qui *ca. 23.* ad te missi sunt, quoties volui congregare *ve. 37.* re filios tuos, quemadmodum gallina congregat pullos suos sub alas, ET NOLVISTI? Propriæ voluntatis obstinatio, scelerum omnium origo. Ego VOLVI, inquit Deus, tu NOLVISTI.

Abbas Pastor dicere solebat: Ferreus *Davids* murus est propria voluntas, à Deo nos *serm. 5* sejungēs & separans: ET NOLVISTI; hinc illæ lacrimæ. Nec aliter Augusti- *Aug.* nus: Suspirabam, inquit, ligatus non fer- *lib. 8.* ro alieno, sed mea ferrea voluntate. *confess.*

VELLE meum tenebat inimicus, & inde mihi catenam fecerat, & constrinxerat me. Voluntatem autem propriam mire roborant hæc tria.

Aug. lib. eod. cap. 5. & 11. I. Primum, *Consuetudo prava*. Augustinus hoc explicans: Quippe, ait, ex voluntate perversa, facta est libido: & dum servitur libidini, facta est consuetudo: & dum consuetudini non resistitur, facta est necessitas. Quibus quasi ansulis quibusdam sibi inmet innexis (unde catenam appellavi) tenebat me obstrictum dura servitus. Voluntas autem nova quæ mihi esse cæperat, ut te gratis colerem, fruiq; te vellem, Deus, nondum erat idonea ad superandam priorem vetustate roboratam. Ita duæ voluntates meæ, una vetus, alia nova, illa carnalis, ista spiritualis, confligebant inter se, atque discordando dissipabant animam meam; plusque in me valebat deterius inolitum, quam melius insolitum.

Ita cum vitia abeunt in mores, non relinquitur amplius remediis locus. Nam hic omnium vitiorum genius est, ut nisi quantocyus domo ejiciantur, difficulter & raro, cū irroborarint, expelli possint.

Greg. lib. 4. mor. ca. 25. post med. Vere Gregorius: Cum culpa, inquit, in usum venerit, ei jam animus, etiamsi cupiat, debilius resistit: quia quot vicibus pravæ frequentationis adstringitur, quasi tot vinculis ad mentem ligatur. Facile est teneros adhuc annos componere; inveteratos difficile. Væ ollæ cujus rubigo

in ea est, & rubigo ejus non exivit ab ea. Nimirum asperam & insuavem virtutum viam facit vitiorum consuetudo. Verissime Chrysostomus: Nihil, inquit, tam firmiter est in rebus humanis quam veteris consuetudinis tyrannis. Ideo Augustinus admonens: Peccator, inquit, de proximo reviviscat; non eat in profundum sepulturæ, non accipiat de super consuetudinis molem.

Plato juvenem alea ludentem acerbius reprehenderat. Juvenis huic monitori asper: Quam parva, inquit, redarguis? Mox Plato: At non est parvum quid, ait, consuetudo. Certe Creteneses cum acerbissima execratione adversus eos, quos vehementer oderunt, uti volunt, ut mala consuetudine delectentur, optant, modestoque voti genere, efficacissimum ultionis eventum reperiunt. Inutiliter enim aliquid concupiscere, & in eo perseveranter morari, exitio ea dulcedo vicina est.

II. Alterum, quod propriam voluntatē adeo corroborat, est, *Longanimitatis defectus*. Hæc nostra est in rebus plurimis præcipitantia, cum id quod valde volumus, ad destinatum tempus non impetramus, mox in impatientiam agimur, & quandoque in rabiem. Tales sumus, moræ impatientissimi. Quoties audias hominem longanimitatis expertem dicere: Iam volo, statim volo, non expecto, nolo differri, ni brevi hoc fiat, de-

1. Reg. spondi animum. Ita rex Hebræus Saul
ca. 13. non potuit unam quæ restabat alteram-
ve. 13. ve horulam expectare Samuelē: ideo

illi in os aperte objectum, quod stulte
egisset. Ita plerunque & nos cum Deo
agimus, si non mox obtineamus quod
impetratum volumus, cadimus animo,
& in tristitiam ac querelas solvimur.
Nostræ preces plerunque sunt quales e-

rant saltatricis puellæ: *Volo ut protinus des*

mihi. Ita sæpe spem omnem & patienti-

am consumimus, ut in impatientiā & de-

sperationem prorruamus. Animæ quiores

estote filii, & proclamate ad Dominū.

cap. 4. Rex Ioachim triginta septem annis at-

ve. 21. tinebatur carcere; post tantam temporis

cap. 27. intercapedinem, sibi & regno restitutus,

docuit quam longanimi patientia divi-

num auxilium sit expectandum. Magnæ

virtutis est, id quod velis, non velle sta-

Vide in tim fieri: Maximarum virium est longa-

vitis nimis patientia, quæ aridissimum etiam

PP. baculum triennio rigatum, in frondes

Ros- & flores potest educere. Hinc illa Sira-

weid. cidis monita: Sustine sustentationes

lib. 4. Dei; conjungere Deo, & sustine. Omne

mihi quod tibi applicitum fuerit, accipe: &

p. 542 in dolore sustine, & in humilitate tua

Eccli. patientiam habe. Respiciite filii nationes

cap. 2. hominum, & scitote, quia nullus spera-

ve. 3. vit in Domino, & confusus est. Væ his

& seqq. qui perdidērunt sustentiam. Qui ti-

nent Dominum, custodiunt mandata

illius, & patientiam habebunt usque ad

in.

inspectionem illius. At propria voluntas in contrarium semper nititur, & quod appetit, imperiosissime sic exigit: Protinus da, continuo fiat, mox annue, confestim exhibe, ne mora sit, cunctatione omni abjecta. Ideo monendi sumus assidue: Expecta fili, donec videamus, quem res exitum habeat. Si morā fecerit, expecta illum, quia veniens veniet, & non tardabit.

*Ruth.**cap. 3.**v. 18.**Abac.**cap. 2.**ve. 3.*

Christum in cruce varie urgebant hostes, ne vellet videre finem suorum cruciatuum; Si filius Dei es, ajunt, descende de cruce. Pulchre his respondet Chrysostomus: Ideo de cruce non descenderat, quia filius Dei erat. Expectabat Christi longanimitas, dum dicere liceret,

*Matt.**ca. 27.**ve. 40.*

CONSUMMATUM EST. Quod autem in capite cernimus factum, hoc & membris imitandum: Voluntas patris ad supremum usque halitum exsequenda. Qua de re præclarissime Ludovicus Blofius, quem sic placet recitare, ut verbum è verbo exprimamus: Felix igitur ille est, inquit, qui angustiis & pœnis afflictus non aliquid inquitit quo illas evadat, sed ad finem & ultimum usque punctum eas sustinet: nolens de cruce descendere, nisi Deus illum solvat ac deponat. Felix plane qui se in abyssum divini beneplaciti ita demergit, & terribilibus occultisque Dei judiciis ita se resignat, ut in hujusmodi doloribus ac pressuris, non tantum una hebdomada,

*Blof. in**Appē.**cap. I.**medio.*

aut uno mense, sed usque ad extremi iudicii diem, vel etiam perenniter consistere paratus sit, non recusans ipsius quoque inferni tormenta (si Deus ita vellet) subire. Quæ quidem resignatio omnem aliam resignationem longe vincit. Vel mille mundos relinquere, in hujus resignationis comparatione nihil est.

Blos.
ibid.

Quam vero hîc propria voluntas oblectetur, sic explicat: Irresignatus quisque, dum in hunc modum duris scopis à Domino atteritur, omnia se perdidisse arbitratur: unde & in gravem tristitiâ, horribilemque desperationem prolapsus dicit: Iam de me actum est, perii. Ceterum qui solida tranquillitate intra se frui cupit, ad hoc eniti debet, ut resignato liberoque animo, & Deo, & seipso, & creaturis omnibus carere possit, veram pacem intus interim retinens. Undecunque accidant pressuræ, de manu Domini suscipiendæ sunt, cujus permisso eveniunt. Ergo, ut propriam domes voluntatem, esto longanimis, & expecta Dominum, etiamsi moram fecerit, quia veniens veniet & non tardabit.

III. Tertium denique quo propria voluntas supra modum invalescit, est, *Mutabilitas perpetua*. Parum est cum Luna circumagi, & aliam atque aliam formam induere: in dies, in horas mutamur; mane aliud, & aliud placet vespere, hodie volumus, cras nolumus: nunquam iidem, nec similes quidem nobis, adeo

adeo in diversum aberramus; quotidie
consilium permutamus & votum: ut
nubes à quovis vento huc illuc impel-
limur. Et hoc voluntati propriæ solennis-
simum est, ut cum firmissimæ illi colum-
næ voluntati divinæ nolit alligari, seip-
sam rebus caducis ac vanis indulgeat,
quibuscum non possit non creberrime
mutari. Hac tanta propriæ voluntatis
instabilitate, cupimus quidem quotidia-
nis tædiis occurrere, verum hac ipsa ra-
tione sæpe nobis tædium è tædio crea-
mus, dum illud tam sollicite studemus
vitare. ita Sisyphi saxum volvimus, &
dolium Danaidum implemus, dum idem
& volumus & nolumus, eadem sæpe
hora. Voluntas nostra, & quod inde pen-
det, omnis sanctitas nostra, non est tur-
ris inexpugnabilis in montis jugo, aut
edita rupe collocata, sed domus lutea,
quæ ad omnem incursum cedit & col-
labitur. Probus es; sit ita. hoc illudve
præclare incipis, hîc aut illic rem opti-
me agis; neq; hoc negem, sed hoc quam-
diu & quam constanter? Ah, quam faci-
le ad omnem auræ fibilum mutamur, &
sæpe turpiter dejicimur! ut folium ar-
boris, à vento non magna rapimur, &
ventilamus nos in omnem ventum, & *Eccli.*
imus in omnem viam. Multiformes pla- *cap. 5.*
ne sumus, & nobis ipsi dispares, nec u- *v. 14.*
num agimus hominē, sed plures. Quod
in Sacris de Iobo scribitur, *Fuit vir unus:*
id ita Hieronymus interpretatur: Non
per

per diversa mobilis, & instabilis ferebatur, sed firmus atque inconcussus persistens, erat vir unus. Nos plerunque non unum virum agimus, & sæpe nec quidē viri sumus, tam debiles in virtutis actibus, quam inconstantes. Hæc propriæ voluntatis illustria sunt facinora. Sed de hoc humanæ voluntatis Euripo explicatius alibi.

*In Tris-
me-
gisto
lib. I.
cap. 8.
de hu-
mana
volun-
tatis
incon-
stantia
Bern.
de
grat.
& lib.
arb.*

Itaque libera voluntas nos facit nostros, mala diaboli, bona Dei. Qui enim, inquit Bernardus, voluerunt esse sui, utique sicut Dii scientes bonum & malum, facti sunt non tantum jam sui, sed & diaboli. Sane diabolo nos nostra mancipat voluntas, non ipsius potestas. Nostra autē voluntas perfecta non erit, quousque suo creatori perfecte subjecta sit. Profecto expedit nobis magis omnino non esse, inquit, quam nostros permanere. Augustinus de aquilis: Dicuntur pulli aquilarum, inquit, sic probari, patris scilicet ungue suspendi, & radiis solis opponi: qui firme solem contemplatus fuerit, filius agnoscitur, si acie palpitaverit, ab ungue dimittitur. Nos viles homunculi magis sub arbitrio Dei sumus, quam sub patris ungue aquilæ pullus; à Deo magis pendemus quam radius à sole, calor ab igne; plus Deo in nos potestatis est, quam in lutum figulo, & tamen hunc solem nostrum, divinam voluntatem liberrime averſamur. Iubemur inimico ignoscere? Nolumus.

Effrenem libidinem coërcere? æque nolumus. Impotentem iram domare? Nec hoc volumus. Illo aut isto familiari vicio abstinere? pigerrime volumus, hoc est, modeste nolumus. O pullos non aquilarum, sed noctuarum, qui non solem divinæ voluntatis, sed tenebras propriæ sectantur. Hinc autem omne malum, & omnis pœna. Narrante Ludovico Blofio, Christus sanctæ cuidam virgini familiarum se præbens: Volo te nosse, inquit, *Blof. Mon. spirit. ca. 10. sine.* quod omnes pœnæ quibus homines in mundo affliguntur, in voluntate consistunt: quia si voluntas esset ordinata, & concors cum voluntate mea, careret quodammodo pœna. Quamvis enim is qui hac sancta ordinataque voluntate præditus est, sentiat laborem ac dolorē, quicquid tamen amore mei sponte patitur, quasi sine pœna portat. Libentissime enim illud sustinet, considerans & sciens meam esse voluntatem, atque permissionem, ut patiatur. Mens ejus in quovis dolore corporali libera est, cum voluntas ipsius in omnibus sit confor- nis, & unita voluntati meæ. Igitur ab- lata voluntate propria spiritus hominis tranquillus est, & pace gaudet.

CAPVT VI.

Nihil voluntatis propria retinendum esse, tam in omnibus rebus arduis ac difficilibus, quam in ipsa morte.

Hic Rhodus, hinc saltus. In rebus subinde minutulis non ita difficulter voluntatem nostram divinæ attemperamus, at in iis quæ momenti sunt gravioris, in iactura opum, honoris, vitæ, hinc tergiversationes, & excusationes, hinc moræ & triciæ, hinc multa refractariæ voluntatis contumacia, hinc nostrum nobis & VELLE & NOLLE stat contra Dei & VELLE & NOLLE. Sed quid miseri luctamur frustra? stat voluntas divina, stabitq; æternum velut immobilis rupes; non illam ad nos trahemus, sed ad se nos illa. Rideamus, si is qui cimbam ad rupem alligavit, funem identidem trahat, & rupem ad se accedere censeat, cum ipse ad illam propius ac propius accedat: Et non major nostra stultitia est, qui ad rupem illam divinæ voluntatis nexi, trahendo & reluctando volumus eam nobis obsequi, non nos ipsi?

I. Sunt qui & se & alios divinam legem doceant, & hi quidem intelligentiā suam Deo consecrant; at ubi est voluntas rerum omnium pretiosissima? Hanc sibi servant, partitione facta cum Deo
haud

haud æqua. Optime olim alteri alteris *2. Ma.
 sic precabantur: Benefaciat vobis Deus, chab.
 & , Det vobis cor omnibus , ut colaris cap. 1.
 eum , & faciatis ejus voluntatem corde ve. 3.
 magno , & animo volenti. Hi corde
 prorsus exiguo , & animo minime vo-
 lente Deum colunt , qui in re quapiam
 facili voluntati suæ cedunt , at nbi vel
 bonorum alea jacitur, vel honoris pun-
 ctum , aut vitæ cardo vertitur, hîc jus
 propriæ voluntatis tenacissime retinent,
 hîc sui sunt. O non Volones, quales olim *Liv.
 sponte sua militiæ nomen dederunt, pro lib. 3.
 dominis pugnaturos se polliciti : Ea de bell.
 caussa in civitatem recepti, & liberi esse Pun.
 jussi sunt. Quod si contumaces illæ &
 divinæ voluntati tam refractarii ultro
 se dederent, suamque voluntatem sponte
 submitterent supremæ illi, certe jus cæli
 obtinerent, futuri liberi in omnem æter-
 nitatem. Inter Volones istos præsignis
 plane , Hebræus rex David : In me, in- *Pf. 55.
 quit, sunt Deus vota tua , quæ reddam, v. 13.
 laudationes tibi. Sub cælo nihil tam li-
 berum atque hominis voluntas : omnia
 alia admirabili subjectione conditori
 obtemperant. In solo homine ea est li-
 bertas, qua vult quodcunque lubet, etiā
 si hoc cælo, inferis , Deo repugnet. Nihil
 tam in nostra est potestate quam volun-
 tas. Integrum est homini , quotiescunq;
 libuerit , dicere NON , & abnuere, vel
 ipso etiam Deo annuente. Et hæc sce-
 lerum omnium Lerna est, Deo dicente:
 Volo***

Volo hoc fieri; hominem tamen obloqui
audere : Nolo hoc facere; aut dicente
Deo : Hoc fieri nolo; hominem tamen
dicere : Hoc volo facere. Et quoties
Deus, Hæc est, inquit, mea voluntas; ni-
hilominus homo : At hæc, inquit, mea

Hier. nō est. Ob hoc Deus gravissime questus

cap. 2. A sæculo, inquit, confregisti jugum meū;

v. 20. rupisti vincula mea, & dixisti : Non fer-

viam. Hæc ipsissima est radix omnium
delictorum : non sit hoc impium VOLO,
non erit utique delictum. Enimvero me-

dicina ea optima est, quæ sic morbum
curat, ut & morbi radicem evellat. Pro-

prium peccati pharmacum, Pœnitentia,
quæ tunc demum vera est, si rebellionē

hanc comprimat, & humanam volunta-
tem divinæ penitus subjiciat. Primus

autem voluntatis actus est. AMARE,

uti est aurium audire, cernere oculorū;
qui vero quippiam amat serio, ei cor suū

voluntatemque cum voluptate impen-
dit; non eum labor, non dolor, non ter-

rifici quidquam inde avocat. Ita volun-
tas quæ se Deo vere transcribit, omnia

præ Deo nihil facit, tam aspera quam
jucunda, & suavia prompte amplecti-

tur, prout scierit supremæ id voluntati
probari. Hujus sibi mentis conscius rex

David : In me, inquit, sunt Deus vota
tua. Non reperio quas tibi gratias agam,

mi Domine, quod hanc in me felicitatē
ac promptitudinem, erga tuam volunta-

tem experiar; promissiones tibi à me
factæ,

factæ, in intimis apud me præcordiis as-
servantur, ne excidant. Tale sit voluntas
Christiani hominis promptuarium, un-
de facile depromi possit, quicquid est
ad domini gustum. Penarium vere opu-
lentum, omni genere quâ esculentorum,
quâ poculentorum instruitur : Si domi-
nus velit oleum, aut mel, aut aromata,
vel vinum sive Chium, seu Thasium, sive
Creticum; adferuntur & oleum, & mel,
& aromata, & vinum non cibarium &
ignobile, sed quale jussit adferri : si do-
minus cupiat perdicem, aut alilem gal-
linâ, illico perdix aut gallina promitur:
si panem niveum petat & primarium,
mox adest hic panis : si aliud quid po-
stulet, confestim advolat postulatum. Ta-
lis sit voluntas nostra, & olearia, & mel-
laria, & vinaria, & omnigeni penoris
cella, ut quicquid dominico palato pla-
cuerit, inde promatur : ita quidem, ut si
Deus animum cupiat ad paupertatem,
ad morbum, ad ignominiam, ad mortem
paratum, hunc ipsum inveniat paratissi-
mum, de quo Deus ipse dixerit : In te,
ô homo, sunt vota mea. Talis certe rex *Act.*
David, vir secundum cor Dei. Non in *ca. 13.*
rebus solum minutioribus, sed in maxi- *ve. 22.*
mis æque ac minimis, cum jactaretur,
cum per ardua sursum & deorsum iret,
à divino semper nutu pendeat.

II. Anno quingentesimo vicesimo *De quo*
tertio, in Concilio Vzecensi episcopus *Baron.*
S fuit, *tom. 7.*
Anno. 523. n. 15. Martyrol. Baronii die. 26. Octobris.

fuit, cuius nomē, Quod vult Deus. Fuit & alius ejusdem nominis Carthaginien-
 sis Pontifex, vir sanctissimus, qui una
 cum Clero à Genserico rege Ariano, fra-
 ctis navibus absque remigiis & velis,
 præter omnem spem Neapolim appulit,
 ibique exul sancte finiit. Omnium hoc
 Christianorum & nomen sit, & studium
 unicum, Quod vult Deus. At maligni
 hominis est, tunc solum dicere: Quod
 vult Deus, cum nec operosa, nec ardua
 jubentur. Ille fert omne punctum, qui,
 cū paupertas urget, cū morbus exercet,
 cum ignominia premit, cū mors vocat,
 nihilominus mente liberrima pronun-
 tiat: Quod vult Deus; si opes, si valetudi-
 nē, si famā, si & vitam velit eripi, Quod
 vult Deus, hoc fiat. Nec disputat, cur
 jam, cur hoc loco, cur hoc morbi gene-
 re sibi moriendum sit, sed paratissimus
 ad omnia, hoc unum assidue ingeminat:

*Senec.
 epist.
 80.
 init.* Quod vult Deus. Præclarissime dixit Se-
 neca: Quid tibi opus est ut sis bonus?
 VELLE. Quid autem melius potes vel-
 le, quam quod vult Deus? Hic ego te,

*Idem
 epist.
 96.* qui aliter sentis, & divinæ voluntati ob-
 niteris, compello Annæi verbis: Tamen
 tu indignaris aliquid, aut quereris: &
 non intelligis, nihil esse in istis mali, nisi
 hoc unum quod indignaris, & quereris:
 Non feram me, quo die aliquid ferre nō
 potero. Male valeo? familia decubuit?
 fœnus offendit? domus crepuit? damna,
 vulnera, labores, metus incurrerunt? So-

let fieri. hoc parum est: debuit fieri. Decernuntur ista, non accidunt. Si quid credis mihi, intimos affectus tibi cum maxime detego: in omnibus quæ adversa videntur & dura, sic formatus sum. Non pareo Deo, sed assentior: ex animo illum, non quia necesse est, sequor, (*erubescere, Christiane, ah erubescere.*) Nihil unquam mihi incidet, quod tristis excipiam, quod malo vultu: nullum tributum invitus conferam. Omnia autem ad quæ gemimus, quæ expavescimus, tributa vitæ sunt. Horum nec speraveris immunitatem, nec petieris. Ad hanc legem animus noster aptandus est, hanc sequatur, huic pareat: & quæcunque fiunt, debuisse fieri putet: nec velit objurgare naturam. Optimum est pati, quod emendare non possis: & Deum, quo auctore cuncta proveniunt, sine murmuratione comitari. Malus miles est, qui Imperatorem gemens sequitur. Quare impigri atq; alacres excipiamus imperia, nec deseramus hunc operis pulcherrimi cursum, cui quicquid patimur, intextum est. Sic vivamus, sic loquamur. paratos nos inveniat atq; impigros Fatum, seu, voluntas Dei. Hic est magnus animus, qui se Deo tradidit: at contra ille pusillus ac degener, qui obluetur, & de ordine Mundi male existimat, & emendare mavult Deum quam se. Carpit divina & providentiam; alia illa esse vellet magis quam se alium. Ingrati sæpe divinorum

interpretes sumus. Inde est quod nec vivere volumus, nec mori: vitæ nos odium tenet, timor mortis. Nutat omne consilium nostrum, nec implere nos ulla felicitas potest.

Opti-

maxim

in mor-

te ex-

ercitiis

Refra-

gatio

sui.

Blos.

Cösol.

pusillâ.

mibi

p. 328.

et seqq.

III. Quanti vero momenti sit in morbo lethali, nostræ voluntatis ad divinam conformatio, insignissime docet Ludovicus Blosius, hunc in modum: Moriturus quisque meritis Salvatoris nostri IESU Christi, magis quam suis innitetur. In illius bonitate & in precibus beatæ Mariæ Virginis ac Sanctorum electorumque Dei satis confidet. Christi amarissimam passionem mortemque sibi proponet, & ineffabilem illam charitatem, quæ eum tam indigna sustinere coegit, memoria repetet, atque in patentia vulnera, & in profundissimum pelagus immensæ misericordiæ ejus, sese cum universis peccatis atque negligentis suis demittet, immergetque. Ad summam Dei gloriam seipsum, velut hostiam vivam offeret ipsi Domino, ad perferendum pro acceptissima ejus voluntate patienter, ex vero amore omnem languoris acerbicatem, ipsam etiam mortem, & quicquid sibi Dominus in tempore, & in æternitate immittere voluerit. Hoc si revera facere potuerit: si, inquam, sese ex pura dilectione cum perfecta sui resignatione, ad omnem pœnam pro honore divinæ justitiæ tolerandam animo spontaneo obtulerit, ipse neque infernū, neque

neque purgatorium subibit, etiam si solus omnia totius Mundi peccata commisisset. Nullum igitur exercitium in extremis utilius esse potest, quam ut quis seipsum ex integro divinæ voluntati resignet: humiliter, amorose, plenèque confidens in immensa Dei misericordia ac bonitate. Fieri enim nequit, quin is qui in hujusmodi vera perfectaque resignatione cum sancta erga Deum fiducia ex hac luce exit, confestim ad regna cælestia evolet. Nam sicut nihil omnino pœnæ, nihil ignis purgatorii in Deum cadere potest, ita nec in hominē, qui eo modo per voluntatis conformitatem, amoremque Deo unitus est. Hoc animo justus ille Latro moriebatur in cruce, qui non salutē corporis à Domino postulavit, nec oravit ut à pœnis purgatoriis servaretur, sed libenter pro peccatis suis, proque Dei gloria moriens, se totum in divinam resignavit voluntatem, se totum Christo obrulit, ut ille secum ageret quicquid vellet. Nihil nisi misericordiam & gratiam petit dicens: Memento mei Domine, cum veneris in regnum tuum. Quod si morte imminente infirmitas naturæ mœreret, aut trepidat; hujusmodi mœstitia & formido in Deum per resignationē projicienda, ac certa spes erga eum concipienda est. Mors Christi mortem tuam soletur. Ille præcessit, præcesserunt & innumeri electi ejus: non igitur pigeat te

sequi. Corpus quod modo deponis, vile quoddam vestimentum est. Quid ad te si computrescat, & ad tempus in terra occultetur? Postea ipsum idem corpus tuum resurget, jamque immortale, incorruptibile, gloriosum ac fulgidū erit. Pensandum quoque est, quam resignati ac voluntarii fuerint ad moriendum antiqui justī, Abraham, Isaac, Iacob, Moses, David, & ceteri consimiles, cum nondū janua regni cælestis esset aperta. Vnde in fine Deuteronomii legimus, Dominū dixisse ad Moysen: Ascende in montem istum &c. & vide terram Chanaan quā ego tradam filiis Israel obtinendam, & morere in monte. Ecce quam resignato animo, juxta Dei beneplacitum, mortem excepit Moyses amicus Altissimi. Non transivit quidem ad terram illam visibilem, sed in invisibilem & meliorem receptus est, videlicet in secretum sinum pacis, & limbum, in quo justorum animæ tunc magna tranquillitate quiescebant. Iam vero justis aditus patriæ cælestis, per Christum Dominum resecutus est.

Ergo, mi optime Christiane, cum vicinam sentis mortem, imo etiam antequam sentias, voluntatem tuam quam perfectissime junge cum divina, illique te totum committe: nec aliud cogites vel loquaris, quam hoc ipsum, *Quando Domino visum.*

IV. Sed istud QUANDO plerisque om-

omnes homines ægre habet. Moriendū sibi sciunt, & mori volunt, sed nondum: cupiunt naturæ solvere quod debent, sed nondum: desiderant cælo recipi, sed nondum. Adeo miselli insanimus, ut cupiamus desinere esse miseri, sed nondum; ut felices & beati esse velimus, sed nondum. Quid, homuncule, tam altum tibi patibulum ædificas, ut multos gradus habeas, per quos ad mortem te ire diutius scias? quid vitæ tuæ tot optas annos, quibus funus tuum prospicias, cogitationum lento tormento? Eundū est, seu hodierna, seu crastina. At scio, quid multos decipiat: cum Mors pulsat, ante tempus adesse putant importunum exactorē. Stulti; tunc tempus est,

Q V A N D O Domino Mortis visum est. Quid tergiversaris, quid immaturam ætatem objicis, quid moram poscis? ad mortem maturus pridem fuisti. Sed nec concessa mora paratiorem te faciet, aut promptiorem. Nam & post hanc morari voles, minus forsan paratus, quo plus moratus. Induciæ non paucos deteriores fecerunt. Mala ad mortem præparatio est, mori nolle. Facti dimidium habet, qui tunc vult, quando vult ille, qui nihil mali potest velle. Ergo tergiversationem tolle, & dic animo: Q V A N D O, & Q V O M O D O Domino visum, sic fiat.

Ad hoc ipsum luculentissimam facem prælucet Romanus Sapiens, &: Sive alios, inquit, observare volueris, sive

*Vide
Horo-
logium
Angeli
Tute-
laris,
hora
Dicē
I X.
Senec.*

teipsum, favore seposito; & senties hoc, & confiteberis, nil ex his optabilibus & charis utile esse, nisi te contra levitatem casus, rerumque casum sequentium instruxeris: nisi illud frequenter, & sine querela, inter singula damna dixeris: *Deo aliter visum est*. Ita dices: Antehac quidem diutius me victurum arbitrabar, at, *Deo aliter visum est*, & bene sic visum est. Ita propria voluntate in divinam transmutata, omnia tibi reddentur facilia. Nam uti malus omnia in malū vertit, etiam quæ specie optimi veniunt: ita rectus atq; integer corrigit prava vitæ, & dura atque aspera, ferendi scientia mollit: ideinque & secunda grate excipit modesteque, & adversa constanter atque fortiter. Hic idem voluntati divinæ tam addictus, nunquam malis eventibus maledicit, nunquā accidentia tristis excipit, civem esse se universi & militem credens, labores velut imperatos subit. Quicquid incidit, non tanquam malum aspernatur, & in se casu delatum, sed quasi delegatum sibi. Hoc quaecunque est, inquit, meum est. asperum est, durum est: in ipso navemus operam, nec de Dei providentia queramur. Si

Epiet. enchir. Diis, inquit Epictetus, ita visum fuerit, ita fiat.

ca. 79. seu ult. V. Et hæc sciverint idololatræ, Christiani aut nesciant, aut quæ sciunt non faciant; videant meliora probentque, sequantur deteriora? Nihil tam acerbū est,

est, in quo æquus animus solatium non
nveniat. At vero solatium nec uberius
ec certius erit quam Dei voluntas; ad
anc in omnibus adversis assidue suspi-
iendum.

Iobus in perferendis ærumnis dexter-
imus, plus Deo placuit, Chrysostomo
este, plusque sibi promeruit pauculis
olum verbis, quam omnibus suis etiam
argissimis eleemosynis. Cum enim Io-
us undique afflictus diceret: Sicut
omino placuit, ita factum est; Sit no-
en Domini benedictum: divinæ volun-
ti magis se probavit, quam cum stipē
beralissimam erogavit. Nam, quod à *Bonav.*
ncto Bonavētura discimus: Perfectius *de gr.*
t adversa tolerare patienter, quam bo- *virt.*
s operibus insudare. Quoniam Deus *ca. 24.*
onorum nostrorum non eget. *Pf. 15.*

Quisquis igitur divinam voluntatem
acere quærit, sanusne sit an æger, per-
de habet, quandoquidem Dei volun-
s, omne nostrum bonum est. In morbo
item sic Medico & medicinis fidendū,
interim fiducia omnis in Dei provi-
entia & voluntate collocetur. Quod
um rex Asa non fecerit, merito repre-
ensus est: Nec enim in infirmitate sua
æsivit Dominum, sed magis medico-
m arte confusus est. Melius Ezechias
ni morbi sui curationem non ficubus,
ec eas imponenti, sed Deo adscripsit.
quod si pharmaca nil proficiant, aut
edicus vim morbi non perspiciat, aut

aliunde committatur error, nec emendetur valetudo, non continuo huic illi culpa impingenda, sed omnia divina providentiæ ac voluntati attribuenda nec aliud cogitandum, quam, Deus ne vult ut saner, aut vult ut saner tardius

Sur. Lydvina, Virgo sanctissima, omnig

tom. 7. nis doloribus exercitata, miserabi

p. alt. spectaculum, & velut conducta domu

vit. c. I omnium fere morborum, adeo tamen

mihi. defixit in Domino voluntatem suam, ut

p. 288. nihil neque cogitare, neque dicere, neque

facere præmeditare liberet, quod

putaret displicere Deo. Fertur cum pa-

Iob. tientissimo Iobo sæpius dixisse: Ho-

cap. 6. mihi Domine acceptissimū erit, ut affli-

ve. 10. gens me dolore non parcas, cum tua

voluntatis executio, sit mihi summa

consolatio. Difficultatibus & calamita-

tatibus omnibus efficacissimum reme-

dium fecit, qui semper divinæ se volun-

tati submisit.

Imaginis sequentis brevis
explicatio.

PATIENTER & CONSTAN-
ter adversa tolerare ; Deo in omnibus quam
generosissime fidere , hoc demum Christiana
nobilitas est. Qua in re plurimum adjumenti
ferunt omnes sancti Angeli , quorum & ora-
tionibus & exemplis accendimur , ad plenissi-
mam cum divina voluntate consensionem.
Hoc & Moses nos docet , vir mitissimus , &
supra quam dici potest injuriarum tolerans.
Ad hoc & ipsa Dei voluntas cor humanum
provocat : SVRGE , PROPERA , prius
ad obsequium , deinde ad amplexum. Hominis
est quam promptissime respondere : ECCE
AD SVM , paratus ad utrumque ; ad omnia
& agenda , & sustinenda paratissimus , ECCE
AD SUM. Hoc denique beatissimum est Divinae
ac humanae voluntatis connubium , hoc calum
est extra calum , nec ulla certior aut securior
ad paradysum semita. Cetera , mi Lector , quae
ad imagines explicandas sunt , capitis ultimi
principio invenies.

ADIVMENTA.



Dominus nobiscum est; nolite metuere.

Num. 14. V. 9.

LIBER QUINTVS
DE
HUMANÆ VOLUNTATIS
ad divinam conformandæ
ADIVMENTIS.

CAPVT I.

Conformationem humanæ voluntatis ad divinam consistere non posse sine magna in Deum Fiducia.

Oblatio sui in divinum arbitrium nunquam erit integra, nisi Deo in omnibus plurimum fidamus: quomodo enim alteri de rebus omnibus assentiar, cui non fido? & quomodo fidam illi, quem non credo res meas meliter, aut sollicitè curaturum? Ideo fiducia in Deo collocanda nunc tendum.

Porro cupienti scire quid divinæ gratiæ de hac virtute sentiant, nostri scriptor respondet: In scripturis sanctis vix ullum invenitur caput, in quo opem, gratiam & providentiam nobis promittat, qui in illo confidunt. Beatissimus rex David, huiusmodi fiducia magister excellentissimus, hanc fiduciam pleno ore ingerit, in psalmis præcipue omnibus. Et quam illa confidentissimi sunt? Quoniam tu Domine singula,

*Ludov
Gra-
nat.
lib.7.
Memo-
rial.
cap. 9.*

Pf. 4. gulariter in spe constituisti me. Dominus
v. 10. firmamentum meum, & refugium meum,
Pf. 17. & liberator meus : Deus meus, adjutor
ve. 3. meus ; & sperabo in eum : Protector
Pf. 26. meus, & cornu salutis meæ, & susceptor
ve. 1. meus : Dominus illuminatio mea, & sa-
 2.3. lus mea, quem timebo ? Dominus pro-
 tector vitæ meæ, à quo trepidabo ? Si
 consistant adversum me castra, non ti-
 mebit cor meum, si exurgat adversum
 me prælium, in hoc ego sperabo. Qui
 habitat in adiutorio Dei altissimi, in pro-
Pf. 90. tectione Dei cæli commorabitur. Qui
ve. 1. confidunt in Domino &c. non commo-
Psal. 124. vebitur in æternum. In te, Domine, spe-
ve. 1. ravi, non confundar in æternum. Erat
Pf. 30. huic regi cor amplissimum, & plenissi-
ve. 1. mum ingenti Dei Fiducia. Nimirum hos
 ructabat, quos biberat divinos fontes.

Eandem in Deum Fiduciam sapien-
 tissimi ac sanctissimi viri plurimū sem-
 per commendarunt. Illud sapientiæ mi-
Prov. raculum Salomon : Habe, inquit, fidu-
cap. 3. ciam in Domino, ex toto corde tuo. Non
ve. 5. qualemcunque fiduciam exigit, sed quæ
1. Pet. prodeat *ex toto corde*. Nam & Apostolo-
cap. 5. rum Princeps : Omnem, inquit, sollici-
ve. 7. tudinem vestram projicientes in eum,
Pf. 54. quoniam ipsi est cura de vobis. Et psal-
ve. 23. tes : Iacta, inquit, super Dominum cu-
Prov. ram tuam, & ipse te enutriet. Sed & Sa-
cap. 3. lomon iterum monens : In omnibus
ve. 6. viis tuis, inquit, cogita illum, & ipse
Psal. 117. diriget gressus tuos. Bonum est confide-
ve. 8. re in

re in Domino, quam confidere in homine. Benedictus vir, qui confidit in Domino, & erit Dominus fiducia ejus. Et *Hier.*
erit quasi lignum quod transplantatur *ca. 17.*
super aquas, quod ad humorem mittit *ve. 7.*
radices suas, & non timebit cum vene- *& 8.*
rit æstus, & erit folium ejus viride, & in
tempore siccitatis non erit sollicitum,
nec aliquando desinet facere fructum.
Cogitate per generationem & genera- *I. Ma-*
tionem, quia omnes qui sperant in eo, *chab.*
non infirmantur. Beati omnes qui confi- *cap. 2.*
dunt in eo. Hæc enim fiducia Deum obli- *ve. 61.*
gat, ut tibi in se confidenti benefaciat. *ps. 2.*
Ergo, Confide in Deo, & mane in loco *ve. 13.*
tuo; sorte tua contentus, status tui me- *Ecdl.*
diocritatem amplectere, neque ultra *ca. 11.*
mensuram regulæ, qua mensus est tibi *ve. 22.*
Deus, te ipsum extende: Memento, non
in solo pane vivere hominem, posse Deū *2. Cor.*
etiam è lapidibus suscitare filios Abra- *ca. 10.*
hæ, nec esse difficile Domino, salvare *ve. 13.*
vel in multis, vel in paucis. *I. Reg.*
II. Hebræus rex Amasias militem *ca. 14.*
scripserat centum talentis argenti, qui- *ve. 6.*
bus centum millia hominum ad signa *Sunt*
evocavit. Quo facto, venit homo Dei *60000.*
ad illum (ita Regum fasti narrant) di- *philip-*
xitque: O Rex, ne egrediatur tecum *pei.*
exercitus Israël, non est Dominus cum *2. Par.*
Israël, & cunctis filiis Ephraim. Quod *ca. 25.*
si putas in robore exercitus bella confi- *ve. 7.*
stere, superari te faciet Deus hostibus:
Dei quippe est & adjuvare, & in fugam
con-

convertere. Dixitque Amasias ad hominem Dei : Quid ergo fiet de centum talentis , quæ dedi militibus Israël ? Et respondit ei homo Dei : Habet Dominus unde tibi dare possit multo his plura. Paruit Amasias Deo nixus, & viginti millia hostium occidit. Tanti est, Deo fidere, & non humanis viribus.

*Thom.
Staplet
de tribus
Thom.
mis,
mihi
p.297.
Esseqq.*

Thomas Morus notæ sanctitatis ac eruditionis vir, ad filiæ Margaretæ objectiones hisce omnino verbis in carcere respondens : Nihil, inquit, contingere potest, quod Deus non velit. Quicquid autem ille vult, utcunque nobis malum videatur, est tamen re vera optimum. De Dei bonitate diffidere, mea Margareta, nolo, utcunque me debilem ac fragilem præsentiam. Imo si in eo me terrore & consternatione cernerem, ut jam jam lapsurus viderer, meminero tamē divū Petrum unico venti flatu ex modica fide submergi cœpisse; faciamque quod ille fecit, Christum compellabo : Domine saluum me fac. Spero enim quod extendens manum suam apprehendet me, nec submergi patietur. Quod si vero Petri partes adhuc ulterius me agere, planeque præcipitem cadere, jurare & abjurare permitteret, spero nihilominus fore, ut oculo misericordiæ pleno me respiciat, & erigat, ut de novo veritatem confitear, conscientiam exonerem, pœnam & pudorem prioris abnegationis fortiter perferam. Denique illud

illud compertissimum habeo, quod absque mea culpa Deus me non deseret. Christiane & sapienter. Interest enim rebus omnibus divina Providentia, & scimus ab ea innumeros ne laberentur detentos, nullos ut laberentur impulsos. Imo, si hic talis ceciderit, non collidetur, *Pf. 36.* quia Dominus supponit manum suam. *v. 24.* Quomodo autem is lædatur, qui in pulvinar cadit, tam molle? Ante omnia fi-
dendum Deo.

III. Ecquid denique Christus tam varie inculcat & urget, atque hanc unā in Deum Fiduciam? Quam varie divinus hic Magister argumentatur ab aviculis, à flosculis, à capillis, ab ipsis etiā idololatræ, persuadendæ huic fiduciæ? Ita corvos, lilia, passerculos oculis subjiciens: Considerate, inquit, corvos, quia non seminant, neque metunt, quibus non est cellarium neque horreum, & Deus pascit illos. Quanto magis vos pluris estis illis? Quis autem vestrum cogitando potest adjicere ad staturam suam cubitum unum? Si ergo neque quod minimum est potestis, quid de ceteris solliciti estis? Considerate lilia, *Luc. ca. 12. v. 24. & seq.* quomodo crescunt: non laborant, neque nent; dico autem vobis, nec Salomon in omni gloria sua vestiebatur sicut unū ex istis. Si autem fœnum quod hodie est in agro, & cras in clibanum mittitur, Deus sic vestit; quanto magis vos pusillæ fidei? Pater vester scit, quia his

indigetis. Et quot experimentis discipulos suos inspexit, ut eos doceret Deo esse

Iean. toto fidere? Ita quinque millia hominum
cap. 6. epulo excepturus in vasta solitudine
ue. 6. Philippum interrogat, unde panes emen-

Marci di sint. *Hoc autem dicebat tentans eum.* Sic

cap. 8. & quatuor millia hominum cibo refe-

ue. 4. cturus, discipulos in eam rem consultores adhibens: Quot, inquit, panes habetis? At illi non magnæ fiduciæ: Vnde istos quis poterit, ajunt, hîc saturare panibus in solitudine? O viri, Deus poterit, qui nos sibi in rebus omnibus vult fidere quam integerrime. Providentia divina falli non potest; fallere non vult: stabit Deus promissionibus suis. Docemur hoc omnium ætatum exemplis. Erigat proinde se homo in spem magnā, & audeat se suaque omnia in Dei sinum profundere fiducia quam erectissima.

Tostat. I V. Tostatus, præsul Abulensis, illud
in l. 2. eruditionis miraculum, super Regum factis differens: Ita est, inquit, lex Adam,
Reg. quam debet homo tenere cum Deo, sci-
cap. 7. licet quod homo humiliet se coram Deo,
ue. 19. colat & Deum quantum potuerit, &
quæst. Deus erit sollicitus pro eo. Etenim ad
11. quem clamamus? Pater noster qui es in cælo. Utique opulentus hic Pater omnibus abunde providebit. Quod si parva

Hieron animalia, inquit Hieronymus, absque
apud S. Deo auctore non decedunt, & in omnibus est providentia, & quæ in his peritura sunt, sine voluntate Dei non per-

Thom.
in ca-
tena in
sa. 10.

Matt. eunt;

eunt; vos qui æterni estis, non debetis timere quod absque Dei vivatis providentia. Cur ergo illi non quam integerrime fidamus, & animos induamus tanto patre dignos? Nec in mediis quidem flammis desperandū. Res angustæ domi sunt? Dominum habemus divitē, qui nunquam passus est suos extinguī fame. Inimica insurgunt agmina, sive terris nata, sive inferis excitata? Ducem habemus potentiolem, qui uno flatu regnorum disperdet exercitus. Maledicæ premunt linguæ, & falsis onerant criminationibus? Deum intueamur judicem vindicemque, & humana non metuemus. Neque enim se vinci ab homine patietur Deus, aut munificentiam suam ab humana fiducia superari. Audet quis fidere? majora donare audebit Deus. Audet sperare magna? vincet humanam spem Deus, & è locuplete cælorū thesauro, longe majoribus beabit, ita ut ad pellendam egestatem humanam, satis sit spem suam posuisse in Deo, ac de illius liberalitate magna sperasse. Quo enim spes major est, majora sunt dona cælestia, ut non tantum æquari, sed innumeris modis vinci à divina benignitate humanā spem fiduciamque videamus. Nobilissima est hæc concertatio, ingens hominis in Deum fiducia, cum immensa Dei liberalitate composita; quasi æmula utrimque fiduciæ & munificentis largitione, tanquam si vinci

nollet homo, cum tamen vinci non possit Deus.

Aug. som. 8. in ps. 145. medio fere. V. Hic Hipponensem Antistitem Augustinum luculentissime ratiocinantem audite : Fecit Deus , inquit , cælum & terram , & mare , & omnia quæ in eis sunt. Si ergo omnia quæ in eis sunt, & te; parum dico , te, passerem, locustam, vermiculum, nihil horum non ille fecit, & cura est illi de omnibus. Nolite ergo dicere : Non pertineo ad Deum. Pertinet ad Deum anima tua , pertinet ad Deum corpus tuum; quia Deus fecit & corpus tuum. Dicis forte : Non numerat me Deus in magna multitudine. Te non numeret , qui etiam capillos tui capitis omnes habet numeratos? Sed, ais, subinde iis miseriis involvimur , adeo solatiis omnibus & auxiliis destituimur, ut mirum non sit , quandoque fiduciam nonnihil vacillare. Hic etiam Augustinus pro me respondebit. Et obsecro vos omnes qui hæc legitis , aut legi auditis, sanctissimi viri responsum altissimo pectore reponite : Quicquid ergo , inquit Augustinus, hic accidit contra voluntatem nostrā: noveris non accidere nisi de voluntate Dei , de providentia ipsius, de ordine ipsius, de nutu ipsius, de legibus: ipsius & si nos non intelligimus quid quare fiat, demus hoc ipsius providentiæ, quia non fit sine causa. Hoc ipsum, idem beatissimus Pater, divinus scriptor confirmans : Nos, inquit , divina providentia

Aug. lib. 11. de civ. Dei c. 22. post init.

tia

tia admonet, non res insipienter vituperare, sed utilitatem rerum diligenter inquirere, & ubi nostrum ingenium vel infirmitas deficit, ita credere occultam, sicut erant quædam quæ vix potuimus invenire, quia & ipsa utilitatis occultatio, aut humilitatis exercitatio est, aut elationis attritio. Et ut res pateat ab exemplis: Quis, inquit, disposuit membra pulicis & culicis, ut habeant ordinem suum, habeant vitam suam, habeant motum suum? Vnā bestiolā brevem minutissimā considera quā volueris. Si consideres ordinē membrorū ipsius, & animationē vitæ qua movetur, pro se fugit mortē, amat vitā, appetit voluptates, devitat molestias, exerit sensus diversos, viget in motu congruo sibi. Quis dedit aculeum culici quo sanguinē sugat? quā tenuis fistula est qua sorbet? quis disposuit ista, quis fecit ista? Expavescis in minimis, lauda Magnum. Ita judicem Deum time, muneratorem spera, nec alium; ita humanis omnibus celsior in solo Deo fiduciam pone, certus nec fallere ipsum posse, nec velle. Nullus speravit in Domino, & confusus est. Beati omnes qui confidunt in eo.

*Aug.
in ps.
148.
post
med.*

*Ecd.
cap. 2.
ve. 11.
Ps. 2.
ve. 13.*

CAPUT II.

In quo fiducia in Deum consistat.

Miseri nos, quam tenuem de Deo notitiam habemus! vix per rimulam aliquid divini luminis

haurimus. Hoc scimus, Deum esse Summum Bonum, & quidem tam immensum, ut nil penitus vel petere liceat, vel optare, quod ab hoc tanto Bo-

Thren. no non possimus impetrare, certe suo
cap. 3. tempore consecuturi omnia, modo tan-
ve. 25. tisper non cadamus animo, sed maxima
& 26. in Deum fiducia erecti, sciamus præsto-
Prov. lari cum silentio salutare Dei. Gemma
ca. 17. gratissima, expectatio præstolantis, quo-
ve. 8. cunque se vertit, prudenter intelligit. Bonus est Dominus sperantibus in eum, animæ quærenti illum. In quo autem hæc fiducia in Deum præcipue consistat, nunc porro videbimus.

I. Spem quidem hoc superat Fiducia, quod Fiducia non qualiscunque spes sit, sed robustissima & perfecta. Clare id discriminis notans Seneca: De te, inquit, spem habeo, nondum fiduciam. Hæc in Deum fiducia omnes hominis actiones complectatur necesse est, nam in omnibus omnino rebus, maximis, minimis, & omnibus vitæ momentis, Deo quam sincerissime fidendum est, eum suis nunquam defuturum.

2. Reg. Rex David gymnasium instituit palæ-
cap. 1. stricum, & præcepit ut docerent filios
ve. 8. Iuda arcum, sicut scriptum est in libro
& 22. justorum. Hanc institutionem Ionathas regius juvenis prævertit docilitate, tam enim certus erat dirigendo arcu, ut hoc laudis ferret ab amantissimo sui Davide:
Sagitta Ionathæ nunquam rediit retrorsum,
ne-

neque enim leniter ferire, aut superficiē radere, sed ipsa penetrare arma hostium solebant tela Ionathæ. Fiducia in Deum talis est arcus, cor Dei & tangit, & penetrat jaculis suis nunquam aberrantibus. Ex omnibus autem Israelis & Iudæ regibus (erant triginta novem universe) quotnam illorum hoc arcu poterant uti? Tres aut quatuor è toto numero; David, Ezechias, & Iosias, quibus & Iosaphat accenseri posset, modo impia sacrificia in montibus abolevisset. Horum certe regum cor cum Deo perfectum erat, & maxima in Deum fiducia semper plenissimum.

Cum ingens Moabitarum & Ammonitarum exercitus regi Iosaphato immineret, & ille viribus nequaquam par esset hosti, ingēti fiducia *totum se contulit ad rogandum Dominum.* jamque prolixius precatus, præclarissimam hanc clausulam adjecit: Cum ignoremus quid agere debeamus, hoc solum habemus residui, ut oculos nostros dirigamus ad te. Hic Iahaziel divino afflatu æstuans, proclamat è turbâ: Attendite omnis Iuda, & qui habitatis Hierusalem, & tu rex Iosaphat: Hæc dicit Dominus vobis, Nolite timere, nec paveatis hanc multitudinē, non enim est vestra pugna, sed Dei. Non eritis vos qui dimicabitis, sed tantummodo *confidenter* stete, & videbitis auxilium Domini super vos. His vocibus mire animatus rex Iosaphat, exercitum duxit

2. Par.
ca. 20.
ve. 3.
12. &

in hostem, ne vero suus miles ad tantæ multitudinis occursum trepidaret, instar strenuissimi ducis omnium animos oratione præmunens: Audite me viri Iuda, inquit; credite in Domino Deo vestro, & securi eritis. Et mox, contra quam fieri solet in prælio, statuit cantores Domini, ut laudarent eum in turmis suis, & antecederent, ac voce consona dicerent, Confitemini Domino, quoniam in æternum misericordia ejus. En regē cum milite in aciem, velut Episcopum cum suis sacerdotibus ad templum prodeuntem. Res plane insolens, & ridicula in bellis, imbellem cantantium turmam in fronte agminis collocare. Sed adfuit Deus Iosaphato, tanta Dei fiducia pugnaturus. Cumque cœpissent non milites tela jacere, sed cantores sacra carmina canere, hostes in seipsos versi, mutuis sese vulneribus conciderunt. Porro Iosaphati exercitus cum progrediretur, omnem campum cadaveribus stratum reperit, nec supererat cui necem liceret effugere. In tanta vero cadaverū strage, spolia inventa sunt tā opima & copiosa, ut asportandis iis nec triduum quidem suffecerit. En, quid possit sincera in Deum fiducia, rerum omnium potens, inexpugnabilis.

II. Et quamvis in actionibus plane omnibus, ut dixi, fiducia in Deum sit necessaria, maxime tamen cum aut preces fundendæ, aut res adversæ sunt per-

fe-

ferendæ. Istud sequenti capite, illud nunc *Bern.*
 examinabimus. *in qua-*

Et de precibus quidem differens Ber- *drag.*
 nardus, ait multorum orationem aut ef- *serm. 4*
 se timidam, aut tepidam, aut temerariâ. *de o-*
 Timida quidem oratio, inquit, cælum *rat. &*
 non penetrat, quia restringit animum *jejunia*
 timor immoderatus, ut oratio, non di- *sine.*
 cam non ascendere, sed nec procedere
 queat. Tepida vero in ascensu languescit
 & deficit, eo quod non habeat vigorem.
 Nam temeraria ascendit, sed resilit: re-
 sistitur enim ei; nec tantum non obtinet
 gratiam, sed & meretur offensam. Quæ
 vero fidelis & humilis, & fervens oratio
 fuerit, cælum sine dubio penetrabit: un-
 de certum est quod vacua redire non
 poterit. Ante omnia oratio necesse est,
 fidelis sit. Quam multi antequam inci-
 piant orare, incipiunt desperare: *Non me*
audiet Deus, non impetrabo quod petam, fru-
stra clamabo. O Legatum miserum! vix
 domo prodit, & corrui, fiduciæ defe-
 ctu. Quomodo autem fiducia in preci-
 bus erga Deum sit erigenda, Christus *Luc.*
 nos instruens: Iudex erat in civitate, *ca. 18.*
 inquit, qui Deum non timebat & homi- *ve. 2.*
 nem non reverebatur. Sed & vidua in
 eadem civitate, quæ assiduis precibus
 vindicari cupiebat ab adversario. At ju-
 dex longissimam moram interponebat,
 improbus cunctator. Demum impor-
 tunitate viduæ tam constante victus,
 controversiam dijudicavit. En robustam

prorsus & contumacem spem, quæ viduæ illi assidue hoc instillabat: *Hodie tibi jus dicetur*; ubi spes hodierna decollasset, crastina monebat: *Cras fiet, aut perendie, hac hebdomade, hoc mense, hoc certe anno sententia dicetur*. Vicit demum perseverans fiducia, quam Christus in argumentum trahit hoc modo: Si tantarum est virium oratio apud improbissimum quemque, quantarum erit apud ipsam Misericordiam? Mens nostra, velut vidua, adversarios numerat quam plurimos. Quid ergo moratur, quin æquissimum judicem apellet, & omnē illi causam suam integerrima fiducia

Ibid. deleget? Deus non faciet vindictam electorum suorum clamantium ad se die & nocte, & patientiam habebit in illis? *ve. 7.* Sanctissimus Rex David hoc unice *Pf. 36.* commendans: Revela, inquit, Domino *ve. 5.* viam tuam, & spera in eo, & ipse faciet. Quid trepidas? quid diffidis pavidissime mortaliā? Aliquis te maledictis figit, aut injuriis afficit? Deo id querere, & ipse faciet. Tua tibi caro iniqua est? Deo supplica, & ipse faciet. Varios tibi arietes cacodæmon admovet? Deum in auxilium invoca, & ipse faciet. Quicquid agas, spera in Deo & ipse faciet.

III. Et o exiguæ fidei homo, nunquid oblitus es, quid in hanc rem Christus commemoret? Si quis amicorum ad amicum venerit intempestæ noctis medio, & hospiti suo tres panes petierit:

at ille jam somno sepultus varie cœperit tergiversari, & demum aperte negare postulata, non possum surgere, & dare tibi. Si vero alter, & fores pulsando, & panes postulando perseverarit, iste demum non familiaritate, sed importunitate compulsus, dabit illi quotquot petiverit panes. Et ego dico vobis, inquit *Luc. cap. IX ve. 5. & seqq.* Christus, Petite & dabitur vobis: quærite & invenietis: pulsate & aperietur vobis. Omnis enim qui petit, accipit: & qui quærit, invenit: & pulsanti aperietur. Nil gratius Deo, quam ut se tanta fiducia, quanta amicus amicum, appellemus. Neque vero ullus hominum intempestive unquam Deum appellabit. Videte mendicum pro numulo simplo, aut panis frustillo, patientissime vel ante ædes expectantem, aut post transvolantes quadrigas currentem.

Blanda que devexa jactantem basia rheda. Juven.

Quid par est nos facere, cum liberali- *sat. 4. v. 118* tatē ditissimi regis obsecramus, an non patientissima fiducia hîc opus? Ille Apostolorum charissimus, Ioannes: Et *I Ioan. cap. 5. ve. 14.* hæc est, inquit, fiducia quam habemus ad Deum; quia quodcunque petierimus secundum voluntatem ejus, audit nos. Et scimus quia audit nos, quicquid petierimus. Quis parens filiolo pro pane filicem, pro pisce serpentem, pro ovo porrigit scorpionem? Si ergo vos, inquit *Luc. ca. II. ve. 13.* Christus, cum sitis mali, nostis bona data dare filiis vestris: quanto magis Pater *ve.*

vester de cælo, dabit spiritum bonū pe-
 tentibus se? Hoc tamen sæpissime fit, ut
 nos ipsi nobis non panem sed lapidem
 non piscem sed anguem imperitissime
 rogemus. Nam quid oremus, sicut oportet,
 nescimus: & cum Deus nostram
 nobis negat perniciem, indignamur op-
 timo parenti, & nostras preces non ad-
 mitti murmuramus frementes. O fatui!
 An non parentes sæpius pomum aut pi-
 rum negant filiolo, cui aliquot millium
 florenorum hæreditas minime negabi-
 tur? Tarsensis Paulus carnis stimulum
 deprecatus, rem se petere putabat æquis-
 simam, at precibus Deus non annuit. Hoc
 quotiescunque fit, liquere nobis debet,
 aut è re nostra non esse, petita con-
 cedi, aut ea recte differri, tempore lon-
 ge opportuniore concedenda, & ut in-
 terim Deum fiducia constantiore propi-
 tiemus. Creberrime non exaudit Deus
 ad voluntatem, sed exaudit ad salutem,
 inquit Isidorus. Nescire non potest æ-
 terna providentia, quid nobis potissimū
 conducat; nec potest æterna benignitas
 non velle concedere, quod nobis cog-
 noverit expedire. Ipse autem optime
 novit tempus quo cuique debeat suc-
 currere. Ideo nil unquam à Deo peten-
 dum, sine maxima voluntatis subjectione,
 seu resignatione, *Quia quodcunque*
petierimus secundum voluntatem ejus, audit
nos. Idcirco in omnibus omnino preci-
 bus illud Domini pro clausula usurpan-
 dum:

Rom.

cap. 8.

ve. 26.

*Isid. in
sentet.*

dum : Veruntamen non mea , ô Deus,
 sed tua voluntas fiat. Quod si obstinate
 quippiam à Deo extorquere contenda-
 nus , verendum , ne quod ut optimus
 pater negavit , ut rigidus iudex permit-
 tat in nostrum malum , & oratio fiat in *Psal.*
 peccatum. Hoc nobis longe sit certissi- *108.*
 mum, nullas preces cum debita volun- *ve. 7.*
 tatis resignatione oblatas , esse irritas,
 nullas omnino , nullas : aut enim quod
 petitur , aut melius quid impetrabitur.
 Et hoc est quod precantis fiduciam mi-
 nifce accendat , *Quia quodcunque petierim*
secundum voluntatem ejus , audit nos.

CAPVT III.

*Qua ratione in adversis firmanda , & erigen-
 da sit ad Deum Fiducia.*

Gubernatorem in tempestate , in
 acie militem , in arena pugilem
 intelligas. Nemo sciet quid possis, *Senec.*
 ne tu quidem ipse, ni variis ærumnis ex- *lib. de*
 ercearis. Opus est ad notitiam sui , ex- *provid.*
 perimento. Quid quisq; posset, nisi ten- *cap. 4.*
 dendo non didicit. Itaque quidam ultro
 cessantibus malis obtulerunt, & vir-
 tuti in obscurum ituræ occasionem, per
 quam enitescerent, quæsierunt. Gaudēt,
 inquam , magni viri aliquando rebus
 adversis , non aliter quam fortes milites
 bellis. Avida est periculi virtus , & quo
 tendat, non quid passura sit cogitat: quo-
 niam

niam & quod passura est, gloriæ pars est. His Deus consulit, quos esse quam honestissimos cupit, quoties illis materiam præbet aliquid animose fortiterque faciendi: ad quam rem opus est aliqua rerum difficultate. Vnde possum scire quantum in fiducia erga Deum profeceris, si cuncta succedant ad votum? Vnde possum scire, quantum adversus pauperatatem tibi animi sit, si divitiis diffuis? Vnde possum scire, quantum adversus ignominiam & infamiam odiumque popolare constantiæ habeas, si inter plausus senescis, si vitam sine adversario transis? Sane ad noticiam sui opus est experimento. Non est artis inter prospera dicere: Dominus firmamentum meum &c. Si tunc primum dicat mendiculus: *Iam bene spero, hac hebdomade non moriar fame*, cum turgentem habet panibus saccum, nullius spei hominem se prodit. Spes quæ videtur, non

Rom. cap. 8. v. 26. est spes, nam quod videt quis, quid sperat? Si autem, quod non videmus, speramus, per patientiam expectamus. Ergo tunc maxime fiducia nostra enitescit, cum fluens sanguis vulnera ostendit, cum fluctus naviculam infiliunt, cum adversis cingimur, hinc locus, hinc tempus fiduciæ. Qua vero ratione inter adversa potissimum sit exercenda fiducia, jam dicemus.

I. Duo hinc in fundamentum ponenda. **Primum**: Hoc probe sciamus, miseria-

kum

rum & calamitatum ubique & in omni
vitæ genere plurimum esse, neque vero
aliter hanc vitam constare. Christus præ-
dixit : In mundo pressuram habebitis,
sed confidite, ego vici mundum. Omnes
qui pie volunt vivere in Christo, perse-
cutionem patientur.

*Ioan.**ca. 16.**ve. 33.**2. Tim.**cap. 3.*

Alterum : Sciamus & hoc, quod Pau-
lus asseverat : Fidelis Deus est, qui non
patietur vos tentari supra id quod po-
testis, sed faciet etiam cum tentatione
proventum, ut possitis sustinere.

ve. 12.

Iacto duplici hoc fundamento, primus
venit Cyprianus, qui fiduciam doceat
in adversis hoc modo : Deliquit in te
famulus tuus, colaphos aut fustes meri-
tus. Tu hominem leni brachio vix tan-
gis, cum ille mox furere, servitium re-
nuntiare, ab ædibus excurrere, & adver-
sario tuo nescio quantas injurias queri:
Si ego huic tali homini patrocinari ve-
lim, an molles apud te aditus reperiam?
Sane hic famulus non una re gravissime
offendit : Castigari meruit, & quidem
severius, at ille correctori contumax
profugit domo, quod capitalis noxa;
quod si amicos quæsisset deprecatores,
videri potuisset furere cum ratione; at
vero profugere ad hostes, & apud illos
innumeras in dominum querelas evo-
mere, hoc demum facinus est nimis ca-
pitale.

*Cyp.**orat. 3.**contra**Judeos.*

Agnosce, mi Christiane, sub hoc servi
schemate te ipsum, Si tu à Deo puniaris,
&

& quidem longe remissius (quod Dei proprium est) quam sis meritis, cur detrectas pœnam persolvere, cur improbas has voces spargis? Ergo audebo aliquid Gyaris & carcere dignum, ergo me vino obruam, ut ærumnas oblivione sepeliam: cur meus ipse sim carnifex? cur non subinde genio indulgeam, tot malis à Deo pressus? Hoc est, mi homo, ad hostes profugere, quin tu potius Dei amicos adis, & ab illorum patrocinio veniam speras? Fide Deo, & de integro incipe bonum te famulum præbere. Vbi fiducia in Deum, ibi voluntas conjuncta Deo. Turpissimum est, cum Dominus tam bonus punire vult servum tam malum, hic tamen dicere audet: Nolo puniri, pœnam non merui, aut certe non merui tam gravem. Apage has voces: Cōfide in Deo, & mane in loco tuo. Hieronymus ad hanc fiduciam extimulans: Multæ sunt, inquit, præstigiæ & innumera- biles laquei: at nos dicamus, Si ambulavero in medio umbræ mortis, non timebo, quia tu mecum es: si consistant adversum me castra (omnium ex Orco diabolorum) non timebit cor meum, si exurgat adversum me prælium (omnium in Orbe impiorum hominum) in hoc ego sperabo. Quod si dæmonum multitudo te turbaverit, & ad singula vitiorum cœperis æstuarè, & dixerit tibi cogitatio tua; Quid faciemus? respondit tibi Elisæus: Noli timere, quia plu-

*Hier.
ad Fa-
biolam
de 42.
mans.*

plures nobiscum sunt. Præclare Ambro- *Ambr.*
sius : Ibi plus est , inquit , auxilii , ubi *lib. de*
plus est periculi , quia Deus adiutor est *Ioseph.*
in opportunitatibus , in tribulatione. *cap. 5.*
Deus est qui petram mutavit in cellam,
& mellariam , & oleariam , ut Israelis *Deut.*
populus sugeret mel de petra oleumque *32. vs.*
de saxo durissimo ; tot centena millia *13.*
hominum fonte limpidissimo illic refe-
cit , ubi nec passerculus reperisset , quod
pius siti fuisset satis. Deus alatos habet
amulos tamque celeres , ut etiam ventos
prævertant , has suis mittit suppetias.
Quin ergo fiduciam habemus in Domi-
no , ex toto corde nostro , Dominus no-
biscum est. At nobis nihilominus sæpe
nimis esset quærere , quod ex Angelo
transivit Gedeon : Obsecro , mi Domine ,
Dominus nobiscum est , cur apprehen-
derunt nos hæc omnia ? ubi sunt mira-
cilia ejus ? De Dei in nos providentia
mira narrantur , jubemur Deo rebus in-
mnibus fidere , interim variis calamita-
tibus fluctibus huc illuc misere raptamur :
Dominus nobiscum est , quomodo tot
conflictamur incommodis , tot onera-
mur malis ? Ad quæstionem hanc apte
sponderit Bernardus.

I. Bernardus , inquam , abbatē sancti *Bern.*
icasii ob Drogonis è cœnobio disces- *ep. 32.*
sum solaturus : Non ergo , ait , hæc te tā
horrenda demergat tempestas aquæ &c.
Illicite studeat humilis prudentia tua
non vinci à malo , sed vincere in bono

malum. Vinces autem, spem tuam in Deo fortiter figendo, & rei finem longanimiter expectando. Bonum est tibi humiliari sub potenti manu Dei, & nequaquam velle resistere supernæ dispositioni. Diabolus sane fremat licet & sæviat, nemini nocet injussu divino; nam

Luc. cap. 8. ve. 33. nec porcos quidem audet tangere, nisi annuente Christo. Quomodo igitur invadet te, tanget te, exagitabit te, si Christus non annuat? Quid ergo timemus Cerberum catena vinctum, nec ulli periculosum, nisi propius accedenti?

Sed audio non neminem dicentem: Nonnunquam mihi ad inferos dejectus videor, ita varie crucior. Sed num ideo, mi Christiane, fiducia excidas? Ne crede te solum talia sentire: Ad hos inferos deveniunt plures, sed inde salvi remeant. Vir integerrimæ vitæ Tobias, his

Tob. ca. 13. ve. 2. etiam inferis merfus: Quoniam, inquit, tu flagellas & salvas: deducis ad inferos, & reducis: & non est qui effugiat manum tuam.

Matt. cap. 8. v. 24. Vt Apostoli de seipsis suaque fiducia experimentum caperent, in navim eos secum deduxit Christus, deditque licentiam ventis concitandi mare turbidum. Inter has procellas discipuli, jam pæne medio mari natâre se rati, & quod deterrimum videbatur: *ipse vero dormiebat.* exclamant igitur: Domine, salva nos, perimus. Hic Christus: Quid timidi estis modicæ fidei? Quid tanto percellimini timore?

timore? Vbi vestra in me fiducia? Quid refert, si dormiat homo, modo pro vobis vigilet Deus, qui nunquam dormitat.

Hinc certe liquet, Fiduciam in Deum nusquam enitescere magis, quam in mediis periculis, aut cum omnia sunt turbatissima. Inter quos turbines Iobus, & inter quas ruinas, ipse tamen erectissimus, stabat? Hostes omne pecus abegerunt, quicquid supererat hosti, absumpsit ignis cælo delapsus, omnes liberos unica ruina sepelivit: ipse Iobus non ulcerosus, sed jam unum pæne ulcus, cognatorum & conjugis etiam lingua misere laceratus, omnia perdidit, præterquam generosissimam in Deum fiduciam. Siquidem jam ad finetum ablegatus, inter ebullientes undique vermiculos, defluentem saniem non linteolo, sed testula excipiens, nihilominus velut triumphans athleta vociferatur: Etiam si occiderit me, in ipso sperabo: & ipse erit salvator meus. Luctuosissimam hanc tempestatem grande serenum, & tranquillitas excepit lætissima. O quoties

Iobus

c. 13.

v. 15.

Flebile principium melior fortuna secuta est? Ovid. lib. 7.

Si quem igitur calamitas feriat, fiduciā ille in Deum augeat. Quid enim, obsecro, mi homo, agis cum te subitus imber opprimit? in urbe tectū, credo, subis; deprehensus in campo patulam circumspicis arborem, qua nimbū defendas.

Metamorph.

fendas. En tibi tectum, en arborem, en
 asylum securissimū, fiduciam in Deum:
 nec unquam tam opportunum esse po-
 test in solitudine hospitium, in imbre
 tectum, in frigore ignis aut balneum,
 atque tibi erit in omnibus adversis fi-
 ducia in Vniuersi Dominum: quæcum-
 que demum in te ruant procellæ, tutis-
 simus stabis sub hoc imbricato tecto.
 Fide Deo, & uti nautæ omnia ad navi-
 gandum comparant, ventum à Deo præ-
 stolantur, ita tu officio tuo non desis,
 cetera curabit Deus: tu propositiones
 pone, conclusionem Deo relinque; fac
 antecedens, consequentiam faciet Deus.
 Si videris quod corrigi non potest, tole-
 ra, & cum patrefamilias messem expe-
 cta; Fide Deo.

III. At dicas: Grandius hoc malum
 est quam putetur; non à malis solum,
 sed & ab iis qui probi censentur, exagi-
 tari; hoc urit & vexat. Nil novi hoc est,
 mi homo, jam Apostolorum ævo com-
 mune hoc & pervagatum vitium erat,
 fictum pictumque jus producere, frau-
 di mantelum Iustitiæ aptare; nec inu-
 sitatum quid, ab amicis, à cognatis, ab
 iis injurias accipere, quibus plurimum
 benefeceris;

Ovid.
 lib. I.
 meta-
 morph.
 init.

----- non hospes ab hospite tutus,
 Non socer à genero, fratrum quoque gratia
 rara est:
 Imminet exitio vir conjugis, illa mariti.
 Hoc jam amplius est: beneficia in-
 sce-

scelus vertuntur; & sanguini eorum nō
 parcitur, pro quibus sanguis fundendus
 est. Davidem regem non tantum Achi-
 tophele, qui ei à consiliis fuit, neque tan-
 tum Saul focer, sed & Absalon filius ex-
 treme persecutus est. Et Christus à qui-
 bus occisus est? non tantum ab impiis
 idololatriis, sed & à charissimo populo.
 His plagatus sum in domo eorum qui
 diligebant me. Imo vero quid à suis met
 discipulis injuriarum non accepit Chri-
 stus? Iscariotes, cui paucis ante horis, &
 pedes lavit, & corpus suum in edulium
 dedit, suum Dominū ingratissimus quæ-
 stor vendidit, amantissimus Petrus hunc
 ipsum negavit, deseruerunt ceteri, quid
 miramur? Inimici hominis domestici
 ejus. Sed qui Deo fidit, hæc omnia faci-
 li negotio vincit. Sed quæras, quomodo
 hæc fiducia ad Deum in adversis erigen-
 da? En tibi sex documenta compendio.
 Primum. Cum tibi male est, quam pri-
 mum & eo statim momento ad Deum
 te verte, & illi querere quicquid dolet.
 Hic plerique omnes graviter erramus,
 cum nos urgent adversa, complurium
 aures querelis innumeris opplemus,
 omnium postremus Deus, cujus opem
 imploramus, ordine prorsus præposte-
 ro. Longe aliter rex David: Levavi, in-
 quit, oculos meos in montes, unde ve-
 niet auxilium mihi: auxilium meum à
 Domino. Qui hoc non facit principio
 cujusque mali, ab irâ, dolore, injuria

*Zach.**c. 13.
v. 6.**Matth.**c. 10.
v. 36.**Mich.**c. 7.
v. 6.**Psalms.**120.
v. 1. &**2.*

fic occupatur , ut sui fiat impos. Quam-
 primum ergo commotum te sentis, dic:
 Domine, quid me vis facere? & respon-
 debit tibi divinæ voluntatis interpres:
Pf. 26 Expecta Dominum, viriliter age, & con-
v. 14. fortetur cor tuum, & sustine Dominum.
 Malignas cogitationes , quantum potes,
 coërce, & hoc assidue cogita : Domine
 quid me vis facere?

Alterum. Tace , & saltem os ac lin-
 guam contine, si minus potes animum. A
 rege sapientissimo hoc consilium accipe:
Pf. 38. Dixi, ait, custodiam vias meas vt non de-
v. 1. 2. linquam in lingua mea. Posui ori meo
 3. custodiam , cum confisteret peccator
 adversum me : Obmutui & humiliatus
 sum, & filii à bonis. Ergo tace, nam si
 inter ærumpnas aut injurias frenum per-
 miseris linguæ, certo scias in præceps te
 trahendum; vix incipies loqui, & offen-
 des. Ergo tace præsertim de tuis adver-
 sariis. Non potes de iis loqui bene? sal-
 tem ne loquaris male. Tua te conscien-
 tia soletur , & æquissimus iudex Deus,
 cujus oculos nec adversarii tui , nec eo-
 rum machinationes exire possunt. Deo
 fide & file.

Tertium. Vbi ad Deum te verteris, &
 tacere cœperis, tunc totus in divinæ vo-
 luntatis jus concede; divinæ voluntati te
 totum quam arctissime adstringe, & de-
 vove. Sed & gratias Deo age, quod di-
 gnus te iudicet, qui patiaris innocens,
 aut si nocens , patientia tamen repares
 inno-

innocentiam. In hoc divinæ voluntatis amplexu, homo Deum velut brachiis stringat, dicatque quod Iacob cum Angelo luctatus: Non dimittam te, nisi benedixeris mihi. *Gen. c. 32. v. 26.*

Si navi periclitāte in aquis, duo aliqui terrore vicini periculi ita sese complectantur, ut alter alterum brachiis implicet, necessarium prorsus est ut una pereant, si pereat navis; quo enim periculum est majus, eo arctior inter hos duos fit nexus: Sic omnino voluntas divina & una Deus amplexandus est, ut insolubili nexu Deo inhæreat homo, dicatq;: Non dimittam te, ô mi Deus, sub ipsas mecum aquas te traham, una mergendi sumus, in ipsis te fluctibus circumplectar, tanto plus confisus tibi, quanto minus mihi.

I V. Quartum. Vbi tempestas nonnihil mitigarit, ad preces te compone. Matrem Domini, sanctosq; Angelos ad causæ tuæ patrociniū invita, iisque omne negotium tuum commenda; nec id semel iterumque fecisse satis est: compluribus diebus, annis & lustris, si res illud exigat, idem factita, nec cessā dum pugnum, quem tibi Deus, velut vir robustissimus, compressis digitis clausum ostendit, fiducia grandi & obsecratione constanti explices. Rex Ezechias, cum impias Sennacheribi litteras accepisset, *Ascendit in domum Domini, & expandit eas 4. Reg. c. 19. coram Domino, & oravit. Illud autem pe-*

Ibidem Et ore & ore assidue versabat Ezechias: *Domino Deo nostro habemus fiduciam.* Expande & tu, quisquis affligeris, tuas etiam litteras coram Deo, & quicquid querelarum habes, apud hunc æquissimum judicem, & benignissimum patrem depone. Si vero quod petis, non impetres, arcanissima Dei judicia & certissimam ab æterno providentiam suspice, eique te totum permitte. Fecisti quod in te erat, cetera curabit bonus Deus.

Ecclesi. 32. ve. 2. Quintum. Vtere consilio prudentis ac probi viri. Siracides monens: Fili, ait, si ne consilio nihil facias, & post factum non poenitebis. Summopere etiam cave ne tuos affectus tuumque impetum sequaris. Perdidisti mansuetudinem, perdidisti patientiam omnem, si consiliarios admittis Affectum & Impetum, consiliarios sane pessimos. Deus hanc te- lam, quam miraris, orsus est, & ipse omnium optime novit, qua ratione illa sit pertexenda. Quod si tu importune intervenias, illudque ingemines:

Juven. Sat. 6. v. 222. *Hoc volo, sic jubeo, sit pro ratione voluntas.*
 Suavissimam Dei dispositionē, quantum in te, turbabis, & ideo eventus malos nemini, præterquam tibi adscribes. Omne nobis malum ex eo est, quod
Bar. cap. 1. ve. 17. & 18. Baruch ingemiscens: Non credidimus, inquit, diffidentes in eum. & non fuimus subiectibiles illi, & non audivimus vocem Domini Dei nostri, ut ambulare-
 mus in mandatis eius. Idcirco habe fi-
 duci-

duciam in Deo, tanto enim eris ab omni hoste securior, quanto fiducia tua in Deum fuerit robustior.

Sextum Quod si adhibita omni diligentia nihil succedat è voto, ne indignationem in Deum, nec in ullam rem creatam convertas; hoc potius cogitato, scire Deum ad unguem omnia, quæ passus aut passurus es, eumque velle, hæc esse constantiæ tuæ experimenta. Ea de causa, quicquid Deo, hoc omne & tibi quoque placeat. Nam vere, Beati sumus *Bar.*
 Israël, quia quæ Deo placent, manifesta *cap. 4.*
 unt nobis. *ve. 4.*

Nemo dicat: Vt video, frustra laboro; Petivi quippiam à Deo, magna in Deū fiducia, magna in divinam voluntatem designatione, sed nihil impetro. Quid enim novit Deus? & quasi per caliginem *Iob. ca. 22.*
 iudicat, nubes latibulum ejus, nec nota *ve. 13.*
 tra considerat, & circa cardines cæli *14. 15*
 perambulat. Impiorum hæc cantilena est. Nullo modo frustra fit, quicquid bene fit. Num Deus unam solummodo arcam ærariam habet, ita ut qui ex ea nil doni accipit, nil speret ex alia? Fatui ingenii servus est, qui cum Dominum suum habet debitorem, monetam aliam quam sestertios recusat admittere. Quid Dominus moneta aurea, quid si frumento selectissimo nomen velit experire, num servus obstinate clamet: sestertios volo, sestertios? Ita qui non impetrat à Deo quod rogat, certissimus sciat,

300 DE CONF. VOLVNT.
non frustra se rogasse, impetraturum certo alia, & meliora.

V. Quod si Deus ferire non cesset filios, eosque aliis atque aliis calamitatibus exerceat, facit is quod optimus quisque pater materve faciunt. Parentes cum liberos virgis castigant, subinde post unam alteramve plagulam quærere solent: Vis culpam non repetere? si cæsus taceat, pergit pater cædere: si contumax puer necdum respondeat, verberare pater perseverat, identidem quærens: Eho, vis culpam non repetere? idque urget tamdiu, dum dicat filius: Volo culpam non repetere. Tum demum parens: Abi jam, inquit, & cave culpam hanc repetas. Ita & Deus punire nos solet, & quærere: Vis meæ voluntati te plene subicere, in omnibus mihi fidere? Quia vero aut pervicaciter taceamus, aut non serio respondemus divinæ voluntati obsecuturos, ideo Deus sæpe verbera continuat, nec aliud expectat, quam ut animo dicamus: Volo, mi pater, volo voluntati tuæ parere per omnia, quid me vis facere?

Ber. Eleganter Bernardus in hæc verba:
serm. I Domine quid me vis facere? O verbū bre-
de con- ve, sed plenum, sed vivum, sed efficax,
vers. S. sed dignum omni acceptione. Quam
Pauli pauci inveniuntur in hac perfectæ obe-
post dientiæ forma, qui suam ita abjecerint
med. voluntatem, ut ne ipsum quidem cor
propriū habeant, ut non quid ipsi, sed
quid

quid Dominus velit, omni hora requirant, dicentes sine intermissione: *Domine quid me vis facere?* Heu plures habemus Evangelici illius cæci, quam novi Apostoli imitatores. Quid vis (ait Dominus ad cæcum illum) ut faciam tibi? Quanta misratio tua, Domine, quanta dignatio tua? Siccine Dominus quærit, ut servi faciat voluntatem? Vere cæcus ille quia non consideravit, non expavit, non exclamavit: Absit hoc Domine, tu magis dic, quid me facere velis. Sic enim decet, sic omnino dignum est, non meam à te, sed à me tuam quæri & fieri voluntatem. Sic profecto, sic multorum usque hodie pusillanimitas & perversitas exigit, ut ab eis quæri oporteat: Quid vis ut faciam tibi? non ipsi quærunt: Domine quid me vis facere?

Hæc porro, de qua loquimur, Fiducia in Deum, diu non stabit, nisi eam Patientia firmet ac Perseverantia. In templo Salomonis duæ erant columnæ, quarum illa Iachim, hæc Booz dicta. His columnis duabus Patientia & Perseverantia optime conferuntur; his pilis fulcienda est Fiducia. Nimiam tristitiam reprimit Patientia: Perseverantiæ non nimis longum est, quicquid tempore clauditur. His basibus attollens sese in Deum Fiducia, sicut mons Sion non commovebitur in æternum.

Psal.

124.

ve. I.

CAPVT IV.

Quanta in Deum fiducia omnes Sancti fuerint.

Christiani sanguinis vera nobilitas est, Deo in rebus arduis fidere, & illo solo niti. Hic animus nobilis & generosus, hic magnus & excelsus est, qui Deo tunc maxime fidit, cum maximam capit calamitatem. E stirpe hac nobilissima complures sanctissimi viri prodierunt.

I. Tacebo Abrahamum, qui Deo fretus, *contra spem in spem credidit, qui in re-
cap. 4. promissione Dei non hesitavit diffidentia,
v. 18. sed confortatus est fide, dans gloriam Deo;
plenissime sciens, quia quaecunque promisit,
potens est & facere: qui filium unigenam
divinae voluntati mactare non recusavit,
qui cū trecentis octodecim vernis qua-
tuor reges aggressus vicit, summa in
Deum fiducia. Tacebo & Iosephum
Ægypti proregē, qui toties ad extremas
devolutus angustias, animo tamen non
cecidit, erat enim cor ejus fiduciam ha-
bens in Domino. Moses Deo nixus quæ
prodigia non patravit? universos Ægy-
pti exercitus uno maris sepulchro clau-
sit. In Amalecitano bello pro omni cu-
ruli tormento virgam habuit, sic enim
Imperatorem affatus: Elige viros, in-
quit, & pugna contra Amalec: cras ego
stabo in vertice collis, habens virgam
Dei*

*Exod.
ca 17.
vs. 9.*

Dei in manu mea. Obstupescendū! Mo-
 ses, stans velut spectator otiosus, totos
 prosternit exercitus. Mosis Panoplia fuit
 Dei virga, & in Deum fiducia. At ve-
 ro Iosue dux belli, incredibili prorsus fi-
 ducia pollens ausus est imperare soli, ac
 dicere: Sol contra Gabaon ne movea-
 ris. Stetit itaque sol in medio cæli, &
 non festinavit occumbere spatio unius
 diei. Non fuit antea & postea tam longa
 dies, obediente Domino voci hominis,
 & pugnante pro Israël. Ita brevi totius
 Palæstinæ reges expugnati. Quid hoc
 aliud, quam eos omnes, qui in alios ha-
 bent imperium, monere, ut fiduciam lo-
 cent in solo Deo, qui animos hominum
 versat, jubetque summa, ima, medio cur-
 su sistere? Quid de Calebo memorem?
 qui tantæ fuit in Deum fiduciæ, ut tot
 centenis hominum millibus varie tu-
 multuantibus, unus ille, animose obfi-
 stens proclamavit: Nolite rebelles esse
 contra Dominum; neque timeatis po-
 pulum terræ hujus, quia sicut panem,
 ita eos possumus devorare; recessit ab
 eis omne præsidium: Dominus nobiscū
 est, nolite metuere. Et quantæ in Deum
 fiduciæ fuit Gedeon, ad trituram potius
 quam ad militiam educatus, qui cum
 trecentis viris tot hostium millia & in-
 vadere est ausus, & vincere.

Porro rex Ezechias ingenti plenus fi-
 ducia non tantum quindecim annos vi-
 tæ suæ auctarium impetravit, sed & in
 hujus

*Ios.**ca. 10.**ve. 12.**13. 14.**Num.**ca. 14.**ve. 9.**Judic. 3.**cap. 7.**ve. 20.*

hujus rei testimonium , Solis umbram per decem lineas revocavit. Sicut autem Iosue solem stitit , ita Ezechias solem retroëgit itinere prorsus immenso. Nimirum animus Deo fidens , Deum impellit, ut Orbem turbet, & naturas mutet. Sed num hoc tam grande prodigium est decem lineis reduci solem ? rem paucis aperiā. Si Ptolemæo credimus, sol in æquinoctio una hora percurrit 365223. hoc est , trecenta sexaginta quinque millia, ducenta viginti tria milliaria Belgica, sive leucas, quarum singulæ horam unam exigunt. Sol ergo cum decem lineis, seu, quod idem, decem horis recessit , tres milliones , sive , tricies sexies centena millia , quinquaginta duo millia , ducenta triginta milliaria confecit currendo. Miraculum inauditū ! idem tamen tam facile fuit , ac si sol retraheretur funiculo. Et hoc Ezechia potuit fiducia, quæ Sennacheribo Hierosolymis imminente , prius cilicium quam lorica suavit induendum, quo armatus Ezechias primus ipse templum adiit, & populum ad preces & fiduciam concipiendam hortatus: Viriliter agite, inquit,

2. Par.

ca. 32.

ve. 7.

8.

& confortamini : nolite timere, nec paveatis regem Assyriorum , & universā multitudinem &c. Cum illo enim est brachium carneū : nobiscum Dominus Deus noster , qui auxiliator est noster, pugnatque pro nobis. En plenissimam fiduciæ adhortationem ! Qui vero fa-

tum

Etum quod miser Sedecias nil simile patrarit, cum tamen ei copiosior quā Ezechiae miles fuerit? Hoc ipsum hunc regem perdidit; suis viribus plus æquo tribuit & periit, confidens super baculum arundineum confractum, cui si innixus fuerit homo, intrabit in manum ejus, & perforabit eam. *Isai. ca. 36. ve. 6.*

II. En hoc etiam est quod optimum illum regem Asam perdidit. Triginta sex annis præclarissime se gessit Rex Asa, ob id Deo charissimus, demum collectā gratiam effudit omnem, ob unam hanc noxam, quod humanis viribus fuisset confusus. Quamvis hoc Asæ factum, si ad humanæ rationis amussim examinetur, videri possit minime damnandum. Quid enim hoc mali? Regi Syriæ Benadado submisit aurum, & ejus rei rationem addens: Fœdus inter me & te est, aiebat, *2. Par. ca. 16. ve. 3.* pater quoq; meus & pater tuus habuere concordiam: quamobrem misi tibi argentum & aurum, ut rupto fœdere quod habes cum Baasarege Israël, facias eum à me recedere. Quid hîc obsecro iniqui? Nihilominus Hanani propheta libere objurgans Asam: Quia habuisti, *Ibid. ve. 9.* ait, fiduciam in rege Syriæ, & non in Domino Deo tuo, idcirco evasit Syriæ regis exercitus de manu tua. Oculi enim Domini contemplantur universā terram, & præbent fortitudinē his qui corde perfecto credunt in eum. Stulte igitur egisti, & propter hoc ex præsentitem-

tempore, aduersum te bella consurgent.

Iob. Idcirco Iobus: Si vidi Solem, inquit
ca. 31. cum fulgeret, & Lunam incedentem
ve. 26. clare, & lætatum est cor meum in abs-
 & 27. condito, & osculatus sum manum meam
 ore meo. Bona, inquit Gregorius, quæ
 fecit sic narrat, ut ea Deo adscribat. Non
 solebat Iobus industriæ suæ gratulari;
 nec manus suas dissuaviari, neque enim
 in se suaque dominatione, sed in Deo fi-
 duciam omnem collocabat. Ita Carolus
 V. Imperator Augustus vere Pius, vere
 Felix dicere solebat: Veni, Vidi, sed Vi-
 cit Deus.

Regem Hebronis David ad tantum
 sanctitatis fastigium evexit summa in
 Deum Fiducia; hac ille virtute pollebat,
Præfer- si ullus mortalium. Inspice psalmos, &
tim Ps. mecum senties. Quam ille assidue, & ore
 17. & pectore versabat hæc talia: Dominus
 26. illuminatio mea & salus mea, quem ti-
 mebo? Quoniam in te eripiar à tenta-
 tione.

Ionas in ceti cavo delitescens, jamq;
 ultimæ lineæ admotus, nihilominus ta-
 men velut in tutissima navi preces con-
 cipere, nec unquam aut usquam melius
Ion. fiduciæ virtutem exercere potuit: Et
ca. 2. oravit Ionas ad Dominum Deum suum. Pre-
ve. 2. cibus & votis ubique locus est. Quid
 & 6. ergo precatus? *Circumdederunt me aquæ*
usque ad animam, inquit, *abyssus vallavit*
me, pelagus operuit caput meum: Verunta-
men rursus videbo templum sanctum tuum.

En

En fiduciam ingentem ! ita Daniel inter
impastos leones , ita tres Hebræi juve-
nes in Babyloniiis flammis plenas fidu-
ciæ preces Deo allegarunt.

Tobias in hoc genere admirandus,
facultates, & patriam, & oculorū usum
perdidit , egenus , & exul , & cæcus, fi-
duciam tamen retinuit tenacissime. Et
licet tam cognati, quam uxor, & paren-
tes ipsum irriderent , dicerentque : Vbi
est spes tua pro qua eleemosynas & se-
pulturas faciebas ? manifeste vana facta
est spes tua, ipse tamen eos increpans :
Nolite ita loqui , aiebat , quoniam filii
Sanctorum sumus, & vitam illam expe-
ctamus, quam Deus daturus est his, qui
fidem suam nunquā mutant ab eo. Hæc
ei fiducia, & facultates, & patriam, &
oculorum usum restituit , & præmium
insuper contulit æternum.

*Tob.
cap. 2.
ve. 18.*

Et quantus hac virtute Tarsensis Pau-
lus, qui sæpius seipsum quasi funerans,
nihilominus : Scio, inquit , cui credidi,
& certus sum quia potens est depositū
meum servare in illum diem. Hac arma-
tus fiducia nullum aut laborem, aut pe-
riculum horrebat; per saxa, per gladios,
per tela , per ignes ruebat , ope divina
nixus, & in Deo suo sæpius ferreos etiā
muros transgrediebatur.

*2. Tim.
cap. 1.
ve. 12.*

I I I. Inter feminas hac virtute ad-
mirabiliter excelluit Iuditha , facinus
ausa inauditum. Cum enim consilium
cepisset trucidandi Holofernis, precibus

ardentissimis suam in Deum fiduciam
 accendens : Subveni , aiebat , quæso tibi
 Domine Deus meus mihi viduæ. Tu
 enim fecisti priora , & illa post illa co-
 gitasti , & hoc factum est quod ipse vo-
 luisti. Omnes enim viæ tuæ paratæ sunt
 & tua iudicia in tua providentia posui-
 sti. Non in multitudine est virtus tua
 Domine, neque in equorum viribus vo-
 luntas tua est, nec superbi ab initio pla-
 cuerunt tibi , sed humilium & mansue-
 torum semper tibi placuit deprecatio.
 Deus cælorum &c: exaudi me miseram
 deprecantem , & de tua misericordia
 præsummentem. Ex eadem obstupescenda
 fiducia illud Holoferni respondit : Vivit
 anima tua, domine meus, quoniam non
 expendet omnia hæc ancilla tua, donec
 faciat Deus in manu mea, hæc quæ co-
 gitavi. Cumque jam ante lectum remu-
 lenti Holofernis staret, lacrimas pre-
 cesque silentio fundens : Confirma me,
 inquit, Domine Deus, ut hoc quod cre-
 dens per te posse fieri cogitavi, perfici-
 am. Perfecit felicissime. Iamque Be-
 thuliae portis recepta, in primas has vo-
 ces erumpens : Laudate Dominum Deum
 nostrum, qui non deseruit sperantes in se.
 Huic jure accensetur Susanna, nobilissi-
 mum & Pudicitiae , & Fiduciae speci-
 men. Hæc cum ad capitis supplicium, &
 saxatiles nimbos jam duceretur , flens
 suspexit ad cælum, erat enim cor ejus fide-
 cia habens in Domino. Nec frustra : om-

Non
 quod
 in Dei
 cogita-
 tione,
 quam
 unicui
 Eter-
 nitatis
 Nunc
 meti-
 tur, sit
 prius
 & pos-
 terius,
 sed
 quod
 res ali-
 is alia
 sint po-
 sterio-
 res.

Iudith.
 cap. 9.
 diversis
 vers.
 ca. 12.
 ve. 4.
 &

ca. 13.
 ve. 7.

& 17.

Dan.

ca. 13.

ve. 35.

nium calculo, Daniele iudice, omni crimine liberata est.

Hac non inferior Esther, rem magnam aggressa, per hanc itidem in Deum fiduciam. Lex erat in Assueri aula, ut si quis ad regem ingrederetur non vocatus, morte id lueret, nisi rex virgam auream protendisset, in signum clementiæ. Cum vero Estherem hinc Mardocheus assiduis precibus urgeret, ut regem adiret, illinc obstaret lex & terreret, hoc demum iniit consilii: Iudæi omnes iussi sunt triduum totum inter preces & jejunia exigere: quod idem & Esther fecit cum suis virginibus. Triduo sic exacto, Regina fiduciam in Deum amplissimam concipiens, ingressa est ad regem pro sua gente deprecatura. Ex voto cesserunt omnia.

Si novæ legis sanctissimos quoque viros feminasque considerem, mira in Deum fiducia claruisse omnes reperio. Ex tot millibus unicum produxisse testē fatis fuerit. Anno Christiano millesimo sexagesimo tertio, testibus Bertholdo

*Baro-
nius*

to. I. c.

anno

1063.

abbate Vrspergenſi, & Deſiderio abbate Caſſinenſi, litteris item civium Florentinorum ad Alexandrum Pontificem datis, Florentiæ grave ortum eſt diſſidium inter populum, & urbis Antitiſitem Simonix accuſatum. Plebs omnia ſui Præfulis ſacra execrabatur. hinc ſine ſacramentis obibant plurimi; Petrus Damianus diſſidentes partes componere nite-

batur, sed frustra. Demum pro illius æmore iudicium commissum est igni, hoc modo: Petrus monachus Ioannis Gualberti discipulus, vir modestissimus, & miræ in Deum fiduciæ, ipsis Cineribus peracta re divina, lineam sacerdotis vestem indutus, manu crucem præferens nudis pedibus luculentum ignem per certa spatia extensum ingressurus, sic cœpit precari: Domine I E S U, misericordiam tuam imploro, ut si Petrus Florentinus episcopus pecunia sedem occupavit, tu mea salus in hoc tremendo iudicio, ad me adjuvandum festines, meq; illæsum vestigiis non adustis conserves, sicut olim tres juvenes in fornace Babylonica servasti. Dixit, & ignem illæsus transiit; jamque egressurus, strophium transeunti sibi excidisse advertens, animosè rediit, & illud sustulit. Hinc P E T R U S I G N E V S est dictus. Hic vir quamvis è nobilissima stirpe Aldobrandinorum oriundus, tam submissi tamen & Deo fidentis animi fuit, ut præsidis sui Gualberti iussu pecoris custodem agere non recusaret. Sed quia virtus ab infimis solet eminere, à pectore Petrus, & à pedo ad tiaram evocatus, Præpositum egit, post Abbatem; inde Episcopus, ab hoc Cardinalis lectus est.

I V. Univerſe de viris feminisq; omnibus vitæ sanctimonia præcellentibus affirmari potest: *Cor eorum erat fiduciam habens in Domino.* Singulare id fuit Catha-

charinæ Senensi. Hæc, licet verborum ceteroqui parcissima, cum de fiducia in Deum sermonem miscere cœpit, nullum pæne dicendi finem reperire, aut si alios de hac virtute differentes audiisset, nunquam satiari potuit audiendo: perdius & pernox stetit ad hostales de fiducia sermones attentissima. Iure merito; nullus speravit in Domino & confusus est.

*Ecclesi.**cap. 2.**ve. II.**Sur. in**vita S.**Bern.*

Bernardus cum gravi morbo afflictus, extremum jam pæne spiritum traheret, visus est ad Dei tribunal stare. Adfuit autem & Satan ex adverso, & virum improbis accusationibus incurfavit. Vbi sua omnia executus fuit accusator, & jam Bernardo pro se dicendum esset, sic cœpit perorare fiducia ingenti: Fateor, nec mihi nec meis actionibus deberi cælum; tanto præmio indignissimus sum. At vero duplici jure Dominus meus id obtinuit, & Patris hæreditate, & Crucis perpessione; altero ipse contentus, alterum mihi donat. Ab hoc dono me quoque illius regni hæredem fore confido. Pudefacto ad hanc vocem adversario, & conventu soluto, Bernardus ad se rediit.

Hugo, Lincolnienſis Præſul, vir integer, nocte quadam gravibus curis infestatus, cum eas excutere non posset, turbati animo cœpit. At primo mane ad se rediens, & altum ingemiscens: *Hæc,* inquit, *graviter deliqui, quod non nisi ho-*

*Sur. in**vita S.**Hugo-**nis.*

*minem Christianum decet, omnem curam se
per Dominum, juxta prophetæ monita jacta-
verim.*

*G. Saxoniæ Fridericus II. cognomen-
Fabr. Placidus, Anno Christiano millesimo
hist. de quadringentesimo sexagesimo quarto
Electo- obiit: Hic princeps aliquot ante obitu-
ribus annis, Friderico è Comitum stirpe An-
Saxo- tistiti Magdeburgico litem, & ab ea bel-
nia. lum cœpit movere. Quod ut prudentius
gereret, & cuncta cederent felicius, ex-
ploratorem misit, qui de apparatu bel-
lico & consiliis adversæ partis cogno-
sceret. Factum: exploratis omnibus re-
nuntiatum est, nil opportunum bello pa-
rari, sed nec militem scribi: Antistitem
præterea dixisse, causam se commissu-
rum Deo, qui pro servo suo arma sume-
ret. Hoc ut Elector audivit: Alius, inquit
insaniam, & bellum inferat ei, qui confi-
dit causâ superiorem se futurum Deo
defensore. Laudandus Præsul, qui Dei
patrocinio fides est: laudandus Princeps
qui positis armis Deum veritus est ad-
versarium.*

V. Elcearius Comes, notæ sanctitatis
vir, ea in Deum fiducia pollebat, ut peri-
culis omnibus iret excelsior, quod vel
inde potest liquere. Mari se commiserat
Elcearius, Neapoli cum familia tota
Provinciam repetiturus. Dum vela facit,
infrenit mare, ventis commotum. Fran-
guntur arbôres, rumpuntur funes, excu-
tium-

tiuntur gubernacula, deferuntur remi, clamoribus incompofitis atque ululatus omnia complentur, oculis mors præfentiffima obverfabatur, qui in navi erant, fpirare tantum, fperare nihil amplius: certe vultu omnes jam umbræ ac manes erant, nec jam aliud deeffe videbatur, quam navim fepeliri aquis. Solus Elcearius pofita formidine conftabat fibi, eadem illi ferenitas, idem oris color, eadem mentis malacia. Nam dum alii cum iratis fluctibus luctabantur, ille fuaviter cum Deo agebat, & cælum fatigabat precibus. Interim venti pofuere, maris ira detumuit, paullatim vox & fensus metu exanimatis rediit. Tandem fubducta in portum navi, nonnullos è fuis graviter inculpavit Elcearius, quod clamoribus & lacrimis fatis oftendifsent, perexigua feffe fiducia in Deo niti, nimiumque à morte abhorrere. Seorfum autem Dalphina conjux interrogabat Elcearium, an ipfe folus in tam præfenti periculo defiffet effe homo, & mortem tam vicinam non timuiffet? Cui ille: Totum me, inquit, divinæ voluntati tradidi, paratus, fi falvis omnibus, folus haurirer fluctibus: Hoc eft, quod Hebræus Sapiens monuit: Habe fidu- *Prov.*
ciam in Domino, ex toto corde tuo. Por- *cap. 3.*
ro qui hac fiducia funt vacui, humana *verf. 5.*
tantum circumfpiciunt, omniaque hu-
manis viribus metiuntur. Et fere contin-
git ut hos in manu confilii fui deftituat

Deus, hinc illi frustra irritoque conatu magna expectant, & in misera spe languentem trahunt animam, & plerumque infelici eventu humanas has cogitationes claudunt. Contra vero nostra in Deum fiducia, divinæ beneficentiæ potentissima est conciliatrix. Gaudet Deus beneficiis dandis, & munificentiae suæ dona spargit in eos præcipue qui in magnam exurgunt fiduciam. Quod si Deus munificam suam manū contrahat contineatque, nec liberalitatis suæ nubem explicet, aut non nisi per lentissima stillicidia depluat, tacitus secum cogitet homo, quis cælestem illam nubem, pendulam semper pronamque paratamque in imbres, siccaverit stiteritque: se, inquam, cogitet, delicta sua, reporem, languoremque suum, maxime vero suam in Deum diffidentiam accuset, in novā exurgat fiduciam, & pro stillicidiis nimbos speret. Impedimentis enim sublati nunquam non pluent illæ nubes: nec jam speratos imbres, sed toro cælo flumina mariaque jaculabuntur, ut anhelum validumque fiducia pectus munificentiae suæ sepeliant aquis. Non enim sponsonibus quam factis locupletior est Deus. Etiam montes promisit transferendos, mortuos ad vitam revocandos. Audeat proinde sperare homo, majora, qui potest, largietur Deus.

Scribamus in Super. Relig. lib. 1. ca. 27.

Hieremias ca. 17. ve. 7.

Benedictus vir qui confidit in Domino, & erit Dominus fiducia ejus: Nullus

Ius speravit in Domino, & confusus est.

CAPUT V.

Quantis præmissis Deus humanam in se fiduciam remuneretur.

MUltis equidem opitulatur galea in capite, lorica in pectore, anchora in æquore: multi nihilominus galea operti perimuntur, lorica trajiciuntur, anchora instructi merguntur: At vero qui confidunt in Domino, *Psalms 124.* sicut mons Sion, non commovebuntur in æternum. Nam uti Sionis rupem nulli *vers. 1* turbinum incursus, nulli fluctuum affulsus loco moverint, non tantum quia mons est, sed quia mons Deo sacer est, ita hominem illum nullus ærumnarum impetus subverterit, qui vere confidit in Domino, cupitque divinæ voluntati in omnibus parere.

Hæc in Deum fiducia, est galea nullis rumpenda vulneribus, est lorica nulli penetrabilis telo, est anchora nulli obnoxia naufragio. Hanc, sicut anchoram *Hebr. cap. 6.* habemus animæ tutam ac firmam.

I. Observavit Orbis Ecclesiastes Paulus, quorundam è suis fiduciam vacillare, tanquam si spe vana lactarentur: hos nimium pusillanimes instruendos ratus: Teneamus, inquit, spei nostræ in- *Ib. cap. 10. v.* declinabilem confessionem. Nolite itaque amittere confidentiam, quæ magnam *35. &c*

habet remunerationem. Patientia enim vobis necessaria est, ut voluntatem Dei facientes, reportetis promissionē. Adhuc enim modicum aliquantulumque, qui venturus est, veniet & non tardabit. Ergo, nolite amittere confidentiā, quæ magnam habet remunerationem.

Et prima quidem hujus remunerationis ista est: Fiducia hæc neminem fallit aut pudore afficit. Spes non confundit. Fal-
Rom.
cap. 5. lax illa rerum humanarum fiducia mil-
v. 5. lies decipit, nec tamen cautiores efficit deceptos. Pulchre Plato: Spes mortali-
 um, inquit, somnia vigilantium, aut potius desiderantium. Anno Christiano millesimo octogesimo quarto, Odo antistes Guilielmi Angliæ regis frater, fortilegorum vaticiniis inductus, proximum à Gregorio V I I. Pontificem se futurum credidit, & ut viam sibi muneret ad hoc solium per argenteos gradus, pecuniam per nefas undecunque contraxit, jamque Romanis arcibus spe imminens, à fratre Guilielmo in carcerem conjectus est, ubi totū exegit triennium: hoc scilicet solium huic spei debebatur. Nec unquam Odo Romanam tiaram suo capite recepit. Ita multis aliis spes sua dedecori est & damno. Spes
Sap.
cap. 5. impii tanquam lanugo est, quæ à vento
De. 15. tollitur: & tanquam spuma gracilis, quæ à procella dispergitur: & tanquam fumus, qui à vento diffusus est: & tanquam memoria hospitis unius diei prætereun-

tereuntis. Spes ac fiducia in Deum nulli mortaliū probro est: Spes non cōfundit.

Scitote, quia nullus speravit in Domi- *Ecclesi*
no, & confusus est; quis enim perman- *cap. 2.*
sit in mandatis ejus, & derelictus est? *ve. 11.*
aut quis invocavit eum, & despexit illū? *& 12.*

In hanc fiduciam regius psalter sese at- *Pf. 30*
tollens: In te, Domine speravi, ait, non

confundar in æternum. Scite Augusti- *ve. 1.*

nus: Quis est, inquit, qui confunditur? *Aug.*

qui dicit, ego quod sperabam non in- *10. 8. in*

veni. non immerito. Sperabas enim de *Pf. 36.*

te, aut sperabas de homine amico, male- *conc. 2.*

dictus autem qui spem suam ponit in *ante*

homine. Confunderis, quia fefellit te *med.*

spes posita in mendacio, omnis enim

homo mendax. Si autem ponas spem

tuam in Deo tuo, non confunderis,

quia ille in quo spem posuisti, falli non

potest. Spes non confundit.

Hic tu mihi obsecro, fiduciam Moſis,

quam ea pudefacta non sit expende. Cū

Hebræi ex Ægypto digressi, in arctum

omnes conclusi essent, (jam enim à ter-

go hærebat hostis Pharaο, in oculis

montes & mare fugam omnem nega-

bant) Moſes in has preces effusus dici-

tur: Domine, tuum est hoc mare, tuus &

mons qui nos claudit: & hic potest te

jubente aperiri, aut in planitiem solvi, *Ioseph*

potest & mare in terram verti: possu- *lib. 2.*

mus & nos per aerem sublimes effuge- *Antiq.*

re, si nos ita servari, tibi placeat. Hæc *Ind.*

precatus, mare virga percussit, quo ictu *cap. 7.*

repente

repente scissum transitoris expeditissimum iter monstravit. Spes non confundit. Primum igitur fiduciæ munus est, *Non fallere.*

II. Altera ejusdem Fiduciæ remuneratio est, Maxima vitæ tranquillitas. Qui Deo serio fidit, officia sua, quamvis latissime pateant, sine tumultu obit, *Psa. 5.* etiam inter adversa lætus. Lætentur omnes qui sperant in te, Domine. Spe enim *v. 12.* salvi facti sumus. Beati omnes qui confidunt in eo. *Rom. 8.* Augustinus pro more suo, *cap. 8.* pulcherrime, in verba psalmi: Labores *ve. 24.* manuum tuarum quia manducabis, beatus es, & bene tibi erit. Quasi perversè, *Psal. 127.* inquit, videtur dicere non intelligentibus, *ve. 2.* debuit enim dicere fructum laborum tuorum manducabis. Multi enim *Aug. ro. 8. in* manducant fructum laborum suorum: *ps. 27.* laborant in vinea, ipsum laborem non manducant, sed quod de labore ipsorum nascitur &c. Quid sibi vult labores fructuum tuorum manducabis? Modo labores habemus, fructus postea erit. Sed quia & ipsi labores non sunt sine gaudio propter spem, de qua paullo ante diximus: Spe gaudentes, in tribulatione patientes: modo nos ipsi labores nostri jucundant, & lætos nos faciunt de spe. Si ergo labor noster potuit manducari, & potuit jucundare, manducatus fructus laboris ipsius qualis erit?

Germanorum vetus verbum est, patientibus etiam inscribi solitum: Quisquis omnia

omnia Deo commiserit, & hinc tranquil-
lus, & illinc beatus erit. Vere sic est, Deo
semper omnia committere, in hac vita
tranquillitatem, in altera beatitudinem
obtinere. Sed Deo sic committenda sunt
omnia; è manu Dei æque omnia sic ac-
cipienda sunt, ut hæc regula exceptione
non admittat. * Clarissime pius ille scri-
ptor: Et nota, inquit, hanc regulam, Om-
nia è manu Dei acceptandi, tam esse
universalem, ut ab ea nulla prorsus ad-
mittenda sit exceptio: adeo ut non tan-
tum cruces, afflictionesque extrinsecæ
mundi & proximi, à Deo acceptari de-
beant, verum etiam intrinsecæ, quæ ex
imperfectionibus nostris enascuntur:
nam omnia cooperantur in bonum di-
ligentibus Deum.

III Tertia Remuneratio, Robur in
adversis, & animus calamitate insupe-
rabilis. † Iustus quasi fundamentum sem-
piternum, iustus in æternum non com-
movebitur. ‡ Animosissimus rex David:
In Domino sperans, inquit, non infir-
mabor. Optime Theodoretus: Guber-
natorem, inquit, habeas Deum & auri-
gam, & res tua ab illa providentia pen-
deant, nam hoc modo inconcussus ma-
nebis & immutabilis. Tales se gesserunt
tot centena millia sanctissimorum mar-
tyrum. Res nova & rara, pendere in
equuleo, & aduri latera, ridere tamen
& joculari. Multitudinis concursus fieri,
cum missilia sparguntur, cum donativa
aut

gott
alle
ding
erge-
ben/
gibt
hie
die
zeit-
lich
rhue
Und
dort
das
ewig
lebē.

* Bene-
dictus
An-
gulus, in
Reg.
Per-
fect.
fine
libri.
mihi
P. 278.
† Prov.
ca. 10.
ve. 25.
30.
‡ Ps. 25
aut ve. 1.

aut congiaria, cū viscerationes dantur, nil novi est; at vero cum capita decutiuntur, cum sartagines, cum rotæ & cruces proferuntur, cum omnis generis supplicia inferuntur, esse tamen qui accurrant & certent quis prior moriatur, hoc novum, hoc inauditum, hoc tamen, inquit Eusebius, meis oculis vidi: innumeros in Ægypto non ligatos duci extra mœnia in campum: hîc alter alterum prævenire contendens porrigebat cervices. Carnifices defecerunt & gladii: fessi sedebant, alii succedebant; mutabantur gladii, dies non sufficiebat: nullus ex eis nec parvulus morte terrebatur. En heroas ac heroidas invincibiles: non commovebantur, sicut mons Sion. Huc apposite Chrysostomus: Montem dixit, spem in Deum immutabilem, inquit, firmam & constantem, invincibilem & inexpugnabilem. Quemadmodum enim si quis innumerabiles adhibeat machinas, montem nec convellere nec labefactare poterit: ita etiam qui eum aggreditur, qui spem in Deum collocavit, revertetur domum vacuis manibus. Sed cur non dixit absolute: *Sicut mons*, sed montis Sion meminit? Docens, nos non debere animum dejicere in calamitatibus, nec ab eis pessundari, sed à spe in Deum pendentes, omnia ferre fortiter, & bella, & pugnas, & tumultus. Quemadmodum enim hic mons, qui fuerat quandoque desertus,

Chrys.
in ps.
124.
initio,
de
paullo
post
init.

& nudatus habitatoribus, ad priorem redierat prosperitatem, veteri statu recepto, cum incolæ rediissent, miracula rursus ostenderentur, ita etiam vir fortis & generosus, licet ab innumerabilibus invadatur calamitatibus, minime evertitur.

Qui sperant in Domino, mutabunt fortitudinem (humanam in divinam) assumment pennas sicut aquilæ, current & non laborabunt, ambulabunt & non deficient. Beati omnes qui confidunt in eo. Ergo viriliter agite, & confortetur cor vestrum, omnes, qui speratis in Domino.

Isai. ca. 40. ve. 31. Ps. 30. ve. 25.

I V. Quarta remuneratio: Immunitas à plurimis vitiis. Et non delinquent omnes qui sperant in eo. Bernardo teste, Perfecta conversio est ad hoc bonum, ut nil libeat nisi quod deceat vel liceat. Et tunc demum perfecta erat voluntas, cum plene fuerit bona, & bene plena. Hanc autem bene plenam, & plene bonam voluntatem habere censendus est is, qui non suam amplius, sed jam pro sua divinam amplectitur voluntatem, eique se totum devotissima subiectione transcribit. Et hic est qui Deo in omnibus fedit. Quisquis autem felicissimam hanc artem callet, ac re ipsa tam providentiæ divinæ, quam voluntati perfecte se tradit, graves vitiorum insultus non metuit. Vera in Deum fiducia, non tantum inquieti pectoris agitationem, sed

Ps. 33. ve. 23. Bern. tract. de grat. & lib. arb. ante med.

& huic

& huic contrarium torporem mentis ac senium tollit. Diserte hoc ipsum confirmans Bernardus : Ita , inquit , animus si non præsumat de se , sed si confortetur à Deo , poterit utique dominari sui , ut non dominetur ei omnis injustitia. Ita , inquam , Deo innixum nulla vis , nulla fraus , nulla jam illecebra poterit vel stantem deicere , vel subicere dominantem. Alioquin frustra nititur , si non innititur. Disce ergo Deo fidere , etiamsi omnia tibi adversa sint ; disce contra spem in spem credere , & voluntas Domini in manu tua dirigetur.

*Isai.**ca. 53.**v. 10.*

V. Quinta remuneratio : Per veram in Deum Fiduciam velut Omnipotentes efficimur. Libere proclamat Paulus : Omnia possum in eo qui me confortat. Et quamvis cuique nostrum hic obijci possit : Tu longe sequere , & Pauli vestigia adora. Nihilominus tamen quis illorum qui Deo fidunt , non animose dicat ? Pone me juxta te , & cujusvis manus pugnet contra me. Si Deus pro nobis , quis contra nos ? Sed quid opus testimoniis ? Christus disertissime : Si potes credere , inquit , omnia possibilia sunt credenti. In quæ Domini verba egregie Bernardus : Quidni , inquit , omnia possibilia sint innitenti super eum , qui omnia potest ? Nil omnipotentiam Dei clariorem reddit , quam quod omnipotentes facit omnes , qui in se sperant. An non omnipotens , cui omnia possibilia sunt ?

*Phil.**cap. 4.**ve. 13.**Iob.**ca. 17.**ve. 3.**Rom.**cap. 8.**ve. 31.**Marc.**cap. 9.**ve. 23.**Bern.**serm.**85. in**Cant.*

Qua

Qua in re nescio an unquam præclar-
 rius quid dictum scriptumve sit, quam
 quod idem Bernardus præclarissime di-*Bern.*
 xit scripsitque in hæc verba: Dulcissima *in ps.*
 liberalitas, inquit, in se sperantibus non *Qui*
 deest. Hoc enim totum hominis meri- *habitat*
 tum, si totam spem suam ponat in eo, *serm.*
 qui totum hominem salvum fecit. In te *15.*
 speraverunt Patres nostri, speraverunt *post.*
 & liberaſti eos: ad te clamaverunt, & *med.*
 salvi facti sunt: in te speraverunt, &
 non sunt confusi. Sperate in eo omnis
 congregatio populi: quemcunque enim
 locum calcaverit pes vester, vester erit.
 Pes vester, utique spes vestra est, &
 quantumcunque illa processerit, obtine-
 bit, si tamen in Deum tota figatur, ut
 firma sit, & non titubet.

Cum Apostoli secreto Dominum in-
 terrogassent, cur non & ipsi lunaticum
 adolescentem illum malo genio inſeſſū
 potuerint liberare? Christus cauſſam
 omnem diffidentiae adſcribens: Propter
 incredulitatem, inquit, vestram: Amen *Matt.*
 quippe dico vobis, si habueritis fidem sic- *ca. 17.*
 ut granum ſinapis, dicetis monti huic, *ve. 20.*
 tranſi hinc illuc: & tranſibit, & nihil
 impoſſibile erit vobis. Hic non Christia-
 na ſolummodo fides commendatur, ſed
 & illa fiducia, quæ divina ſe Omnipoten-
 tia ſic induit, ut ardua quævis aggre-
 diatur, & admiranda patret. Quamvis
 Chriſtus non dixerit: *Edite miracula*, ſed
Habete fidem Dei: querelas contra Dei
 Y dif-

dispositionem omitte, pusillanimitate ad ardua trepidantem vincite, omnem à vobis diffidentiam expellite: si non possitis calcare basiliscos & dracones, superbiam calcate; si non voce incendia domare, libidinum vestrarum flammam extinguite; si non leones frenare, pardos & tigrides cicurare, iras reprimite; si non mortuos ad vitam revocare, Invidiam vestro malo vivacissimam jugulate; si non aridas arbores ad virorem reducere, vacuum liberalitate manum fecundiore stipe instruite. Hoc est quod exigit Christus: Habete fidem Dei. Qui hanc habet, ex omnibus malis aliquid boni elicit, ex omni plumbo argenti quippiam & auri colligit, quod artificii

Beeth. lib. 4. de con- sol phil. prof. 6. fine. divini est: Nam, uti Boëthius, sola est divina vis, cui mala quoque bona sunt, cum eis competenter utendo, alicujus boni elicit effectum. Sed de hoc alibi uberius.

CAPUT VI.

Fiduciam in Deum sine cognitione divinae Providentiae vacillare.

Gen. ca. 22. ve. 7. & 8. **I**N moestissima illa profectione Abrahami in montem Moria, ubi jugulandus erat filius, cum tertia jam die dilucesceret, & mons in oculis esset, Isaac qui ligna humeris subvehēbat, patrem gladio armatum interrogans: Pater mi, inquit, ecce ignis & ligna, ubi

ubi est victima holocausti? Dixit autem Abraham: Deus providebit sibi victimam holocausti, fili mi. Pergebant ergo pariter. Utinam & nos, tunc maxime, cum aqua nobis hæret, cum exitum nullum reperimus, hoc unum assidue volveremus animo: *Deus providebit, fili mi, Deus providebit.* Exemplo demonstratur id quod dicimus: Multorum liberorum parens animam agit, hoc unum anxie sollicitus, quid suis liberis sit futurum: frustra vir bonus se cruciat: Deus providebit. Alius corpore quidem sanus, sed æger animo secum disquirat ipse: *Ut se res mea habebunt, cum hoc auxilium, aut auxiliator iste deerit?* vana plerunque sollicitudo: Deus providebit. Alius auri dives & avorū, non item virtutum: *Quid tibi, ait ipse sibi, præter sententiam & spem hoc mihi eveniat?* Homo pusilli animi! Deus providebit. Qui confidunt in illo, *Sapientia* intelligent veritatem. Ita quondam Romanorum Imperator Maximilianus I I. *cap. 3. ve. 9.* sicubi res adversæ animum ejus sollicitarent, conceptum à se symbolum proferrebat: *Dominus providebit.* Ita prorsus, *Germ.* ita ad Deum mentis acies convertenda, *alles* qui non patietur in fraudem impelli *gutta* identem in se.

Abrahamus, quem dixi, illud Dei mandatum divinis promissis, ut videbatur, *in* recta contrarium, quam inexplicabili *gota* fiducia exequi est aggressus? Dicit non *tes* potest, quot fiduciæ actus exercuerit il- *but.*

lo triduo, quo in montem à Deo nominatum profectus est, illud secum assidue repetendo : Deus providebit. Vere providit, modo prorsus admirando. Nam pater, inquit Chrysostomus, sacrificavit, filius seipsum obtulit, Deus utrumque acceptavit, & vita tamen mansit victimæ. Sic Abraham confisus Deo pervenit usque ad montem, usque ad aram, ad ipsum usque gladium, ad ipsum usque filii jugulum, quod jam jam erat secandum. Nimirum altissime combibenti animo vir sanctus, illud usquequaque certissimum : DEVS PROVIDEBIT. Divinum hoc pronuntiatum quisquis vult capere, quotidiano id usu discere optime, tamque in se quam in aliis mira deprehendet divinæ providentiæ vestigia. Et quæso, vitam nostram priorem compendio relegamus : per quot ambages & anfractus divina nos duxit providentia, quot quantisque periculis nos suaviter subtraxit ? Quivis nostrum jure

2. Reg. dixerit : Misit de cælo & assumpsit me
ca. 22. & extraxit me de aquis multis. Præve-
re. 17. nit me in die afflictionis meæ, & factus
& 19. est Dominus firmamentum meum : libera-
vit me, quia complacuit ei. Et quanta
vitæ, quanta corporis animique discrimina non adii ? sed evasi : Deus providebit, Fidamus Deo. Hanc autem confidentiam in Deum non assequetur, nisi qui & Providentiam Dei probe cognoverit, An sit Providentia, fugimus quære-

re,

re, nam recte Clemens Alexandrinus: *Clem. Alex. lib. 5. Strom. sub init.*
 Sunt, inquit, quæstiones quædam dignæ
 quæ puniantur: cuiusmodi est quæ-
 re probationes, An sit Providentia, cum
 sit manifesta divina Providentia ex ad-
 spectu omnium quæ videntur effectorū,
 quæ arte & sapientia constant. Est ergo
 Providentia.

I. Sed quid est providentia? Est ipsa, *strißi- mis ar- gumen- tis & testi- moniis demon- strat in Theol. Natur. Theo- philus Ray- naudus dist. 8. qua. 3. mihi p. 893.*
 inquit Boëthius*, divina ratio in summo
 principe constituta, quæ cuncta dispo-
 nit. Optime de hac re Damascenus ‡:
 Providentia, inquit, est voluntas Dei,
 per quam res omnes apte congrueque
 gubernantur. Rem sic capiemus: Vidit
 Deus ab æterno qua ratione quævis res
 creata suum finem posset assequi; simul
 etiam omnia impedimenta vidit, quæ in
 assequendo fine occursura essent. Dein-
 de hic idem optimus Deus, sanctissima
 sua voluntate, ea delegit subministran-
 da auxilia, per quæ omnes homines ad
 suum finem quam optime ducerentur.
 Hæc vero statim ab Orbis ortu propo-
 suit, & in opus deduxit per immensam
 suam potentiā. Ita divina Providentia,
 ut Dorotheus loquitur, fons est bonorū
 omnium. Hanc omnes philosophorum
 turbæ agnoverunt. Hinc illa: Deum se-
 quere; Cum Diis pugnare noli; Id supe-
 ris curæ; Viderit Iupiter; Hoc in geni-
 bus ‡ Dam.

Y 3

*lib. 2. de Fide Orthodoxa. cap. 29. Quamvis autem Provi-
 dentia Dei consistat in actu intellectus divini, illum tamen
 comitatur actus voluntatis.*

bus Iovis fitum, aliaque talia prisci
 usitata. Et hanc suam providentiam
 Deus mox ab initio, ipsis etiam oculis
 ingessit per Orbis Diluvium, per Sodo-
 mæum incendium, per Calamitates
 Ægyptias, per Alimoniam è nubibus
 submissam tot centenis millibus He-
 bræorum: quibus insuper inspectanti-
 bus leges condidit; præsentiam suam
 monstravit, viæ ducem statuit columnā
 lucidam & igneam, emisit effusissimos
 volucrum nimbos, victorias dedit admi-
 randas. Habet Deus providentiam om-
 nium omnino rerum creatarū. Res cer-
 tissima est. Clamat Sapiencia: Pusillum
Sap. & magnum ipse fecit, & æqualiter
cap. 6.
ve. 8. cura est illi de omnibus.

Vt autem nos Providentiæ divinæ no-
 titiam altissima mente defigamus, hoc
 in fundamentum ponimus: Nihil uspiā
 Orbe toto fieri fortuito, & casu. Si res
 ad nostram duntaxat seu providentiam,
 seu scientiam examinemus, plurima ca-
 su quodam & forte fortuna fieri puta-
 bimus, si ad divinam Intelligentiam, ni-
 hil fit casu. Divina namque intelligentia
 infinita est, extenditq; se sine ullo labore
 ad omne quod intelligi potest. Deus
 puncto temporis, uno eodemque, sic di-
 cam, ictu oculi finis omnes & abyssos
 cæli, terræ, maris, inferorum penetrat
 ac pervidet. Rectissime Iobus: Nihil,
Iob. c. 1
ve. 6. inquit, in terra sine caussa fit. Omnia in
Sap. 11
ve. 21. mensura, & numero, & pondere dispo-
 suit

fuit Deus ab æterno. Ita in rebus omnibus divinæ gubernationis admirabilissima elucet providentia, quæ non præest solum rebus omnibus, sed interest, imo inest. Nos sæculi plurima putamus casu fieri, quæ tamen omnia ab æterno Dei consilio & providentia proveniunt.

II. Sapientissime Augustinus: Et sic omnia, inquit, ad divinæ providentiæ regimen referantur, quæ itulit quasi casu, & temere, & nulla divina administratione fieri putant. Exemplo res patefiet: Herus è domesticis dnos, herilis consilii ignaros, diversis viis mittit ad eundem omnino locum. Hic alterum alteri occurrere casus est, non domino, sed servis: Ita thesaurum reperiri à paupere fossore, casus est quidem illi pauperculo, sed non Deo, qui opes illic ideo recondi voluit, ut eas hic ipse mercenarius eo loci fossurus reperiret & ditesceret, non casu, sed paterna Dei providentia. Deo nil penitus fortuitum est. Idcirco

— *nemo temeraria credat*

Fortuitove geri mundana negotia casu.

Omnia lege meant, quam rerum Conditor illis

Sanxit ab æterno. —

Canem pinxerat Apelles, cumque in reliqua omni parte sibi ipse satisfacisset, exprimere in eo spumam anhelantis se posse non judicabat: displicebat autem ars ipsa, nec alia inveniri poterat, & vi-

*Aug.
in ps. 9
post.
med.*

*Plin.
lib. 35.
ca. 10.
post.
med.*

debatur spuma illa pingi, non ex ore nasci, sicque longius à veritate discedere: Absterferat sæpius, mutaveratque penicillum anxio animi cruciatu, & nullo modo sibi approbans, cum in pictura verum esse non verisimile vellet. Postremo iratus arti, spongiam eam impegit in viso loco tabulæ, & illa reposuit ablatos colores qualiter cura optaverat. Hoc exemplo similis & Nealcem successus in spuma equi similiter impacta spongia secutus dicitur. Nos hæc talia merissimos casus interpretamur, & totū fortunæ tribuimus, quæ in pictura fecerit naturam. Erramus splendide; nam quod fortunam dicimus, altissima Dei sapientia & providentia est. Qui fortunæ aliquid tribuunt, Dei providentiam sepeliunt. Non casu fiebat, quod maxime casu factum videbatur, ut cadaver, metu latronum abjiceretur in sepulchrū Elisæi, cujus ossa cum attigisset homo ille sepeliendus revixit. Non casu Moses in viminea fiscella expositus, à filia Pharaonis inventus, & adoptatus est. Nec casu rex Ahab inter cervicem & scapulas læsus est: Accidit autem ut unus è populo sagittam in incertum jaceret. Certissima Dei manu ferebatur hoc telum, sicut & illud in Iulianum Apostatam: solum jacenti res erat incerta. Non casu aut fortuito hirundines Tobix domum involabant, & virum optimum visu priyabant. Hanc tentationem ideo per-

4. Reg.
ca. 13.
ve. 21.

Exod.
cap. 2.
ve. 3.
9.
2. Par.
ca. 18.
ve. 33.

permisit Dominus evenire illi , ut posteris daretur exemplum patientiæ. Diserte *Tob.*
 Angelus : Quia acceptus eras Deo , in- *cap. 2.*
 quit , necesse fuit ut tentatio probaret *ve. 12.*
 te. Nihil fit casu. Ita minime casu factū , *Eccl. 12.*
 quod Christo nascituro universus Orbis *ve. 13.*
 ab Augusto describeretur. Ad fontem *Luc.*
 Sichar non casu consedit Christus cum *cap. 2.*
 Samaritide collocuturus. Hæc omnia *vers. 1.*
 in tabulis divinæ Providentiæ annotata *Ioan.*
 sunt , ab omni ævo. *cap. 4.*
vers. 5.

III. Cum Cyprianus & Iustina velut capitis rei ducerentur, Theoctistus equo vehens , hoc solum dixit : Cum his hominibus inique agitur. Mox à Felicio assessore iussus est equo dejici , & cum iisdem duci ad supplicium. Iudicia tua, Domine , abyssus multa ! subitus hic casus videri potuit ; Dei providentia fuit.

Cum sanctus Ignatius Lojola è pedis vulnere jaceret æger , fallendo tempori librum petiit, quiequestraria , & hoc genus profana ludicra commentis fucaret. At casu factum (ita nos loquimur) ut ea fabularum mendacia domi nusquam essent; sed eorum vicem duo longe melioris argumenti codices ægro ferrentur: Altero Vita resque à Christo Domino gestæ, altero ab Cælitibus reliquis facta facinora perscribebantur. Hi libri salutis principium fuere Ignatio , aliisque post Ignatium innumeris. At hos libros non Casus aut Fortuna, sed æterna Dei Pro-

Y 5

viden-

videntia benignissime , huic loco , huic
& lectori destinavit.

Paphnutius interrogatus, quid causæ foret, quod illi proficerent , deficerent isti, sub eodem magisterio; hi caderent, illi starent? Respondit: Quæcunque fiunt , aut ad Dei beneplacitum , aut ex permissione Dei fieri : & omnia quidem quæ cum virtute conjuncta essent , secundum Dei beneplacitum ; cetera vero quæ cum vitiis haberent affinitatem, damna & injurias in Orbē invehent, Dei permisso fieri. Cur autem Deus tanta tamque frequentia mala permittit? Hic jubet Plato quiescere : judicia Dei abyssus multa. Hoc optime cepit , qui dixit : Sine consilio & providentia tua, & sine causa nihil fit in terra. Didici etiam ex hoc inscrutabile judicium tuū expavescere, qui affligis justum cum impio , sed non sine æquitate & justitia. Præclarissime Augustinus: Surgunt procellæ stagni hujus , inquit , vides malos florere, bonos laborare; tentatio est, fluctus est , & dicit anima tua : O Deus, Deus hæccine est justitia tua , ut mali florent, & boni laborent? & Deus tibi respondet : Hæccine est fides tua? Hæccine tibi promisi, aut ad hoc Christianus factus es , ut in sæculo floreres?

Componamus ergo animos, & in Providentia Dei acquiescamus, quamvis impios dominari , pios opprimi, religionē everti, justitiam extinguī videamus : nihil

Thom.
de
Kemp.
lib. 3.
ca. 50.
nu. 4.
Aug.
in psal.
25.

hil enim horum fieret, nisi Deus id singulariter permetteret: non permetteret autem nisi justissimæ rationes ei suppetent, atque adeo nisi melius esset, sic permittere quam impedire. At inde gravia incommoda, & ingens animorum jactura sequitur. Dolendum hoc quidem, sed moderate, quia justissimis de causis sic placuit Deo, qui è magnis malis bona majora, velut gladium è vagina novit educere. Nec refert hoc arcanum Dei regimen non ita jam apparere: supremo dierum tanquam in speculo cerneretur totus humani generis decursus, & omnis Providentiæ divinæ ratio, qua Deus & in singulis regnis, opidis, familiis, & cum singulis hominibus est usus, ut pateat quam benignus fuerit Deus in delinquentes, & quam quisque illorum plus minusve sit inexcusabilis, quam denique hæc gubernandi forma, qua usus est Deus, fuerit & naturis rerum, & patefaciendæ ipsius gloriæ accommodata. Hoc jam sciamus, è malis omnibus Deum boni aliquid elicere. Quid tristius gentis humanæ lapsu? eam tamē Deus sic iterum erexit, ut præstare videatur sic lapsam esse, quā semper stetisse. Mors Christi, summum in Orbe flagitium, eadem tamen fuit, & Orbis salus.

I V. Pachomium quondā adiit Theodorus vehementi capitis dolore vexatus, petiitque hanc à suo capite intemperie præ-

precibus averteret. Cui Pachomius : Putasne , inquit , hunc capitis cruciatum , aut simile quid , sine Dei permissione & voluntate contingere ? Sustine , & cum voluerit Deus , medebitur : bona est à cibus abstinencia , bona in egenos beneficentia , plus tamen lucratur æger , cum patiens & longanimis nutum divinum attendit. Hinc intelligere licet quam is minime tranquillo futurus sit animo , qui in divina Providentia non quā optime fuerit fundatus. Sed nec ille diu miser esse poterit , qui hoc divinæ Providentiæ arcanum fide viva penetrarit.

Pf. 33. Multæ quidem tribulationes justorum ,
ve. 20. at de omnibus his liberabit eos Domi-
us. 21. nus. Custodit Dominus omnia ossa eo-

rum , unum ex his non conteretur. Tot in humano corpore officula sunt & ossa , ut hominē dixeris Ossuariam. Ossū quædam clavorum vice sunt , ut dentes ; alia sunt ut pyxides , ubi medulla , præsertim in coxis & tibiis ; aliqua quasi confuta sunt ut cranium , alia aliis infixæ sunt , sicut januæ uncus cardini. Galenus

Galen. medicorum Princeps , in humano corpo-
lib. de re ossa ducenta numerat. Viringus inter
format. medicos celebris , ducenta viginti qua-
fatus. tuor assignat. Horum quodlibet , uti Galenus docet , quadraginta fines seu scopos , in usum corporis habet , adeo artificiosè inter se omnia collocata sunt. Ergo ut ossa solum humani corporis in ordinem reponantur , plusquam octies mille

nille scoporum seu finium observandi:
Unicum ex his non conteretur, Deo non
annuente; Custodit Dominus omnia of-
ficia eorum. Neq; vero Deus ut architectus
est, qui cum struxit domum, deserit:
Deus operi suo momentis omnibus nō
adeest tantum, sed assidue in eo habitat.

Seraphinus Firmanus vir eruditus &
sanctus, secretum notatu dignissimum
exponens; Sanctorum vita, inquit, per
singula rerum ac temporum momenta
à Deo sic temperatur ac regitur, ut om-
nia in eorum cedant bonum. Quid ni
omnia? Nam, scimus quoniam diligen- *Rom. cap. 8. ve. 28.*
tibus Deum omnia cooperantur in bo-
num. Ita Deus suos singularissima tue-
tur providentia; adjecit illis oculum
qui non sopietur. Hinc amabilissimum
illud inter Deum sanctosque homines
certamen: Illis nil suavius, quam id sem-
per velle facere, quod Deo placeat: Nec
cedit his Deus, facitque semper, quod
suos scit velle. Ludovicus Carbo vir ævo
nostro inter Venetos magnus, rationi-
bus docet, virum justum tam esse gra-
tiosum apud cæli Regem, ut quicquid
rogat, impetret. Ioannes Apostolus hoc
ipsum planissime affirmans: Fiduciam, *1. Ioan. cap. 3. ve. 22.*
inquit, habemus ad Deum, & quicquid
petierimus accipiemus ab eo: quoniam
mandata ejus custodimus, & ea quæ
sunt placita coram eo, facimus. Et ea-
dem ista tertium repetit, ne ullus sit lo-
cus diffidentiae.

Dicta.

Ezech. Dictaverat Deus Ezechieli vati panē
cap. 4. immundum ex hordeo, faba, lente, milio
 pinfendum, & humano fimeto conte-
 gendum. Horrorem ostendit Vates, mox
Gen. sententiam mutavit Deus. Iacob lucta-
ea. 32. tor: Non dimittam te, inquit, nisi be-
v. 26. nedixeris mihi. Factum. Thomas Aquinas in morbo peregrinos pisces esuriit, mox eos miraculo accepit. Res liquet; Deus voluntatem timentium se faciet, & deprecationem eorum exaudiet, & salvos faciet eos. Sed & arcanissima quæque suis detegens Deus: Num, inquit, celare potero Abraham quod gesturus sum? Nec aliter Christus: Vos autem dixi amicos, inquit, quia omnia quæcunque audivi à patre meo, nota feci vobis.

V. Ludimagister, qui puerulos litteras formare docet, quandoque manū unius ducit, alterius nullam habet curā. Quid causæ est? Ille puerulus bonæ indolis est, ingenuus, docilis, morigerus: iste importunus, inobsequens, intractabilis, asinus ad Iyram. Ita Deus voluntatem timentium se facit, sicque illos custodit ac regit per singula rerum ac temporum momenta, ut omnia in eorum bonum cedant; immorigeris istis & rebellibus
Is. c. 1. dicitur: Cum multiplicaveritis oratio-
ve. 15. nem, non exaudiam. Quid ita, ajunt, cur nos non æque custodit ac regit Dominus, sicut illos, & illos, & istos? Vos
Pf. 33. ipsi in culpa estis; Oculi Domini su-
ve. 16. per
et 17.

per justos, & aures ejus in preces eorū.
 Vultus autem Domini (vultus indignatione plenus) super malos, ut perdat de terra memoriam eorum. Morigeris illis à Deo promissum : Cum transferis per
Isai. ca. 43. v. 2. & ca. 58. ve. 9. Zach. cap. 2. vers. 5.
 aquas tecum ero , & flumina non opor-
 rient te , cum ambulaveris in igne , non
 combureris ; clamabis , & dicet : Ecce
 adsum. Et ego ero ei, ait Dominus, mu-
 tus ignis in circuitu, & in gloria ero in
 medio ejus. Hominis ad Dei Voluntatē
 se formantis animum, Deus velut solium
 suum occupat , in eoque tanquam rex
 residet. Adsint jam qui hunc hominem
 velint lædere, Deo licentiam non conce-
 dente. Insignissime dixit Ambrosius :
 Dominus dormit tepidis ; vigilat perfe-
 ctis. Non quod illorum obliviscatur
 quos monet, reprehendit, excitat, casti-
 gat ; sed quod suam in suos providentiā
 singularibus modis & argumentis plu-
 rimis demonstret. Iacob interrogatus à
Gen. ca. 33. vers. 5.
 fratre de comitatu: Parvuli sunt, respon-
 dit , quos donavit mihi Deus servo tuo .
 Ita placide illum docuit (ait Chrysostō-
 mus) quanta erga se Dei fuerit provi-
 dentia. A Deo probi curantur ut amici,
 ut filii, improbi ut mancipia & servi. Et
 quamvis Deus pæne invitus naturæ tur-
 bet ordinem, eum tamen millies iterum-
 que millies in amicorum suorum gratiā
 invertit. Hinc res gestæ Divorum tot
 prodigiis & miraculis admirandæ.

Hæc admirabilis Dei Providentia in-
 stat

star scalæ est, quam Iacob sub dio pernoctans vidit à terra in cælum usque pertingentem. Omnia cæli terræque negotia providentissimus Deus jam ab æterno habuit in expedito. Attingit enim à fine usque ad finem fortiter, & disponit omnia suaviter. Nam, Tua, Pater, providentia ab initio cuncta gubernat. Non enim est alius Deus quam tu, cui cura est de omnibus, ut ostendas quoniam non injuste judicas iudicium. Ea hujus providentiæ vis est, ut re nulla impediri, falli, tardari aut flecti possit: ea vero suavitas, ut nil agat contra cuiusque naturam, fortissime ac suavissime omnia & prævidendo & disponendo.

Sap.

cap. 8.

ve. 1.

Eccl. 14

ve. 3.

Homerus

Iliad.

9.

I. Lip.

L. 1.

Const.

ca. 13.

Simile quid somniarunt veteres, catenam auream fabulati, quæ cælo demitteretur in terram, & ubi omnia comprehendisset, in cælum denuo attraheretur.

Est igitur in Deo, fuit, eritque pervigil illa & perpes cura, qua res omnes inspicit, adit, cognoscit: & cognitas immota quadam & ignota nobis serie dirigit ac gubernat. Id autem est quod Providentiam hîc vocamus, de qua sæpe non dubitamus, sed querimur, ut pueri severiorē patris disciplinam exosi. Mittamus aliquando has querelas, & si sapimus, sequamur ab alto attrahentem illam vim, & æquum censeamus, ut homini placeat, quicquid placuit Deo.

Quare ad infinitam Dei Providentiam quotidie confugiamus. Cum enim Orbem

hem tot ac tantis sceleribus oppletum
aspexerimus, illud una veniet cogitan-
dum: Quoniam prospicit quod veniet *Ps. 36.*
dies ejus. Si ex Orbe reducamus oculos *ve. 13.*
domum, & nos ipsos intueamur, provi-
dentiam circa nos tam pervigilem, tam
plenam amoris observabimus, ut nec
unicus quidem capillus capite defluat,
d ignorante aut vetante divina provi-
dentia. Hinc Augustinus excelsa animo: *Aug.*
Quid mihi deerit, inquit, si membra mea *serm. 4.*
dilaceret inimicus, quando capillos me-
os dinumerat Deus? *de mart.*

CAPUT VII.

*Quanta Dei Providentia sit circa vitam ne-
cessaria.*

OMnia quidem in manu Dei sunt,
non male tamen quispiam dixit,
tres claves Deum penes se habe-
re, quas nemini committat: unam qui-
dem clavem ad promendas pluvias, ven-
tos, nives & alios ejuscemodi partus æ-
ris; clavem alteram ad referenda sepul-
chra, & revocandos in vitam mortuos;
tertiam ad penu & omne genus alimo-
niæ. Quod si Deus has promptuarias
cellas occludat, quis aperiet? Ergo Deus
rerum omnium promus condus: ab ipso
impetrandum, quicquid ducendæ vitæ
necessarium est.

I. Marcus Anachoreta dicere solebat:

Z

Qui

Qui Deo non fidit in his caducis, quanto minus fidet in aliis æternitatem spectantibus. Et primum argumentum quo Christus in nostram diffidentiam usus,

Matt.
cap. 6.
ve. 25. hoc est: Nonne anima plus est, quam esca, & corpus plus quam vestimentum?

Hic validissimis argumentis eximit animo sollicitudinem illam pessimam circa vestitum & victum, docetque in alma Dei providentia unice confidendum. Si enim Deus tam providens & liberalis est in iis, quæ videntur operosiora, cur Deum oblivionis arguimus aut incuriæ in ceteris minus operosis? Si corpus dedit, cur vestem neget? qui donat equum, cur subtrahat frenum? Nonne vita pretiosior est quam id quo alitur vita, & corpus præstantius quam id quo tegitur corpus? utique. Qui ergo nihil sollicitis, imo nec quidem existentibus nobis in rerum natura, vitam corpusque dedit, dabit procul dubio & ea quibus vita & corpus sunt sustentanda, præsertim cum ipse voluerit vitam corpusque his indigere. Si ergo majora dedit ultro, declaravit se minora etiam & posse, & velle dare. Dabit autem non quidem otiosis nobis, quos non ad otium creavit, sed vacuis sollicitudine, hanc enim Deus in se vult rejici. Pulchre Iobus de corvorum coco interrogans: Quis, inquit,

Iob.
ca. 39.
ve. 3. præparat corvo escam suam, quando pulli ejus clamant vagantes, eo quod non habeant cibos. Hoc ipsum ab avibus

bus sumptum argumentum ingerens & Christus : Respiciite , inquit , volatilia cæli , quoniam non ferunt , neque merunt , neque congregant in horrea , & pater vester cælestis pascit illa : Nonne vos magis pluris estis illis ? Hoc ipsum sæpius inculcans hic è cælo magister : Nonne, inquit, duo passeressælle veneūt, *Matt. ca. 10.* & unus ex illis non cadet super terram *ve. 29.* sine patre vestro? Vestri autem & capilli *& Luc. ca. 12.* capitis omnes numerati sunt. Nolite *ve. 7.* ergo timere; multis passeribus meliores estis vos.

Alterum argumentum sumit à brutis animantibus , quæ citra omnem sollicitudinem pascuntur, ut vel in illis discamus amplitudinem divinæ providentiæ, in quam recumbamus. Hanc enim ut apertissimam faciat , non adducit pastū in deserto Israëlem annis quadraginta : non laudat Eliam à corvis nutritum, sed brutas animantes objicit, idque non leones , urfos , elephantes , aut alia id genus grandia animalia, quæ & ipsa divinitus pascuntur , sed animalium minima, aviculas, quæ cum cantui fere vacēt, & veluti obiter sumant cibum, maxime à sollicitudine liberæ videntur. Et homo qui pluris est innumeris aviculis, Deumque non Dominum tantum , sed & Patrem agnoscit, sic angatur animo?

Post demonstratam Dei providentiã in aviculas & capillos, quam circa flosculos gerat ostendens : Considerate, in-

Matt. quit, lilia agri, quomodo crescunt : non
cap. 6. laborant , neque nent. Dico autem vo-
v. 28. bis, quoniam nec Salomon in omni glo-
 ria sua coopertus est sicut unum ex istis.
 Si autem fœnum agri quod hodie est,
 & cras in clibanum mittitur , Deus sic
 vestit, quanto magis vos minimæ fidei ?
 Videte igitur quam non solliciti sint a-
 grestes flosculi , de suo, quo triumphant
 vestitu, nam omnem decorem suum uni
 Deo referunt acceptum , aperte professi
 se nihil debere humanæ curæ. Rerum
 naturam , quæ à Dei providentia est ,
 hominum industria & cura imitari po-
 test, assequi non potest. Adeo ut magni-
 ficentissimi Regis Salomonis exquisitus,
 atque ad miraculum usque ornatus ac
 pretiosus cultus , floris contemptissimi
 elegantiam neutiquam exæquet. Vos
 jam ipsi iudicate, si Deus vilissimas her-
 bas brevi demetendas & in furnum ra-
 piendas tam pulchre amicit, quanto ma-
 gis vos, immortalitati à se conditos, ve-
 stiet, curabitque necessaria , non tegan-
 do tantum corpori, sed si opus sit, etiam
 ornando. His & tertium quoque argu-
Matt. mentum adnectit Christus , & : Quis
cap. 6. autem vestrûm cogitans, inquit , potest
ve. 28. adjicere ad staturam suam cubitum u-
 num ? Imo minuet potius sollicitudi-
 ne : nihil hîc ullius industria profecerit.
Luc. Si ergo, inquit Lucas, neque quod mi-
cap. cit. nimum est potestis , quid de ceteris sol-
 liciti estis ? si rem tantillam vel maxima
 sol-

sollicitudo non promovet, ut scilicet corporis statura nonnihil augeat, quomodo corpus in vita servare poterit quantavis annonæ opumque congesta copia, nisi adspiret Dei providentia? Inanis & irritus est omnis labor vester, nisi Deus illum prosperet. Huic ergo alendi corporis curam permittite, cui & augendi, quia hoc quam decentissime ac suavissime, vestris curis nil opitulantibus faciet. Aperit ille manum & implet omne animal benedictione.

Psalms

144.

ve. 16.

II. Cum ergo Deus, quæ ad vitam necessaria, provideat omnibus (Nam, *Sap. æqualiter cura est illi de omnibus*) qui fit tantam ubique multitudinem esse hominum egentissimorum? videtur Deus res humanas suo fluxui permittere. Mira, mi homo, circa pauperum hominum Dei providentia est. Vere Chrysostomus: Non tantum pauperes divitibus, inquit, sed hi illis indigent, & magis. Et fingamus duas urbes, quarum illam soli divites, hanc pauperes soli habitent, nullum poterit inter has esse commercium; in illa nulli erunt opifices, non operæ mercenariæ, nullus illic sartor, pistor, futor, nullus faber, institutor, agricola; has artes opulenti non facitiant, nulli hîc servi, ancillæ nullæ: qualis igitur hæc urbs, si aliena ope destituatur? In altera sat erunt eorum qui calceos suant, qui vestes conficiant, qui agros colant, qui sibi denique re modi-

Chryf.

tom. 5.

orat. de

divit.

&

paup.

Paup.

res vo-

camus.

qui vi-

ctum

manu

aut la-

boriosa

indu-

stria

parant.

ca sufficient. Si omnibus itaque abunde suppeterent ea quæ vitæ sustentandæ sunt, quid demum sequeretur? Interitus omnium opificiorum, operarum fabrilium, artificiorum. Substructiones, navigationes, aucupia, piscationes, mercaturæ pessum irent: & qui domini forent, si nulli essent qui servos se profiterentur? Ita paupertas conservat humanam gentem & ornat: paupertas industrios facit & laboriosos: paupertas sufficit artes. Exulet paupertas penitus ab Orbe, simul boni mores, & Virtutes pæne omnes exulabunt. Edere, bibere, ludere, belluari, græcari & pergræcari, primarium erit negotium: Luxum comitabitur luxuria, divitias vitia. Vbi rerum omnium abundantia est, ibi plerunque etiam vitiorum. Testantur hoc uberes anni, quibus plenæ potatorum cauponæ in omne genus turpitudinis & insaniam despumant. Testatur hoc diluvium cujus principia fuerunt luxus & otium, hinc præmortui pudoris & plena libidinibus vita omnium. En, quanta Dei providentia, quæ à lascivia ad laborem trahit homines paupertate; labor optimos incitat. Quicquid uspiam pulchri cernimus, ab iis elaboratum est, qui pecunia non abundarunt, ideo labores suos vendere coacti sunt.

Prov.
ca. 10. In ipsa porro paupertate quanta Deus
vers. 3. providentia succurrit! Non affliget Dominus animam justi. Beatus Franciscus
 coram

oram Affisinate Præsule vili duntaxat
 in teo tectus : Nunc , inquit , liberrime
 lixero: Pater noster qui es in cælis: Idē
 iis in viaticum dare solitus est illud
 Psaltæ : Iacta super Dominum curam *Pf. 54.*
 tuam, & ipse te enutriet. Romano autē *ve. 23.*
 Pontifici de alimentis sciscitanti respon-
 dit : Matrem quidem habemus paupe-
 rem, Religionem, sed patrem ditissimū.
 Ita prorsus est : hic pater tanta suos cu-
 ra & providentia complectitur, ut cum
 humana defunt auxilia, subministret di-
 vina. Ut annonam præstaret Eliæ, suam
 nobis providentiam ingessit: primo qui-
 dem, prophetæ dapiferos iussit esse cor-
 vos. *Corvi quoque deferebant ei panem & 3. Reg.*
carnes mane , similiter panem & carnes ve. ca. 17.
speri. En , aves rapacissimæ, quæ alioqui ve. 6.
 commissum sibi comneatum consump-
 sissent in via, nisi obstitisset divina pro-
 videntia , jam etiam à dapibus sunt , &
 ad cyathos stant. Deinde hunc ipsum
 Eliam Deus per pauperculam viduam
 pavit , cujus omnes facultates erant pu-
 gillus farinæ , & parum olei quo unge-
 retur, non quo vesceretur , & tamen
 quot farinæ modii , quot libræ olei in
 pauperrimo hoc peno relatebant? Tertio
 cū Elias egestatē suā securo somno so-
 laretur, adfuit alius è cælo dapifer, An-
 gelus , panem & fontem adferens , uti
 Habacuc Danieli messorū tulit delicias.
 Eandem hanc singularem benevolentiam
 Deus sexcentis aliis suorum amicorum

exhibuit, farinam, panes, oleum, vinum, occulta vi augendo, aut cum hæc penitus deessent, insperata gratia submittendo. Et quamvis hæc talia nos ipsi nonnunquam experiamur, nihilominus ingens ubique diffidentia est trepidantiū, ne desint vitæ necessaria: cum Iudæis

Pf. 77 etiamnum vociferamur: Nunquid poterit Deus parare mensam in deserto?
ve. 19. Numquid & panem poterit dare? Ad
Joan. cap. 6. huc Philippi vox auditur: Sed quid hæc
ve. 9. sunt inter tantos? tot hominum fami
Matt. cap. 6. non sufficient ista. O vere minimæ fidei
v. 22. homines! Scit pater vester quia his omnibus indigetis. Nunquid Dei liberalitas nunc quam olim contractior?

III. Paulo inter anachoretas primo annis sexaginta dimidium panem detulit corvus, integrum præsentente Antonio. Ioannes eremicola quatuordecim annis à nullo mortalium visus, cervæ lacte pastus est. Beatus Rochus aliquanto tempore, panem quotidie accepit à cane, quemadmodū Elias à corvo. Non unus eremicularum illorum è palmis & cibū & vestem impetravit; una illis arbor & sartor fuit & pistor. Anno Christiano sexcentesimo quinquagesimo tertio Iudocus Britonum Regis Rethaëli filius, spreto solio in sacerdotium venit, solitarium vitæ genus amplexus, in Brahic loco rivulis cincto cœnobium & templum condidit. Hic in egenos tam pie effusus fuit, ut quodam die non nisi panis uni-

*Zacha.
Lip-
pelo. 13
Decēb.*

cus familiæ superesset, hunc ipsum tamē
 in quatuor partes secari, & quadram
 dari mendico iussit. At ille idem mendi-
 culus mutata veste quartum rediit, &
 omne penu mendicando abstulit. Hīc
 Ulmarus socius mustare & obloqui; at-
 que liberalitati nimiae indignari. Iudo-
 cus hominem solatus, è cælesti penore
 subsidium petere docuit. Paulo post qua-
 tuor naviculæ commeatu onustæ illuc
 appulerunt & omnem religiosæ familiæ
 indigentiam sublevarunt. Optime dixit *Aug.*
 Augustinus: An putas qui Christum pa- *lib. de*
 scit, à Christo non pascitur? *elem.*

Beatus Dominicus sub initium sui Or-
 dinis duos è suis misit qui alibi locorum
 concionarentur. Illi sub vesperem &
 fessi & famelici, sed & tristes gemebant
 se ignotos ad pauperrimas casas deve-
 nisse, ubi auxilii nihil sperandum. Hīc
 unus aliquis occurrens & mœroris caus-
 sas eliciens: Omnia, inquit, Dei causa
 deseruistis magna utique in Deum fidu-
 cia, & nunc trepidatis velut omni spe
 destituti: pecudes Deus pascit, & filios
 finet perire fame? Cum dicto se subdu-
 xit. Illi opidum ingressi, post preces in
 templo fusas, à Curione invitati sunt ad
 cœnam; sed & alius quispiam intervenit
 qui hos ipsos hospitio recipere conten-
 dit; hīc amica lis inter duos, à tertio de-
 mum dirempta est, primæ illic auctori-
 tatis viro, qui & parochum, & alterum
 hospitii jus offerentē in suas ipse ædes

pertraxit & omnes laute habuit. Ita
Ioan. Christus suis post toleratos nocte tota
ca. 21. labores : Venite, inquit, prandete. Et ta-
ue. 12. men hæc omnia quandoque nostram no-
 bis diffidentiam non eripiunt; quicquid
 rerum suppeditet Deus, egestatem me-
 tuimus; inter aquas, aquarum penuriam
 formidamus, & nisi magna nos rerum
 abundantia circumfluat, multa nobis
 defieri credimus. Improba nos identidem
 cogitatio vellicat : Vbi est quod speras?
 Cui optime respondens Augustinus: Spes,
 inquit, nondum pervenit ad rem; &
 ovum est aliquid, sed nondum est pullus.

IV. Mendicum ajunt fuisse, qui ubi
 manticam jam oppletam, & undequa-
 que fartam panibus vidisset, dicere so-
 lebat : *Iam spero*. Huic nos mendico si-
 millimi sumus, tum scilicet speramus
 cum in annos plurimos laute prospectū
 nobis credimus. Nimirum tantum spei
 concipimus, quantum rei præsentis cer-
 nimus. Longe aliter Ioannes Alexandri-
 nus Patriarcha, qui per veram fiduciam
 totus à divina providentia pendebat, qua
 una re maximis calamitatibus facilem
 medelam adhibuit. Fuit ut tredecim fru-
 mentariæ naves, quarum singulæ decem
 millia modiorum capiebant, mergeren-
 tur mari. Media fere pars civium Alex-
 andrinorum ingenti hoc damno affecta
 est: ideo nautæ alique in asylum Alex-
 andriæ confugerūt. Ad quos mox sche-
 dulam misit Ioannes, in qua hoc solum
 per-

perſcripſit : Dominus dedit , Dominus,
 ut voluit , abſtulit. Sicut Domino pla-
 cuit, ita factum eſt : Sit nomen Domini
 benedictum. Exite filii, nihil ob hoc ve-
 riti: Dominus ſollicitus erit de craſtino.
 Poſtero ab hoc die adfuerunt qui opti-
 mum Præſulem ob acceptam cladem
 ſolarentur , at ille modeſte præoccu-
 pans, & culpam omnem in ſe derivans:
 Ego, inquit, liberalem me credebam in
 danda ſtipe , & forſan ob id elatioris
 animi fui, juſte igitur amantiſſimus pa-
 ter filium vane intumeſcentē corripuit
 hac clade. Admonet Deus & revocat
 clementer , plagas aliquot infligens , ut
 iis admoniti ad nos redeamus , imo ad
 ipſum. Sed eſt prorſus idem ipſe ille
 Deus qui Iobi ævo fuit , æque potens,
 æque miſericors , qui non deſeret nos.
 Ita ipſos conſolatores ſuos integerri-
 mus Antiſtes ſolatus eſt. Nec diu fuit,
 ait Leontius, cum grande illud damnum
 duplicato lucro penſatum eſt , & Ioan-
 nes priſtinā in egentes liberalitatem re-
 petiit. Diffidentiam certe ac puſillani-
 mitatem in his talibus exhibere , idem
 pæne eſt, ac dicere: Aut avarus eſt Deus,
 aut obliſioſus. Sed apage impias has
 voces.

Sanctus Amatus nobile fuit ſpeculum
 omnibus iis ſedulo inſpiciendum , qui
 divinam providentiā aut ægre capiunt,
 aut tacite accuſant. Hic poſt annos tri-
 ginta in monaſterio Agauneni exa-
 ctos,

*Leon-
 tius in
 vita S.
 Ioan.
 ca. 27.*

*Zach.
 Lippe-
 100. 13.
 Sept.*

ctos, in rupe solitaria vitam egit continentissimam. Nam è cœnobio assignatus ei socius Berinus, solum tertio quovis die, panem attulit hordeaceũ & hydriã. Hæc tota erat & commeatus, & obsequii ratio. Ægre tulit hanc abstinentiam cacodæmon. Itaque captata occasione, cum vir sanctus in preces effusus genibus niteretur, advolans corvus hydriã evertit pedibus, & panem rostro asportavit; ita omnis in triduum commeatus periit. Quid ad hæc Amatus? fortassis indignari corvo, & rapacissimam avem diris omnibus devovere, atroces voces in Dei providentiam jactare, hæc diaboli machinamenta execrari? Nil horum Amatus: nostræ sunt hæc cantilenæ: ille manus mentemq; cælo attollens: Grati-
as tibi ago, inquit, Domine I E S U, quod sanctissimæ voluntati tuæ placeat, exerceri me longiore jejunio. Scio hoc mihi utile futurum, quandoquidem nihil in hoc Mundo geritur absque tua providentia.

Audite queruli & increduli: Nihil in hoc Mundo geritur absque providentia divina, sine qua nec foliolum quidem arbore labitur: Et vos, domos incendi, naves mergi, fortunas eripi, famam violari, sopira & dormitante hac providentia putatis? rectius senserunt vel ipsi idololatræ: nam quibuscunque illorum sapientiæ aliquid aut sanitatis fuit, res humanas nequaquam temerario aut cæ-
co

co impetu ferri miscerique censuerunt. Ideo, inquit Seneca, fortiter omne ferendum, quia non, ut putamus, incidunt cuncta, sed veniunt. Et quidem à Deo veniunt: quid ergo indignamur, & querimur? *Seneca lib. de provid. cap. 5.*

V. Ad eandem hanc providentiam asfidua mente cogitandam, quotidianis pæne documentis ducimur. Non ita pridem vir religiosus Valentia novem miliarium iter ingressus, sed via nondum omni decursa, æstu, fame, sitique ad omnem lassitudinem confectus, abiecit se sub pirum, & precari cœpit: dum preces iterat, in summa arbore pirum grandiusculum videt: eodem tempore transiens illic viator hominem sub arbore fatiscentem allocutus, ubi audit quæ caussa progressum moraretur, panem album & bene magnū protrahens, partem præsecuit, & dedit instaurandis viribus. Hæc utique credimus, sexcenta talia contingere non nescimus, similia & ipsi experti sumus, nihilominus tam exigua est sæpe nostra in divinam providentiam fiducia, ut nisi marsupia, cistæ, penora, cellæ, horrea, rerum omnium referta sint, animus quoque spe vacuus jaceat, cum vero crumenam cernimus numis differtam, hîc demum speramus.

O male oculati! *Spes quæ videtur, non est spes: Nam quod videt quis, quid sperat?* *Rom. cap. 8. Si autem quod non videmus, speramus; per patientiam expectamus.* *per ve. 24. & 25.* Ea demum vera est

est in Deum fiducia, quando spes in angusto est, & cum rebus arctissimis colluctatur. Videmus mala nostra quæ patimur, nondum videmus gloriam, propter quam patimur: quanto plus tormenti, tanto plus erit gloriæ.

*
 Wan
 wir
 tha:
 ten/
 was
 wir
 sol:
 ten/
 So
 that
 gott
 was
 wir
 wol:
 ten.

Narrat Theodoretus beato Mæsimæ duo fuisse dolia, alterum tritici, alterum olei: ex his liberalissime pauperibus erogabat, neque tamen dolia vacuabat. Et Deus quoque duo habet dolia, illud frumento & omnibus ad vitam necessariis, istud misericordia, liberalitate, providentia plenissimum & exundans: neutrum exhauriri potest. Ad hæc duo gazophylacia recurrendum est, cum reculæ nostræ in fundo suspirant, modo unicum hoc probe discamus, DEO FIDERE, & sanctissimæ ipsius voluntati ex integro nos committere.

Vetus Germanorum verbum est: * Si faceremus, quæ deberemus, Deus faceret quæ vellemus. Hieronymus id confirmans: Sit homo, inquit, qui esse debet, & mox addentur ei omnia, per quæ facta sunt omnia.

CAPVT VIII.

Quanta Dei providentia sit in Amicos.

Zach.
 cap. 2.
 ve. 8.

Magnificum Dei promissum: Qui tetigerit vos, tangit pupillam oculi mei. Et quanta Deus cura juvenem illum citharædum (cum Laurentio Iustiniano loquor) est persecutus, quan-

quantis in periculis, quā multiplici providentia servavit, perinde si unicū hunc hominem suscepisset curandum. Ipse rex David testatus: Domine, inquit, tu cognovisti omnia, novissima & antiqua: tu formasti me & posuisti super me manū tuam: tu cognovisti sessionem meam & resurrectionem meam: intellexisti cogitationes meas de longe: semitam meam & funiculū meum investigasti, & omnes vias meas prævidisti. Mea omnia, Domine, à te jam ab æterno ad minutissimum punctulum expensa sunt.

Psal.

138.

ve. 2.

Eseqq.

I. Sanguinem & vitam Davidis rex Saul perpetuis insidiis petiit. Frustra: *1. Reg.* Deus protexit. Cum vero David in Maonis solitudine lateret, mox adfuit Saul, *ca. 23.* & copioso milite Davidem *ve. 25.* in modum coronæ sic vallavit, ut nullus esset nec effugii, sed nec spei locus. Putabatur fera indagine & canibus cincta. Hic res Davidis desperatissimæ videbantur: Saul pæne jam victor illius capiti proxime imminebat: leo jam faucibus tenere prædam sibi videbatur. Sed frustra & hoc: Deus protexit. Nam subito allatus est Sauli tristis nuncius, irruptionem fecisse alicunde Philisthæos: quare properaret, & hostem arceret finibus. Ita David post omnem desperationem, jam unguibus hærens ferocissimæ tigridis, repente dimissus est liber: Deus protexit. Ita omnes impii regis insidias divina providentia elusit suavissime. Non autem mirum,
David

Davidem, velut oculi pupillam, à Deo sic protectum: norat exactissime David divinæ se providentiæ attemperare. En specimen nobilissimū: Cum Iessæus Rex Dāvid rebellem filium Absalonem fugeret, occurrens in via Semei, & atrocissimis maledictis regem lacerans: Egredere, egredere, ajebat, vir sanguinū & vir Belial. Reddidit tibi Dominus universum sanguinem domus Saul, quoniam invasisti regnum pro eo, & ecce premunt te mala tua, quoniam vir sanguinum es. En prodigiosam hominis improbitatem! Nec divinam legem, nec principem populi, nec suū regem quidquam reveritus, eum contumeliosissime & in os appellat homicidam, ficarium, tyrannum, invasorem regni. Indignissimum facinus! Neque hoc satis, principi omnium hominum mitissimo, ac suorum subditorum amantissimo, extrema insuper calamitate afflicto, ac pæne prostrato, tot probris insultare: majora facinorosus Semei est ausus. Rex David jam è beato miser, qua una re nihil est miserabilius, nudis pedibus, vultu lacrimis confuso incedebat, eum tamen Semei lapidibus velut furiosum canē appetiit, & pro floribus cœnum in eum coniecit; vere unguis in ulcere fodicando. Hic jam singularem & omnibus sæculis admirandam Davidis tolerantiam vide, qua ille divinæ providentiæ subjectissimum se gessit, & gravissimam injuriam quasi divinitus

2. Reg.
ca. 16.
ve. 7.
8.

Vti
vult
Theo-
doret.
q. 32.

divinitus imperatam agnovit. Dixerat Abisai, principis Ioabi frater: *Quare maledicit canis hic mortuus Domino meo regi? cadam & amputabo caput ejus.* Hic Princeps religiosissimus, jam tertium in regem electus, ab impurissimo capite, à homine subdito, quem nec verbo nec facto violarat, tam graviter offensus, non tantum non irasci & fremere, non ulcisci & faxes revolvere, sed sui calumniatoris patronum agere, militum suorum à se ab eo defendere, culpam in se admissam extenuare, violatæ majestatis eum, divinæ Providentiæ instrumentum agnoscere, Deum denique horum omnium auctorem fateri, sic demum præcipere: *Dimittite eum ut maledicat: Dominus enim præcepit ei, ut malediceret David: & quis est qui audeat dicere, quare sic fecerit?* Divinum quid in hac petulantissimi hominis nequitia observans David; Dominus, inquit, præcepit ei ut malediceret. Quamvis autem gravissime Semei deliquerit maledicendo, tamen ideo præceptum id ei dicitur, ut malediceret, quandoquidem Deus pessima Semei voluntate, quâ non fecerat, optime usus est ad corripiendum Davidem.

Ibid.

ve. 10.

De

qua re

Aug.

de

grat.

& lib.

arb.

sa. 20.

& seq.

Eadē prorsus ratio est, in omnibus aliorum hominum vexationibus & injuriis, in quibus optimus Deus pessimorum hominum arbitrio vel ad infantes exercendos, vel ad puniendos fontes utitur. Hæc flagelli loco sunt, cum peccavimus; freni

loco, ne peccemus. Ideo quisquis inique vexatur ab aliis, cum Davide recte dixe-

1. Reg. rit: *Propitius sit mihi Dominus, ne extendam*
 ca. 26. *manum meam in hunc hominem; ego me*
 ve. 10. non ulciscar. Vivit Dominus, quia nisi

Dominus percusserit eum, aut dies ejus venerit ut moriatur. Ita in divinā Providentiam animo semper excelsissimo feramur. Et quamvis nostri contra nos inimici prudentissimis sese consiliis muniant, non est tamen quod eos formide-

2. Reg. mus: Domini nutu dissipatum est con-
 ca. 17. filium Achitophel utile, ut induceret

ve. 14. Dominus super Absalon malum. Eo loco apud Deum sunt probi homines, ut de illis jam olim Deus pronunciarit: Qui tetigerit vos, tangit pupillam oculi mei:

II. Considerate mihi obsecro Iosephū Ægypti proregem, per quos anfractus, per quas ductus est ambages, dum ad illud honoris culmen pervenerit: Tantæ gloriæ principium, fraternum fuit odiū. Neque hīc stetit malorum impetus: Domesticam invidiam ingens excepit malum: Ismahelitis velut mancipium venditus est, & in Ægyptum ductus. Nec blandior illū fors in Ægypto salutavit. Hīc favor dominæ tam exitiosus fuit optimo juveni, quam antea fratrum odium. Cum enim juvenis castissimus quotidianas heræ pellecebras surdis auribus transmitteret, apud herum falso delatus, ad carcerem raptatus, triennio illic innocens detentus est. Sane non sta-

tim

im atque in Ægyptum pervenit, cui triumphali est impositus:

Per varios casus per tot discrimina rerum
ad hoc solii demum evectus est. Et hæc
omnia divinæ Providentiæ jussu sunt
facta. Locupletissimus testis ipsemet Io-
sephus, cum apud fratres de divina hac
Providentiâ differeret: Non vestro con-
silio, inquit, sed Dei voluntate huc mis-
sus sum. Nolite timere, num Dei possu-
mus resistere voluntati? Vos cogitastis
me malum, sed Deus vertit illud in
bonum. Hæc non solum audiamus nos,
inquit Chrysostomus, sed & imitemur,
& ita solemur eos qui nos afflixere, non
imputantes eis, quæ in nos admiserunt,
sed omnia magna ferentes benevolentia.
Siquidem ita solet providentissimus Deus
deterrimos etiam amicorum suorum
eventus lætissimis successibus commu-
tare. Sæpe beneficiis locum fecit inju-
ria; multi ceciderunt, ut altius surgerent
& in majus. Divina providentia non
modo recte factis, sed etiam peccatis,
ad ea quæ destinavit, uti solet. Vidisti
Ioseph? tolle malitiam fratrum ejus, tol-
le invidiam, tolle parricidii commentum,
quo in fratrem sævierunt, simul abstule-
ris omnia illa quibus Ægypti stetit in-
columitas. Nulla fuisset regii somnii in-
terpretatio, nulla in septennium frumē-
tatio, fame periisset Ægyptus, periissent
& finitimæ regiones. Vis clariora? tolle
Iscariotæ avaritiam, & Iudæorum invi-
diam,

diā, simul abstuleris gentis humanæ litrum, Christi sanguinē & mortem. Tolle diabolos; certamina, victoriæ, præmia, magna ex parte cessabunt. Tolle tyrannos; ubi martyres erunt? Hic divinæ providentiæ mos est, nō solū bonis, sed etiā malis ad bonū uti. Iosephi certe venditio, si actionis hujus naturā spectes, efficienter fuit à Deo, at vero ea quæ hac actione tegebatur nequitia, à pessima fratrum voluntate. Providit autem Deus plurima, quibus hanc omnem injuriam emendaret. Pulchre hīc Gregorius: Ecce, inquit, quomodo sapiētes in ipsa sua sapientia vis divina comprehendat! Ideo venditus fuit Ioseph, ne adoraretur, & ideo est adoratus quia venditus. Idem Mofi contigit. Quem enim Pharaō rex morti destinarat, hunc Pharaonis filia, Deo instigante, sibi educandum commendabat. In aula tua, Pharaō, nutrire cogeris eum, qui vindicaturus est illos, quos tu extreme persequeris. Novū miraculum, inquit Augustinus, filia parricidæ fecit opus maximum misericordiæ. Non est sapientia, non est prudentia, non est consilium contra Dominum.

Greg.
lib. 6.
mor.
ca. 14.

Prov.
ca. 21.
v. 30.
Me-

taphr.
die 28
Sept.
Floruit
Charit
Ann
376.

III. Chariton, cum Hierosolyma tenderet, latronum insidiis interceptus, in spelæum illorum tractus, & catenis alligatus est. Latronibus alio ad prædam dilapsis, Chariton hoc unum agere, Deū divinamque providentiam maximis laudibus extollere. inopinatam illam per-

mis-

nissionem secum expendere, ob eamque
 patri amantissimo gratias agere, eidem-
 ue se impensissime commendare, nec
 aliud velle quam divinam in se volunta-
 tem perfici. Dum hæc animo volvit, ser-
 pens è latebra prorepit ad camellam
 lactis plenam; bibit hinc largius non vo-
 catus hospes, sed pro symbola, quod in-
 grati solent, venenum refundit. Vbi la-
 trones in notum cubile redierunt, primū
 erat contractam firim lactea promulside
 propitiare; biberunt liberalius quam ser-
 pens, sed ita ut nil biberent amplius,
 nam paullo post concepto intra venas
 veneno, extincti sunt omnes. Ergo jam
 Chariton latronum ex asse hæres, & so-
 lus infamis latibuli dominus, divinæ se
 providentiæ ardentius quam unquam
 commendavit. nec frustra: vinculis ope
 divina laxatis, pro miserabili ergastulo
 habitaculum reperit opulentum, & pe-
 cuniam quidem illic inventam, partim
 sublevandis egenis, partim monasteriolo
 condendo adhibuit. Ipsa latrocinantium
 specus in templum mutavit, ubi tam Iu-
 dæi quam idololatræ Christianis sacris
 imbuti sunt. O admiranda divinæ pro-
 videntiae stratagemata! Optime Tobias: *Tob.*
 Si me ipsum, inquit, tradam tibi servum, *cap. 9.*
 non ero condignus providentiæ tuæ. *ve. 2.*

Sancta Monegundis ad illā vitæ san-
 ctimoniam nunquam pervenisset, nisi
 eā divina providentia per varias amba-
 ges illuc duxisset. Duas habuit filias Mo-

negundis excellentis formæ virgines, quibus omnem curam & amorem impendit mater, tunc temporis parum pia. Hanc peccandi illecebram amoliri placuit divinæ providentiæ. Ita ambæ filiæ præmatura morte sublatae sunt. Mater suo ipsa funeri velut superstes, omnem odisse vitam, capillos vellere, lacerare genas, omne doloris solatium spernere, nec aliud velle quam filias celerrime sequi moriendo. Postquam lacrimis non-nihil egestus dolor, luctu jam remittente, compos sui facta Monegundis: An non, inquit, insigniter fatua sum, quæ divinæ providentiæ tam contumaciter reclamo? quid ago? an nesciebam me genuisse filias mortales? an ad hoc natae sunt, ut mori non possent? Dei mater, Dei filius, homines Deo charissimi moriuntur, & ego indigner filias meas desiisse vivere? quæ forsitan ideo morte occubuerunt, ne succumberent vitiis. Quid igitur meis querelis Deum incesso, qui nihil potest mali velle; quin stultam hanc lamentationem finio, & in divinæ voluntatis ac providentiæ sinu me totam compono? Ita dixit, & fecit: Mundum res suas habere iussit, ipsa in domunculam cum ancillula se conclusit, Deo deinceps omni conatu servitura. Hanc vitæ mutationē Superis placuisse miracula manifestum fecerunt. Monegundis namq;

De plurimos ægrotorum sine pharmacis
Glor. consanavit, Gregorio Turonensi teste.
Confess. 11. 24.

Tanti

Tanti est ex integro divinæ providentiæ se permittere. Verissime dixit Augusti-*tom. 8.*
 nus : Qui habuit curam tui antequam *in psal.*
 esses, quomodo non habebit curam tui, 39.
 cum jam hoc es, quod voluit ut esses?

I V. Robertus , primus Molis mensis abbas , divinæ providentiæ studiosissimus cultor, quicquid potuit in pauperes erogavit. Fuit ut duobus mendicis ante fores expectantibus duos panes juberet dari : at œconomus se opponere, & nec in prandium quidem suffecturam annonam dicere. Quid ergo , inquit Robertus, prandebimus ? nescio , ait œconomus. Suboluit hñc viro sancto , aliquid tenacitate male provida recondi. Igitur re divina peracta cum signum daretur ad mensam, sciscitatus est abbas , unde panes illati essent ? paucos, inquit obsonator , pro nobis reservavi. Robertus religiose excandescens panes omnes in canistrum jussit colligi , & mox ad mendicos foras efferri, & ad suos versus : Ne, inquit, parendi contumacia, & diffidentia domi nostræ latius grassentur, jejunium & fames docebunt nos Deo fi-
 dere. Volebat Robertus , ut sui omnes à
 liberalissima Dei providentia toti pen-
 derent , velut infans à matris viribus.
 Optimum pharmacum malæ parsimonia, inedia.

* Narrat Dorotheus, senem religiosissimum è stomachi languore cibos navasse diebus aliquot. Juvenis qui seni
 A a 4

serviebat, appetentiam cibi revocaturus,
 edulia mellita censuit coquenda. Itaque
 è duabus ampullis illam arripit inconfi-
 deratus, qua foetidissimum oleum è lino
 servabatur, errorem texit vasorum si-
 militudo. Ergo ut seni faceret bene, lar-
 gius affudit non mel, sed ipsam pæne
 mortem, coxitque puliculam, nec cani-
 quidem apponendam. Senex ægrotus
 vix gustavit fatuum cibum, & sui coci
 manum errasse deprehendit, filuit tamē,
 & ultra vires comedit; tandem reluctan-
 te stomacho posuit cochlear, nec verbu-
 lo quidem ob corruptissimum ferculum
 conquestus. Hic socius hortari, & urge-
 re, liberalius ederet dulciculū opsoniū,
 se omnem in eo artem consumpsisse, va-
 letudini hoc mire facturum, & vero
 etiam se præire velle nobilem hanc da-
 pem sumendo. At optimus senex adeo
 bilem in flatatione continuit, ut non tan-
 tum non asperiore voce ulla, sed nec
 cogitatione quidem acerba in socium
 commotus, hoc unum excusarit, succū-
 bere se his ciborum cupediis. Socius er-
 go mellitas has pulres vix primoribus
 labris gustavit, & mox ad genua senis
 advolutus: Occidi te pater, ait, & cur
 obsecro, temerariam meam incogitan-
 tiam silentio tuo confirmasti? Cui senex:
 Ne, inquit, angaris animo, fili: si enim
 voluisset Deus ut mel ederem, mel uti-
 que cibo affudisses. Optime, inquit Do-
 rotheus, locutus est senex, certo enim
 scie-

sciebat, quod si voluisset Deus mel à se comedi, socium suum errare non permisisset, aut, quod æque facile Deo, foetidissimum illud oleū in liquorem mel-leum vertisset.

Ita se gerit, qui divinam in omnibus Providentiam agnoscit; non vertit omnia in pejus, nec quærit cui casum suum imputet, sed peccata hominum ad Dei Providentiam potius refert. Quicquid accidit, benigne interpretando levat.

V. Hic velim, Lector, unum aliquid enucleatissime à te capi. Hieronymi dictum est: Omnia providentia Dei gubernantur, & sæpe quæ putatur pœna, medicina est. Vbi mirabile illud observandum: Divinam Providentiam finire suis quæque motibus ferri, usque in certum tempus. Hic enim divinæ Providentiæ mos est, ut paullatim & per incrementa temporum ad destinatos quæque fines perducatur, nam minima æque ac maxima ordinat. Eam ob causam philosophorum sol Epictetus excellentissime dixit: Ne postules ea quæ fiunt, arbitratu tuo fieri, sed si sapias, ita fieri quæque velis, ut fiunt. Christianum, divinum documentum: *Ita fieri quæque velis, ut fiunt.*

Simillime locutus Basilii: Quoniam, inquit, res non ita eveniunt ut volumus; quemadmodū eveniunt, sic velimus. Eodem prorsus modo Nilus abbas: Non ora, inquit, ut fiant quæ fieri velis, sed potius ora, sicut orare didicisti, ut fiat

Epist.

Ench.

ca 13.

Eccl. 78

79.

Basil.

ad En-

stach.

Nil.

ca. 29.

de orat.

voluntas Dei in te. Non aliter piissimus

Thom. ille scriptor Thomas à Kempis: Homo
de internus, inquit, cito sese colligit, & sic

Kemp. ut res eveniunt, sic se illis accommodat.

lib. 2. Ita fieri quaque velis, ut fiunt. Hujus rei

cap. 1. veluti causam reddens Epictetus: Ne-

cessitati, ait, qui probe se accommodat,

sapit, estque rerum divinarum conscius.

Sed & tertium illud addit: O Crito, si

Diis ita visum, ita fiat. Me autem Any-

tus & Melitus occidere sanè possunt,

lædere vero non possunt. Quid magis

Christianè dici potuisset? & quam per-

spicaces oculos in divinam providentiã

fixisse censendus est Epictetus, cujus il-

lud vel uno die millies repetendum: Ita

fieri quaque velis, ut fiunt; si Deo ita visum,

ita fiat. Ergo nullos eventus certos ex-

pectemus, nil certi unquam designemus

nisi hoc unum unicum, ut Dei fiat vo-

luntas. Ecquid aliud beatus Chrysosto-

mus, quid aliud sanctorum Patrum se-

natus universus clamat, quã hoc ipsum:

Epict. Neminem ladi nisi à seipso? Morbus est cor-

Enchi. poris impedimentum, inquit Epictetus,

ca. 13. instituti non item, nisi ipse velis. Clau-

dicatio pedis est impedimentũ, instituti

non item. Quod si singulis in rebus quæ

incidunt, consideraris, invenies eas alte-

rius cujuscpiam rei, non tui esse impedi-

mentum.

Theo- Hinc tam animose Iacobus anacho-

doret. reta dæmoni plagas minitanti respon-

in vitis dens: Si tibi inquit, permissũ est à Deo,

SS. per-

Patrũ. per-

ca. 21. per-

percute, quid moraris, percutere, & plagas libenter accipiam, ut qui ab illo feriar, qui feriri me permisit. Si autem id tibi permissum non sit, non percuties me, etsi millies insanias. Hinc etiam Irene *Paulus* Imperatrix, à suo servo dejecta imperio: *Diac.* Ergo, aiebat, Deo acceptum refero quod *lib. 23.* me orphanam & indignam evexerit ad imperium. Quod vero jam me dejici permittat, meis id peccatis adscribo. In omnibus autem bonis & malis, sit nomen Domini benedictum. Certissimum: Nemo læditur nisi à seipso. Ideo Augu- *Aug.* stinus: Constanter Deo crede, inquit, ei- *in solis* que te totum committe quantum potes; *log.* ita enim ipse te ad se sublevare non de- *ca. 15.* finet, nihilque tibi evenire permittet, nisi quod tibi profit, etiam si nescias.

Vt autem hoc quisque sibi persuasissimum habeat, expedit ut fundamentum illud assidue menti obversetur: Nihil ulli uspiam adversi sine nutu voluntateq; Dei posse accidere. Nec enim diabolus, nec mortalium ullus obesse nobis poterit, si Deus id non permiserit. Quisq; nostrum cū Iacobo eremita in omnes inimicos suos liberrime proclamet: Tu nō percuties me, nec tu, nec iste, nec ille, nec vos omnes me unquam percutietis, etsi millies insaniatis & ringamini, si à Deo id vobis non sit permissum. Neque tantum à Deo omnia, gravissimas etiam ærumnas, tanquam à supremo Rege provenire credendum, sed eadem sic etiam

tiam provenire tanquā ab amantissimo patre in nostrum commodum & utilitatem immissa, atque adeo neminem omnino lædi nisi à seipso : prout castissima

Iudith. Iuditha nos instruens: Nos ergo, inquit, *cap. 8.* non ulciscamur nos, pro his quæ patimur: *ve. 26.* sed reputantes peccatis nostris hæc & *27.* ipsa supplicia, minora esse flagella Domini, quibus quasi servi corripimur, *ad emendationem, & non ad perditionem nostrā evenisse credamus.* Tam rectæ Deus voluntatis est, ut non velit, nec velle possit, nisi quod nobis bono sit, & quidem majori bono. Quid nī velit hoc Deus? Optimus est. quid nī possit? Maximus est. adeoque vires nullæ sunt supra ipsum, uti nullæ nisi ab ipso. Vnde quaque & ex omni parte, bona Dei voluntate ita circummuniti sumus, ut ad nihil nisi per providentiam divinam, per ipsum Deū *Pf. 5.* possit pertingere. Vere Domine, ut *ve. 13.* scuto bonæ voluntatis tuæ coronasti nos. Nemo igitur indignetur sibi hoc illud triste accidere : sciat illa ipsa, quibus lædi videtur, ad conservationem universi pertinere & ex his esse quæ cursum Mundi officiumque consummant.

Antonium Magnum subinde ingens diversarum belluarum exercitus ab Orco circumdedit, qui extrema omnia minabatur. Irridens hunc omnem bestiarū cuneum Antonius : O miseri, ait, ut me terreretis, belluas induistis, vel multitudine victuri : si quid vobis esset virium, me

me una è vobis vinceret, sed quia retu-
sis viribus invalidi in nos pugnatis, ex-
ercitum objicitis. Si quam vobis in me
licentiam permisit Deus, invadite, lace-
rate, sorbete me; si juris nil dedit, laborē
frustra sumitis.

Fidamus ergo Providentiæ divinæ:
Dominus regit nos, & nihil nobis deerit.

CAPUT IX.

*Quanta Dei Providentia sit tam in amicos
quam inimicos.*

Vetus est apologus, qui Providen-
tiam divinā hunc in modum pro-
ponit. Ad rivulum lusitabat inter
flores puerulus, tandem puerili discursu-
satione fatigatus, juxta aquas loco pe-
riculoso consedit, & obdormiit. Mox
adfuit Fortuna, & dormitantem puellū
increpitans: En, inquit, miselle, quam
prorum est hinc in aquam delabi: Sur-
ge, & vicino periculo te subtrahe, ne si
quid tibi mali eveniat, omnes in me cul-
pam derivent, dicantque non te, sed me
dormiisse, quæ te dormientem neglexe-
rim. Pulchre hoc providentiæ Dei asse-
rendæ excogitatum. Inter omnes Chri-
stianos constat, de quo illud pronuntia-
rit psaltes: Ecce non dormitabit, neque
dormiet qui custodit Israel.

Platoni Deus tam acres habet oculos,
ut eos nihil effugiat; aures habet tam
acutas,

Psalm.

120.

vc. 4.

Plato

de Rep.

acutas , ut eas nil prætereant , nil fallat , ut qui ipsas etiam audiat cogitationes ; porro brachia manusque habet tam longas , ut iis nemo elabatur. Hoc philosophos ratio docuit , quod nos non solum è ratione , sed etiam è sacris paginis discimus.

Eccli. I. Siracides de divina providentia di-
ca. 39. lucide : A sæculo , inquit , usque in sæ-
ve. 24. culum respicit : & nihil est mirabile in
25. & conspectu ejus. Opera omnis carnis co-
26. ram illo , & non est quidquam abscon-
 ditum ab oculis ejus. Non est dicere ,
 quid est hoc , aut quid est istud ? omnia
 enim in tempore suo quærentur. Præter-
 ita , præsentia , futura distinctissime uno-
 que intuitu pervidet Deus : Omnes ip-
 sius oculis præsentés sumus , Adam &
 Antichristus , omne humanum genus ,
 creata omnia. Tam autem divina pro-
 videntia falli non potest , ut recte dixe-
Eccli. rit idem Siracides : Omnia opera Do-
ca. 39. mini bona , & omne opus hora sua sub-
ve. 39. ministrabit. Non est dicere , Hoc illo ne-
& 40 quius est : omnia enim in tempore suo
Ang. comprobabuntur. Hinc merito dixit
lib. 5. Augustinus : Confiteri , Deum esse , & ne-
de Civ. gare præscium esse futurorum , apertissi-
cap. 9. ma insania. Vere providentia Dei attin-
Sap. git à fine usque ad finem fortiter , & dis-
cap. 8. ponit omnia suaviter. A supremis An-
ve. 1. gelorum Seraphinis ad minimos in ter-
 ra vermiculos , insomnes Dei curæ de-
 scendunt , imo nunquam absunt. Moses
 olim

olim & Aaron proclamant : Vespere *Exod. c. 16. ve. 6.*
 cietis quod Dominus eduxerit vos de
 terra Ægypti, & mane videbitis glo-
 riam Domini. Sane in mortis vespera
 cognoscemus nos omnes, obstupescen-
 dam Dei in nos Providentiam. Nam, à *Prov. ca. 20. ve. 24.*
 Domino diriguntur gressus viri, quis
 autem hominum intelligere potest viam
 suam? Longe providentissime ducit nos
 Deus, sed sæpe per flexos aditus, & la-
 byrinthos pæne inextricabiles, sed ille
 novit quâ nos via educat in cæli viri-
 daria. Quid ergo querimur contra cir-
 cumspectissimum hunc ductorem? Si
 quis cum tabellario viarum peritissimo
 iter ingrediatur, & ubi salebrosæ, diffi-
 ciles, ac flexuosæ se viæ obtulerint, inci-
 piat queri, dicatque : Per quæ me avia
 ducis, vir bone? nisi me valde fallo, jam
 dudum itinere decessimus. Huic viæ au-
 ctor promptè respondebit: Ne sollicitus
 sis, mi domine, & hanc mihi curam re-
 linque : per aliquas, fateor, ambages te
 duxi; quod si limite recto ivissemus, in
 paludes illas ineluctabiles incidisse-
 mus: fide mihi; sic ducam, ut te hujus
 comitis non pœniteat. Semita trita &
 tuta nemini nimium longa sit aut aspe-
 ra. Ita nos divina ducit Providentia :
 per crebros quidem anfractus, perque
 varios viæ flexus incedendum est: sed
 quid indignamur optimo duci? modo
 via sit secura, quid refert, si sit salebrosa?
 II. Videte mihi regem Saul, regum
 opti-

optimum , si tam bene finiisset , quam
I. Reg. cœpit. Non erat vir de filiis I raël me-
cap. 9. lior illo. Hic ipse dum patris sui asinas
ve. 2. quæsit , regnum invenit. Sed divinam
in hunc virum Providentiam paullo al-
tius consideremus. Dixerat Deus Sa-
Ibid. mueli : Hac ipsa hora , quæ nunc est ,
ve. 16. cras mittam virum ad te de terra Ben-
jamin , & unges eum ducem super po-
pulum meum Israël. Mittendi modus
hic fuit. Pater Saulis asinas amisit , has
quæsitum amandavit filium. Saul patris
dicto audiens , adscito in viam comite ,
omni conatu jumenta quæsit : Ephrai-
mum montem transcendit , terram Sa-
lisa percurrit , asinas non reperit : tra-
ctum Iemini , & oram Salim lustravit ,
sed nullum uspiam asinarum vestigium.
Demum Saul ad comitem : Domum , in-
quit , redeamus , ne patri meo gravio-
rem nos sollicitudinem injiciamus quam a-
sinæ , cogaturque quærere quærentes.
Hic comes consilium suggerere & di-
cere , non procul inde virum Dei habita-
re , videri prorsus optimum factum , si hunc
adeant , & super amissis jumentis in-
terrogent. Saul occasionem non sper-
nendam ratus , instituit & istud viæ de-
vorare : sic sane post longa diverticula
delatus est ad Samuelem , futurorum
plane ignarus. Vix autem in mutuum
aspectum & colloquium ventum est ,
eum Deus Samueli dixit hunc ipsum es-
se , quem Hebræo imperio destinasset ,
hunc

hunc in regem ungendum. Omnia ordine facta. Ita Saul & asinas invenit quas quæsit, & regnū reperit quod nunquā somniavit. O quanta divinæ providentiæ abyssus, arcanum quantum! & quam divina ab humanis judiciis diver-
tunt! Nihil minus Saul cogitabat quam sceptrum & diadema, cum in solium divino calculo attollitur. Ita non casu perditæ sunt asinæ, non casu missus est Saul qui eas indagaret: nec casu factum ut illas non statim inveniret, sed nec casu consilium adeundi Samuelis à famulo suggestum: singulari Dei providentia, eoque fine facta sunt hæc omnia, ut Sauli deferretur sceptrum in Israël. Sed quæras forsan, cur Deus Saulem in regem ungi voluerit, quem præscivit multa impie facturum, & pessime finitum? Idem quæram & ego: Cur Deus Angelos creavit in gratia, quos scivit æternum torquendos in gehenna? Cur Adamum in amœnissimo horto collocavit, è quo eum brevi sciverat exturbandum? Cur Christus Iudam Iscariotem in Apostolum elegit, quem præscivit fore proditorem? Cur Apostolos suos in civitatem Samaritanorum misit, quos prævidit non recipiendos? Quid hoc lusus est? Et tamen ejus generis infinita sunt. Hieronymus ad rem respondens: Vis, inquit, scire rationem? Deus præsentia judicat, non futura, nec condemnat ex præscientia, quem

*Hier.
lib. 3.
contra
Pelag.
cap. 2.*

quem noverit talem fore, qui sibi postea displiceat: sed tantæ bonitatis est, & ineffabilis clementiæ, ut eligat eum, quem interim bonum cernit, & scit malum futurum, dans ei potestatem conversionis & pœnitentiæ. Neque ideo peccavit Adam quia Deus peccaturum præsciverat, sed ideo præscivit Deus, quia ille propria voluntate erat peccaturus:

*Ambrosius
in c. 9.
epi. ad
Rom.*

Nec in eo, inquit Ambrosius, læsus est vel Adam, quia mandatum accepit, vel Iudas, quia electus est: non enim necessitatem Deus vel illi prævaricationis, vel huic proditiōis imposuit, quia uterque si quod acceperat, custodisset, à peccato abstinere potuisset. Quos scit Deus in bono mansuros, frequenter ante sunt mali; & quos scit malos permanuros, aliquoties prius sunt boni. Stas modo? vide ne cadas. Apostolus, Ecclesiæ princeps lapsus est: Tu vigila. Iudas cecidit,

*Euthymius
ea 64.
in Mat.*

ut tu stares. Hic magnum discimus documentum, inquit Euthymius, quod neque humana promptitudo quidquam efficiat absque divino auxilio, neque divinum auxilium proficiat absque promptitudine humana. Virisque rei exempla sunt Petrus & Iudas. Oportet ergo neque obdormire, omni negotio in Deum reiecto, neque rursus putare seipsum omne opus efficere. Siquidem nec totum operatur Deus, ne otiosi permaneamus; nec totum nobis permittit, ne gloriemur: sed ab unoquoque quod no-

civum

ivum est auferens, quod utile est nobis elinquens.

III. Sed Saul etiamnum mihi in animo est. Admirabilis fuit in omnibus circa hunc regem providentia Dei. Nam qui toties Philistæorum mucrone Davidem perdere malitiose studuit, ipse ingenti Philistæorum exercitu vallatus, à Deo desertus, Pythone per summum cælus consulto, Samuelem habuit nuntium imminentis ruinæ, quam nec ferre miser potuit, nec vitare. Heu, quam vigilans est vindicta divina! Qui seipsum neci dederat, ut hostiles illusiones effugeret, ille idem præ omnibus Israelitarum regibus, illusor & contumeliis affectus est. Nam caput ejus tota Palæstina ludibrio circumlatum, cadaver vociferibus in escam abjectum est. Et, ô Deus, quam nihil providentiam tuam præterit! Hic idem Saul qui Amalecitas, Deo jubente, penitus delere noluit, eo miseriarum redactus est, ut beneficii loco duceret ab Amalecita interfici. Pondus & statera judicia Domini sunt. *Prov.*

Solet autem divina providentia, nec *ca. 16.* statim omnia scelera punire, nec omnia *ve. 11.* relinquere impunita. Si nulla puniret, nullam esse providentiam multi dicerent, si vero in omnia mox animadverteret, nihil post hanc vitam vel præmii, vel supplicii superesse crederent. Ita Deus dum quædam punit, providentiam suam ostendit, dum quædam relinquit.

impunita , ad futuræ vitæ reservat supplicia. Eodem consilio quosdam suorum periculis subducit, alios impiorum furori vexandos objicit : providentissime omnia. Sic tres Hebræos juvenes Babylonis flammis eripuit, septem Machabæos fratres ab Antiocho excarnificari sustinuit : tam illud quam istud, & juste & provide.

*Cedrenus, E-vagrius, Nicephorus, sub annum Christi-
stianū
440.*

Illustrissimum & hoc divinæ Providentiæ argumentum fuit , quod plures commemorant. Cyrus Panoplites, poëta nobilissimus , princeps architectorum pace & bello insignis , quam enim sapiens , tam etiam fuit industrius , sed , quod unum illi deerat , nondum Christianus. Hic in Eudociæ Imperatricis Augustæ familiaritatem sese insinuans, tantam sibi gratiam sua poësi conciliavit, ut ab imperatore Theodosio juniore proximus , Urbi & Prætorio præfectus, Patricius, Consularis, summis denique dignitatibus fulgeret. Simultamen variis & acerbis casibus vir iste jactatus est, & demum periisset, nisi naufragium fecisset, quo alii solent perire. Nam magna Dei providentia, è summis, alea vertente , ad ima dejectus est. Siquidem ea re , qua apud cives magnam gratiam collegit , apud Imperatorem non mediocriter offendit. Verum saluti fuit , quod esse credebatur exitio. Cum enim Cyrus, Constantinopolis videres muros demolitus , duobus inter-

vallis

vallis additis , alios intra sexagesimum diem extruxisset, populus inauditi operis festinatam pulchritudinem obstupescens, in Circo, præsentem Imperatorem exclamavit : *Constantinus condidit, Cyrus instauravit.* Vulneratus his vocibus Imperator, Cyrum sub eo prætextu , quod Græcæ superstitionis cultor esset , præfecti dignitate privari , & bona illius publicari iussit. Accesserunt & aliæ quoque calamitates. Vxorem Cyri filiamque cacodæmon, invisus hospes, insedit. Hæc quidem Cyro, invidia Principis (ut videbatur) benignissima tamen providentia sic evenerunt ut vim medicamenti obtinuerit tam multiplex calamitas. Qui enim inter tot signa atque prodigia etiamnum Deorum cultor perseverabat , violento remedio curandus erat , & reddendus sanæ menti. Itaque Cyrus tot ærumnis pressus , ad Christianorum Deum confugere instituit, sacris Christianis imbutus , & in Clericum attonsus, quoad vixit Smyrnæ Pontificem egit. Gratias agat Cyrus divinæ providentiæ maximas : Sane perierat, nisi sic periisset.

IV. In hunc modum res adversas omnes, quæ in hac vita eveniunt , divinæ Providentiæ suæ gubernatione tam amanter complectitur, ut universas vitæ misérias disponat, & ordinet in nostrum bonum , & ipsa etiam peccata permittat , ob altos & secretos sui regiminis

fines. Eiusdem enim divinæ providentiæ est, & facere bona, & permittere mala. Certe Deus nil unquam mali permetteret, nisi adeo potens & bonus esset, ut è quovis etiam malo bonum eliceret. Dic obsecro, quæ unquam majora in Orbe mala fuerunt quam facinus Adami, & occisio Christi? Et tamen noxa primigenia Deum in humana membra è cælo detraxit: Mors Christi cælum nobis, & bona restituit. Is artifex est Deus, ut è malis omnibus, velut è nummis plumbeis eliquare possit probatissimum aurum: Diligentibus Deum omnia cooperantur in bonum. Magdalenzæ vitiositas multos correxit, lapsus Petri quam plurimos erexit, dubitatio Thomæ innumeros confirmavit. Deo istud laudi est: *Metis, ubi non seminasti.* Cum enim peccata non seminet, ex eis tamen colligit messem complurium bonorum. Vere Deus mel de petra, oleumque de saxo durissimo sugit, cum è grandibus malis bona non minora elicit.

Rom. c.
8. ve.
28.

Deut.
ca. 32.
ve. 15.

Ita vero divina providentia circa nos nostraque omnia vigilat, ut omnes & corporis molestias minutissime jam decretas habeat. Ea propter quivis hominum ad cuiusvis morbi principium, secum ipse ratiocinetur in hunc modum: Hic morbus è quacunque causa, sive mea intemperantia, sive alterius malevolentia, vel aliunde contractus, à divina

divina prorsus providentia est, quæ illum viribus meis sic accommodavit, ut illius initium, gravitas, incrementum, inclinatio, remissio ab eadem omnino pendeant, ita ut humor (verbi gratia) qui jam caput afficit, non possit in aliam partem defluere, nec crescere, aut plures horas durare quam decreverit Deus. Eadem pariter providentia divina remediorum, & curationis eventus sic disponit, ut medicus quid faciendum aut intelligat, aut morbi vim non assequatur, & erret; & ut pharmaca vel apta malo, vel inepta, opportune vel importune præbeantur, atque ut cetera medicamenta vel levent morbum, & ad sanitatem proficiant, vel male respondeant, & à morbo vincantur, ita ut nil penitus horum casu accidat. Omnia morbi momenta, & minimæ quævis motiunculæ, Deo moderante, eo diriguntur, ut quod divina voluntas constituit, assequatur. Certe sanitas & ægritudo, vita & mors à Deo sunt; à Deo est omnis medela.

Eodem prorsus modo in omnibus adversis, quæ vel corpus, vel animum afficiunt, de divina providentia ratiocinandum est. Inimicus tibi maledicit? Vide, mi homo, omnes illius calumnias, omnia verba, syllabas omnes, quas in te ore tragico evomit, à divina providentia statæræ jam ab æterno appensa sunt; quantum illi permissum est, hoc in te

Ecclesi.
ca. II.
ve. 14.
6. cap.
38. v.
2.

Pf. 38.
v. 10.

dicet , & nec unica quidem syllabula amplius. Quid igitur pugnas, & incassum ringeris? Eandem ratiocinationem hanc adhibe miseriis tuis omnibus, quarum ordo, numerus, intensio, tempus, conditio, ad unguem constituta sunt à divina providentia. Hinc te submitle & dic : Obmutui & non aperui os meum, quoniam tu fecisti. Tu, mi Deus, tu hæc fecisti, tua providentia, voluntas, permissio hæc in me immisit : quia ergo tu hæc omnia fecisti, impius ego sum, qui contra te querar. Ergo voluntati tuæ pareo, & quicquid ab ea est, tolero.

2p. sap.
46. v. 10.

Quæ hæcenus dicta, Clemens Alexandrinus consignans: Hic ergo, inquit, tali cognitione præditus, quique est fidelis, & cui est persuasum, quæ sunt in Mundo optime administrati, æquo certe fert animo omnia quæ eveniunt. Nota: *Cui persuasum est, quæ in Mundo sunt, optime administrari.* Sed profecto non ratione hominum, qui toties gravissime errant, sed Dei ratione, optime omnia administrantur, Deus enim per instrumenta etiam pessima suam tamen voluntatem perficit. Consilium ejus stabit, & omnis voluntas ejus fiet.

V. Hæc divinæ providentiæ quotidiana consideratio altissimam animo pacem conciliat, & omnem hominis voluntatem subjicit divinæ, idque suavi negotio. Quisquis igitur divinæ providentiæ totum se regendum committit,
is jam

jam liber ab innumeris molestiis, se- *Is.*
 et in pulchritudine pacis, in tabernaculis fi- *ca. 32.*
 ucia, & in requie opulenta. Hinc Allois *ve. 18.*
 Abbas dicere solebat: Non habebit ho- *Dorot.*
 mo requiem, nisi dixerit in corde suo: *doct. 7.*
 Ego & Deus soli sumus in hoc Mundo.
 Hoc ipsum Augustinus confirmans: Sic *Aug.*
 iuratur, ô Deus, unumquemque nostrum, *lib. 3.*
 inquit, tâquam si solum cures, & sic om- *confess.*
 nes tanquam singulos. Ipsissimû hoc & *ca. 11.*
 Gregorius asserens: Sic Deus intendit *Greg.*
 singulis, inquit, ac si vacet à cunctis, & *lib. 25.*
 ac omnibus simul intendit, ac si vacet à *mov.*
 singulis. Ita, mi homo, te curat, ita tibi *ca. 19.*
 providet Deus, ac si aliud quod curet,
 prorsus non habeat. Hominum multitu-
 do divinam providentiam non turbat,
 sed illi unus, & mille homines: quem-
 admodum Noëmum cum aliis septem
 hominibus arca conclusum, aut unicum
 in Elysiis campis Adamum curæ habuit,
 sic omnes nunc habet. Huic providen-
 tissimo curatori suo, proborum quivis
 dixerit: Dilectus meus mihi & ego illi:
 Ego Deum & divinos nutus sic obser-
 vo, perinde si aliud in Orbe non sit
 quod observem, aut æstimem: mea vicis-
 sim salus sic Deo curæ est, tanquam si
 aliud in Orbe non sit quod curet aut
 cogitet; ille mihi, & ego illi; ille Do-
 minus gubernans me, ego servulus ad *Isai.*
 dominicos iussus paratus, nam ita ille *ca. 48.*
 pactus est mecum: Cogita tu de me, & *ve. 17.*
 ego continenter cogitabo de te: obli-

viscere tu tui, & memineris mei, lic ego memor promissi mei vicissim jugem tui curam habebo.

Hic illud solatii plenum est: Deus non sic gubernat nos, ut princeps provinciam, Rex regnum, summus Pontifex Christianum Orbem, quibus opus est tot aliorum opera. Pontificis curas tot Archiepiscopi, tot Episcopi, tot alii magistratus sacri sublevant: Regibus proreges, principes, dynastæ, consiliarii, senatores sunt, in quos illi suæ gubernationis curas partiuntur: Non ita Deus; ea providentia gubernat universos, qua singulos, ita unumquemque hominum peculiari, sicut omnes generali cura cōplectitur. In omni loco oculi Domini contemplantur bonos & malos: Respicit Dominus vias hominis, & omnes gressus ejus considerat.

Vtinam in singularissimæ hujus planeque paternæ providentiæ abyssum liberrimo nos jactu præcipitemus. Quisque sibi securissime polliceatur: Dominus sollicitus est mei, Dominus regit me & nihil mihi deerit. Si quidem animi tranquillitatem amamus; si Deo fidere, si divinæ voluntati in omnibus parere desideramus, divinam hanc providentiam assidue in oculis habeamus, tanto futuri devotiores divinæ voluntati, quanto fuerimus providentiæ divinæ fidentiores.

CAPVT X.

*Quanta nihilominus plurimorum hominum
de Deo sit diffidentia.*

NIl crebrius Christus, nil & acerbius in suis discipulis castigavit quam diffidentiam. Hinc illos modicæ fidei, tardos corde, generationem incredulam, perversam appellavit sæpius: varia tentavit optimus magister, ut sui dediscerent diffidentiam. Quo enim ille Domini sopor in navigio, illa panum penuria, quo examen super comœatu in solitudinem pervenhendo, quo illa Petri in aquis fluctuatio spectabat? diffidentia proponebatur dediscenda; & hoc sibi volunt voces illæ: Modicæ fidei, quare dubitasti? perinde si dixisset sapientissimus doctor: Ergone vos tam indociles, ut primam hanc summe necessariam institutionem non possitis capere?

In varias sese formas diffundit diffidentia. Sunt qui ideo diffidunt Deo, quod putent illum suis hostibus nimium indulgere, & laxare omnes habenas: Alii diffidunt se impetraturos à Deo quod rogant, præsertim si ob admissa optim peccata, conscientia angoribus urgeantur, metuantque ne Deus veniam negarit etiam petentibus: Alii Deo diffidunt, ne forte subtrahat victui necessaria. Triplex hoc diffidentia genus plurimos hominum rectissima fraude à Deo

Deo abducit, & præcipitat. Hoc autem diffidentia vitium tanto magis noxium, quanto minus notum est. Quod si originem hujus vitii libeat indagare, reperiemus, ex eo etiam nasci diffidentiam, quod quis ipse sibi nimium fidat. Quam hoc & frequens & periculosum sit, sibi ipsi fidere, antequam ad alia progrediamur, hic exponendum.

Prov. I. Salomon hanc sui fiduciam graviter perstringens: Qui confidit in corde suo, inquit, stultus est. Ideo toties monet: Ne innitaris prudentia tua: Ne sis sapiens apud te ipsum. Nimirum prima stultitiae rudimenta sunt, se sapientem credere. Quis autem ille Phænix est, qui res suas non aestimet, qui parvi pendat, qui non aut vires, aut formam, aut opes, aut eruditionem, aut prudentiam suam subinde blandis oculis circumspiciat? sed suo damno. Nam, qui *ea. 12.* confidit in cogitationibus suis, impie *vers. 2.* agit. Deus, ut hanc nobis impietatem extorqueat, sæpe nos graviter castigat, aut indociles disciplina sua penitus excludit.

Videte mihi Goliathum tantopere sibi præfidentem, quasi uno spiritu diffaturus sit totos exercitus. Cumque vidisset contra se progredientem pastoritium juvenem David, acerbo scommate tantillum adversarium contemnens: Veni, aiebat, ut discerpam te, in pabulum bestiis objiciendum. Sed quam hæc sui fiducia

lentia compressa est ! quis enim ita apidem rexit , ut rectissima Goliath frontem peteret, nisi Dei certissima manus ? quæ fastuosam illam turrin, non ballistis aut catapultis immanibus, sed lapillo unico dejecit.

Holofernes æque præfidens sibi, tanti non erat Deo , ut virili dextra caderet ; omnem illius arrogantiam femina triumphavit. Chaldæus monarcha Nabuchodonosor in palatio suo obambulans: Nonne hæc est, aiebat, Babylon magna, quam ædificavi in domum regni, in robore fortitudinis meæ, & in gloria decoris mei ? An non urbs inclyta est? ego illius conditor sum. O mi Nabuchodonosor, antehac centena tibi fercula in regium prandium cœnamque apponi solebant, deinceps apponetur unicum & valde insuetum, dum discas rectius & cogitare & loqui. Ut vero tibi sapiet jentaculum bouum? fœnum tamen tam diu comedes, dum sapere discas, & stylum vertas. Balneum tuum gelidus ros erit, Attalica vestis capilli tui, pro anulis ungues avium habebis. Cumque sermo adhuc esset in ore regis, vox de cælo ruit: Tibi dicitur Nabuchodonosor rex, regnum transibit à te, & ab hominibus ejicient te, & cum bestiis feris erit habitatio tua: fœnum quasi bos comedes, & septem tempora mutabuntur super te, donec scias quod dominetur Excelsus in regno hominum, & cuicunque volue-

*Dan.
cap. 4.
ve. 27.*

*Ibid.
ve. 28.
& 29.*

voluerit de illud. Ita nimia sui fidentia hominem in feram mutavit. Sed audi ut è fera in hominem remigrarit, & *Ibid.* Deo, non sibi fidere didicerit. Igitur *ve. 31.* post finem dierum, ego Nabuchodono- & *32.* for oculos meos ad cælum levavi, & sensus meus redditus est mihi, & Altissimo benedixi, & viventem in sempiternum laudavi, & glorificavi: quia potestas ejus, potestas sempiterna, & regnum ejus in generatione & generatione. Et omnes habitatores terræ apud eum in nihilum reputati sunt: juxta voluntatem enim suam facit tam in virtutibus cæli, quam in habitatoribus terræ: non est qui resistat manui ejus, & dicat ei: Quare fecisti?

Grande malum sui confidentia, quæ & Apostolorum principem in præceptis egit. O Petre cur fles canente gallo? antea flere decuisset, cum Dominus singulis valediceret, cum mœstissimam mortis mentionem super cœna injiceret, hîc sane decoræ fuissent lacrimæ. At sui confidentia tunc omnes extinxit lacrimas, pro lacrimis ingens audita pollicitatio: Etiam si omnes scandalizati fuerint in te, ego nunquam scandalizabor. Itane, Nunquam? pauculæ horæ ibunt, & omne hoc promissum à sola sui confidentia exortum corruet. Censet omnino Basilius neminem superari ab ulla tentatione, nisi sibi plus æquo fidentem. Qui autē sibi serio diffidit, nihil unquam

Matt.
ca. 36.
v. 33.

nquam agere instituit, quin prius di-
inum subsidium impleret.

Ambrosius olim Augustini matri Mo-
icæ contra filium Augustinum hoc po-
tissimum queritur, fidere illum ingenio
suo. Nec prius Augustinus sapuit quam
hanc sui confidentiam correxit. Hoc & *Aug.*
ipse de se fassus: Credebam, inquit, me *soliloq.*
sufficere per me, nec perspiciebam quo- *ca. 15.*
iam tu regebas me, donec aliquantu-
um elongasti à me, & cecidi statim in-
ne, & vidi & cognovi.

Sicut autem ingenio aut prudentiæ,
vel arti suæ, sic & viribus suis fidere vi-
tiosum est. Maximus Imp. tantæ molis
& roboris fuit (Capitolinus refert) ut
uxoris armilla pro anulo sit usus. huic
genus aliquis in theatro græcos hos ver-
ticulos occinuit:

Elephas grandis est, & occiditur,

Leo fortis est, & occiditur,

Tigris horribilis est, & occiditur;

Cave multos, si singulos non times.

Nemo robori suo, nemo arti, nemo
stemmati & divitiis, nemo eruditioni &
sapientiæ fidat, est cum hæc omnia levi *Hier.*
flatu corruunt. Non gloriatur sapiens in *cap. 9.*
sapientia sua, & non gloriatur fortis in *ve. 23.*
fortitudine sua, & non gloriatur dives
in divitiis suis.

II. Sed non tantum non in seipso ul-
lus, sed nec in ullo altero spem & fidu-
ciam figat. Hieremias vates vociferatur: *Idem*
Maledictus homo qui confidit in homi- *ca. 17.*
ne, *vers. 5.*

ne, & ponit carnem brachium suum, & à Domino recedit cor ejus. Hic acute Origenes, explicans illud : *Maledictus homo qui pendet in ligno*. Existimo, inquit, hanc eandem esse sententiam cum illa : *Maledictus homo qui confidit in homine*. E ligno namque pendere, idem est quod spem suam ex homine, velut fragili truncō, suspensam habere.

Consuerunt venatores, ut elephantem capiant, tales instruere insidias. Arborem, cui elephas inniti solet capiendō somno, diffecant in imo, sed erectam nihilominus, velut sanam & integram relinquant. Elephas cum ex more venit accubitus, succisæ innititur, sic unā & arbor & bestia magno impetu corruūt. Sunt innumeri qui arbores sibi feligant, quibus innitantur: hic Principi laboriosissime studet placere, iste opulenti præsulis gratiam exambit, ille in magnatis amicitiam se insinuat; sunt qui aliorum benevolentiam largitione confectentur, alii aliis modis captant favorem. O miseri! vos ipsos fallitis, & in vestrum hæc exitium paratis. Arbores, quibus innixuros cogitatis, jam pridem occulto vulnere succisæ sunt, cum minime putaveritis, subito ruituræ, & cum iis omnes confidentiæ vestræ. Augustinus fallaciam hanc monstrans : Multi, ait, de amicis potentioribus præsumpserunt: ceciderunt illi de quibus præsumpserunt, & involverunt eos, qui de se præsumpserant.

Ionas

In ps.
131.
circa
med.

Ionas propheta fecit sibi met umbraculum, & sedebat subter illud in umbra: & lætatus est Ionas super hedera, lætitia magna. O lætitiam, & brevem, & inanem! Nam hederacea hæc diæta duplicem hostem habuit, & Solem, & vermem. Ita uno die omnis hæc umbratilis voluptas evanuit. Orbem mihi considera, & plenum reperiēs his talibus umbraculis; florent hæc aliquanto tempore, sed proximum semper exitium huic hederæ imminet à diversis vermibus. Humanis favoribus niti, heu quam commune & pervagatum est vitium! Utinam non etiam viri religiosi suæ hinc dignitatis oblivisci vellent, & aliorum sibi gratiam & favorem rectis studiis colligere. Umbratica hæc tuguriola sunt, quæ varii vermes invidiæ, obreptationis, calumniæ, mortis denique arrodunt, dissipant, exedunt. Est famulus cui in suo domino plurimum fiduciæ; brevi mors dominum rapit, & jam totum famuli umbraculum ubi est? Alius patrono nititur opulento ac potente; patronus moritur, aut ipsius opes ac potentia imminuuntur, ita jam hujus etiam hedera exaruit. Filii subinde parentum auctoritate, officiis, dignitate præclare se defensos credunt; subito Deus aufert hoc umbraculum, jamque miseri contra quam sperarant, uruntur à sole, quia periit domus hederacea. Sic ille Affueri oculus Amā, cognatis & uxori mira gra-

388 DE CONF. VOLUNT.
tulatione narravit, non videri sibi quidquam ad omnem felicitatem deesse, apud regem præter se neminem æque gratiosum esse, mascula insuper prole decem filiorum, & opum abundantia se mirifice beari. O pulchrum umbraculum, sed brevi à sole & vermibus fœde consumendum! Et Aman & omnes Amanis filii in altam crucē sunt acti. Hoc Mausolæum habuit tam præfidens sibi felicitas.

III. O homines, Dei opulentia, favore, ac potentia innitendum est, non hominum. Contentē vociferatur David:

Psal.
145.
v. 3. 4.
5. 6. *Nolite confidere in principibus.* Cur obsecro, mi optime David, iis non confidamus, qui plurimum inter nos valent potentia? Caussam mox addidit psalter: *in filiis hominum, in quibus non est salus.*

Hoc ipso in nullo nec potentissimorum regum, nec invictissimorum Cæsarum fiducia reponenda, quia & ipsi homines sunt. Quid enim, ô homo, confidis homini in quo non est salus? Exhibit spiritus ejus & revertetur in terram suam: in illa die peribunt omnes cogitationes eorum. Beatus cujus Deus Iacob adjutor ejus, spes ejus in Domino Deo ipse. Spem in homine, umbram esse ait sacra pagina: Habentes fiduciam in umbra Ægypti. Quid fugacius, quid inconstantius & fallacius umbra? talis est fiducia in homine collocata. Multi requirunt faciem principis, & judicium

Is.
ca. 30.
vers. 2.

Prov.
c. 29.
v. 26.

dicium à Domino egreditur singulorum.

Iacob è Mesopotamia redux in Chanaan, cum obvium haberet fratrem germanum Esau quadringentis viris stipatum, timuit sibi velut ab hostili exercitu, & divinam opem sedulo imploravit. Adfuit vocanti Deus, & amplissimum auxilium est pollicitus, eum tamē claudicantem à se dimisit. Et quod istud, inquis, subsidii aut providentiæ genus? Auxilium implorat Iacob, & coxa debilis dimittitur. Hoccine est manum commodare, claudum efficere? Ita prorsus, hoc erat juvare. Nam est cum & vulnera sanant, & jactura in tempore lucrum est, & pleraque sunt in quibus bono nostro vincimur. Et ideo Deus Iacobum à se sic fractum remisit, ut & ille & per illum nos omnes disceremus, non nobis aut nostris, nec etiam alienis viribus fidere, sed Dei solius potentia & bonitate niti. Sed quia sanus valetudini, firmus robori, litteratus eruditioni, potens auro, sapiens ingenio fidit, quia tenuis divite, imbecillis multipotente fulciri sperat, ideo frequenter Deus hæc talia sapientissime aufert, ut cum fulcra, quibus nitebamur, desunt, niti discamus uno soloque Deo:

Gedeon, dux belli, viginti duobus milibus virorum missionē dedit, trecentis solū retentis sic enim Deus jusserat: Ne gloriatur cōtra me Israel, & dicat: Meis

Judic.

cap. 9.

vers. 2.

3. Reg. viribus liberatus sum. Bēadad rex Syrus
 ea. 20. Achabo regi Israelis imbecillitatē op-
 ve. 30. probrans, minabatur interitum, sed hæ-
 minæ fuerunt ex pelvi. Nam etsi Bena-
 dad triginta duos reges belli socios se-
 cum traxerit, equitum etiam & falca-
 torum curruum incredibilem numerum,
 primo tamen prælio fusus fugatusque
 est: conflictu altero centum millia Sy-
 rorum die unica ceciderunt: aliorum è
 prælio diffugientium septem millia
 ruente muro in Aphec obruti sunt. *Hoc*
habet Benadad; eat nunc & sibi suisque
 fidat viribus. Injuriam non levem irro-
 gat Deo qui ad humanam potius opem
 quam ad divinam oculos circumfert,
 plusque ab exili rivulo quam ab im-
 menso sperat oceano.

Optimus rex Aſa (cujus nunquam sine
 miseratione meminimus) fiducia in
 Deum magna fuit, si modo etiam fuif-
 ſet conſtante. Illam certe Deus ſic re-
 muneratus eſt, ut decies centena mil-
 lia militum, quos Æthiopix rex ſub ſi-
 gnis habuerat, illuſtriſſima victoria pro-
 fligarit. Sed heu poſt tot annos præcla-
 re actos, optimum hunc regem hæc u-
 na in humanas vires fiducia perdidit.
 Sic aperte propheta: Quia habuiſti, ait,
 fiduciam in rege Syriæ, & non in Do-
 mino Deo tuo, idcirco evaſit Syriæ regis
 exercitus de manu tua. Longa inde ma-
 lorum ſeries ſecuta eſt.

Aug.
 in ps.
 30.

Eximie Auguſtinus: Odiſti, ait, obſer-
 vantes

vantes vanitates supervacue. Ego qui non observo vanitatem in Domino speravi. Speras in pecunia, observas vanitatem, speras in honore & sublimitate aliqua potestatis humanæ, observas vanitatem; in his omnibus cum speras, aut tu exspiras, & ea hîc dimittis; aut cum vivis, omnia pereunt, & in spe tua deficis. Ingens omnino languor diffidentiam comitatur, ac omnium pane rerum nausea & neglectus: ubi diffidentia, ibi æternus naufragii metus, æternæ tempestates ac jactationes. Nimirum qui sibi aut hominum alteri confidit, in arena ædificium struit: in rupe fabricatur, qui Deo fundatur.

IV. Sed dixeris, usu nos quotidiano doceri, sic sua cuique negotia succedere, prout is dives, industrius, potens, exercitatus, ac vafer fuerit. Argumento sit, res ante annos non multos gesta. Vir magni nominis, & Catholicæ institutionis captivus tenebatur à principe novitiæ religionis, apud quem ille de divina providentia cœpit differere. Non diu hoc tulit morosus auditor; mox enim amarum subridens, & manum capulo admovens: Hac, inquit, providentia nitendum est. Hîc suum illud rex Alphōsus merito exclamarit: Vox bovis & non hominis. Nam eundem in modū locutos meminimus quosdam è Deorum cultoribus. Antoninus imperator (uti Dion Nicæus memorat) cum pecu-

niam multam partim à plebe, partim etiam à senatoribus vi atque minis extortam profudisset, objurgatus à matre, quæ aliquam pecuniæ partem aliò conferri voluisset: Desine, inquit, de numis esse sollicita, mater; & simul strictum gladium ostendens: Quamdiu, ait, habebimus hoc ferrum, tamdiu nobis non deerit argentum. Vere, vox bovis, non hominis! aut profecto non bene sanæ. Aliter nos docuit Christus; Deo fidendum, non ferro, non viribus, sed nec formæ aut doctrinæ, aut ulli bono tam fragili. Nec est fere quod tantopere displiceat Deo, quam tanta mortalium diffidentia, quam Deus etiam in amicissimis sibi graviter punivit.

Moses, vir Deo longe charissimus, quia tamen diffidentia bis deliquit, morte hanc noxam luit, nec fertilissimas illas terras nisi eminus videre permissus est. Prima Mosis diffidentia fuit, cum ille velut sollicitus paterfamilias macelli rationes poneret, diceretque: Sexcenta

Num. millia peditum hujus populi sunt, & tu
ea. 11. dicis: Dabo eis esum carniū mense integro.
ve. 22. Numquid ovium & boum multitudo cædetur, ut possit sufficere ad cibum? vel omnes pisces maris in unum congregabuntur, ut eos satient? O Moses, hoc est cum sua diffidentia rationes ponere, non cum providentia divina: Numquid manus Domini invalida est? Cautiorem hoc reddere debuisset Mo-

sen.

fen, sed rediit non multum abfimilis
 priori diffidentia. Nam populo ad ru-
 pem congregato exclamavit Moſes :
 Num de petra hac vobis aquam poteri-
 mus ejicere ? Quam primum vox cælo
 ruit, diffidentiæ pœnam denuntiâns :
 Quia nō credidiſtis mihi, ut ſanctifica-
 retis me coram filiis Iſrael, nō introdu-
 cetis hos populos in terram quam dabo
 eis. Quocirca Deus Moſi jam jam mori-
 turo fertiliffimam regionem illam emi-
 nus è montis vertice oſtendit ; ſed mox
 quaſi inſultans: Vidifti eam, inquit, ocu-
 liſtuis, & non tranſibis ad illam. Tanti
 refert hanc diffidentiæ peſtem ex ani-
 mo penitus eliminâſſe, in quam Deus
 (utpote honori ſuo maxime adverſa-
 riam) tam ſevere ſolet animadvertere.

*Num.**ca. 20.**ve. 11.**& 12.**Deut.**ca. 34.**verſ. 4.*

At vero ipſe Iſraelis populus longe
 graviffime peccavit, & quidem ſæpius
 repetita diffidentia. Nec eam ulla pro-
 digia aut miracula ſatis corrigere po-
 tuerunt: ſi quid non ſtatim oculis cer-
 nere aut manibus palpare licuit, mox
 Iudæi in priſtinam relapſi diffidentiam,
 id fieri poſſe negarunt: eo etiam diffi-
 dentia illorum progreſſa eſt, ut Deum
 continuis querelis aut oblivionis ar-
 guerent aut incuriæ. Et quam improbi
 erant clamores illi? Vtinam mortui eſſe-
 mus in Ægypto, & non in hac vaſta ſo-
 litudine! Vtinam pereamus, & non in-
 ducat nos Dominus in terram iſtam, ne
 cadamus gladio, & uxores ac liberi no-

ſtri ducantur captivi. Nonne melius eſt reverti in Ægyptum? Dixeruntque alter ad alterum: Conſtituamus nobis ducem, & revertamur in Ægyptum. Ita, ô improbi, quaſi non ubique pereundi ſit locus.

Sint forſan qui mirentur, eſcur Deus populo ſuo non tantum non vinum dederit, ſed & aquam inſuper permiferit deeſſe? Sic expianda erat diffidentia. Ecceur in eundem hunc populum venenatos igneos ſerpentes immiſit, qui non tantum tot vulnerarunt, ſed & necarunt? Ob diffidentiam id factum. Cur unico nonnunquam prælio viginti aut triginta millia hominum interfici non vetuit? Ob hanc ipſam diffidentiam. Cur hoſtes potentiffimos, qui nunquam ſatis debellarentur, objecit? ob eandem hanc diffidentiam, quam in querulo hoc populo nullis ſuppliciis ſatis potuit extinguere, quin identidem renaſceretur. Aperte tandem Deus ipſe prorupit in has querelas: Uſquequo detrahet mihi populus iſte? quouſq; non credent mihi in omnibus ſignis quæ feci coram eis? Uſquequo multitudo hæc peſſima murmurat cōtra me? Feriã igitur eos peſtilentia, atq; conſumam. Interpoſuit hic quidẽ Moſes ſuas partes, & deprecato-rem ſe præbuit, nihilominus decretum divinum hoc fuit: Sicut locuti eſtis audiente me, ſic faciam vobis. Parvulos veſtros, de quibus dixiſtis quod prædæ hoſti-

Num.

ca. 14.

ve. 11.

et 31.

hostibus forent, introducā, ut videant
 terram quæ vobis displicuit : vestra ca-
 vera jacebunt in solitudine. Non fe-
 ellerunt cælestes minæ : E tot centenis
 millibus hominum, quos Deus ex Ægy-
 pto afferuerat, nemo unus felices terras
 vel oculis attigit, omnibus ad unum in-
 sola solitudine extinctis. Soli Calebus &
 Osue, qui spem potiundæ terræ non ab-
 ecerant, terra illa potiti sunt. Ita nimī-
 am puniēda fuit diffidentia. Post hæc
 omnia tamen, nondum omnem desie-
 runt diffidentiam, quam etiam in trans-
 mittendo Iordane repetierunt.

V. Regum Fasti memorant, Siceleg ^{1. Reg.}
 urbe ab hostibus succensa, & omnium ^{30. v.}
 virorum ac liberis captivis abductis, ^{6. c.}
 tantam rerum omnium desperationem ^{seqq.}
 misse, ut populus Davidem regem la-
 vidibus jam jam moliretur obruere :
 nec res, nec spes superesse ulli videbatur.
 Et quanto major omnium diffidentia,
 tanto erectior Davidis fuit fiducia: Cō-
 fortatus est David in Domino Deo suo.
 Ita in spem maximam vocatus David,
 cum quadringentis viris insecutus ho-
 stem, quem securissime epulantem in-
 veniens, tanta cæde aggressus est, ut ab-
 omni diei vespere, ad usque alterum,
 hoc unum cum suis ageret, mactare ho-
 stes. Ita non tantum prædam omnem,
 quam Amalecitæ abduxerant, recupe-
 ravit, nec unico quidem è suis deside-
 rato, sed alia insuper opimissima spolia,

velut fœnus, recuperatæ prædæ adjunxit. En, qua ratione spes superanda, & in rebus etiam desperatissimis Deo tamen minime diffidendum.

Prædixerat olim Elisæus in summa annonæ caritate, brevi maximam fore frumenti vilitatem. Excepit vocem dux quispiam regis Samariæ, & per diffidentiam irridens: *Etiam si*, ait, *Dominus*
4. Reg. cap. 7. fecerit cataraëtas in calo (& pluerit frumento) *ve. 19. nunquid poterit fieri quod loqueris?*

Cui Elisæus: *Videbis*, inquit, *oculis tuis* & *inde non comedes*. Evenit omnino quod vates prædixerat. Nam ille dux regis ad urbis portam à turba compressus, & conculcatus est. Nimirum hoc præmium debebatur diffidentiae. Vere, cogitationes mortalium timidæ, & incertæ providentiæ nostræ. Deus autem æque certo scit omnia, tam futura, quam præsentia, & præterita. Nota est enim illi operis sui series: omnium ei rerum per manus suas iturarum scientia in aperto semper est: nobis ex abdito subit. & quæ repentina putamus, illi ab æterno adsunt provisa. Hinc Ecclesiæ preces illæ: Deus, cujus providentia in sui dispositione non fallitur. Quia vero hæc providentiæ abyssus longe abditissima, multi cum vident tot flagitia impune abire, & à Deo dissimulari, optimum quemque tot ærumnis acriter flagellari, in diffidentiae voraginem se præcipitant, perinde ac si Deus humanis se rebus

bus non misceat, cum inter probos improbosque sæpe nullum pateat discrimen. Ecclesiastes: Univerſa, inquit, æque *Eccel. cap. 9. verſ. 2.* eveniunt juſto & impio, bono & malo; mundo & immundo; immolanti victimas & ſacrificia deſpicienti. Hæc nobis temere & caſu fieri videntur. In quo idem nobis evenit quod ei qui horologium in turri conſiderat; hic gnomonem quidem, ſeu, indicem horologii videt, ipſum horologium, & artiſcioſam rotularum conſtructionem non videt. Paganus, infans ſit, aut fatuus, qui credat gnomonem ſeiſpo moveri, idque non conſulto ſed caſu. Homines civici probe norunt, indicem illum à ſeiſpo non circumduci, ſed pone parietem latere horologium. Ita prorsus gubernatio Dei occulta, ſed ordinatiſſima; indicem illius in rebus omnibus videmus, ſed admirabile divinæ providentiæ artiſcium nequaquam cernimus. Hinc fatuæ plurimorum cogitationes, quibus pleraque omnia caſu videntur evenire. Aliter ſentiunt qui altius ſapiunt; nullam in rebus fortunam agnoſcunt, cum ſciant omnia Dei manu providentiſſime gubernari. Ita Gregorius Nazianzenus: *Greg. Naz. epiſt. 63.* Ego quidem, inquit, exploratum habeo, apud ſummam rationem, nihil rerum noſtrarum expers rationis eſſe.

Hoc divinæ providentiæ horologium cuius hominum ſuas omnes horas ad minima quævis punctula deſcriptas
in ſe

Alii, in se continet. Rex Babylonis Balfasar
Bal- in opulentissima cœna jam temulentus
thassar. manum vidit in adverso pariete igno-
 tos characteres formantem. Expalluit
 ad hanc scripturam, & contremuit.
 Quid vides, ô Rex? quid turbaris? cujus
 est hæc manus? Si nota est, quomodo
 ignotus scriba? Si nondum aut illam aut
 istum noris, cur adeo formidas? Confu-
 lit infelix omnes urbis sapientes super
 hoc litterarum mysterio, sed id nullus
 intelligit; indicem omnes vident, horo-
 logium nullus. Sed quis dabitet esse
 gnomonem ab horologio divinæ pro-
 videntiae rotatum. Venit ergo Daniel, &
Dan. quæ hora regi designaretur, sic pronun-
cap. 5. tiavit: Numeravit Deus regnum tuum,
ve. 26. & complevit illud. Hora vitæ tuæ, ô
 Rex, jam instat ultima, eaque jam labo-
 rat in fine: quare propera vivere, pro-
 pera, jam ultimum clepsydre defluit;
 propera, horæ finis imminet. Et quo-
 modo Daniel hæc scivit? In divinæ pro-
 videntiae horologio vidit.

VI. Hinc liquet, omnes hominum e-
 ventus tam adversos quam prosperos,
 in divinæ Providentiæ horologio ad
 amissim, & ad numerum exactissime
 descriptos esse, & nec uno quidem api-
 ce aut punctulo falli posse hoc horolo-
Matt. gium, quin omnia habeat directæ ad id,
cap. 5. quod magis expedit. Iota unum aut u-
ve. 18. nus apex non præteribit; Nec dimittam
Gen. nisi cõplevero universa quæ dixi. Quod
ca. 28. si ho-
ve. 15.

si horologio cui peritissimus est curator,
 non inviti credimus, quid hoc stultitiæ
 aut infantiæ est, erroris quandoque ar-
 guere magnum illud Orbis totius ho-
 rologium, quod non potest errare, in
 quo omnes omnium eventus longe op-
 time dispositi sunt? Tua autem, Pater, *Sap.*
 providentia ab initio cuncta gubernat: *ca. 14.*
 quoniam dedisti & in mari viam, & *vers. 3.*
 inter fluctus semitam firmissimam, o. *& 4.*
 stendens, quoniam potens es ex omni-
 bus servare, etiam si sine rate aliquis ad-
 eat mare. Vti revera, non uni tantum
 sanctorum pro navigio fuit pallium,
 pro navigii malo baculus, adeo nus-
 quam divinæ providentiæ diffidendum.
 Nihilominus cum optimi quique homi-
 num cernuntur premi, affligi, opprimi;
 improbi autem florere, & omnia mo-
 limina sua ad lætos exitus deducere, di-
 vina providentia aut dormire, aut con-
 nivere nimium videtur. Et hæc cogitatio
 sanctissimos etiam viros nonnihil tur-
 bavit: at illorum turbatio, nostra fuit
 instructio, & confirmatio. Rex David de *Pf. 72.*
 seipso: Mei autem pæne moti sunt pe- *v. 2. 3.*
 des, inquit, pæne effusi sunt gressus *12.*
 mei, quia zelavi super iniquos pacem *15.*
 peccatorum videns. Ecce ipsi peccato- *16.*
 res & abundantes in sæculo obtinue- *17.*
 rūt divitias. Et dixi, ergo sine caussa ju-
 stificavi cor meum, & lavi inter inno-
 centes manus meas. Putabat plane Rex
 David se hujus rei causas indagaturum.

Nam

Nam existimabam, inquit, ut cognoscerem hoc: labor est ante me, donec intrem in sanctuarium Dei. Hæc olim in cælo videbimus, nunc minime penetranda.

Hier. ca. 12. vers. 1. Sic etiã Hieremias vates, ob hoc ipsum nonnihil turbatior: Iustus quidem tu es Domine, inquit, si disputem tecum,

et 2. veruntamen iusta loquar ad te: Quare via impiorum prosperatur? bene est omnibus qui prævaricantur, & inique agunt. Plantasti eos & radicem miserunt: proficiunt, & faciunt fructum: prope es tu ori eorum, & longe à renibus eorum. Idem questus & Habacuc:

Hab. cap. 1. ve. 13. Quare, inquit, non respicis super iniqua agentes, & taces devorante impio iustitiam?

et 14. Et facies homines quasi pisces maris, & quasi reptile non habens principem. Hæ tales querelæ inde sunt, quia unam tantum divinæ providentiæ partem videmus, altera nostris oculis neutiquam patet, & cum expectandus foret rei exitus in supremo iudicio manifestandus, nos ante iudicium illud temere iudicamus. Ideo Paulus: Nolite,

1. Cor. cap. 2. vers. 5. inquit, ante tempus iudicare: quoadusque veniat Dominus, qui & illuminabit abscondita tenebrarum, & manifesta-

bit consilia cordium. Augustinus similitudine diversa hoc explicat: Si quis in opere musivo, aut emblemate vermiculato lineam obliquam videat, velatis partibus ceteris; aut si quis in pictura monstrum, vel imperfectum quid aspiciat,

iat, reliquis non ostensis, vix se continebit, quin dicat : Num hic pictor, num circularius hic faber non plus artis habent ? quod si opus monstretur totum ac perfectum, mirantur atq; dilaudent & ordinem partium, & artem. Eodem modo si quis audiat pronuntiari versum non integrum, & minime fluentem, mox dicet: Non est bonum hoc carmen. expecta sis, finiam prius, & tunc cense num suis constet pedibus. Ita nos prorsus divinæ providentiæ particulam videmus, totum illius ordinem, nexum ac progressum non videmus : quid annis prioribus evenerit, fortasse scimus, nec tamen integre ; quid eventurum sit posterioribus, plane ignoramus, hinc Dei providentiam temere ac falso accusamus. Hoc, inquit Augustinus, perturbat te hominem Christianum, quia vides male viventes felices, rerum istarum copia circumfluere, sanos esse, superbis dignitatibus eminere, incolumem habere domum, gaudia suorum, obsequia clientium, excellentissimas potentias, nihil triste interpellare vitam ipsorum. Mores nequissimos vides, facultates copiosissimas respicis, & dicit cor tuum, nullum esse divinum iudicium, omnia casibus ferri, & fortuitis motibus ventilari. Nam si Deus, inquis, res humanas respiceret, non floreret illius iniquitas & mea innocentia laboraret. Quid ergo tu? Spera in Dominum, illi enim sperant.

Aug.
in ps.

136.

primæ

parte

psalms

rant non in Dominum: spes illorum mortalialis, spes illorum caduca, fragilis, volatica, transitoria, inanis erit. Ergo nolite ante tempus judicare. Nemini hæc scire licet, donec intret in sanctuarium Dei. Olim cum non indicem tantum magni illius horologii, sed & ipsum divinæ providentiæ horologium, idque totum inspicere licebit, tunc omnium sæculorum decursus, tunc suæ quisque vitæ periodos omnes clarissime intuebitur; tunc luculentissime apparebit, quanta providentia omnes & singulos homines gubernarit Deus, quam paterna prorsus cura singula vitæ momenta cujusvis hominis disposuerit, in ipsius bonum & salutem, nec ulli quidquam unquam evenire permiserit, quod non ita expediret. Tunc patebit, cur permiserit Deus Angelos ruere, Protoplastos labi: Cur Iudæos ferreæ cervicis homines in suum populum elegerit, abjecerit ceteros: Cur hos voluerit nasci Christianos, illos progigni permiserit inter idololatrias: Cur hunc ærumnis omnibus mature liberarit, illum inter calamitates senescere, & expirare siverit: Tunc in pretio erit quicquid jam Christi causa patienter toleratum fuerit. Quisquis hæc serio cogitat, sceptrum Accipere, hoc est, omnem castigationem Dei reverenti osculo salutar.

VII. Hic forsan afflictus quispiam & æger animo dixerit: Ah, idem pæne mihi

tibi contingit quod Sauli, *Qui consuluit* 1. Reg. ca. 28. ve. 6.
ominum, & non respondit ei, neque per som-
a, neque per sacerdotes, neque per prophe-
s. Ego hoc, & hoc perdididi, in morbum
 anc incidi; quo ibo nisi ad magos? Id
 ero te Deus prohibuerit. Sustine su- Ecclesi. cap. 2. vers. 3. 4. 5. 6.
 entationes Dei; conjungere Deo, &
 stine, ut crescat in novissimo vita tua.
 mne quod tibi applicitum fuerit, ac-
 pe, & in dolore sustine, & in humilita-
 tua patientiam habe: quoniam in
 ne probatur aurum & argentum, ho-
 ines vero acceptabiles in camino hu-
 iliationis. Crede Deo, & recuperabit
 ; & dirige viam tuam, & spera in
 lum.

*Grata superveniet qua non sperabitur
 hora.*

Cogita non esse magnum quid, se re-
 us prosperis fortem gerere, ubi secun-
 o cursu vita procedit: nec gubernato-
 s quidem artem tranquillum mare &
 bsequens ventus ostendit: adversi ali-
 uid incurrat oportet quod animum
 robet. Plena & infesta variis casibus
 ta est, à quibus nulli longa pax, vix
 aduciæ sunt. Si male fers, magna one-
 ; si bene, magna solatia. Nullam tam
 miseram nominabis domum, quæ non
 veniat in miseriore solatium. Tu, si
 oles, & quantum voles, plora: bibes
 nihilominus illud poculum inœroris,
 uod non temere tam plenum tibi cæ-
 stis medicus propinat. Si bonus es,
 D d ærumnis

ærumnis exerceri te sentias ; si lapsus
 allevari ; si improbus, puniri. Ne dixeris
 quod Saul ad Samuelem : Coarctor ni-
 mis, siquidem Philistiim pugnant ad-
 versum me, & Deus recessit à me. Non
 recessisset à te, ô rex, nisi tu prius ab illo
 Hoc & tu mi Christiane cogites: nemi-
 nem deserit Deus nisi desertus. Si sa-
 puisset Saul, id quod Mauritius Impe-
 rator, dixisset : Domine hîc potius me
 punias quam ibi. Sic, ô Christiane, ne
 in angustiis ad magos, Dei inimicos
 curre, ne animum desponde, ne Deo dis-
 fide: tu potius ad Dei amicos, ad cælites
 Angelos, ad matrem Dei, ad crucifixi
 pèdes confuge, hîc tuum est asylum, hîc
 salus tua, hîc illud Davidis & Iobi vo-

Pf. 70. ciferare: Ego autem semper sperabo, &

ve. 14. adjiciam super omnem laudem tuam

Iob. Etiam si occiderit me, in ipso sperabo.

ca. 13. Ille plurimorum intolerabilis & er-

ve. 15. ror & abusus est, ut prius ad humana

fese auxilia convertant, quam ad divi-
 na, neque hæc, nisi illis omnibus frustra
 tentatis, rebusque jam plane depositis,
 censeant advocanda. Quo sane fit, ut
 humana remedia ordine plerumq; præ-
 postero adhibita, vindicante Deo, in-
 cassum nobis eant.

Sed quæras forte, quâ Deus permittat
 tot homines maleficis artibus devinci-
 ri, & necari? Ne mirare: summa in Deû
 diffidentia etiam supplicii genus me-
 retur. multis vix alius medicus, quam

magus, nec alius pharmacopæus, quam
diabolus quæritur. Iure Deus per hos
punit, per quos tam varie offenditur.
Paulinus memorat Ambrosio episco-
po nullum unquam magum nocere po-
tuisse ob illius firmissimam in Deum fi-
duciam. Mortua namque Iustina Impe-
ratrice Ariana, cum Innocentius magus
in quæstionem raperetur, inter tormen-
ta fassus est, Angelum Ambrosii custo-
dem, suum esse tortorem. Nam viva Im-
peratrice se nocte intempesta sub tem-
pli tectum ascendisse, & sacrificasse eo
fine, ut Ambrosium infamem inuisum-
que faceret plebi, nihilominus amorem
in hunc virum & fidem Catholicam ma-
gis ac magis effloruisse: missos etiam à
se Dæmones qui Ambrosium necarent,
sed iis ultra ædium fores progredi non
licuisse. En, quibus excubiis Deus illos
defendat, qui omnem in se solo collo-
cant fiduciam. Et plerunque qualis est
hominis in Deum confidentia, talis est
Dei in hominem liberalitas. Sed heu
quam in Orbe rari sunt, qui Deo fidant
toto animo! mores hominum considera,
& plurimum ubique reperies diffiden-
tiæ, quæ quotannis pæne eadem redit
ac reviviscit, & inde tam vani timores.
Iam fruges metuunt nivibus suffocan-
das, aut in herba necandas à siccitate,
jam pluviis mergendas, aut grandine
sternendas, vel fulmine exurendas: Iam
aliunde vexandam annonam timent:

Iam vero ne valetudini, aut incertis casibus defint necessaria, formidant : Iam ad rumores bellicos consternantur, & spem omnem abjiciunt : Iam ad funerum, aut aliarum cladum nuntios penitus exanimantur ; in quocunque deum laboris aliquid ac difficultatis sentiunt, de eo mox diffidunt, & cum animum gerat cæcum, manus semper oculatas habent, id credunt quod vident. Et hoc inde, quia de Dei bonitate ac potentia parum recte parumve liberaliter sentiunt: hinc illa animi de rerum temporariarum prospectu nunquam secura, semper diffidens cura. Vera in Deum confidentia clavis est ad ærarium, è quo Deus cælestes divitias solet egentibus ad votum impertiri. Deo diffidere, aut principium est plurimorum scelerum, aut finis.

CAPVT XI.

E cognitione divinæ Providentiæ magnam in Deum fiduciam, è fiducia veram cum Deo divinæque voluntate concordiam nasci.

Sicut in aurea torque anulus ex anulo pendet, sic è notitia divinæ providentiæ nascitur fidentia, ex hac facillime sequitur humanæ voluntatis cum divina conformatio. Da mihi hominem, qui Dei providentiam in omnibus agnoscat, eique fidat, mox dabo, qui se divinæ voluntati exactissime sub-

subjiciat. Ita nos instituit Deus, ut notum faceret nobis sacramentum voluntatis suæ secundum beneplacitum ejus, quod proposuit in eo. Et ut impleamur cognitione voluntatis ejus, in omni sapientia & intellectu spirituali. In Noëmo id totum liquidissime videre est.

I. Principio Noëmus de infinita Dei providentia instruendus erat. Ideo Deus fidelissima narratione huic viro aperuit, in quem usum arca, quam etiam longa & lata, quamque alta esset fabricanda; qua ratione omnis generis animantes in eam cogendæ, quomodo suum singulis pabulum comportandum, quo denique modo in perfectam à se arcam cum septem conjunctissimis sibi hominibus ingrediendum foret, decretum enim esse universum hominum genus in aquis extinguere. Ex his Noëmus mirissimam Dei providentiam addidicit; in hac porro tam exacte cognita summam reposuit fiduciam, qua certissimo sibi persuasit, se cum suis inter Orbis funera servandum. Hac concepta fiducia, facilissimum ei fuit, suam in divina voluntate constituere, omniaque ad perpendicularum divinæ voluntatis facere. Hinc illud amplissimum Noëmi encomium,

Fecit Noë omnia quæ præceperat ei Deus. *Gen. cap. 6. ve. 22.*
 Hic observatu dignissimum, quod Noëmo cum suis arcam ingresso, Deus arcæ ostium foris clauserit, qua ratione

clavem ad arcam referendam secum abstulisse dicendus est. Sed percontari libet, an non consultius fuisset, clavem illam Noëmo tradere, ut eluvione subfidente arcam ipsemet Noëmus referaret egressui. Verum ideo Deus hanc clavem nulli committere, sed sibi voluit reservare, ut arca inclusi eadem manu educerentur, qua fuerant introducti, utque non in alio ullo quam in suæ libertatis ac salutis auctore fiduciam collocarent.

Hac ipsa ratione Ioseph Ægypti Prorex, ut divinam providentiam nosceret, tam admirandis casibus docendus erat: ubi providentiam Dei in suos semper vigilantissimam nosse didicit, etiam fiducia fuit imbuendus: ideo enim permisit Deus, ut Pharaonis pincerna tam officiose rogatus interpretis sui meminisse velleret, biennio tamen toto oblivisceretur, ut sic Ioseph disceret non hominum favore niti, sed Dei solius, cui libertatem suam omnem acceptam referre deberet. Chrysostomus egregie super hac re philosophatus: Considera, inquit, quomodo post restitutionem pincernæ duo anni præterierint. Oporrebat enim expectari tempus opportunum, ut majori cum gloria inde educeretur. Si enim præfectus pincernarum ante somnia Pharaonis recordatus, auctoritate sua eum liberasset, fortassis non tam perspicua fuisset aliis ejus virtus. Nunc autem

*Chrys.
hom.*

63. in

Gen.

circa.

met.

tem

em omnipotens & sapiens Deus, sciens
 sicut optimus artifex, quanto tempore
 debeat in igne aurum teneri, & iterum
 inde reduci: permittit ad tempus bien-
 nii præfectum pincernarum illius obli-
 visci, ut & tempus somniorum Phara-
 onis veniat, & compellente necessitate
 ipsa, justus ille in toto regno Pharaonis
 notus fiat. Hinc illa Iosephi in divinam
 voluntatem tanta devotio, ut omnia
 quæ sibi contigerunt mala, in hanc u-
 nam referret: hinc illa nobilissima ad
 fratres oratio, qua divinæ voluntatis
 arcanum explicans: Non vestro consilio, *Gen.*
 inquit, sed Dei Voluntate huc missus *ca. 50.*
 sum: hinc illa tam benigna parricidis *ve. 20.*
 fratribus data venia: Nolite timere; num
 Dei possumus resistere voluntati? vos
 cogitastis de me malum, sed Deus ver-
 tit illud in bonum. Nisi Ioseph divinæ
 voluntatis secretum tam probe cogni-
 tam habuisset, in crucem fratres rapi
 jussisset, non tot beneficiis prævenisset.
 Quod in Noëmo & Iosepho fuit divi-
 næ voluntatis studium, hoc in sanctissi-
 mis quibusque viris est videre; de quo-
 vis illorum affirmari potest: Semetipsos
 dederunt primum Domino, deinde no-
 bis per voluntatem Dei.

II. Polycarpus Smyrnensis Pontifex *Euseb.*
 non semel quæsitus ad necem divinam *lib. 4.*
 circa se providentiam expertus est va- *Eccles.*
 rie, nam locum è loco feliciter mutavit *hist.*
 sæpius. tandem, cum effugio etiamnum *ca. 15.*

pateret locus, velut æstu quodam in divinam voluntatem abreptus, paratæ neci se offerens dixit: Fiat voluntas Domini. Vicit hic quidem; vicerunt & alii, sed sævientem Mundum. At vincere blandientem difficile videtur. Sed facilimum erit Augustini consilio sic suadentis: Non nos teneat voluntas propria, non nos terreat crudelitas aliena, & victus est Mundus, seu sæviens seu blandiens. Quisquis divinam circa omnia providentiam, & oculum illum nunquam dormitantem considerat, contumelias, verba probrosa, ignominias, & cetera dehonestamenta, velut clamorem hostium fert, & longinqua tela, saxaque sine vulnere circa galeas crepitantia.

*Aug.**serm.**I. de S.**Vinc.**Sen de**Const.**ca. 16.**Gui-**lielmus**Tyrinus**de bello**sacro, &**Ruper-**tus ab-**bas**Bergē-**sis, ad**Anni**1095.***gott**will**es/**gott**will**es.*

Anno Christiano millesimo nonagesimo quinto, cum Urbanus. I I. Pontifex Maximus in Galliis, in concilio Claramontano publice de Palæstina recuperanda perorasset, omnium animis ad factum hoc bellum inflammatis, acclamatum est ab omnibus, * *DEVS VULT, DEVS VULT.* Hæ voces deinde ab universo exercitu illo, plusquam trecentis millibus hominum, pro militari tessera sunt usurpatæ. Maxime vero cum conflictum jam spectaret & acies utrinque concurrerent, Christianus miles generose succlamavit, *Deus vult, Deus vult.*

In terram vere sanctam, in terram vivorum tendimus nos omnes, quotquot Christiano nomine censemur: quin ergo ani-

animos erigimus, & tum præcipue cum pericula premunt, cum occulti hostes laceffunt, læti vociferamur, *Deus vult; viriliter agamus, laboremus, pugnemus, vincamus, ita Deus vult.*

Aldegundis sanctissima virgo, cum miros in virtute progressus fecisset, cælestibus ostentis sæpius recreabatur. Inter hæc puella ignota velut peregre ad illam revisens, jubebat à Dei matre quod vellet postulare, facile impetraturam quod petiisset. Huic Aldegundis alacriter respondens: Hoc unum, inquit, postulo, ut fiat, quod vult Deus: mea unica voluptas, Domini voluntas.

Eudoxia Augusta Theophili Imperatoris conjux, cetera non laudabilis, hoc uno tamen plurimum commendanda, quod cum ejus filius gravi morbo decumberet, Epiphanius Salaminis in Cypro episcopus fuerit accersitus, ut suis precibus valetudinem filio restitueret. In eam rem Antistes operam suam spondit, si tamen Dioscorus hæreticus exigeretur urbe. Ad quæ Eudoxia: Si Deo, inquit, visum fuerit, vivet filius meus: sin eum ille qui dedit, auferre constituerit, fiat voluntas ejus. Aptè hîc Bernardus: Vita enim, inquit, in voluntate ejus, ut hoc nobis in omnibus utilius atque omnino commodius non dubitemus, quod ejus congruit voluntati. Et propterea quam sollicitè conferre volumus vitam animæ nostræ, tam

Sur.

tom.

ult. die

II.

Nov.

Berit.

serm.

de ver-

bis A-

bac.

proph.

Serm. solliciti sumus quod possumus ab ea non
Quo- deviare. Nam, ut idem optime, Totius
modo humilitatis summa in eo videtur confi-
volun- stere, si voluntas nostra divinæ (ut di-
tas no- gnum est) subjecta sit voluntati. Hæc
stra di- autem subjectio vix erit diuturna & fir-
vina ma, nisi divinæ providentiæ notitia fue-
Et c. rit fulta.

III. Sanctus Franciscus Xaverius, qui primus è Societate IESU in Indiam & Iaponiam Christi Evangelium invexit, ita alte imbiberat animo divinam providentiam, ut plurima incredibilis in eam fiduciæ specimina ediderit, ex hac porro fiducia tantum divinæ se voluntari conformandi studium nascebatur, ut Xaverius ad Ignatium ex India litteras scripserit in hæc omnino verba. Gratia & Charitas Christi Domini nostri.

Mi Pater in Christi visceribus unice. Te ego pater animæ meæ summeque mihi venerande, positis humi genibus suppliciter oro, ut mihi à Deo impetres, ut dum vivam, sanctissimæ voluntatis suæ mihi det, & plane cognoscendæ, & omnino exequendæ facultatem. Vale.

Hanc illi tantam cum divina voluntate consensionem persuasit summa in divinam providentiam fiducia. hac armatus alta spectabat, ingentiaque conabatur. Vbicunque enim divinus honor ageretur, nulli cedebat difficultati, periculoque. ita nihil moliebatur quod non effice-

efficeret, nihil inchoabat quod non absolveret Deo nixus. In ultimam Orientis regionem Iaponiam lembo vectus piratico ire sustinuit, securus periculorum, quæ ab amicissimis peritissimisque hominibus & plurima denuntiabantur, & maxima. Hos ille miratus quod tam exiguam haberent fiduciam Dei, in cuius illa omnia essent potestate: Equidem, aiebat, cum Dei nutu atque imperio omnia gubernari certo sciam, nihil omnino metuo præter ipsum Deum, cum res ceteræ quamvis noxiæ, non nisi quatenus ille finit, nocere hominibus queant. Itaque Dei unius præsidio per tot maris terræque discrimina, per tot gentes sermone moribusque dissonas, Indiæ vastitate non contentus, Malacam, Molucas insulas, Mauricam, Iaponiam, Sinas, omnem denique Orientem animo atque industria complexus, ad ultima Orientis penetravit, oceanoque toties remenso Christianis mysteriis feras barbarasque gentes instituit, ac mitigavit. Nec vero unquam illum Dei fiducia fefellit. Illæsus venena bibit, sagittas transiit, ter naufragium fecit, ac semel tabulæ incubans biduum triduumve fluctibus impune jactatus evasit, aliaque innumera pericula effugit: illud autem assidue animo versavit: Si Deus pro nobis quis contra nos? turpissimum ratus, & omnium periculorum maximum, divinæ providentiæ atq; potesta-

tis spem fiduciamque abjicere. Ita unicuique in Orbe hostem timuit Diffidentiam. Præsertim (sic ipse loquebatur) cum neque dæmones ipsi, neque eorum satellites ac ministri quicquam nos lædere queant, nisi Dei permissu ac Voluntate.

Quid multis ? Hoc omnium Sanctorum potissimum fuit studium, divinam providentiam cognoscere, è cognita in fiduciam assurgere, è fiducia in suavissimam cum divina voluntate unionem transire, in hac quotidie crescere, hoc demum agere ut propria voluntas suave sibi ducat in divinam colliquescere. Et certe qui Dei voluntatem semper fieri optat, is in omnibus gratificatur suæ. quid enim ei resistat, qui pro sua voluntate agnoscit divinam ? Et hinc etiam priscorum Patrum laudatissima consuetudo, qua omnia, quocunque modo & ratione evenissent, in unius Dei providentiam voluntatemque rejecerunt. Res prorsus memorabilis. Iosephi fratres cetera rudes & etiam improbi, eo tamen plurimum laudandi, quod cum pecuniam emendo tritico allatam in singulis faccis repositam reperissent, obstupefacti, mutuo dixerunt:

Gen. Quid nam est hoc quod fecit nobis Deus ?
ca. 42. Verba dignissima observatu, Quod fecit
ve. 28. nobis Deus. Quis nostrum non dixisset:
 Hæc quidem manifesta fraus est; occasionem quærunt Ægyptii ad perdendos
 . . . nos:

nos : hoc factum est struendæ in nos calumniæ. Nisi forsan œconomus ex incuria numorum oblitus, eos nescio quo casu in saccos frumentarios raptim abdidit : Quid si fortassis eleemosynæ loco reddere nobis voluerit monetam nostram? Quid si plures hac ratione emptores allicere cogitarit? Illi nihil horū, sed sapienter omnino: *Quidnam est hoc*, ajunt, *quod fecit nobis Deus?* Quicquid erroris intervenerit aut fraudis, hoc Deus fecit, & nobis id fecit, horum omnium causa est voluntas Dei, sine cujus nutu nec arenula quidem è monte, nec capillus è capite, nec foliolum ex arbore, nec passerculus ex aëre decidit.

Nos frequentissime, more canum percussi fustem aut lapidem mordemus, aut ob scripturam malam calamo indignamur, aut in pictura errorem penicillo assignamus, & manum jacentis, scribentis, pingentis non consideramus; Dei manus facit hæc omnia. Ita sane loquendum, ita & sapiendum in omnibus: Deus disponit, Deus regit, Deus facit hæc omnia. Et ut optime capiamus hunc & loquendi, & sapiendi modum, paradigmata dabimus compluscula è Christi & Divorum ore petita.

IV. Christus Dominus in æternam Patris providentiam velut suavissimo æstu abreptus: Pater, inquit, quoniam sic fuit placitum ante te. Ita mi Pater, recte omnia fecisti; nec mortalium ullus in
tua

*Matt.
ca. II.
ve. 26.*

tua dispositione , aut in judiciis tuis quidquam damnet, quoniam sic placuit TIBI. En , quam suaviter doceamur divinæ potestati modum non definire, Dei judicia non scrutari , decreta non examinare , sed hoc uno acquiescere quia Deo sic placet. Patri sic placuisse Servator asserit, quare sic placuerit, non exponit. Siquidem divinæ volūtatis causa nec assignanda est , nec quærenda. Mille causarum loco est , Deum sic voluisse. Divinæ providentiæ voluntas, est summa justitiæ norma ; nec aliter ejus rationes constant, quam si nulli hominum reddantur. Idcirco in omnibus omnino rebus faciendis aut omittendis, fugiendis aut perferendis, exemplo Christi, ô Christiane dic sēper: *Ita Pater, Ita Pater, Ita mi Pater.* etsi hoc uno die millies, etsi ter millies ingeminandum : *Ita Pater.* Et tunc magis id dicendum, & assidue repetendum , cum magis premunt adversa, in omnibus tuam sanctissimæ ipsius voluntati subjiciendo : *Ita Pater.* Hæc vigilans & dormiens, hæc sanus, & æger, & moriens identidē pronuntia, velut si dicas : Domine, nil possum tibi negare, tu scis. Sicut ergo vis, sicut disponis, ordinas, permittis omnia fieri, ita fiant, ita Pater, ita & in me fiat, & nihil fiat in me, quod voluntati tuæ rectissimæ , optimæ vel minimum adversetur. *Ita Pater* , ita fiat & nunc , & semper, & in omnem æternitatem.

Hoc pacto è priscis Patribus quidam precari solitus est: Fili Dei, Fili Dei, sicut scis & sicut vis, miserere mei, Fili Dei. In hunc fere modum ille divinæ *Thom. de Kē. pis. l. 3. de imit. Christi ca. 17.* voluntati devotissimus scriptor: Domine, inquit, dummodo voluntas mea recta & firma ad te permaneat, fac de me quicquid tibi placuerit. Non enim potest esse nisi bonum, quicquid de me feceris. Si me vis esse in tenebris, sis benedictus: & si me vis esse in luce, sis iterum benedictus: Si me dignaris consolari, sis benedictus: & si me vis tribulari, sis æque semper benedictus. Domine libenter patiar pro te quicquid voveris venire super me. Indifferenter volo de manu tua bonum & malum, dulce & amarum, lætum & triste suscipere; & pro omnibus mihi contingentibus gratias agere. Hoc est, ô Christiani, vero nomine devote precari, devote agere.

A prioribus nec ista differt oratio: O bone IESU, sic me amasti, ut totum te dares carnificum furori figendum in cruce: quid jam magni sit, si totum me tradam tibi in tuas manus, non crudeles illas, sed vere paternas. Certus ego sum, omnia tendere ad meum profectum. Fac ergo Domine mecum quod bonum est in oculis tuis, tua enim sunt omnia, nec est qui tuæ possit resistere voluntati. Quia tu Domine sicut voluisti, fecisti. Nec est in hominis potestate consilium tuum. Tales omnino in veteri lege *Iona. cap. 1. Sancto. ve. 14.*

Sanctorum preces fuerunt: Sic precatur

Tob. Tobias: Nunc, inquit, Domine, secundum
cap. 1. dum voluntatem tuam fac mecum,
vers. 6. præcipe in pace recipi spiritum meum.

Judith. Sic Judith precata: Dicamus, inquit
cap. 8. flentes Domino, ut secundum voluntatem
ve. 17. suam sic faciat nobiscum misericordiam suam.
& c. 9.

vers. 4. V. Mirum dictum est, quoties liber

& 5. imitando Christo Domino inculcet hanc ipsam, de qua agimus, divinæ providentiæ agnitionem, & sanctissimum quod inde nascitur, divinæ humanæque voluntatis connubium. Nam post variæ præcepta, velut præstantissimum, im-

Thom. compendium omnium traditurus: Nil
à Kêp. hil ergo, inquit, amatorem tuam, & cognitorem
lib. 3. beneficiorum tuorum ita laudificare debet, sicut voluntas tua in eo
ca. 22. & beneplacitum æternæ dispositioni tuæ: de qua tantum contentari debet & consolari, ut ita libenter velit esse minimus, sicut aliquis optaret esse maximus
fine. & ita pacificus & contentus in novissimo, sicut in loco primo: atque ita libenter despicabilis & abjectus, nullius quoque nominis & famæ, sicut ceteris honorabilior, & major in Mundo. Nam voluntas tua & amor honoris tui omnia excedere debet. Hoc ipsum inculcat alibi hac occasione: Quæstio est sæpius agitata, in quo demum verus in

Thom. virtute profectus consistat. Quæstioni
à Kêp. sic respondetur: In offerendo te ex toto
l. 3. ca. corde

orde tuo voluntati divinæ, non quæ-
 endo quæ tua sunt, nec in parvo nec in
 magno, nec in tempore nec in æterni-
 tate, ita ut una æquali facie in gratia-
 um actione perman eas inter prospera
 & contraria, omnia æqua lance pen-
 sando. Qui adhæret Deo, unus spiritus *I. Cor.*
 est cum Deo, non naturæ puritate, sed *cap. 6.*
 voluntatis conformitate. *ve. 17.*

Objicias hîc forsan: Si velit Deus pa-
 rentes meos mori, qua ratione possim
 ego parentum meorum obitum velle?
 Quod si Deus me aut illos damnari ve-
 lit, an hoc ipsum velim & ego? Mi bone
 homo, patrem tuum matremque vult
 Deus mori, non eo solum quo illis eri-
 iatur usura vitæ, sed ut satisfiat debito
 justitiæ, vel ut servetur ordo naturæ,
 quod & te velle convenientissimū est. I-
 ta prorsus si damnari te velit Deus, non
 hoc ideo vult, ut tibi malum inferat, sed
 ut malum puniat, & justitiam defendat,
 qua ratione par est & te velle puniri
 oxas, etiam in teipso. Sed opportune *Jo. 12*
 hoc loco illud tibi ingero, quod diser- *Gail*
 tissimus ecclesiastes ante centenos & *à Kai-*
 lures annos memoriæ consignavit in *serf-*
 hunc modum: Si te, inquit, quotidie ex *perg.*
 integro divinæ voluntati ad omnes il- *de spi-*
 lus nutus promptum paratumque of- *rit. pe-*
 feras, veniam noxis obtines, tantumque *regri-*
 gratiæ mereris, ut possis non tantum in- *proprie-*
 erorum rogos, sed & piaculares flam- *tate 7.*
 mas non timere. Sincera hæc tui obla- *mhi*
 tio *pag.*

tio ad omnem Dei voluntatem exequendam, pœnitentiarum, & indulgentiarum, & eleemosynarum loco est.

Quid ergo tergiversamur? creatæ res omnes divinæ parent voluntati, & hoc (indignum prorsus) detrectet solus homo? Deus propositum sibi finem in rebus omnibus spectat, & consequitur: consequemur & nos nostrum, si cognita ejus providentia, nostram ipsius voluntati semper subjunxerimus. Sed heu, nimis subinde molles sumus, & ad omnes molestias graviter ingemiscimus. Verissime Seneca: Quomodo hic potest Deo parere, inquit, & quicquid evenit bono animo excipere, nec de facto queri, casuum suorum benignus interpret, si ad voluptatum dolorumque punctiunculas concutitur? Si quid Deus immiserit, quod graviolem ingerrat molestiam, quodque inferiores animæ vires horreant, tunc maximam imitandi Christi occasionem cogitemus, dicamusque cum Christo: Non mea, sed tua voluntas fiat. Hoc est divinæ providentiæ ac voluntati se integre committere, ut ipse de nobis statuatur, quod quantum, & quomodo voluerit, nos vero nihil excipiamus, nunquam contradicamus.

*Sen. de
vita
beata
ca. 15.*

*Blos.
Instit.
spirit.
cap. 2.
initio
mihi
pag.
355.*

Ludovicus Blosius hæc omnia suis verbis consignet: Propriam, inquit ille, voluntatem ubique deferat: eam Deo resignet, eam integre in Deum transfundat,

fundat, ejusque voluntati perfecte uniat. Nunquam ore, nunquam corde dicat (spectando seipsum & proprium commodum) verba ista: *Volo hoc, Nolo illud; Eligo hoc, Respuo illud*. Neque in tempore, neque in æternitate aliquid suum quærat: sed omni proprietate rejecta, se prorsus seipso spoliet privetque, & sibi rebusque omnibus sic moriatur, ac si nunquam creatus esset. Quærat autem ubique Deum, ejusque honorem ac voluntatem, ita ut ipsis quoque orationibus piisque desideriis suis humilem sui abnegationem resignationemque conjungat, petens non suam, sed Dei voluntatem fieri. Omnia quæ sibi eveniunt, referat ad ipsam voluntatem divinam, & ea nude de manu Domini suscipiat, sine cujus providentia nec unum quidem folium arboris decidit in terram. Permissionem ordinationemque illius sicut in prosperis, ita & in adversis; in damnis rerum, in injuriis, calumniis, opprobriis, ludibris atque suis contemptu; in doloribus corporis, in angustiis pressurisque cordis; in mœoribus, in derelictione calamitateque interna, & in quibuslibet afflictionibus, patienti ac tranquillo animo ferat, eumque laudet: credens illum & velle, & posse salutem suam in omnibus promoveri.

CAPVT XII.

*Epilogus seu omnium in his quinque libris
dictorum Compendium.*

Compendiariam hîc docere, bene-
vole Lector, cogitamus, & hujus
institutionis de conformanda vo-
luntate nostra cum divina, summam &
epitomen dare, ut semper sit in oculis,
quod cupimus semper esse in animo.

Eam ob causam imagines etiam huic
rei significandæ adjecimus. In singulis
illarum geminum cernis tam divinæ
quam humanæ voluntatis symbolum.
Cor aurea corona redimitum oculis di-
vinam voluntatem subjicit, quæ non
tantum optima, rectissima, imperans
omnibus, sed & immutabilis sibi que
semper simillima; *Lilium* & *Gladium*
utrinquesecus habet, nam & præmio &
supplicio mortales afficit. *Cor* alatum
humanæ voluntatis symbolum corol-
lam è rosis, subinde è pavonum pennis,
contextam habet: Velle nostrum varia-
bile atque inconstans, tunc solum lau-
dabile, cum suis se alis, suis se desideriis
ad cor & voluntatem divinam evehit,
aut certe non reluctatur, cum evehitur
aliunde vel attrahitur. Voluntas huma-
na tanto felicior semper, quanto divinæ
conjunctior est.

Alterum divinæ voluntatis symbo-
lum *Sol* est, humanæ *Heliotropium*. Inter
solem & hunc florem summa est ami-
citia.

itia. Obtutu religiosissimo eoque assiduo Solem velut suum dominum flos te sequitur: nec densæ nubes, quicquid generationis aut obsequii hoc est, impediunt. Minus flore sapimus, nisi pariter divinam voluntatem nostra comite-
tur, ut affecla calamitate nulla separabilis. Cetera istarum imaginum, tuæ, mi Lector, interpretationi permittimus.

Haftenus dicta digessimus in hunc ordinem.

Et primo quidem libro egimus de *Divinae voluntatis Cognitione*. Altero, de *Humana voluntatis ad divinam Conformatione*: Tertio, de hujus *Conformationis Emolumentis*. Quarto autem, de *Conformationis istius Impedimentis*. Quinto denique, de *eiusdem Conformationis Adjumentis*. Hæc jam summam & compendio sic trademus, ut ea quidem quæ dicta sunt non temere repetamus, sed dictis confirmationem addamus.

I. *Divinae Voluntatis COGNITIO.*

De hac erudite Bernardus: Formido- *Bern.*
losa est, inquit, scrutatio Majestatis, at *serm.*
voluntatis tam tuta quam pia. Quid ni *62. in*
tota diligentia scrutando instem sacra- *Cant.*
mento voluntatis Dei, cui mihi paren-
dum per omnia scio? Quis autem ille
tam infelix, qui id nolle audeat, quod
certus est Deum velle, aut quod certus
est eum nolle, id velle præsumat? Quis
ille tam protervæ frontis, tam exhausti

ruboris homo, qui dicere non vereatur: Volo potius meam, ô Deus, quam tuam fieri voluntatem, quia meam utilio- rem tua judico. Ego ipsi mihi providebo; æternæ providentiæ tuæ me totum com- mittere, nec securum nec tutum est. Hæc forsan dicere pudori ducimus, non item facere. O multos nimis modice verecundos qui voces has quidē dete- stantur, sed voce solum, non re & factis. Hîc profecto grande periculum est, dum infeliciter nobis blandimur, & palpando nosmetipsos seducimus. Nam dissimulamus Dei voluntatem nosse, dum nostram facere, & aliquam de ignorantia habere volumus excusatio- nem. Præclarissime hîc instruens Ber- nardus: Propterea rogo vos, inquit, dili- genter attendite, quia nihil mihi occur- rit quod utilius possitis audire. Vbi cer- ta est Dei voluntas, omnino nostra se- quatur, in his videlicet, in quibus cer- tum aliquid in scripturis invenimus, aut ipse spiritus manifeste clamat in cordi- bus nostris, quid sentiendum sit, ut est Charitas, Humilitas, Castitas, Obedien- tia: hæc approbemus indubitanter & appetamus, quæ placere Deo scimus indubitanter. Sed & ea omnimodis o- disse debemus, de quibus certum est quod oderit ea Deus, ut est fornicatio, impatientia. In his vero rebus, in qui- bus nihil certi possumus invenire, nihil certam voluntas nostra definiat: pen- deat

*Bern.
serm.
Quo-
modo
voluntas
nostra
divina
subjici
debeat.
mihi
p 402.*

leat inter utrumque , aut saltem neutri parti nimis inhæreat , cogitans semper ne forte altera pars Deo magis placeat: & parati simus voluntatem ejus sequi, in quamcumque partem eam cognoverimus inclinari. Nemo super his quæ certa sunt hæsitet, nemo dubia pro certis admittat , nemo sibi in dubiis iudicium vendicet , præcipitetve sententiam, & experiemur quod scriptum est: Pax multa diligentibus legem tuam Domine, & non est illis scandalum. Ergo quod certum est Deum velle, id nos velimus omnino : & quod certum est eum nolle , similiter execremur & nos: quod autem incertum est utrum velit aut nolit, neque velimus ex toto, neque penitus non velimus.

Hæc longe utilissima Bernardi instructio dubiis omnibus occurrit , defectibus actionum nostrarum omnibus medetur. Exemplo demonstratur id quod dicimus. Egenis stipem largior: Hic sane nescio , velitne Deus à me fortasse plus erogari. Ergo ad divinam voluntatem confugio : Mi Deus , si scirem te velle in eleemosynis dandis me largiorem esse; utique mox essem largior. Pari modo : Per horæ partem preces in eo ; Mi Deus, si nossem te velle prolixius me precari , abjecta omni cunctatione id facerem. Eodem modo: Iejunia in eo; Mi Deus si exploratum mihi esset te velle strictiorem aut crebriorem in-

diam me tolerare, promptissimus id ex-
 querer. Idem in omnibus aliis actioni-
 bus factitandum, cum Deo sic semper
 paciscendo: Mi Deus, ita hoc, ita omnia
 alia facere vellem, prout tu à me id fieri
 velles: quod si ego minus assequor vo-
 luntatem tuam, tu meam instrue, impel-
 le, coge prout vis; posside me, mea vo-
 luntas non sit mea amplius, sed tua, pro-
 inde tu illa ut tua utere. Hic iuvenit il-
 lam Ecclesiæ precatiunculam crebrius

Oratio
 in sa-

cris, pri-

die Do-

minica

passio

ni, &

Dom

4. post

Pente-

ost

* Psal.

142.

24. IO.

iterare: *Oblationibus nostris quasumus, Do-
 mine placare susceptis, & ad te nostras etiam
 rebelles compelle propitius voluntates. Sed &
 brevissimum illud vel uno die centies
 repetiisse proderit: *Mi Deus, doce me
 facere voluntatem tuam. Aut: Domine quid
 me vis facere?*

Hinc etiam ad callidissimas illas dia-
 boli quæstiunculas in promptu respon-
 sio est. Solet interdum dæmon interro-
 gatiunculis urgere hominem: Si quis
 tibi hoc illudve objiceret, quid respon-
 deres? in hoc illove rerum eventu quid
 consilii caperes? Si spes tua te falleret,
 si quod ambis negaretur, quid oro fa-
 ceres? Mille talia versutissimus arguta-
 tor ingerit, & ut cautius irretiat, vera
 falsaque miscet. Frequenter rem eo mo-
 do proponit, ut utram in partem aliquis
 se flectat, muscipulam inveniatur, perple-
 xus fiat, & noxia non careat. Tutissi-
 mum hic non respondere: victus es si
 cum vaferrimo Sophista hoc cœperis
 dispu-

disputare. Ergo disputationem cum adversario tam subtili ne ingredi, sed velut compressis oculis hoc unum opponere: Si velit hoc Deus, & ego volo: si nolit, & ego nolo: divinæ providentiæ ac voluntati me totum do, dico, addico; in Dei arbitratum quantus quantus sum transii; sicut Deo placuerit, sic fiat. Hoc uno divinæ voluntatis clypeo diaboli tela omnia eluduntur: sic vincitur disputator ex Orco, sic sua homini tranquillitas conservatur. Ad uberio-rem autem divinæ voluntatis notitiam plurimum conducet arbitror, sequens præceptio.

Memorant virum tam eruditum quā *Ioan. Taule- fin. ser- monum de Sanctis, mihi p.* 443.
pium, morti jam vicinum ab amicis & cognatis rogatum hoc modo: Quando-
quidem ad æternitatis ostium jam staret, & ad illas oras, ubi placidissima quies, pararet abitum, hoc unum se rogare, sui aliquod monumentum relinqueret. Non abnuo, inquit æger, hanc rem vobis gratificari paratus sum. Multa de Deo deque virtutibus me differuisse memini, nunc dissertationum mearum omnium epilogum, imo virtutum omnium Summam, omnis doctrinæ breviarium dabo. At scitote, sæpe nobis exiguum videri, quod ad divinam æstimationem maximum est. Virtutum ergo summarium hoc est: Omnia quæ nobis Deus evenire permittit, æqualiter ab illius manu accipere, nec aliud un-

quam velle, quam omnia ad divinæ voluntatis perpendiculum facere. En, cognati optimi, hæc omnium virtutum epitome, hoc summarium est omnium virtutum. Sed quæretis forsan, quis modus sit divinæ voluntatis in rebus omnibus cognoscendæ? Modum ergo hunc habetote: Si quis in omnibus ita se affectum sentiat, ut si Dei voluntatem perspectam haberet, eam sine mora sequeretur promptissime; hic à Dei voluntate non facile aberrabit; implebitur agnitione voluntatis Dei, & voluntas Dei in manu ejus dirigetur. Et quotalis à ratione & conscientia sæpe se impelli ac trahi persenserit, eo vocantem Deum secure sequetur: modo impulsus isti nil à sacris paginis, aut Ecclesiæ legibus alieni suadeant.

Sed hîc illud objeceris, quod plurimos pessime angit: Et unde, ajuunt, scio Deum & hoc, & istud, & illud velle? Tunc sane scis, mi Christiane, & hoc, & istud, & illud Deum velle, cum cernis permittere: si nollet, non permetteret: An Deus nolit, quod ab æterno permittere decrevit? Locupletissimum produco testem Augustinum, qui dilucidissime: Deus, inquit, quasdam voluntates suas utique bonas ita implet per malorum hominum voluntates malas, sicut per Iudæos malevolos bona voluntate Patris Christus pro nobis occisus est. Propterea magna opera Domini,

*Coloss.
cap. 3.
vers. 9.
If.
ea. 53.
ve. 10.*

*Ang.
tom. 3.
in En-
chir. c.
100.
ad
Laur.
Roma
Primis-
geriis.*

ni, exquisita in omnes voluntates ejus, ut miro & ineffabili modo non fiat præter ejus voluntatem, quod etiam contra ejus fit voluntatem, quia non fieret si non fineret; nec utiq; nolens finit, sed volens. Nec fineret bono fieri male, nisi omnipotens etiam de malo facere posset bene. Observa hoc, mi Christiane: *Non fieret, si non fineret, nec utique nolens finit, sed volens.* Quod ergo vides vel audis Deum permittere, scias velle. At dicces: Etiam peccatum permittit Deus. Ita est; sed non ignoras in omni peccato & culpam & pœnam, velut duos vermiculos in putrido dente, aut cariosa trabe delitescere; culpam non vult Deus, sed certe pœnam & ita quidem, ut omnem omnino pœnam non tantum in nos statuatur, sed ea nos ipse afficiat. hinc sæpissime peccatum punitur peccato, ita per facinus Absalonis incesti punitum est crimen Davidis adulteri. Eadem est ratio ceterorum.

Hanc eandem divinæ voluntatis cognitionem promovet illud Siracidæ præceptum: Omne quod tibi applici-

*Ecclesi.
cap. 2.
vers. 4.*

tum fuerit, accipe. Quid enim tibi poterit manus tui amans, & sapiens imponere, quod tibi non conveniat? Rex cæli pater tuus est, sapiens est, bonus est, omnia potest: cur in te permittat, nisi quod è re tua sit? Hoc ergo quod tibi

fit applicitum, qualecunque demum & à quibuscunque applicetur, id divi-

næ vo-

næ voluntatis esse scito, & ideo quam agnoscis, hanc & sequere voluntatem. Memento, ne ea quæ fiunt, velis arbitratu tuo, sed ita fieri, prout fiunt. Peccatum deme rebus contingentibus, & in omnibus providentiam ac voluntatem divinam facile agnosces. Optime Augustinus: Acquiris, inquit, pecuniam, perdis innocentiam, & vide directionem qua dirigit te Deus, ut omnia quæcunque vult, velis & tu: ipsa enim est directio. Quocirca prudentiæ aut providentiæ suæ nemo fidat: Medicus quidem, ait Tullius, ingravescentem morbum ratione providet, insidias Imperator, tempestates gubernator, & tamen ipsi sæpe falluntur, qui nihil sine certâ ratione opinantur. Incertæ sunt providentiæ nostræ, incertissimæ: Neminem fallit, nunquam fallitur divina providentia.

II. Humana voluntatis ad divinam CONFORMATIO.

Voluntatem divinam nosse non satis est, oportet & facere. Servus qui cognovit voluntatem domini sui, & non præparavit, & non fecit secundum voluntatem ejus, vapulabit multis. Rectè sequitur divinæ voluntatis notitiam humanæ cum illa Conformatio. Sanctissimam Dei voluntatem agnoscis? ergo & amplectere, & tuam illi subjunge. An forsitan hoc expectas, ut illa se tuæ subjiciat & conformet? Frustra es. Deus opera-

operatur omnia secundum consilium voluntatis suæ. Et fac velle hoc Deum, quod tu vis, tuo id damno vellet. Non potest esse bona voluntas, quæ non convenit cum omnium bonarum voluntatum norma & regula. Fundamentum est immobile: Pax hominibus bonæ voluntatis: at non potest non esse bona, quæ convenit cum optima voluntate.

Fit quandoque ut materfamilias hypocauftum reperiat plus æquo calefactum, putetque balneum se ingressam, non cœnaculum. Hinc bona mulier tota in fermento esse, & in ancillam bilem omnem effundere; stomachosis etiam vocibus sic illam objurgare: Eccur, improba, hypocauftum sic calefecisti? ad cœnandum huc convenimus an ad lavandum? quid opus frustra consumere lignorum tam grande pretium? utrimque nocet, & nobis, & lignis. At ancilla: Ne indigneris, inquit, ô domina, ita imperavit herus. Illa, mox ubi herum ita fieri voluisse audit, restringit bilem, & mitius loquitur, caloremque, ingratum alias, discit non sentire. Atque hic finis est pugnæ in verbosissimam litem alioqui protrahendæ. Tanti est illud unicum respondisse: *Herus ita voluit.* Idem nobis, in adversis omnibus mansuetum silentium persuadeat, hoc unicum cogitasse: *Deus ita voluit.*

Prosper. Eleganter & vere divus Prosper: Nec
in sent. aliquid in nobis, inquit, libera voluntas
ex Aug. melius agere potest, quam ut illi se cō-
gust. mendet, qui male agere non potest.
num. 318. Quæ cum ita sint, nihil rectius aut me-
 lius facere possumus, quam invictæ Dei
 voluntati nostram penitus submittere,
I. Reg. nec aliud unquam in animum admitte-
cap. 3. re quam quod Heli sacerdos dixit: Do-
ve. 18. minus est, quod bonum est in oculis
 suis, faciat. Plenissima philosophiæ ver-
Chrys. ba, vocat hoc effatū Chrysostomus, quo
lib. 3. seipsum Heli ad omnem æquanimi-
contra tem, etiam in adversis animavit. Bene
vitup. hoc quidem Heli, sed optime Christus:
vita Pater, si vis, transfer calicem istum à
monast. me, veruntamen non mea, sed tua vo-
Luc. luntas fiat. Prima petitio infirmitatis
sa. 22. fuit, altera virtutis; illud, inquit Leo,
ve. 42. optavit ex nostro, istud elegit ex suo; ut
 superiori voluntati cedat inferior. Fiat
 voluntas tua. Hæc vox Christianos in-
 struit, hæc martyres accendit, virgines
 confirmat, certantes animat, pusillani-
 mes roborat, jacentes erigit, mæstos re-
 creat, afflictos sanat. Tandem à Christi
Matt. voce illorum omnium vox una est: Pa-
sa. 26. ter mi, si non potest hic calix transire,
ve. 42. nisi bibam illum, fiat voluntas tua. Hic
 præstantissimus Dei cultus est, cum di-
 vinæ voluntati nostram penitus accom-
 modamus, & in ea conquiescimus im-
 mobili & imperturbata tranquillitate,
 sive prosperis nos Deus excitet, seu ad-
 versis

versis emendet. Hoc enim est quod assidue petimus: Fiat voluntas tua, sicut in cælo, & in terra. Neque enim solum precamur, ut Dei voluntas fiat à nobis, exequendo quod jusserit, sed etiam de nobis, & in nobis, sustinendo quicquid immiserit. Et hoc prisci Patres exercitium magnum vocabant, à Dei manu omnia accipere, quod Iobus & David exactissime præstiterunt. Ille: Dominus, *Iob.* inquit, dedit, Dominus abstulit; Sicut *cap. I.* Domino placuit, ita factum est, sit *ve. 21.* nomen Domini benedictum. Perinde si dicat: Dominus ista commodavit, nec à se abdicavit dominium; quod ergo suum est, repetere potest; sit ille benedictus, illi agantur gratiæ. Nec aliter rex David: Benedicam, inquit, Dominum in *Pf. 33.* omni tempore, & adverso, & prospero, *vers. 1.* utcunque ille mecum egerit. Hæc suæ voluntatis in divinam resignatio, supremæ perfectionis, & sinceri amoris opus est, summus enim amicitiae gradus est, idem VELLE & NOLLE. Sic homo sub jugum mittit affectus omnes, & ad divinam voluntatem se totum componit, lætusque canit cum beato Bernardo: Vita mea in voluntate tua, Domine. E- *S. Ber.* gregia Hieronymus de hoc differens: *nard.* Bonus est Deus, inquit, & omnia quæ *serm.* bonus facit, bona sint necesse est. Ma- *14. in* riti orbitas irrogatur? plango quod acci- *Cant.* dit: sed quia sic placet Domino, æquo *fere* animo sustinebo. Vnicus raptus est fi- *med.* lius?

Hier. lius? durum quidem, sed tolerabile; quia
ad sustulit ille qui dederat. Si cæcus fuero,
Paula amici lectio me consolabitur. Si audi-
de obi- tum quoque surdæ aures negaverint,
tu Ble- vacabo à vitiis: nihil aliud nisi Domi-
filla. num cogitabo. Imminebit super hæc &
 dura pauperies, frigus, languor, & nu-
 ditas? extremam expectabo horam, &
 breve putabo malum, puod finis melior
 subsequatur. Sanus sum? gratias refero
 creatori. Langueo? & in hoc laudo Do-
 mini voluntatem. virtus spiritus in car-
Iust. nis infirmitate perficitur. Cedendum
lib. de est, ait Iustinus martyr, voluntati Dei,
recta sicut lutum obsequitur suo figulo.
Conf.

Hæc omnia Ludovicus Blosius in cõ-
 pendium conferens auro scribendum:
 Qui veræ perfectionis amans est, in-
 quit, non à Deo solatium internum, non
 hoc aut illud præcipue postulare, sed e-
 jus gratissimam voluntatem votis om-
 nibus expetere debet. Licet enim illa
 alia peti possint in gratia, immoderatus
 ramen ea appetere, imperfectio est.
 Plane super omnia Deus à nobis exi-
 git, ut nostram voluntatem illi penitus
 offerentes, permittamus ipsum facere
 quicquid volet. Et per hoc vera pace in
 omnibus gaudemus. Multo acceptius
 Deo est, ut cum Apostolo ex animo di-
 camus: Domine quid me vis facere?
 quam si mira quædam ex voluntate
 propria pro illius amore nos libèter fa-
 cere velle dicamus. Super omnia namq;
 quæ

quæ vel dicere vel facere possemus, hoc nobis maxime exposcit Deus, ut intus in corde dicamus: Domine fiat gratissima voluntas tua. Inter omnes preces, quas Christus in hoc Mundo fudit, illa summa & excellentissima fuit; Pater, non mea sed tua voluntas fiat. Iucundum quidem est, dum pro gratia & virtutibus oramus, obtinere à Deo quod petimus: multo tamen delectabilius atque utilius est, potissimo Dei beneplacito se resignare. Vbi quis ad hoc pervenerit, ut seipsum ex toto resignans, & offerens Deo, omnia propter ipsum intus ac foris pati aut subire paratus sit: tunc revera cum ipso bene agitur & non ante. Bona voluntas virtutum omnium fundus sive fundamentum est. Vnius autem esse cum Deo voluntatis, id virtutes omnes excellit, & in hoc perfectio est. Quisquis enim ita bona præditus est voluntate, ut sese abneget ac propriæ renuntiet voluntati, seque liberrime resignet ac dedat voluntati Dei, ejus bona voluntas est perfecta, idemque absque formidine & anxia sui cura vitam transigit, & de vita æterna obtinenda quandam se sentit habere certitudinem. Eiusdem enim in omnibus cum Deo voluntatis est, & pacem habet cum Deo, & in Deo imperturbabilem. Moderate, suaviter, ac tranquille ferre novit & verba aspera, & truces gestus, sæva opera, & quicquid demum

injuriam, five in ipsum, five in amicos ejus conferri possit. Sedate, inquam, & æquanimiter tolerat omnia, quæ ipsi undecunque, five à Deo, five à creaturis quibuscunque accidere queant. Eum perturbare nihil potest, neque jactura terrenarum rerum, vel amicorum & cognatorum, neque corporis adversa valetudo, neque ignominia, neque mors, neque vita, neque purgatorium, neque dæmon, neque infernus. Quia enim ex vero amore divinæ se permittit atq; resignavit volūtati, & nullius mortiferi peccati conscientia tenetur, facile illi toleratu est, quicquid de eo fieri mandat Deus in tempore atque æternitate. Itaque cum aliquid patitur, & in omni rerum eventu, ita cogitat addicit: Domine, sicut ipse ab æternitate, antequam ego essem, voluisti, ita fiat, & non ut ego volo. Non meum commodum, non meam delectationem querere debeo, sed tuum honorem & tuam laudem. Gravior mihi est tua sancta voluntas, quam optandi libertas. En igitur me ipsum dedo, resigno, & permitto tibi Deus meus, non in tempore modo, sed etiam in ævum sempiternum.

*Blos.
Farr.
Instit.
mihi.
pag.
592.
& seq.*

Plurimi sunt qui hunc aut illum vivendi modum, hæc aut illa bona appetant; sed plerumque totum quod agunt ex propria voluntate procedit. Itaque nihil equidem dicere dubitem, vel unicam

cam salutationem angelicam cum sui ipsius abnegatione ad gloriam Dei prolatam, meliorem utilioremq; esse multis psalteriis ex propria voluntate perlectis. Ira Blofius.

Millies ergo ingeminandum, quod piissimus hic scriptor toties inculcans: Verissima devotio, inquit, in humillima sui resignatione sita est: quando videlicet homo non solum in abundantia, sed etiam in penuria & mœrore, & aliis quibuscunq; casibus ac evētib; in sanctissima Dei voluntate plenissime acquiescit. Nam, ut optime Chrysostomus & Bernardus: Humilitatis summa in eo consistit, si voluntas nostra per omnia divinæ voluntati subiecta fuerit.

*Idem in distis
Patrū
ca. 11.
mihi
pag.
611.
Chryf.
hom. 3.
in
Matt.
Bern.*

Epiſtetus haud aliter: audi dignissima quæ gemmis scribantur: Mihi quidem, inquit, optabile est à morte me invadi, nulla alia re, nisi voluntate mea curanda occupatum, ut perturbatione vacuus & liber dicere possim Deo; Nunquid præcepta tua violavi? nunquid ad alia sum abusus facultatibus, quas mihi dedisti? num sensibus? num te unquam incusavi? num gubernationem tuam reprehendi? Ægrotavi, quia voluisti. Ægrotarunt & ceteri, sed & ego volens. Pauper fui te volente, sed lætus. Non imperavi, quia tu voluisti. Nunquam appetivi imperium. Nunquid me unquam hac de caussa tristiores vidisti? Nunquid unquam vultu minus hilari te ac-

*l. supra
cit.
Epiſt.
l. 3. dis-
sert. ca.*

celſi? Paratus ſi quid mandes, ſi quid imperes: Vis me nūc ludorum celebritate abire? Abeo. Gratiam quam poſſum maximam habeo, quod me dignatus es ad ludos tuos admittere, & ad ſpectanda opera tua, & adminiſtrationem tuam intelligendam. Hæc me cogitantem, hæc ſcribentem, hæc legentem occupet mors. Quam hæc omnia Chriſtianè accipiam ſapienter!

Quæſtio inter duos naſcebatur ſuper dicto Gerſonis, cum alter interrogavit: Rectene Gerſon affereret, Iobum plus meruiſſe quod illatam à Satana ceteriſque ſuis hoſtibus injuriā patienter tulerit, quā ſi ſuo libitu opes ſuas omnes pauperibus erogaret? Rectiſſime, inquit iſte, nam præmio digni ſumus majori, ſi ærumnas undecunque ortas, ſine querela & expoſtulatione, ſine divinorum judiciorum reprehensione, ſine inimicorum accusatione & odio ſufferamus, quam ſi crebris jejuniis, flagris, ciliciis carnem maceremus. Tanti eſt propriæ voluntatis reſignatio. Contra vero impium eſt, tolerare nolle, quæ Deus per quoscumque demum immittit toleranda.

Humana igitur voluntas nunquam bona eſt, niſi quā divinæ conformis eſt; tanto autem ſeiſpa melior eſt, quanto divinæ conformior; illa demum voluntas cenſenda eſt perfectiſſima, quæ ſubjectiſſima divinæ. Hinc tantum quiſque proſi-

proficit in virtute, quantum in suæ voluntatis ad divinam conformatione. Et hoc libro secundo pertractatum.

III. *Humana voluntatis ad divinam conformatæ* EMOLVMENTA.

Verbo dixero: Humana voluntas cum divina in omnibus consentiens, panoplia est virtutum omnium. Nimirum ex hoc armamentario arma suppeditantur in omne genus calamitatum. Is certe qui suam voluntatem agglutinavit ad divinam, quicquid in rerum natura triste aut formidabile occurrerit, serena mente despiciens, hoc unum ingeminabit: Fiat voluntas Domini. Eripiantur ei opes, conflagrent ædes, dicet: Fiat voluntas Domini. Infestetur morbis, exagitetur doloribus, laceretur tormentis, etiamnum clamabit: Fiat voluntas Domini. Spolietur honore omni, contumeliis innumeris exagitetur, necdum suum illud desinet: Fiat voluntas Domini. Omnes illum homines divexent, omnes illi dæmones insultent; ruat cælum, pereat Orbis, pandantur inferi, vociferabitur adhuc: Fiat voluntas Domini. In summis calamitatibus, summum illius solatium, posse dicere: Sic Domino placuit; hoc vult Deus.

Bona interrogatus, quis in vita maxime videretur anxius? Illum arbitror, respondit, qui in maximis rebus cupit esse fortunatus; mille curis angitur ut asse-

quatur quod optat, affecutus torquetur ne amittat. Nimirum habere satagimus, non adepti dolemus, adepti timemus, movent erepta, sollicitant eripienda. Quisquis autem integre divinæ se voluntati permittit, hinc & hinc liber est, nec enim angitur quid acquirat aut perdat, sed quid Deus perdere se velit vel acquirere. At quomodo scit Deum hoc vel illud velle? Iam dixi: Quia cognoscit permittere. In hanc Dei permittentis voluntatem sic pridem transfudit suam, ut si omnia Orbis mala in se unum conjurent, hanc tamen illi ereptura non sint liberrimam vocem: Fiat voluntas Domini. Admirandum hoc animi robur, & quæ inde sequitur, tranquillitas inæstimabilis. Sed ordine videamus hujus in divinam voluntatem devotionis commoda.

Iob. Primum. *Pax & gaudium ingens.* Quis
cap. 9. restitit ei & pacem habuit? Recte Au-
vers. 4. gustinus: Fecisti nos Domine ad te, in-
Aug. quit, & inquietum est cor nostrum do-
l. 1. cō. nec requiescat in te. Proinde saluberri-
feff. mum Iobi consilium est: Acquiesce ei
cap. 1. (conformando tuam ad illius volunta-
Iob. tem) & habeto pacem, & per hæc habe-
ca. 22. bis fructus optimos. Cui convenit pium
ve. 21. illud monitum: Dixi tibi sæpissime, &
Thom. nunc iterum dico: Relinque te, resigna
de te, & frueris magna interna pace. Nihil
Kemp. profecto tam acerbum est, in quo æ-
lib. 3. quus animus solatium non inveniat.
ca. 37.

Quod

Quod autem in hoc Orbe majus uspiam possit esse solatium, quam sanctissimam Dei voluntatem in rebus omnibus amantissime complecti? Adhibeamus modo rationem difficultatibus, & nostram divinæ voluntati per omnia subdamus, hac una ratione facillime possunt & dura molliri, & angusta laxari, & gravia scite ferentes minus premere. Omnia nobis & facilia & jucunda, modo nos in omnem Dei arbitratum dedamus.

Secundum. *Singulares Dei ductus in rebus omnibus.* Nam qui adeo liberaliter divinæ voluntati se totum permittit, ut nil ardentius cupiat, quam illam in rebus omnibus & nosse & sequi, hujus certè vita momentis singulis sic à Deo temperatur & regitur, ut pæne in omnibus videat quid velit Deus, & ut omnia in suum cedant bonum. De Iosepho Ægypti prorege hoc asseritur: Fuitque Dominus cum eo, & erat vir in cunctis prospere agens: habitavitque in domo domini sui, qui optime noverat Dominum esse cum eo, & omnia quæ gererentur ab eo, dirigi in manu illius. Ita fit prorsus: homo divinæ voluntati deditus, ac devotus, in cunctis actionibus singulariter manu divina ducitur, & dirigitur ad intelligendam & exequendam Dei voluntatem.

Tertium. *Singularis animi demissio & constantia.* Cum enim hic talis, non mu-

Gen.
ca. 39.
vers. 2.
& 3.

tabilibus rebus suam voluntatem applicet, sed immutabili Deo affigat, ac cum eo sic unus efficiatur spiritus, ut velit quod Deus vult, nolit quod ille non vult, quamvis caduca hæc & mortalia labantur, & fluant, & mutantur, & pereant, ipse tamē stat semper idem, sicut idem est cui perpetuo inhæret.

1. Ioā. cap. 2. ve. 17. Bern. serm. 21. in Cant. circa med. Mundus transit & concupiscentia ejus (inquit Ioannes) qui autem facit voluntatem Dei, manet in æternum. Venuste Bernardus : Eris, inquit, inter ad-versa & prospera mutabilium temporum, tenens quandam æternitatis imaginem, utique hanc inviolabilem, & inconcussam constantis animi æqualitatem, benedicens Dominum in omni tempore, proindeque vendicans tibi, etiam in hujus mutabundi sæculi dubiis eventibus, ceterisque defectibus, perennis quodammodo incommutabilitatis statum, dum te cœperis renovare & reformare, in insigne illud antiquum similitudinis æterni Dei, apud quem non est transmutatio, nec vicissitudinis obumbratio, quippe sicut ipse, ita & tu eris in hoc Mundo, nec in adversis timidus, nec in prosperis dissolutus. Constantiam repræsentaturi, rupem pingunt marinis fluctibus cinctam, cum inscriptione : EADEM SUM SEMPER : Homo divinæ voluntati devotus hoc idem dixerit in omni sorte. Deprimunt adversa? *Idem sum.* Extollunt prospera?

Idem

Idem sum. Flagellat Deus? *Idem sum.* Solatur? *Idem sum semper.* Qui facit voluntatem Dei, manet in æternum.

Quartū. *Felix & sua, & aliena salutis procuratio.* Qui sui sensus ac propositi tenax est, cum se non facile alio finat inflecti, multas necesse est sibi vias obstruat, & opportunitates recte agendi intercipiat. Neque tantum seipsum, sed & alios impediet, quo minus ad optatum finem pertingant. Nihil deterius quam sic esse suum. Væ filii desertores, clamat *Isai. ca. 30. vers. 1.* Isaias, ut faceretis consilium & non ex me, & ordiremini telam, & non per spiritum meum. Vultis esse vestri: finam esse, sed in supplicium. nam brevi nec vestri eritis nec mei. Homo cerebrosus, & sui arbitrii, non raro aliis, sibi sæpissime & molestus, & noxius est. At vero qui non suo semper iudicio stare, nec suo vivere ingenio cupit, sed se ad omne unius divinæ voluntatis momentum librare novit, hic & sibimet ipsi semper, & aliis prodest sæpissime. Nam in omni eventu, etiam pessimo ac turbatissimo, exempla is suppeditat optima omnigenæ virtutis, neque enim aliud fere audietur dicere quam hoc unum: Sicut Domino placuit, ita factum est, fiat voluntas Domini. Ita quo eū Deus vocat, advolat, & quo avocat, revolat, nec aliter quam rex David loquitur: Si autem *2. Reg. ca. 15. ve. 26.* dixerit mihi: Non places, præsto sum, faciat quod bonum est coram se.

Quintum. Fastigium & culmen est Christiana perfectionis hæc humanæ voluntatis cum divina Conformatio. Fructus enim lucis est in omni bonitate, & iustitia, & veritate: probantes quid sit beneplacitum Deo. Nimirum, hoc primum hominis Christiani studium est, exquirere quid velit Deus, quave ratione sanctissima Dei voluntas colenda sit, & exequenda, ut in re qualibet, & quovis momento, cum Paulo dicat: Domine quid me vis facere? & cum Christo, Fiat voluntas tua de me, in me, circa me, per me, tam in vita quam in morte, tam in tempore quam in æternitate. De hoc tali homine Chrysostomus: Melior est, inquit, unus faciens voluntatem Domini, quam innumeri peccatores. De hac tali mente Isaias: Vocaberis, inquit, *Voluntas mea* in ea, quia complacuit Domino in te. Qui virtutibus omnibus studere vult compendio, hoc agat; suam voluntatem affigat divinæ, & jam virtutes omnes perdidicit. Multum facit, qui rem bene facit, optime facit, qui promptius divinæ quam suæ se voluntati subjicit. Hoc est quod Orbis ecclesiastes Paulus tanta sollicitudine urget, quod tanta diligentia commendat, quod suorum auribus toties inculcat, & Idem eo, inquit, & nos ex qua die audivimus, non cessamus pro vobis orantes & postulantes, ut impleamini agnitione voluntatis ejus, in omni sapientia, & intellectu spiri-

Ephes.
cap. 5.
vers. 9.
& 10.

Chryf.
tom. 3.
hom. 8.
in Act.
Apost.
Isa.
ca. 62.
vers. 4.

Coloss.
cap. 1.
vers. 9.
& c. 4.
ve. 12.

spirituali, ut ambuletis digne, Deo per omnia placentes, facientes voluntatem Dei ex animo. Ut stetis perfecti, & pleni in omni voluntate Dei. Idem hortatur Augustinus: Stantem te, inquit, in-^{Aug. in ps. 86.} veniat omnis casus. Vere stat, & omnem calamitatis impetum impavidus excipit, qui suam divinæ voluntati jam transcripsit: Stantem hunc inveniunt omnes casus. Mentem divinæ voluntati adstrictam nullæ hostium vires avellunt. Fare age Susanna, quid pateris, quibus in periculis luctaris? Angustię mihi sunt undique: omnibus rebus urgeor; me plurima depressum eunt, timor, sollicitudo,^{Dan. ca. 13. ve. 22.} horror; angustię undequaque affluunt. Sed quid dicis, aut quid agis sic anxia animi, atque incerta? *Melius est mihi abs-*^{Ibid.}
que opere incidere in manus vestras, quam peccare in conspectu Domini. O vocem plusquam virilem, ô constantiam invincibilem! Susanna judicat suavius esse mori, quam divinæ voluntati non obsequi: In quascunque, ait, angustias adducat, quibuscunque calumniis infamet, quocunque mortis genere afficiar, nihil quidem ego, præter tuam, mi Deus, voluntatem ante oculos statuo; satius est millies perire, quam voluntatem tuam vel semel deferere. En, ô Christiane, Virtutum Panopliam in femina! Stantem invenerunt Susannam moestissimi casus. Animus divinæ voluntati devotus supra omne omnium malorum impe-

rium est: fastigium & culmen attingit, ubi semet in divinæ voluntatis sinum suavissime infudit.

Blos. Præclare abbas Lætiensis Blosius:
Farr. Quando nobis Deus, inquit, præsentia
Instit. suæ consolationem subtrahit, adeoque
mhi se à nobis elongat, ac si inter ipsum &
pag. nos densissimus murus interpositus sit;
 542. quando item nos in angustiis, afflictio-
 nibus ac miseriis nostris veluti relinquit
 (sicut Christus à Patre suo relictus fuit)
 & perinde nos quasi confugientes ad
 se neque videre neque audire vellet, so-
 los certare finit: tum in ipsa nostra de-
 solatione immobiles permanere, & in
 nulla mortali creatura vel negotio so-
 latium quærere debemus, nisi in illo
 duntaxat verbo, quod & Christus ipse
 dixit: *Fiat voluntas tua.* Hoc verbum &
 jucundissimum, & Deo gratissimum est.
 Beatus qui illud ex animo tunc dicere
 potest. Et hæc humanam voluntatem
 cum divina conformatam emolumenta
 comitantur. Sed quia non desunt quæ
 impediunt, ideo tertio quartus liber ad-
 nectendus fuit.

IV. *Humana voluntatis ad divinam con- formanda IMPEDIMENTA.*

Voluntas humana tetriorem in Orbe
 pestem nullam invenit seipsa. Hæc illa
 remora est, & omnium gravissimum im-
 pedimentum, quo minus divinæ volun-
 tati se subdat mens humana. Summum
 homi-

hominis malum, voluntas propria, non consentiens cum divina. Cum intellectum & voluntatem arctissimum amicitiae vinculum copularit, in proclivi est, si voluntas cuiuspiam rei cupiditate flagret, intellectum non solum ad consentiendum, sed etiam ad comprobandum, quod cupit, induci. Est enim intellectus tanquam Iureconsultus, qui blanditiis & numis corruptus leges explicat non ad mentem legislatoris, sed ad votum largientis: ita voluntati difficile non est, intellectum in suos errores quadam familiaritatis suavitate deducere. De propria & mala voluntate scite Anselmus: Solus Deus, ait, quicquid vult, debet velle propria voluntate; ita ut aliam, quam sequatur, non habeat super se. Cum igitur homo vult aliquid per propriam voluntatem, Deo aufert quasi suam coronam: sicut enim corona soli regi competit, sic propria voluntas soli Deo: & quemadmodum regem gravissime læderet, qui coronam ei auferret, sic homo Deum plurimum offendit, qui sibi rapit quod Deo convenit. Sed sicut propria voluntas Dei, fons est & origo totius boni, ita propria voluntas hominis totius est exordium mali. Ita est prorsus; nihil impedimentorum deest, ubi propria voluntas adest; mille sunt obstacula, cum unica voluntas claudicat.

*Ansel.
simil.
cap. 83*

Ah, quid resistimus miseri, quo minus
nos

nos ultro dedamus Deo, & constituamus nostram in divina voluntate? Omni jure divinæ voluntati obligatissimi sumus. Quicquid enim sumus, non uno sed plurimis nominibus Dei sumus, velimus nolimus. Ille nos condidit, ille reparavit, ille adhuc conservavit. Illi debemur nos omnes ut Conditori, ut Liberatori, ut Conservatori. Servi sumus & natura, & emptione. Et nos scilicet præscribemus Deo, quid de nobis statuere debeat: sua re non utetur Deus arbitrato suo, sed libidine nostra? Quid præposterum magis? Quapropter si esse volumus, qui esse debemus, ministri Dei, nutu & arbitrio illius omnem vitam, & singulas vitæ actiones instituire nos decet, ita quidem, ut Dei voluntate non probante nec pedem, neque digitum moveamus, sed hoc unum summo studio agamus, ut ad amussim & perpendiculum divinæ voluntatis omnia perficiamus, idque quanta possumus animi alacritate. Ecce, sicut oculi servorum in manibus dominorum suorum, ita oculi nostri vigilant, ut universos natus & indicia divinæ voluntatis observent. Ite degeneres, ite spuria vitulamina, si vestris vos placitis & arbitrio delectet vivere; nimis grande hoc servi supercilium est, & intolerabilis arrogantia, si ea tantum mandata velit persequi, quæ sibi probantur, & allubescunt. Et quid indignius, quàm ut homo Christiani sanguis-

Psal.

122.

vers. 2.

sanguinis, qui quotidie rogat, ut Dei voluntas à se & in se perficiatur, suam tamen audeat divinæ voluntati antepone-
re, velitque certo iudicio, quæ patienda sunt, sibi deligere, illis aut illis miseriis involvise finat, non aliis; illac tenus calamitosus fieri sustineat, non ultra. O nimis emunctæ naris, & perfrictæ frontis homines! Si molestiæ ac cruces essent, quales nos esse vellemus, cruces non essent. Si Deo velis serio placere, hoc tibi ab ipso petendum, ut te ducat quo ipse iudicat & vult, non quo tu putas & vis. Periculosum impatientiæ genus est, cum nobis ipsi eligimus, quæ toleranda censemus, perinde si dicamus, ut quandoque etiam dicimus: *Hoc patiar, hoc non; istud tolerabo, illud minime.* Non hoc fervorem est, sed Domini. Recte Au-
Aug.
lib. 10.
confess.
ca. 26.

Damnat non immerito Plato illam vulgi precationem: Deus det tibi quicquid velis: Imo nunquam det, inquit, sed faciat ut velis quod ipse vult. Hæc enim est pura religio; sic te religes Deo.

Plato
in Cri-
tone.

Hoc ergo summa voluntate conemur, ut ad Dei arbitrium nos totos fingamus; instar mille legum sit, unicum Dei VELLE. Suavia sint an acerba, cum à Deo sint, sine recusatione omnia, & sine exceptione perferenda sunt. Quidam di-
vinæ

vinæ voluntati se dedunt sed cum exceptione, pæne ut priores illi. De his optime religiosissimus scriptor: Quidam se resignant, inquit, sed cum aliqua exceptione: non enim plene Deo confidunt, ideo sibi providere satagunt. Quidam etiam primo totum offerunt, sed postea tentatione pulsati ad propria redeunt, ideo minime in virtute proficiunt. Domine, quoties me resignabo, & in quibus me relinquam? Semper & omni hora: sicut in paryo, sic & in magno; nihil excipio. Alioquin quomodo poteris esse meus, & ego tuus, nisi fueris ab omni propria voluntate, intus & foris spoliatus? Quanto celerius hoc agis, tanto melius habebis: & quanto plenius & sincerius, tanto mihi plus placebis, & amplius lucraberis. Si enim voluntas prompta est, secundum id quod habet accepta est, non secundum id quod non habet; dixit beatus Paulus hoc sensu. Vis & meritum virtutis in prompto voluntatis studio consistit, non in magnitudine factorum aut numero.

Thom. de Kemp. lib. 3. ca. 37. Hinc eleganter beatus Leo: Subinde, inquit, æquatur merito, qui distat impendio, quia potest par esse animus, ubi dispar est census. & Anselmus: Hic omnes, ait, tam pauperes quam divites æqualiter dant, si quisque ex tanto det quantum habet. Ut ergo seria sit & efficax voluntas, in actum sese ita exerat, secundum id quod habet, ut pro viribus aut opi-

opibus det, aut faciat quod potest, alio-
 qui tantum velle, non robusta censebi-
 tur voluntas. Volumus subinde sed lan-
 guidissime, & sine omni nervo. Sic o-
 lim Deus per Isaiam queritur: Scire *Isa.*
 vias meas volunt, quasi gens quæ justi- *ea 58.*
 tiam fecerit, & iudicium Dei sui non *vers. 2.*
 dereliquerit: rogant me iudicia iustitiæ:
 appropinquare Deo volunt. En egre-
 giam propriæ & flaccidæ voluntatis
 adumbrationem. *Scire vias meas volunt:*
 In consilia & decreta divina, eorumque
 rationes inquirunt, quare permittat
 Deus populum in Babylone detineri, &
 indigna pati; mirantur jejuniis se atte-
 ri, & à Deo non audiri: quin etiam *ap-*
 propinquare Deo volunt, non vitæ sancti-
 monia, sed ut cum eo disputent, ejus-
 que iudicia examinent, & in jus vocent.
 Horum hominum hodieque affatim est,
 qui semper queruntur male secum agi,
 cum enim caduca bona inhient, inique
 ferunt, ea sibi non largissime à Deo sup-
 peditari; inter divinæ voluntatis cultor-
 es censerì volunt, sed volunt frigidis-
 sime; neque enim ad Dei voluntatem,
 quam jactant, suam applicant. Proxi-
 mus est nolenti, qui vult tam frigide.

Ioannes à Kempis, Thomæ frater, *Ioan.*
 natu major, vir religiosissimus dicere *Busch.*
 solebat: Volumus esse humiles, sed sine *de Vir.*
 despectione; patiētes, sed sine tribulatio- *illust.*
 ne; obediētes, sed sine coarctatione; pau- *Wim-*
 peres, sed sine defectu; virtuosì, sed sine *des. co.*
 labore; 35

labore; poenitentes, sed sine dolore; Volumus laudari, sed sine virtute; amari, sed sine bonitate; honorari, sed sine sanctitate. Sic velle non multo dignius est quam nolle. Sic quandoque vivere volumus, nec tamen volumus mori, ut iure nobis obijciat Angelus, quod illi mortem deprecanti: Pati timetis, exire non vultis, quid faciam vobis? Quid hinc respondere par sit, Bernardus docet, & voce præit: Vivere erubescō, quia parum proficio, & mori timeo, quia non sum paratus. Paratissimus eris, mi homo, si tuam divinæ voluntati delegaveris. Proinde sibi quisque persuadeat: Hæc mihi justo Dei iudicio, aut in delictorum poenam, aut in virtutis exercitationem, aut præmii augmentum eveniunt. Sane qui certo in animum suum induxerit, à Deo optimo parente sive immittente, sive permittente, hæc omnia provenire, gaudebit adversis, nec homini aut hosti ea imputabit, sed divino favori.

Ecquid obsecro luctamur, quin nos

Isa. voluntati Dei quam integerrime im-
sa. 45. pendamus? Væ qui contradicit fictori
vers. 9. suo, testa de Samiis terræ. nunquid di-
Hier. cet lutum figulo suo quid facis? Ecce
sa. 18. sicut lutum in manu figuli, ita & vos
vers. 6. in manu mea. Nunquid dicit figmentum
Rom. ei qui se finxit: Quid me secisti sic? An
cap. 9. non habet potestatem figulus luti, ex
v. 20. eadem massa facere aliud quidem va
21. in ho

in honorem, aliud vero in contumeliam? Quid igitur, ô lutum, ô testa Samia, figulo tuo resistis, cur non divinæ voluntati te formandum plenissime cōmittis? Cedamus seu volenti, seu nolenti Deo, moniti sequamur meliora. Tam præclare quam vere dixit ille apud Mo-
gūtinos in æde summa ecclesiastes: Nisi ^{Ioan} cor nostrum se immergat in divinam ^{Ferus} voluntatem ac beneplacitum, nunquam ^{in Ec-} potest amaritudinem suam expellere. ^{clesiast.} Animam nostrum modo hæc, modo alia ^{cap. 9-} torquet amaritudo. Huic malo frustra ^{vers. 7a} medemur, frustra prorsus, nisi penitus, prout instruimur, in divinam voluntatem immergamur. Qui benignam & amantem Dei voluntatem spreverit, justam sentiet.

V. *Humana voluntatis cum divina confes-*
manda ADIVMENTA.

Principem hîc locum tenent, *divina providentia cognitio*, & quæ ex hac oritur, *constans in Deum Fiducia*. Seria cogitatio de Dei providentia, unicum est remedium adversus innumeras easque stultissimas hominum sollicitudines. Quid enim vero stultius, quam à Deo optimo Maximo minima non sperare, qui maxima ultro largiatur? Millies & repetendum, & inculcandū illud Iobi: Nihil in terra sine causa fit, nihil, nihil; nec etiam quidquam rerum minutissima. ^{Iob.} ^{cap. 4.} ^{vers. 6.} *Æternæ providentiæ manus hæc*

omnia versat sapientissime. Non casu nobis mala eveniunt, neque è terra germinant ut herbæ. Ab alto sunt omnia. Eam quam aliqui fortunam fingunt, nos altissimam Dei providentiam agnoscimus. Divinæ providentiæ consilia sunt abscondita quidem, sed justissima; sunt à divina providentia rerum progressus occulti, sed certissimi. Sortes mittuntur in sinum, sed à Domino temperantur. Dum hîc vivimus, sortes nostræ velut in sinu vel urna videntur esse incertæ, dum eas mors extrahat: sed tamen quod alii præ aliis ad opes, ad honores capeffendos evocentur, non fortunæ, sed providentiæ Dei, qui cuncta & vel minima quæque sic temperat, ut illis fors felicitatis obtingat, hi ea excidant, non casu, sed Dei certissima ordinatione.

*Prov.
16.
v. 33.*

*Aug.
Ench.
ca. 96.* Augustinus hoc astruens: Non fit aliquid, ait, nisi omnipotens fieri velit, vel sciendo ut fiat, vel ipse faciendo. Ideo *Pf. 30.* rex David tanta fiducia: Ego autem, inquit, in te speravi Domine, dixi, Deus meus es tu, in manibus tuis sortes meæ: Omnes vitæ mortisque vices à tua pendent providentia & voluntate; non vivam, nisi quamdiu tu volueris, non moriar, nisi quando tu quoque volueris; vivendi ac moriendi fors omnis in tua manu versatur.

*Cass.
P. 46.
in
Christ.*

Sigismundo Imperatori annis compluribus famulus fuit, qui æpiuscule sorti suæ graviter indignabatur; & vero

rem indignam esse, servos optime meritos, tam parum liberaliter haberi; in eos tantum spargi munera, qui jam antea opibus affluerent, ceteros tot annorum servitio exhaustos vix ullis unquam munusculis hilarari; præposteram hanc esse liberalitatem, quæ in vasa jam plena effunderet. Inaudiit Cæsar se ab aliquo suorum perstringi: Vt ergo dicacitatem hominis mitissima objurgatione corrigeret, & os satis importunum obstrueret, hoc ingeniose commentus: Pyxides duas parari jussit æqualis omnino formæ ac magnitudinis, & illam quidem auro, hanc plumbo impleri, pari tamen pondere præcepit. Iamque accersitum hominem humanius affatus: Vt scias, inquit, non mihi benefaciendi animum, sed tibi gratiam accipiendi beneficia defuisse: En tibi duas has pyxides, utramque plenam, unam auro, plumbo alteram, tu jam liberrime quam velis, elige; alterutra tua est: ea enim quam abdicaveris, proximo cuique dabitur. Ergo age, res tui arbitrii est. Hinc miser æstuarè, modo hanc, modo illam pyxidem curiosissime contemplari, jamque istius, jam & alterius pondus manu explorare, sed æqualissimum deprehendere, nec ullum auri aut plumbi vestigium reperire, sic incertus & anxius diu deliberare, & nihil magis quam plumbeam paupertatem perhorrescere. Arrecto demum animo, velut si auream fortu-

nam jam manu teneret : Augustissime Imperator, inquit, hanc retinebo. Retinebis, ait Cæsar, hanc ipsam, & tibi gratias ages, si potuisti non errare. Protinus aperta est pyxis illa post longum examen delecta, quæ cum plumbum exhiberet, Imperator occasionem nactus : Vides, inquit, tuæ paupertatis causam mihi homo, non mihi, sed divinæ providentiæ adscribendam? hinc tibi non Cæsaris, sed Dei voluntas defuit : Si Deus annuisset, hunc errorem tua manus non commisisset. Optime igitur rex David : Dixi, ait, Deus meus es tu, in manibus tuis sortes meæ, omnes viæ meæ periodi, quin imo singula momenta sic à Deo reguntur, & ordinantur, ut omnia, si quidem ego ipse velim, in meum cessura sint bonum. Eadem in hoc omnium hominum est ratio. Augustinus verissime: Nihil fit, aiebat, in ista totius creaturæ amplissima quadam immensaque Republica, quod non de summi Imperatoris aula aut jubeatur, aut permittatur, secundum ineffabilem justitiam premiorum atque poenarum. At nos incautissimi oris, & nullius fere providentiæ homines, modo culpam diabolo impingimus, modo hominis illius negligentiam, modo imprudentiam istius, modo quorundam malevolentiam accusamus : jam æmulorum invidia (ut putamus) nobis obstruit, jam cognatorum fraus impedit, jam cessant amicorum

sub.

*Aug.
in sent.
ad
Prosp*

subsidia, jam miseriæ nostræ causa est domesticorum nequitia: Nunquam desunt in quos causam & culpam transferamus; & cæci divinam providentiam rebus omnibus maximis minimis moderantem non suspicimus. Quid homines accusamus, ô homines? Homo, *Aug. in 2^a.* inquit Augustinus, nil potest in hominem, nisi Deus illi det potestatem. *32.* Equè parum in nos possunt diaboli, ceteroqui ad hæc inferiora miscenda, turbanda, evertenda potentissimi. Sed illos Deus velut rabidos canes sic constriktos tenet, ut sine permissu divino, ipsi nihil sint, nihil possint, nec porcos quidem insidere, nisi annuente Domino. Hanc Dei providentiam Iobus accuratissime agnorat, ideo tantis gratiarum actionibus ærumnas suas salutarat. Iobo certe diaboli, & omnes hostium cunei, non tantum non ovium greges, sed nec unius oviculæ flocculum rapere potuissent, nisi Deus singularem ejus rei licentiam dedisset.

Quid, quod eadem hac Dei providentia decernente, omnia etiam rationis expertia tanta ratione in suos quæque fines tendant, ut ab omnibus divinæ voluntati obtemperetur exactissime. Si ne divinæ providentiæ legibus nihil omnino nascitur, nihil denascitur aut perit; nihil movetur, nihil quiescit. Illa suis omnia finibus destinat, & singulis præsidens intimeque insidens, propriam

cujusque indolem format, per quam universa in congruas sibi functiones se dirigi sinunt. Et solus homo rationis compos, gubernationi & legibus providentiæ divinæ se subtrahere, aut illam ad suos calculos revocare conetur? Rem mihi dixisse visus est, qui temeritati humanæ ingemiscens: Non est, aiebat, ullius artis aut scientiæ discipulus tam rudis & miser, qui tot magistros, doctores, criticos, censores patiatur, quot æterna Dei providentia ac sapientia, quæ justificatur à filiis suis. Verum, uti Gregorius loquitur, sapientes in sua sapientia, & astutia Dominus comprehendit, quando ejus consiliis humana facta etiam tunc congrue serviunt, cum regantur. Multæ cogitationes in corde viri, voluntas autem Domini permanebit. Sic divinum consilium, dum devitatur, impletur, sic humana sapientia, dum reluctatur, comprehenditur. Et quamvis homo dum peccat, divinæ providentiæ legibus non pareat, hoc ipsum tamen non perpetrat sine lege providentiæ, à qua vires accipit, quibus in suam perniciem abutitur, & ea finitur agere, quæ absque permisso agere non posset: ita certis circumscribitur limitibus, ne aliter aut amplius male agat, quam Deo visum fuerit permittere. Pulcherrime Augustinus: Non sic, ait, constituta sunt opera Domini, ut creatura in arbitrio libero constituta, creatoris superet voluntatem,

lantatem, etiamsi contra ejus faciat voluntatem. Non vult Deus, ut pecces, nam prohibet: tamen si peccaveris, non putes hominem fecisse quod voluit, & Deo accidisse quod noluit. Sicut enim vult ut homo non peccet, ita vult peccanti parcere, ut revertatur & vivat, ita vult postremo in peccato perseverantem punire, ut justitiæ potentiam contumax non evadat. Ita quicquid elegeris, Omnipotenti non deerit, unde suam de te compleat voluntatem. Sic omnia prorsus intra providentiæ divinæ ambitum conclusa sunt, ut eam nihil uspiam nec latentissima quidem, ac subtilissima cogitatiuncula possit effugere.

Hanc Dei providentiam agnovisse, est maximum gradum ad Fiduciam in Deū fecisse. Cum enim divina providentia sic pascat aviculas, ut sua illis alimenta, cubilia, tegumenta dispertiat; sic vestiat flosculos, ut suos illis odores, elegantias, colores distribuatur, quomodo filiorum oblivisci possit, quibus jus regni dedit? Cum ergo Deus maximam suorum, & pervigilem curam gerat, & nihil sine ipsius nutu & providentiæ consilio fiat, non est quod quidquam timeamus vel hominum potentiam, vel dæmonum terculamenta, vel bestiarum sævitiam, vel quicquid uterque orbis terribilium minatur. Si Deus pro nobis quis contra nos? Nec unicus è nostris pilus lædetur, Deo non volente. Neque ille nobis quid-

quam ab ullo irrogari sinet, quod non cedat in grande bonum, modo ipsi nobis non desimus, & quascunque demum illatas injurias quo par est animo excipiamus. Hac in Deum Fiducia im-

2. Reg. butus David: In te, inquit, curram ac-
 64. 22. cinctus, & in Deo meo transiliam mu-
 26. 30. rum. Est aliquid, tam potentem & ætate

jam fractum regem currere; longe plus est, indutum armis currere; vix credi potest eundem regem tanti esse animi,

Vide transilire. Nimirum has vires suggerit
supra Fiducia. Ita sanctus Ignatius verissime:
lib. 2. Nescitis, inquit, quantas vires habeat
cap. 5. magna in Deum Fiducia. Adeoque in
§. 111. hoc præcipue nostra elaborare debet

meditatio, ut hujus in Deum fiduciæ quam altissimas radices agamus. Estque nobis eo usque enitendum, ut pro re quacunque nata, mox ad istud divinæ providentiæ asylum, ceu munitissimam arcem, confugiamus ingenti cum fiducia. Ea de causa Bernardus omnibus

viribus ad hanc fiduciam unumquemque nostrum excitans: Crede ergo te

Bern.
Serm. 3. Deo, inquit, committe te ei, jacta in
in vig. eum cogitatum tuum, & ipse te enu-

Nativ.
Dom. triet, ut fiducialiter & fideliter dicas:

Dominus sollicitus est mei. Neq; enim hoc sapiunt homines amantes seipsos, curam carnis perficientes desideriis, surdi ad vocem dicentis: Omnem sollicitudinem vestram projicientes in eum,

ipsi

ipsi enim cura est de vobis. Nam sibi quidem ipsi fidere, non fidei sed perfidie est. Deo in omnibus fidere hoc virtutis est, & ita quidem fidere, ut nec scire quidem cupiamus, quid de nobis statuerit Deus. Quemadmodum opulentus dominus, ita domum suam fideli œconomo committit, ut ipse quid supellectilis domi habeat, jucunde ignoret, illud secum reputans, pauperis esse numerare pecus. Hoc in Ægypto Iosephus de hero suo: Ecce dominus meus, inquit, *Gen. ca. 39.* omnibus mihi traditis, ignorat quid habeat in domo sua. Hoc singularis in Iosephum fidentiae argumentum erat. Ita prorsus magnam is in Deum gerit fiduciam, qui pie simul & erudite nescire cupit, quid circa vitæ mortisque suæ periodos decreverit Deus, illud assidue versans animo, Deum & sapientissimum gubernatorem, & potentissimum regem, & optimū patrem esse, qui & providentissime norit, & efficacissime possit, & amantissime velit, cum vera bona suppeditare, tum vera mala avertere. Proinde huic uni & sapientissimo gubernatori, potentissimo regi, & optimo patri in omnibus sine omni trepidatione plenissime fidendum esse. Ruat jam Orbis, & ridebit homo sic fideps Deo.

Hæc illa sunt adjumenta, quibus in ipsa divinæ voluntatis penetralia suaviter deducimur. Quisquis divinam providen-

videntiam nosse didicerit, eidem se cōmittere nil dubitabit; qui autem hoc modo se Deo permiserit, huic facillimum erit in divinæ voluntatis jus atq; ditionem penitissime concedere, animo sic composito, ut ad unam atque unicam Dei voluntatem in rebus omnibus collineet, nec tantum non aliud jam velit, nolitve, quam quod Deus vult, aut non vult, sed etiamsi liceret sibi à Deī voluntate dissentire, nihilominus non aliud velle unquam aut nolle cuperet, quam quod voluntati divinæ placere sciret.

Hoc est quod Catharina Senensis rectissime monet, ut qui serio student virtuti, secretum DIVINAE VOLVNTATIS conclave in suomet sibi pectore struāt, hīc sese concludant, in eo perpetuo habitent, nec inde unquam vel curiosiorem oculum, vel liberiores manum, vel pedem petulantiores proferant, sed sicut apīs in alveari suo, aut in suo monili adhærescit gemma, sic illi in divina voluntate persistant constantissime. Virtutum omnium complexum brevi obtinet, qui ex animo totum se voluntati divinæ devovet.

Liv. Ad Antiochum regem missus est à se-
lib 45. natu Romano Cajus Popilius legatus
post cum his mandatis. Ut rex Antiochus se
init. bello, quo Ptolemæum laceſſebat, absti-
Valer. neret. Rex mira humanitate virum
Max. complexus, amicissimo vultu dextram
lib. 6. ei per-
cap. 4.

ei porrexit; at suam invicem porrigere noluit Popilius, & fronte ad majestatem composita: Seponamus, inquit, privatam amicitiam; publica jam curanda sunt, & una senatus consultum protulit, quo jubebatur rex aut Ægyptum non incessere, aut bellum habere cum populo Romano. Tabellas ab senatu missas ut legit Antiochus, dixit se cum amicis collocuturum. Cui Popilius: Moram, inquit, negotium non fert; tollenda est omnis cunctatio. Atque simul virga, quam manu gerebat, pavimentum denotavit, & in eo circulum describens: Prius, inquit, quam hoc circulo excedas, da responsum quod senatui referā. Non legatum locutum, sed ipsam curiam ante oculos positam crederes. Cōtinuo enim rex affirmavit fore, ne amplius de se Ptolemæus quæreretur. Actum demum Popilius manum tanquam socii apprehendit: sic eodem momento Syriæ regem terruit, Ægypti protexit. Idem pæne nobis quod Antiocho contingit; cum Deo amici esse volumus, sed in Dei voluntatem transire non lubet. Ergo filius in Orbem legatus à Patre missus divinæ voluntatis circulum circa nos designans: Non omnis, inquit, qui dicit mihi, Domine, Domine, intra-
Matt. ca. 7. ve. 21.
bit in regnum cælorum, sed qui facit voluntatem Patris. En, mi homo, in hoc circulo conclusus es, nec prius egredieris quam dixeris, num in arbitratam
Dei

Dei dedere te velis, an tuis placitis vivere. Si tibi pax cordi sit, si nolis esse hostis Numinis, si impium cum Deo bellum oderis, illico responsum dabis. Ah, mi bone Christiane, quid tergiversaris, quid deliberas, quid cunctaris? moram odit hoc negotium. Si sapis, regem illum imitaris, & paratissime respondes: Mi Deus, sanctissimæ voluntati tuæ me totum perfectissime trado, & adstringo, paratus omnia & agere, & pati, vivere, mori, prout tu volueris. In quibuscunque vel gravissimis etiam ærumnis summo mihi solatio erit rectissima voluntas tua. Hanc ego mihi nunc unam unicam & vivendi & moriendi regulam statuo; Fiat voluntas Domini, fiat, fiat. Variis omnia procellis disturbentur, furant arma mutuis concursibus, classes classibus frangantur, fora litibus dies perpetuos strepant, omnia negotiosis conatibus tumultuentur, hoc ego mihi negotii summo, ut ad unam atque unicam Dei voluntatem me totum componam. Iamq; illud intimo pectore amplector sanctissimum oraculum: Mundus transit & concupiscentia ejus: qui autem facit voluntatem Dei, manet in ÆTERNVM.

Joan.
cap. 2.
26, 17.

Laus Deo, B^{mæ} Virgini Mariæ, &
omnibus SS. Angelis,

INDICVLVS.

LIBER PRIMVS.

De Divina Voluntatis COGNITIONE.

CAPVT I. Hypotyposis omniaum quinque librorum: Duplex etiam fundamentum ponitur, & omnes omnino pœnas à voluntate Dei provenire ostenditur. Pag. 1

CAP. II. Quid, quomodo, quare, hoc illudve permittat voluntas Dei. 19

CAP. III. Quomodo per arcanissima iudicia Dei cognoscenda voluntas divina. 28

CAP. IV. Quomodo Dei voluntas in rebus omnibus agnosci possit. 40

CAP. V. In quibus præcipue consistat voluntas Dei. 53

LIBER SECVNDVS.

De humana voluntatis ad divinam CONFORMATIONE.

CAPVT I. Ingressus ad Conformationem humanæ voluntatis cum divina. 63

CAP. II. Quæ voluntas hominis ad hanc cum Dei voluntate Conformationem sit maxime idonea. 68

CAP. III. Quomodo voluntas hominis ad Dei voluntatem sit conformanda. 83

CAP. IV. Quo animo precandum: Fiat voluntas tua, sicut in cælo, & in terra. 97

CAP. V. Quæ sunt indicia & signa humanæ voluntatis ad divinam cōformata. 108

LIBER TERTIVS.

De humana voluntatis ad divinam conformata EMOLVMENTIS.

CAPVT I. Quantam animo tranquillitatem

conciliet, humanæ voluntatis ad divinam conformatio. 133

CAP. II. Fieriæ possit, ut quis nunquam tristet, & an id arte illa impetrandum, qua nostram divinæ voluntati conformamus. 142

CAP. III. Humanæ voluntatis cum divina conformitatem Deo gratissimum esse sacrificium. 153

CAP. IV. Omnem hominis perfectionem consistere in Conformatione humanæ voluntatis ad divinam. 167

CAP. V. Conformationem humanæ voluntatis cum divina, summum vitæ bonum esse. 175

CAP. VI. Conformationem humanæ voluntatis cum divina, cælum esse extra cælum, & veram vitæ beatitudinem. 184

LIBER QVARTVS.

De humana voluntatis ad divinam conformanda IMPEDIMENTIS.

CAPVT I. Conformationem humanæ voluntatis cum divina quæ maxime impediunt. 197

CAP. II. In quod exitium pertrahat voluntas propria, si non patiat, se frangi. 211

CAP. III. Voluntatis propria quæ ratione subjungenda sit divinæ in rebus adversis omnibus. 226

CAP. IV. Exemplum illius, stricissimum hominis recusantis divinæ voluntati suam subungere. 239

CAP. V. Quæ voluntatis propriæ contumaciam maxime confirmant. 24

CAP.

INDICVLVS.

CAP. VI. Quam nihil proprię voluntatis retinendum, tam in omnibus rebus arduis ac difficilibus, quam in ipsa morte. 256

LIBER QVINTVS.

De humane voluntatis ad divinam conformanda

ADIVMENTIS.

CAPVT I. Conformacionem humane voluntatis ad divinam consistere non posse sine magna in Deum Fiducia. 271

CAP. II. In quo Fiducia in Deum consistat. 279

CAP. III. Qua ratione in adversis firmanda & erigenda sit ad Deum Fiducia. 287

CAP. IV. Quanta in Deum Fiducia omnes sancti fuerint. 302

CAP. V. Quantis præmiis Deus humanam in se Fidu-

ciam remuneretur. 315

CAP. VI. Fiduciam in Deū sine cognitione divinz providentię vacillare. 324

CAP. VII. Quanta Dei providentia sit circa vitę necessaria. 339

CAP. VIII. Quanta Dei providentia sit in amicos. 352

CAP. IX. Quanta Dei providentia sit tam in amicos quam inimicos. 367

CAP. X. Quanta nihilominus plurimorum hominum de Deo sit dissidentia. 381

CAP. XI. E cognitione divinz providentię, magnam in Deum Fiduciam, & Fiducia veram cum Deo divinzque voluntate concordiam nasci. 405


CAP. XII. Epilogus, seu, omnium in his quinq; libris dictorum Compendium. 422


A P P R O B A T I O R. P. PROVINCIALIS.


HELIOTROPII quinque libros, quos P. Hieremias Drexelius, Societatis nostrę Presbyter, de CONFORMATIONE humane voluntatis cum divina scripsit, aliquot ejusdem Societatis Theologis censos, probatosque; Ego Gualterus Mundbrot, Societatis IESV per superiorem Germaniam Præpositus Provincialis, facta mihi potestate ab admodum R. P. N. Generali Mstio Vitellesco, in lucem dari permitto.


In cujus rei fidem auctori chirographum hoc dedi, officii mei sigillo munitum. Monachii die S. Pauli conversi
ANNO MDCXXVII.


Gualterus Mundbrot.











2688-921

